


УЧИНЧИ ҚИСМ

ОЛТИН ЎРДАНИНГ
КУЛАШИ

„Олтин Ўрданинг бутунлай хароб
бўлиши тўғрисида; шунингдек, унинг
подшоси тўғрисида ҳамда Русь ери-
нинг озод бўлганилиги ва улугворлиги
тўғрисида ва шонли Москва шаҳри-
нинг ша’н-шавкати ва гўзаллиги тўғ-
рисида“.

Қозон ғилномачаси



БИРИНЧИ БОБ

**XIV АСРНИНГ 60—70-НЧИ ЙИЛЛАРИДА ОЛТИН
ҮРДАДАГИ ФЕОДАЛ ТҮС-ТУПОЛОНЛАР**

„Низо'ғалвалар тинчиди; уни құзғотған
кимса Оллоқ таолоннан қаҳру газабига уч-
расын!“

*Мұхаммад пайғамбар тұғрисидеги
риғасыттардан*

„Үрләдә жанг ва түс-туполонлар аяқ олди“.
Никон Ыйлномасы

XIV асрғача Олтин Үрда чегараларига фақат жануби-шарқий Европаниң Днепр дар'есидан шарқ томонға (Крим ва Булғорни ҳам құшиб) қараб кетгандарының әмас, балқи Үрга ва Қуий Поволжье, Жанубий Урал, Дарбандгача бүлган Шимолий Қавказ, шимолий Хоразм, қуий Сирдар'ё ҳавзасидеги ерлар, Сирдар'ё ва Орол деңгизининг шимолидан то Ишим ва Сарисув дар'еларигача өзилиб кетгандарының даштлық ҳам кирган эди.

Шундай қилиб, XIV аср бошларигача Олтин Үрда территорияси мусулмонларнинг манба'ларида «Жұжи Үлуси» термини блан аталиб келинген ерларға түгри келарди. Броқ XIV аср бошларидан ә'тиборан «Жұжи Үлуси» иккита давлатта — Күк Үрда ва Оқ Үрда давлатларига бўлинib, булардан Оқ Үрда Күк Үрдага тоби' бўлиб қолди. Оқ Үрда территорияси га юқорида айтиб ўтилган жанубий Сирдар'ё ҳавзасидеги ерлар, шунингдек, Орол деңгизидан то Ишим ҳамда Сарисув дар'еларигача бўлган шимоли-шарқ томондаги даштлик ва шаҳарлар ҳам кирган эди. Оқ Үрда ажralиб чиққандан кейин Олтин Үрда деган термин, асосан, Күк Үрда ерларига нисбатан ишлатилади. Демак, XIV асрдаги воқиалартга доир манба'да Жұжи Үлуси ҳақида гапирилганда, икки үрда — Күк Үрда блан Оқ Үрда кўзда тутилади. Рус манба'ларини мусулмонларнинг манба'лари блан таққослаганда, шуни эсда тутиш керакки, йилномаларда ва бошқа рус ёдгорликларида учрайдиган «Синия Орда» термини, гарчи таржимада «Күк Үрда» («Синия Орда») ма'носини

берса ҳам, «Кўк Ўрда» номига эмас, балки «Оқ Ўрда» терминига тўғри келади. XIII асрдан XIV асрга ўтилаётган пайтда Жўжи Улуси Кўк Ўрда блан Оқ Ўрдага бўлинниб кетганлиги, бўларнинг ҳарбири Чингизхоннинг катта ўғли Жўжи авлодидан чиққан ўз династияларига эга бўлганлиги юқорида айтиб ўтилган эди. Жўжи Улуси ташкил топгандан кейинги дастлабки йилларда ва у юқорида кўрсатиб ўтилган иккита Ўрдага бўлинниб кетгандан кейин ҳам, XV—XVII асрлардаги Эрон авторларининг ёзишларича, Кўк Ўрда Жўжи Улуси қўшинларининг ўнг қаноти (бараункор, ўнг қўл)ни ташкил қиласди, я'ни шу ўнг қанотдаги ҳамма туманлар Кўк Ўрдада яшовчи кўчманчи аҳоли орасидан олинарди, Оқ Ўрда сўл қаноти (жаункор, сўл қўл)ни ташкил қиласди, я'ни шу сўл қанотдаги ҳамма туманлар Оқ Ўрда аҳолисидан олинарди².

Олтин Ўрданинг ҳарбий қудрати энг кучайган давр—Ўзбекхон замони (1312—1342) эди. Ўзбекхон ҳокимияти унинг ҳамма ерларида ҳам бирхилда нуфузга эга эди. XV аср араб тарихчиси Ибн Арабшоҳнинг ёзишича, Хоразмдан чиққан карвонлар Зой мобайнида Қримгача «хавф-хатарсиз» бемалол от-араваларда ўтиб борганлар. Отлар учун ем-хашак, карвон блан бирга бораётган одамлар учун озиқ-овқат олиб юришнинг ҳожати бўлмаган. Бундан ташқари, карвонлар ўзлари блан бирга йўлбошлөвчиларни олиб юргаганлар, чунки даштларда ва деҳқончилик районларида кўчманчилар ва деҳқонлар гавжум бўлган. Шунингдек, улардан керакли нарсанинг ҳаммасини сотиб олиш мумкин бўлган.³

Феодал даврнинг, тагин мусулмон Шарқининг кишиси нуқтаи назаридан қараганда, Ибн Арабшоҳнинг айтганлари Ўзбекхон ва ундан олдин ўтган Тўхта давридаги Олтин Ўрда хонлари ҳокимиятининг қудратини кўрсатадиган энг яхши далиллар.

Ўзбекхон ўлгандан кейин Жўжи Улусидаги вазият аста-секин ўзгарабошлади. Династиялар ўтасида чиққан ва жуда ишкал феодал тўполонларига айланниб кетган низо-жанжаллар натижасида ўрнатилган қаттиқ тартиб бузилабошлади.

Жонибекхон давридаёқ (1342—1357) тушкунликнинг дастлабки аломуатлари кўринабошлади.

Шарқ манба'лари ва рус ийлномачилари, Ўзбекхоннинг яхши фазилатлари бор эди, деб мақтаганилари дик, Жонибекхонга ҳам шундай яхши фазилатларни тақиб, уни бирқадар идеаллаштирадилар. Юқорида айтиб ўтилган «Искандар аноними» (Мунинаддин

¹ 10 000 кишилик қўшин амалда эса ҳарвақт бундан кам бўларди.

² В. Г. Тизенгаузен, кўрс. асар, II т., 232 бет (форсча текст), 127 бет (русча тарж.) («Аноним Искендер»—Мунинаддин Натанзи). Қарал. яна: Гаффорий, 270 бет (форсча текст), 211 бет (русча тарж.).

³ В. Г. Тизенгаузен, кўрс. асар, I т., 460 бет.

Натаңзий), Жонибекхон Күк Үрда (Олтин Үрда) да ислом динини жорий қилишда ғайрат блан иш олиб борди, мадраса ва масжидлар курдирди, уламою фузалоларни ўзига тортди, фанларга (асосан, диний илмларни тушунмоқ керак) кенг йўл очиб берди, маданий урф-одатлар ҳамда ахлоқ ўрнатди, деб алоҳида та'кидлайди¹.

Жалоирийлар династиясидан бўлган амир тўгрисидаги «Шайх Увайс² тарихи» деган асарнинг нома'лум автори (у Эрон ерларининг мустақил бўлишига ва Жўжи Улусининг бу ерларни босиб олиш йўлидаги ҳаракатига уларнинг қаршилик кўрсатишига айни тарафдор бўлган) Жонибек тўгрисида: «Унинг давлати гуллаб-яшнади ва қудрати ошди, лекин у (Жонибек, — А. Я.) Эронга кўз тикмоқда эди...»³ деб ёзган.

Жонибекхон Озарбайжонга нисбатан ўзидан олдин ўтган Олтин Үрда хонларининг традицияларини давом эттириди⁴. Ўзбекхон сингари Жонибек ҳам Озарбайжонни ўз ерларига қўшиб олишга ҳаракат қилди. Буни қилиш қийин эмас эди, чунки Хулагулардан бўлган Абу Саид 1335 йилда вафот этгандан кейин Хулагулар давлати парчаданиб кетган эди. Озарбайжонни турк-мўгуллардан бўлган Чўбонийлар династияси босиб олди. Династияга асос солган амир Хасанк деган кишининг укаси амир Ашраф — ёки, бошқача айтганда, Малик Ашраф (1344—1356), — Озарбайжонда мустаҳкам, лекин шу блан бирга талончи-мустабид ҳокимият ўрнатди. Бундан Озарбайжондаги ҳалқ оммасигина эмас, балки Озарбайжоннинг деҳқон зодагонлари ва савдогарлари ҳам ғазабга келди. «Шайх Увайс тарихи» авторининг сўзларига қараганда, «Табриз, Сарахс, Ардабил, Байликон, Берд ва Нахчивон»⁵нинг кўпгина хўжалари (бу ўринда савдогарлар) Жонибекхон ҳузурига келиб, ундан Озарбайжонда ҳокимиятни ўз қўлига олишни илтимос қылганлар.

Озарбайжонда Жонибекхонга содиқ бўлган ва Жўжиларнинг манфаатларини ёқлаб тарғибот олиб борган кишилар анча-мунча бўлган бўлса керак. Шайхлар, қозилар ва бошқа шулар сингари уламоларнинг намояндлари Жонибекхонни айниқса қаттиқ қўллаб-кувватлаганлар. Шу нарса характерлики, машҳур қози Му-

¹ В. Г. Тизенгаузен, кўрс. асар, II т., 230 бет (форсча текст), 128 бет (русча тарж.).

² Шайх Увайс 1356—1374 йилларда Ироқ блан Озарбайжонга ҳокимлик қилган.

³ В. Г. Тизенгаузен, кўрс. асар, II т., 230 бет (форсча текст), 101 бет (русча тарж.).

⁴ Жўжилар блан Хулагуларнинг муносабатлари тўгрисидаги масала А. А. Ализоданинг «Боръба Золотой Орды и государства ильханов за Азербайджан» деган асарида тўлиқроқ ёритилган. Изв. Акад. Наук АзССР, 1946, № 5 ва 7.

⁵ В. Г. Тизенгаузен, кўрс. асар, II т., 230 бет (форсча текст), 101 бет (русча тарж.).

ҳиддин Бағдои Малик Ашрафнинг сиқиқларидан Сарой Беркага кетиб қолган ва ўзининг ва'зларидан бирида Жонибекхонни Табризга қўшин тортиб боришга да'ват қилган¹.

Юқорида номи айтиб ўтилган Зайниддиндан бошлаб Эрон тарихчилари Жонибекхоннинг юришини батафсил гапирадилар. Жонибекхоннинг юриши эса Ужан гуруки²да (даҳлесиз яйлов деган жойда) Малик Ашрафнинг қўшинини тор-мор келтириш блан таомом бўлган. Бу жанг 758 ҳижрий йилда (=1357)³ бўлган эди. Озарбайжон оз вақтга, тўғриси, жуда қисқа бир муддатга Жўжи Улусига қўшиб олинган. Буни шу фактдан билиш мумкинки, Жонибекхон Озарбайжоннинг босш шаҳри бўлган Табризда ҳам ўзининг тангаларини зарб қиласбошлаган. Ўзбекхон замонида (1312—1342) Олтин Үрданинг тангалари «Саройда, Булғорда, Мокшада, Кримда, Азовда ва Хоразмда»⁴ зарб қилинар эди. Жонибекхон замонида бу пул зарбхоналарига яна Олтин Үрданинг ўзидағи Гулистан ва янги Гулистан деган жойлар, шунингдек, мамлакатнинг аввалги чегараларидан ташқаридағи Табриз ҳам қўшилди. Броқ Жонибекхоннинг Табризда зарб қилдирган тангалари жуда кам учрайди ва борлари ҳам фақат 757 ҳижрий йилгагина (=1356) ондидир. Жўжилар Табризда пул зарб қилишни кейинчалик давом эттирган бўлсалар керак, чунки 658 ҳ. йилда (=1357) таҳтга ўтирган Бердикекнинг номи блан Табризда зарб қилинган тангаларни биз учратмаймиз. Ўрта асрларда ўтган шарқ тарихчилари нинг берган хабарларига ишбатан бу тангалар бир ҳужжат сифатида анча ишончли манба'лар ҳисобланади. Жонибекхоннинг 757 ҳ. йилда Табризда пул зарб қилдириш фактининг ўзи шуни кўрсатадики, Жонибекнинг Озарбайжонни истило қилгандиги тўғрисида шарқ тарихчилари келтирган санадан (758 ҳ. й.) кўра биз юқоридаги санага кўпроқ ишонишимиш керак. Ма'lумки, Жонибек Озарбайжонни бўйсундиргандан кейин уерда узоқ турмаган, Олтин Үрдадаги ишлар уни ўз жойига боришини тақозо қилганилиги сабабли у ўғли Бердикек Табризда Ўлжой Хотун⁵ саройида ўз ўрнига кўйиб, Сарой шаҳрига қайтиб кетгани.

Олтин Үрда хонлари Озарбайжонни ўз давлатлари составига қўшиб олиш учун деярли бутун бир аср мобайнида кўп ҳаракат қилганлар. Озарбайжон, хусусан, шимолий Озарбайжон (ҳозирги

¹ В. Г. Тизенгаузен, курс. асар, (Ҳамдуллоҳ Қазвинийнинг «Тарихи Гузид» деган асарини давом қилдирган Зайниддин китобига қаранг), 223 бет (форсча текст), 94 бет (русча тарж.).

² В. Г. Тизенгаузен, курс. асар., 224 бет (форсча текст), 95 бет (русча тарж.).

³ 758 ҳ. й. (=1356 й. 25 XII — 1357 ҳ. 14 XII).

⁴ П. Савельев. Екатеринославский клад. ТВО, ч. III, в. 2, 1857, 216 бет — Марков. Инвентарный каталог мусульманских монет Эрмитажа, 444—449 бетлар.

⁵ «История Шейх-Увейса» [В. Г. Тизенгаузен, курс. асар, II т., 231 бет (форсча текст), 103 бет (русча тарж.)].

Совет Озарбайжони) ўзининг ажойиб ёзлик ва қишилик яловла-ри (Қорабоғ ва Муғон даштлари) блангина эмас, балки бой ша-харлари ва қишлоқлари блан ҳам кишини ўзига тортарди; бу ша-хар ва қишлоқларда жун ва ипак газлама, шунингдек, гилам тұқыци ҳұнармандылк сансати жуда ривожланган эди. Олтин Ўрда хонлари Озарбайжонни Хулагулар құлидан олиш учун құлларидан келган ҳамма чораларни күрганлар. Бунинг учун улар турли далилларни күрсатғанлар, шу жумладан, 1256 йилда Ҳалокуходоннинг юришида иштирок эттанникларини ва бунинг эва-зига келишувга мувофиқ уларга Орроннинг, я'ни шимолий Озар-байжоннинг берилиши лозимлігини эслатғанлар, бирнече бор юришлар қылғанлар (тұғри, бу юришлар ҳаргал мұваффақиятли бұлавермас эди), лекин Жонибекқа қадар Озарбайжонни құлға киритаолмаганлар. Ниҳоят, Олтин Ўрданнинг куч-кудрати юксалған давр келгандай бўлди: унинг территорияси айча кенгайди, айниқ-са, моддий ресурслари кўпайди. Броқ амалда бу ишонч ва кутил-ған нарсалар улар ўйлаганча бўлиб чиқмади. Олтин Ўрда юк-салиш даврида эмас, балки тушкунлик ва феодалликларга бўли-ниб кетиши арафасида турган эди. Феодал жамиятнинг ва Жўжи Улусининг бағрида аллақачондан бери кўзга кўринмайдиган бир процесс юз бермоқда — я'ни марказдан қочучи, феодалликларга бўлиниб кетуучи кучлар ўсиб бормоқда эди. Аслини айтганда, бу процесс XIII асрнинг иккимчи ярмидаёт бошланған ва сра тўхта-май давом қилиб келмокда эди. Нўгоҳонни эсга олайлик. Тўла-буғаҳон (1287—1290) ва Тўхтахон (1290—1312) замонларида Нўгоҳон то енгилиши ва ўлимига қадар (1300 й.) ўзи хон-ўзи бек, я'ни амалда Олтин Ўрдадаги ҳамма ишни таихо ўзи бош-қаручи бўлган. Нўгоҳ ўлгандан кейингина Тўхтахон мамлакатда вақтиңча тартиб ўрнатишга мұваффақ бўлган. Шу нарса харак-терлики, Тўхтахоннинг таҳт вориси бўлган Узбек (Олтин Ўрда ҳоқимиятнинг қудрати унинг номи блан боғланғандир) сарой ичиди фитна ва қонли террор уюштириш натижасида таҳтга ўтирган. Араб ва Эрон тарихчилари, гарчи турлича тафсилотлар блан бўлса ҳам, Узбекхоннинг ҳоқимиятни қандай қилиб қўлга олганларини бирхилда гапирадилар. Узбек Тўхтанинг ўғли бўлмай, жияни бўлган ва шунинг учун унинг таҳтга ўтиришга ҳақи бўлмаган. Э́тиборли амир Қутлуғ Темур-нинг ёрдамига таяниб, Узбек, «Шайх Увайс тарихи» авторининг сўзича, Тўхтанинг хонликка мўлжаллаган ўғли Элбосмишни ўлдирган. Узбек ўз мавқини мустаҳкамлаш ва душманлардан қутулиш учун Тўхтага яқин турган ҳамда ўлдирилган шаҳзода

¹ Рашидиддин асарыда Тўхтахоннинг фақат уч ўғли — Ёбориш, Иксар, Тугал-Буға — бўлганларига айтилади. Иксар деган исм хато ўқилган бўлса керак, бу, эҳтимол, Элбосар, балки, Элбосмиш бўлса керак. Қаранг: В. Г. Тизенгаузен, кўрс. II т., 229 бет (форсча текст), 100 бет (русча тарж.).

тарафдори бўлган бирқанча шаҳзода ва э’тиборли амирларни йўқ қилишга қарор берган. Олтин Үрдада ислом динини жорий қилиш юзасидан сарой ичида гурухлар олиб борган кураш ҳам буерда катта роль ўйнади. Кутлуғ Темур Ўзбекни қўллаб-қувватлаб, ундан ислом динини қабул қилдириш учун қат’ий бурилиш ясаш ва ҳали жуда кутили бўлган душманларга нисбатан кескин чоралар кўришини талаб қилди¹. Қандай бўлмасин, Ўзбекхон феодал сарой зодагонлари орасида қаттиқ ва қонли кураш олиб борганидан кейингина ҳокимият тепасига чиқкан. Олтин Үрда ёткоз қудратли бўлган даврларда сарой ичida ва ярим кўчманчи ҳамда ўтрок зодагонлар орасида тез-тез ихтилоф ва жанжалларнинг юз берганлиги тўғрисида юқорида келтирилган мисоллар Олтин Үрда давлатни ва жамияти ичida ўткир зиддиятлар бўлганлигини кўрсатади. Олтин Үрда ҳокимияти аслда фақат зўёзликка:чна асосланиб, давлатни ўз қўлида тутиб турган эди. Унинг территориялари истилочи татар (мўгул)ларга қараганда маданий жиҳатдан бекиёс юксак даражада турган бўйсундирилган халқлар блан тўла эди. Хоразм, Крим, Булғор, Шимолий Кавказнинг деҳқонлари ва шаҳар аҳолиси ўзларининг ўтмиш маданиятларига, ўзларининг бой экономика ва маданий базаларига эга эдилар. Улар Олтин Үрда хонлари қўл остига тушиб қолганларидан кейин ривожланишида давом қилсалар ҳам, лекин ўз маҳаллий династияларидан маҳрум бўлган эдилар, шахсий ихтиёрлари ўзларida эмас эди, ўз мол-мулклари ўзлари эгалик қилолмас ва, айниқса, ўз меҳнатларининг самарасидан ўзлари баҳраманд бўломасдилар. Деҳқонлар ҳам, ҳунармандлар ҳам, олимлар ҳам ўзларининг бирор ёққа юборијмасликларига ва оғир солиқ ҳамда мажбуриятлардан ташқари яна мол-мулкларининг тортиб олинмаслигига асло ишонаолмасдилар. Булар ўртасида Олтин Үрда ҳокимияти жабр-зулмдан иборат бўлганлиги ва унга нафрат блан қараганликлари тўғрисида гапириб ўтиришининг ҳожати ҳам йўқ; булар жумласига, асосан, деҳқон зодагонлари ва бой савдогар ўтроклар кирмас эди, чунки буларнинг кўпчилиги ўз савдо манфаатлари туфайли хон саройи блан боғланган эди, хонлар ва шаҳзодалар ҳам ўз моллари блан карвон савдосида қатнашардилар. Жўжи Улуси составига аҳолиси ўтрок ва деҳқончилик блан шуғулланадиган ўлкалар блан бирга турклар, турклашган мўгуллар ва мўгуллардан иборат жуда кўп кўчманчилар яшайдиган Ҷепоен даштлар ҳам кирад эди².

¹ Ўзбекнинг таҳтга чиқишидаги вазият тўғрисида Рашидиддиннинг асарини давом эттирган киши батафсил гапиради. [Қаранг: В. Г. Тизенгаузен, кўрс. асар, II т., 244—245 бетлар (форсча текст), 141 бет (русча тарж.), шунингдек, Ибни Халдунда бор — В. Г. Тизенгаузен, кўрс. асар, I т., 371 бет (арабча текст), 384—385 бетлар (русча тарж.)].

² Қуйида биз Жўжи Улусининг Даҳти Қишлоқ деб аталган кенг даштларида яшовчи кўчмакчиларкинг қабилавий состави устида муфассал тўхтalamиз.

Жұжи Улусидаги құчманчилар, әхтимол, үтрең халқлардан сон жиҳатдан күп бўлмаса ҳам, броқ сиёсий соҳада муҳим роль ййнаганлар. Құчманчи зодагонларнинг вакиллари—айрим құчманчи қабилаларга бошчилек қилған амирлар, беклар, ноёнлар¹ давлатнинг хўжайнинлари ҳисобланардилар, булар Олтин Үрда қўшинининг айрим қисмларида (марказ ва қанотларда) мингбоши, туманбеги ва ҳатто бундан ҳам йирик ҳарбий бошлиқ бўлиб хизмат қиласардилар. Буларнинг ба'зилари хон саройида яшаб, хон қўшинининг айрим отрядларига бошчилек қиласар, унчалик мураккаб бўлмаган марказий идоранинг айрим соҳаларига раҳбарлик қиласардилар, бошқалари Булғорда, Қrimda, Хоразмда ва бошқа ўлкаларда ҳоким бўлиб турардилар, учинчилари даштда яшаб, қўнғирот, манғит ва шулар сингари айрим қабилаларга бошчилек қиласардилар. Уларнинг ҳаммаси бирхилдаги одамлар эди—я'ни қўчманчи ёки ярим қўчманчи ва ярим үтрең қабилаларнинг феодаллари эдилар; улар жуда қайсарав ва ўз билганини қиласидиган одамлар бўлиб, ўз жойларида мумкин қадар мустақил бўлишга ва ба'зан ҳатто бутунлай ўзлари хон-ўзлари бек бўлиб олишга интилардилар; лапашантроқ ҳонлар даврида бош кўтариб чиқар, иғво ва фисқу фасодларни авж олдирадар, фитна ва тўполонлар уюширадар, қулагай пайт келиб қолганда, сарой ўзгаришлари қилиш ва ҳоказолардан қайтмас эдилар.

Бу одамларнинг ана шундай умумий хислатлари бўлишита қарамай, улар ўтасида муҳим келишмовчиликлар бор эди, бу келишмовчилик, дастлаб, шаҳарлар ва деҳқончилик блан шуғуллануучи маданий районларга муносабат масаласида эди. Уларнинг ба'зилари шаҳарларда ва деҳқончилик районларида яшаганликлари ҳамда ўзларнинг шахсий мулклари блан бу жойлар блан боғланганликлари учун үтрең ҳаёт кечиришга ва ислом динини қабул қилишга мойил эдилар. Бошқалари эса, аксиича, қўчманчи чорвадорлик ҳаётини афзал кўриб, аҳолиси үтрең бўлган бўйсундирилган ўлкалардан солиқ ва ўлпонлар олиб турилса, бас, дердиляр. Бу келишмовчиликлар табиий равишда сарой ичига ҳам кириб, унинг сиёсий ҳаётіда ба'зан жуда жиiddий алғов-далғовларга сабаб бўларди.

Юқорида айтгандардан шу нарса равшанки, Ибн Арабшоҳ эслатиб ўтган тартиб ва осойишталик аслда ташқи томондан кўринган ва шу блан бирга вақтича бир осойишталик эди. Бу зиддиятлар авж олиб, Олтин Үрдада тұс-тұполонлар бошланиб кетиши учун кичик бир зарбанинг, ҳатто кичик бир турткининг ўзи кифоя эди. Жонибекхон Озарбайжонни ва унинг пойтахти Табризни босиб олган 1356 йилни Олтин Үрдадаги мустаҳкам ҳокимият ва осойишталиктининг сўнгги йили эди, деб ҳисоблаш керак.

¹ XIII—XIV асрларда бу учала термин (арабча, туркча ва мўғулча терминлар) битта ма'нони, я'ни қўчманчи ёки ярим қўчманчи ҳарбий зодагонларнинг юқори табақасига мансуб одамларни билдирадар эди.

Бу даврдаги воқиаларни баён қилишга қайтайлик. Жонибекхон Озарбайжонда ҳокимликни ўғли Бердибекка топшириб, ўзи пойтахтга қайтиб кетди, деб юқорида айтилган эди. У йүлда бетоб бўлиб қолиб, уйига етмасдан вафот этган. Мусулмонларининг ва рус манба'ларининг кўпчилигига, Жонибекхон ўз ўғли Бердибекнинг ташаббуси блан ўлдирилган, дейилади ва фақат ба'зিбирларида гина, Жонибекхон касаллик орқасида вафот этган, деган гаплар бор. Жонибекхонининг вафоти тўғрисида Муиниддин Натаанзийнинг «Искандар аноними» дегани асарида батафсил гапирилади. Натаанзийнинг айтишича, Жонибекнинг касали оғирлашиб қолгандан кейин унинг бош амирларидан бири бўлган Тўғлибай Бердибекка унинг тездан етиб келишини ва хон вафот қилгудай бўлса, подшоликни ўз қўлига олишни илтимос қилиб хат ёзган. Ҳокимиятни ўз қўлига олишга шошилган Бердибек отасидан ижозат олмай туриб, шу ондаёқ йўлга чиқкан.

Бердибек Сарой Беркага кетаверишда, Дарбанднинг нариёнидаги бир ерда жойлашган отасининг қароргоҳига етиб келганда, Жонибек тузалабошлаган эди. Хоннинг ишонган кишиларидан бири унга ўғлининг келганини хабар қилган. Буни эшитган хон аччиқланиб, юқорида айтиб ўтилган Тўғлибой блан маслаҳатлашмоқчи бўлган. Ҳолбуки, Бердибекни чақириб келтирган шу одамнинг ўзи эканлигини хон асло билмаган. Тўғлибой жавобгарликдан қўрқиб, бу ишни мен ўзим текшириб кўрай, деган баҳона блан хон ҳузуридан чиқиб кетган ва орадан бироз вақт ўтгач, бирнече киши блан хон олдига кириб келган ва уни қароргоҳдаги гилам устида ўлдириган. Шу заҳотиёқ Бердибекни олиб кирилган ва шуернинг ўзида қароргоҳдаги амирларга қасам ичиргандар. Бердибекка қасам ичишдан бош тортган одамларнинг ҳаммаси шу гилам устида ўлдирилаверган¹.

Рус йилномасида қизиқ бир ҳикоя сақланиб қолган. Патриарх, я'ни Никон йилномаси 6865 (1357) йилда: «Уша йили Үрдада душманлик тўхтамай, тобора авж олиб борди», — деб ҳикоя қиласди. Сўнгра, давом қилиб, бундай дейилади: Жонибекнинг Тўвлубий, я'ни юқорида айтилган Тўғлибай (Тўғлубий) деган туманбеги бўлган. У ақлли, маккор ва этиборли бўлган. Олтин Үрдада энг катта одам бўлиб олиш учун у «Жонибекхоннинг ўғли Бердибекни кўкларга кўтариб мақтаб, унинг қулогига секинаси: «сенинг тахтга ўтириш пайтинг келди, отанг бўлса шоҳликдан кетса ҳам бўлади деган». Тўвлубий Бердибекни ўз отасини ўл-

¹ В. Г. Тизенгаузен, кўрс. асар, II т., 293 бет (форсча текст), 128—129 бетлар (русча тарж.). — Жонибек қандай вафот қилганини тўғрисидаги тафсилотни Ибн Халдун яхши билмайди ва шунинг учун икки хил фикр айтади — бири Жонибекнинг касаллик орқасида ўз ажали блан ўлганлиги тўғрисида, иккинчиси — ўлдирилганиги тўғрисида. Иккинчи фикрда, Жошибек бетоб вақтида кишсанлаб кўйилган эди, деб ҳам айтилсан (В. Г. Тизенгаузен, кўрс. асар, I т., 389 бет, 2-нчи изоҳ).

диришга күндиригән. Фитначилар ҳархил вадалар беріб, «Үрдадаги күп амирларни» ўз томонларига оғдириб олғанлар. Тайёрлик күриб бўлингандан кейин улар Жонибек ҳузурига кирганлар ва уни бўғиб ўлдиригандар¹. Шундан кейин «Бердивек шоҳлик тахтига ўтириб, ўзининг 12 та ака-укасини ўлдириганды: бадбаҳт амир, устоз ва маслаҳаттгўй Тўвлубийнинг қутқуси блан ўз отаси ва ака-укаларини ўлдириди...».

Жонибекнинг ўлдирилиши Жўжи Улусининг бундан кейинги ҳаётида жуда катта оқибатларга сабаб бўлган. Бердивекнинг хон бўлиши, унинг тахтига ўтиришидаги вазиятга қараганда, саройга яқин турган амирларнинг ҳаммаси томонидан ҳам ма'қулланмаган. Асосий феодал кучлар худди тўфондек ҳаракатга келган. Олтин Үрдада ўзаро урушлар бошланиб кетган; шу блан бирга яқингинада мустаҳкамдек бўлиб кўринган давлат ҳам тушкунликка юз тутган. Олтин Үрданинг ҳарбий зодагонлари Бердивекдан ниҳоятда норози бўлғанлар ва уни хон тахтининг да'вогарларидан бири бўлган Қулна ўлдириганды. Гарчи нумизматика ма'lумотлари бошқача бўлса ҳам, лекин ёзма манба'ларда², Бердивек фақат уч йил хонлик қилди, дейилади. Бердивек 1357 йилдан 1359 йилга-ча хонлик қилган, деб ҳисобланади.

Броқ Тетюш хазинасида кейинги йилларда зарб қилинган Бердивек танглари бор—булардан бири Гулистонда 761 ҳ. йилда (= 23 XI 1359—11 XI 1360) ва иккинчиси Янги Саройда 762 ҳ. йилда (= 11 XI 1360—31 X 1361)³ зарб қилинган. Шундай қилиб, Бердивекнинг хонлик қилган даврини икки йил кейинга (я'ни 1357—1361 йилларгача) суришга бирмунча⁴ ҳақимиз бор. Бу хонликнинг қандай характерда бўлғанлигини тасаввур қилиш учун П. Савельевнинг сўзларини эслашгина кифоядир, унинг айтишича, биз 762 ҳ. йилда «бир шаҳарнинг ўзида зарб қилинган тангларда бирин-кетин бешта хоннинг, чунончи Бердивек, Хизр, Темур Хўжа, Үрдумалик ва Келдивекнинг номини учратамиз⁵.

¹ ПСРЛ, X, Никоновск. летоп., 229 бет — Рогожск йилномачиси бу воқиави жуда қисқа тасвирласа ҳам, лекин «Йскандар аноними» сингари воқиаларнинг асосийларини баён қиласи, я'ни — Жонибек Озарбайжонни истило қилиб ва подшоликка Бердивекни ўтқазиб, «ӯзи орқасига қайтиб кетган, Йўлда нимадандир чўчиб, бетоблашган ва ўсал бўлиб қолган». Бердивек отасининг қароргоҳига чақирилган эди, у, амалдорлар блан тил бирктириб «ӯз отасини ўлдириганды, ака-укаларини эса қириб ташлаганды» (ПСРЛ, XV. вып., I, Рогожский летописец, 1922, 66 бет.)

² Ибн Халдун (В. Г. Тизенгаузен, курс. асар, I т., 389 бет). — «Аноним Искендер» [В. Г. Тизенгаузен, курс. асар, II т., 233 бет (форсча текст), 129 бет (русча тарж.)] — Ҳайдар Розий [В. Г. Тизенгаузен, курс. асар, II т., 272 бет (форсча текст), 214 бет (русча тарж.)].

³ П. Савельев. Тетюшский клад. ТВО. ч. III, в. 3, 1858, 391—392 бетлар.

⁴ «Бирмунча» дейишимнинг сабаби шуки, Бердивек ўлгандан кейин ҳам унинг номи блан пул зарб қилинган бўлиши мумкин.

⁵ П. Савельев, курс. асар, 392 бет.

Тангалардаги ва ёзма манба'лардаги ма'lумотларни бир-бирига тұғри көлтириш қыйин: ёзма манба'ларга күра, Бердібекни ўз укаси ва ракиби Қулна ўлдирған, Қулна номи блан эса фақат 760 ва 761 ҳ. йиллардагина зарб қилинған тангалар бор. 762 ҳ. йилга келиб Қулна пул зарб қылдырылған, чунки уни ҳам Наврұз деган ўз укаси ўлдирған, дейилади. Агар Қулна номи блан 762 ҳ. йилда зарб қилинған тангалар топылса, бундай зиддиятни бартараф қи-лиш мүмкін бўларди. Қулнанинг ўлдирилиши Олтин Үрдадаги ўзаро курашни кучайтириб юборди, холос. 1360 йилдан 1380 йил-гача ўтган йигирма йил ичида, я'ни Олтин Үрдада ҳокимият тепасига Тұхтамиш келган йилга қадар, буерда 25 тадан ортиқроқ одам хон бўлди. Аммо бу хонлар бир-бирови блан курашишдан бошқа нарсани билмади. Бу хонларнинг номлари бизга мусул-монларнинг манба'ларидан ва рус йилномаларидан, асосан эса, тангалардан ма'lум, чунки бу хонларнинг ҳарбири, ба'зан эса хонликни да'во қилючиларнинг ҳарқайсиси, Жўжи Улусининг ҳатто жуда кичкина қисмiga эгалик қиласа ҳам, ўз номида пул зарб қилдириган.

Олтин Үрдада шу йигирма йил ичида бўлиб ўтган воқиаларни миеулемонларнинг хроникаларидан кўра рус йилномаларнинг анча тўлиқ қилиб акс эттириши жуда характерлидир.

Қулнанинг ким томонидан хон қилиб кўтарилғанлигини билмаймиз. Рус йилномасида, у (Кульпа номи блан ма'lумдир) Бердібекни ўлдириди ва ўз тарафдорларнинг ёрдамига таяниб ҳокимиятни ўз қўлига олди, дейилади. 760—761 ҳ. йилларда Гулистанда, Янги Саройда, я'ни Сарой Берқада, Азоқда ва Хоразмда Қулна номи блан пул зарб қилинганилиги¹ фактининг ўзидан кўриниб турибдики, Қулна, гарчи оз вақт бўлса ҳам, лекин Олтин Үрданинг жуда катта қисмини ўз қўлида тутиб турган. Шу блан бирга 760 (=1358—1359) ва 761 (=1359) йилларнинг ўзида, ўша Азоқда, Гулистанда ва Янги Саройда Наврұз ҳам (рус йилномасида Наврұз транскрипциясида берилади) ўз номи блан пул зарб қилдириган, бу эса Қулианинг ҳокимияти ниҳоятда кучсиз бўлғанлигини ва Наврұз Қулнага қарашли ўлқаларни бирин-кетин ундан тортиб олабошлаганлигини кўрсатади. Наврұз тўғрисида мусулмонларнинг манба'ларида жуда кам ма'lумот бор. Низомиддин Шомий Дашиб Қипчоқ хонларини бирин-кетин санаб ўтиб, Наврұзни Келдібекдан кейин Черкасадан олдин хошлиқ қилган деб кўрсатади² ва унинг ҳақида бошқа ҳечқанақа ма'lумот бермайди. Шарафиддин Али Яздий ва «Турклар шажараси» номли асарнинг

¹ Бу тангаларни ўқигандан кейин чиқарылған хulosани батамом тўғри деб бўлмайди (Қараанг: П. Савельев. Тетюшский клад. ТВО, ч. III, вып. 3, 1858, 393 бет).

² Низомиддин Шомий, Tauer нашр. 1937, 13 бет.

автори ҳам хонларнинг янада тұлғыроқ рүйхатини берган вақтда Наврұзни Келдибек блан Черкаснинг ўртасига кирилган¹.

1361 йилда Наврұз үлдірілған. Уннің қандай вазиятта үлдірілганды, шуннингдек, уни үлдірган одамнинг хонлик даври тұғрисида, бир томондан, рус Ыилномасида ва, иккінчи томондан, «Искандар аноними»да (Мүнинніддин Натаңзий) муфассал гапирилған. Никон Ыилномаси авторининг айтишича, «Уша йили [6868—1360—1361] Шарқдан, Еңің дар'есіннің нариги томонидан Хидир деган қандайдыр бир подшо Волгабұйын подшолиги устига құşин тортиб келған ва Волга бўйи подшолигидаги Үрда амирлари мунофиқлик қилиб, Хидир, я'ни Еңің подшоси блан яширинча учрашабошлаганлар, Волгабұйын подшоси Наврұзга эса маккорлик қылғанлар².

Бу маҳфий музокаралар натижасыда Наврұзни Хидирга тутиб берғанлар. Хидир эса Наврұзни, уннің хотини малика Тойдұлани ва улар блан бирға Наврұзга содиқ бўлған Олтин Үрда «князълари» (амирлари — Ред.) ни ҳам үлдірган. Үрдадаги бу тұс-тұполонлар Рұсь учун жуда қулай бир пайт бўлған. Бир-бири блан ұкашишиб юрган хонларнинг ўзлари рус ва Литва князъларининг ёрдамига муҳтож бўлабошладилар, натижада хонликни да'во қылучи мўгуллар орасида гоҳ Москва блан, гоҳ Суз达尔 князълари блан, гоҳ Литва блан алоқа қилиш пайнга тушган турла гуруҳлар пайдо бўлди.

Рус Ыилномасида айтилишига кўра, Саройнинг янги хони Хидир ҳокимият тепасига келған вақтдаги вазият ана шундай эди. Бу воқиа 1360—1361 йилларда бўлиб ўтган. Мусулмонларнинг манба'ларида бу тұғрида нима дейилганингини кўриб чиқайлик. «Искандар аноними»да биз Хизр (Хидир) Оқ Үрдадан келган шаҳзода (ўғлон), Оқ Үрда хони Саси-Буғанинг ўғлы бўлғанлариги биламиз. Бу тұс-тұполонлар юз берәсттан 17 йил идора қылған эди. 60-нчи йилларнинг бошларыда Кўк Үрда (Олтин Үрда) амирлари Чимтойга Сарой тахтини олишни таклиф қылғанлар, броқ Чимтой бу таклифин қабул қылмаган ва ўзининг ўрнига укаси Үрда Шайхни юборған. Үрда Шайхнинг Саройга бориши фожиали бўлған, чунки у тез орада ўша ерда үлдірилған. Шундан кейин сиёсат майдонига Хизр (Хидир) чиққан. Хизрнинг тахтга ўтириш тафсилоти «Искандар аноними» да йўқ, шу сабабли йилномада бу тұғрида айтилған гаплар бирдан-бир ма'lумот ҳисобланади. «Искандар аноними»да айтилишича, Хизр мамлакатни фақат бир йил идора қылған³, лекин қайси йилда идора қылған-

¹ В. Г. Тизенгаузен, кўрс. асар. II т., 146 бет, 207 бет, 1-нчи изоҳ.

² Никоновск. летоп., 232 бет.— Қаранг, яна: Рогожский летописец, 70 бет.— Ҳикоя қисқа бўлиб, унда кишини қызықтирадиган тафсилотлар йўқ.

³ В. Г. Тизенгаузен, кўрс. асар, II т., 234—235 бетлар (форсча текст), 130 бет (руссча тарж.).

лиги айтылмаган. Рус үйлномасида, Хидир (Хизр) 6868 йилда (=1360—1361) таҳтта үтирган, деб хато күрсатылған. Шу нараса қызықки, Хизр номи блан 760 (=1358—1359), 761 (=1359—1360) ва 762 (=1360—1361) ҳижрий үйларда пул зарб қилинған¹, бу эса Хизрнинг таҳтта үтиришини бир йилдан ортиқроқ вақт илгари суришга ҳуқуқ беради. Шуниси ҳам борки, Хизр Наврұз блан хоиликни талашиб юрган пайтда, я'ни Наврұз үлдирилмасдан илгариәп пул зарб қылдира бошлаган бўлиши мумкин. Хизр ўз пулларини Гулистонда, Билод Гулистонда, Янги Саройда, Хоразмда ва Азоқда зарб қылдирған, бу эса унинг ўз хонлик ҳокимиятини жуда катта територияда амалга оширганлыгини күрсатади.

Хизр, афтидан, Үрдада мустаҳкам тартиб үрнатышга ҳаракат қылған; у Русынинг ишларига зўр бериб аралашган, уерга учта элчи юборган ва Москва улуғ князи Димитрий Ивановични (ке-йинчалик бу князь Донской лақабини олган) ўз ҳузурига чақирған. Уша вақтда бошқа рус князълари ҳам, масалан, Владимирдан улуғ князь Андрей Константинович Суздальский, Нижний Новгороддан унинг укаси, шунингдек, князь Константин Ростовский ва князь Михайло Ярославский Үрдага келиб кетганилар. Броқ Хизр (Хидир) тўс-тўполонларни бартараф қилиб, давлатда зарур тартиб үрнатышга мусассар бўлаолмади, чунки у кенжә ўғли блан бирга ўзининг катта ўғли Темур Ҳўжа уюштирган фитна натижасида үлдирилди². Темур Ҳўжа бор-йўғи 5 ҳафта хонлик қылған,³ 762 ҳ. йилда (=1360—1361) Янги Саройда пул зарб қылдирған.

Бу вақтга келиб Олтин Үрдадаги ўзаро курашлар жуда авж олди. Чингиз хонадонидан чиққан таҳт да'вогарларидан ташқари, яна ҳарбий мўғул аристократияси орасидан ҳам таҳтни да'во қилиб чиқуцилар пайдо бўлди. Шундай да'вогарлардан бири Олтин Үрданынг машҳур амири Мамай эди. Иби Халдуннинг айтишича, Мамай Бердібек даврида Олтин Үрдада катта роль ййнаган, Бердібекнинг бутун ишларини бошқарған ва унинг қизига уйланған.⁴ Мамай тўғрисида шарқ тарихчиларида жуда кам ма'lумот сақланған, XIV асрнинг 60-нчи үйларидаги Олтин Үрда тарихи ҳақида рус үйлномаси ва нумизматика ма'lумотлари асосий манба' ҳисобланади. Мамайнинг ҳокимият тепасига қандай қилиб келғанинги Никон үйлномаси жуда мазмунли қилиб тасвирлайди. Темур Ҳўжа хонлик таҳтига үтирган дастлабки кунларидан бошлабоқ Олтин Үрда амирларининг кўпи унга душманлик кўзи блан қараганлар.

«Уша йили.— деб ҳикоя қиласы үйлномачи,— Үрда туманбеги

¹ А. Марков. Инвентарный каталог мусульманских монет Эрмитажа, 464 бет.

² Рогожск үйлномачиси Хидирнинг үлдирилиши тўғрисида бошқача нақл келтиради. Уни Мурут деган укаси үлдирилган, дейди. Рогожск. летоп. 70 бет.

³ Никоновск. летоп. 233 бет.

⁴ В. Г. Тизенгаузен. курс. асар, I т., 389 бет.

Мамай ўз шохига қарши душманлик ишларини уюштирган ҳамда ўзи жуда кучли бўлган». Хонга қарши бош кўтариб, Мамай Ўзбекхон авлодидан бўлган Абдуллани (Абдуллоҳни) хон деб элон қилади ва унинг номидан иш кўриб, Темур Хўжага қарши қат'ни ҳужум бошлади. Йилномачининг сўзига қараганда, бу вақтда «Ўрдада жанг ва тұс-тұполон авж олган».

Тахт талашиб юрган хонлардан бирি бўлган Темур Хўжа Мамайдан яширинмоқчи бўлиб, Волганинг нариги томонига қочади ва ўша ерда ўлдирилади. Мамай Ўрданинг хўжайини бўлиб олади, аммо Чингиз авлодидан бўлмагани учун хон бўлаолмайди ва амалда ҳокимиятни ўз қўлига олиш блан чекланади, одамлар кўзи олдидা эса Абдуллани (Абдуллоҳни) номигагиňа ҳоким қилиб кўтаради. Никон йилномасида ёзилишича, бу воқиа 1362 йилда бўлган¹. Мамай даврида пуллар дастлаб Абдуллоҳ номи блан зарб қилинган. Бизгача етиб келган, Абдуллоҳ номи блан чиққанлиги шубҳасиз бўлган биринчи танга 764 ҳ. йилда (=21 XI 1362—10 X 1363) зарб қилинган. Бу эса йилномадаги ма’лумотларнинг тўғри эканлигини тасдиқлайди². Абдуллоҳнинг номи ёзилган тангаларнинг кўпчилиги Ўрдада, я’ни хоннинг ҳарбий қароргоҳида зарб қилинган. Бунинг сабаби шуки, Поволжъедаги шаҳарлар, айниқса, Сарой Берка фақат қисқа бир муддат ичидан Абдуллоҳ ва унинг ҳомииси туманбеги Мамай қўлида бўлган. Абдуллоҳнинг тангалари Ўрдадан ташқари яна Азоқда, Янги Саройда ва Хоразмдаги Янгишаҳрда ҳам зарб қилинган.

Олтин Ўрдада ҳокимиятнинг бирлигини сақлаш учун Мамай узоқ вақт кураш олиб боришига мажбур бўлган. Бир вақтлар Мамай блан Абдуллоҳнинг Келдивек деган кучли рақиби бўлган, Келдивек номи йилномада тилга олинади³. Унинг номи блан чиқарилган тангалар бизнинг давримизгача етиб келган. Булар 762 (=1360—1361) ва 763 (=1361—1362) ҳ. йилларда зарб қилинган.

Бу саналарнинг ўзиёқ Келдивекнинг Абдуллоҳдан деярли бир йил илгари, ҳарҳолда, Мамай Олтин Ўрда территориясининг катта бир қисмида амалда ҳокимиятни қўлга олмасдан бурун пул зарб қилдирабошлаганлигини кўрсатади. Демак, Келдивек бир вақтлар Хизр ва Темур Хўжа блан тахт масаласида кураш олиб борган: Хизр ва Темур Хўжанинг эса 762 ҳ. йилда (=1360—1361) зарб қилинган тангалари сақланиб қолган. Йилномаларнинг ма’лумотларига ва пуллардаги ёзувларга кўра, Келдивек 1362 йилда ўлдирилган. Келдивекнинг ўлдирилиш тафсилоти тўғриси-

¹ ПСРЛ, X, 233 бет.

² А. Марков каталогида Абдуллоҳ номи блан 762 ҳ. й. да (=1360—1361) Янги Саройда зарб қилинган танга кўрсатилган, броқ бу тангага ишониб бўлмайди, чунки «орқасида эски муҳр блан зарб қилинган» (А. Марков, кўрс. асар. 468—469 бетлар).

³ ПСРЛ, X, 233 бет.

да Рогожск йилномачиси бундай ҳикоя қиласи: «Ўрдада душманлик авж олди, Волганинг бир томонида Хидирнинг ўғли Мурут, иккинчи томонида эса Келдибек туриб, ҳар иккаласи жанг қилди ва натижада Келдибек ўлдирилди»¹.

Шундай қилиб, худди шу йили Мамай блан Абдуллоҳнинг янги рақиби юқорида айтиб ўтилган Мурут ёки, Никон йилномасида айтилишича, Олтин Ўрда пойтахти Сарой шаҳрини босиб олган подшонинг укаси² Амурат Хидирев бўлган. Чуқурлашиб борган низо'жанжаллар атрофга ҳам кенг ёйнилиб кетади, бу ҳодисани йилномачи ўша 1362 йилда бўлган деб кўрсатади. Олтин Ўрда давлатидан бирқанча ўлкалар ажralиб чиқабошлайди. «Ўрда амири Бўлат Темур Булғорни олди, ҳамда Волгабўйидаги ҳамма щаҳарларни ва улусларни босиб олди ва бутун Волга йўлини тортиб олди».

Бўлат Темур (Пўлат Темур)нинг Волгадаги савдо ва ҳарбий йўлларни босиб олиши блан бирга, Булғорнига ажralиб кетиши албатта, Олтин Ўрданинг бирлигига катта зарба етказди. Унинг кетидан Ўрданинг бошқа бир амири «Бездежли (ўша наручадли) Тўғай бутун мамлакатни эгаллаб, шу ерда туриб қолган»³. Наручад ери деганда, Мокшა⁴ дарёси бўйидаги ва мордвалар жойлашган областъни тушунмоқ керак.

Олтин Ўрдада бўлаётган воқиаларни Русъда диққат блан кузатиб борарадилар. 762 (=1360—1361) дан 764 (=1362—1363) ҳ. йилгача зарб этилган тангаларга қараганда, Олтин Ўрдада бир вақтлар икки ҳокимият ҳукм сурган; бу воқиани йилномачи жуда мазмундор қилиб тасвирлайди. «Ўша вақтларда Волгабўйи подшолигида икки хон бор эди: бири Мамайнинг Ўрдасидаги Абдула деган хон (уни туманбеги амир Мамай ўз Ўрдасига подшоҳ қилиб ўтқазган эди); иккинчиси Амурат деган хон (у Саройдаги амирлар блан бирга эди). Шундай қилиб, ўша иккала хон ва иккала Ўрда доимо бир-бири блан душман бўлиб, уруш қилиб турди»⁵. Амурат, ёки тангаларда кўрсатилганича, Мурид «Гулистанда, Янги Саройда ва Сарой яқинидаги Билод Гулистанда»⁶ ўз номи блан пул зарб қилдирган. Унинг рус князълари блан олиб

¹ ПСРЛ, XV, вып. 1, Рогожск, летоп., 1922, 73 бет — Рогожск йилномачиси Мурутга Хидирнинг ўғли деб нотўғри айтади. [Қаранг: «Аноним Искендер»] (В. Г. Тизенгаузен, кўрс. асар, II т., 130 бет].

² ПСРЛ, X, 233 бет. — Никон йилномаси Амуратни Хидирнинг укаси деб нотўғри айтган [Қаранг: «Аноним Искендер»] (В. Г. Тизенгаузен, кўрс. асар, II т., 130 бет)]. Мурут Эрзанинг ўғли бўлмиш Ўрда Шайхнинг ўғли бўлган ва, демак, Оқ Ўрда щаҳзодалари (ўғлонлари) га мансуб бўлган.

³ Бездежиниг қаерда бўлганингини А. Н. Насоновнинг «Монголия и Русь» деган асаридан қаранг, 120 бет, 1-инчи изоҳ.— Бездеж Сарой Берканинг шимолида бўлган.

⁴ Бу масалада А. Н. Насоновнинг юқорида кўрс. китобига қаранг (123 бет, 1-инчи изоҳ).

⁵ ПСРЛ, X, 233 бет.

⁶ А. Марков, кўрс. асар, 467—468 бетлар.

борған муносабатлағидан, күриниб турибдиқи, Амурат бир вақттар чинакам мұхим күчгә эга бўлган ва у блан ҳисоблашмай мумкин бўлмаган. Броқ бу вақтда хон ҳокимияти учун кураш иккى хон — Мурид блан Абдуллоҳ ўртасидаги кураш блангина чекланмаган. Янги Саройда 764 ҳ. йилда (= 1362—1363) Мир Пўлат пул зарб қилдирган, бундан ма’лум бўладики, пойтахт шаҳар Сарой (Сарой Берка=Янги Сарой) бирмунча вақт Мурид қўлидан тортиб олинган. Пойтахт учун ҳамавақт зўр бериб кураш олиб борилган бўлса керак, шу блан бирга Сарой хонларининг ҳар сафар ҳам қўли баланд келавермаган; бу нарса шу фактдан күриниб турибдиқи, Абдуллоҳ ўша 764 ҳ. йилда Янги Саройда ўз пулларини зарб қилдиришга мусассар бўлолган. Сарой Берка, шубҳасиз, қўлдан-қўлга ўтиб турган. Шу нарса характерлики, 764 ҳ. йилдан кейин Янги Саройда Абдуллоҳ номи блан зарб қилинган тангалар учрамайди. Абдуллоҳнинг сўнгти пуллари эса 771 ҳ. йилда (= 1369—1370) зарб қилинган. Демак, 764 ҳ. йилдан кейин Абдуллоҳ (шунингдек Мамай ҳам) Сарой Беркага эгалик қилолмаган.

Амурат (Мурид) нинг қачон ва қандай қилиб ўлганлиги тўғрисида рус йилномаларида гапирилмайди. «Искандар аноними»да, Мурид Жўжиларнинг Оқ Үрда тармоғига мансуб бўлган Үрда Шайхнинг ўғли эди, деган ма’лумот бор. «Искандар аноними» нинг автори, Муриднинг Сарой Беркада хонлик қилган йиллари тўғрисида ма’лумот бермай, у уч йил хонлик қилган, деб айтиб ўтади, холос. Бу фикр тангалардаги ёзувларга батамом тўғри келади, чунки Мурид 762—764 ҳ. йилларда пул зарб қилдирган. Тұс-түполонлар давридаги Олтин Үрда хонларининг кўпчилиги сингари Мурид ҳам қотиллар қўлида ҳалок бўлган. Муридни унинг бош амири Ил’ес—рус йилномасида кўрсатилган Мўғул Буганинг ўғли¹ ўлдириган. Шу авторнинг сўзига кўра, ўша вақтдаёқ Сарой тахтини Темур Хўжанинг ўғли² ва Үрда Шайхнинг невараси Азизхон босиб олган эди. У ҳам Абдуллоҳнинг рақиби сифатида уч йил хонлик қилган.³ Тангалардаги ёзувлар «Искандар аноними» берган ма’лумотларга ба’зибир тузатишлар киритади. Азизхон уч йил хонлик қилган бўлса ҳам, лекин у 764 (= 1362—1363) ҳ. йилдан эмас, балки 766 дан 769 ҳ. йилгача (= 1364—1367)⁴ хонлик қилган. Демак, Азизхон Саройга бирданыга кириб қелмаган, балки орадан бирмунча вақт ўтгандан кейин тахтга ўтирган. Ҳархолда, 765 ҳ. йилда (= 1363—1364) у Саройда бўлмаган (агар шу йили Янги Саройда у ҳақиқатан ўз пулларини зарб қилдирмаган бўлса: негаки у тангалар бизгача

¹ Никоновск, летоп., 232 бет.

² В. Г. Тизенгаузен, кўрс. асар, II т., 235 бет. (форсча текст), 130 бет (руссча тарж.).

³ В. Г. Тизенгаузен, кўрс. асар, ўша жойда.

⁴ А. Марков, кўрс. асар, 471 бет.

етиб келмаган бўлиши ҳам мумкин). Азизхон ўз пулларини, Мурид сингари Гулистонда, Билод Гулистонда, Янги Саройда ва Саройда зарб қилдирган¹.

Мамайнинг ва унинг номигагина хони бўлган Абдуллоҳнинг ҳамавақт рақиблари бўлган. Азизхон ўлгандан кейин² Олтин Үрдада Абдуллоҳдан бошқа яна Жонибек II 767—768 ҳ. йилларда (=1365—1367) пул зарб қилдирган³. Жонибекнинг бизгача этиб келган 29 та тангасининг биттасида ҳам бу тангаларниң қаерда зарб қилинганилиги кўрсатилмаган, шунинг ўзиёқ Жонибекнинг Үрдадаги мавқии унча мустаҳкам бўлмаганлигини кўрсатади. Шу нарса характерлики, юқорида айтиб ўтилган 1362 йилдаётк Булғорни босиб олган Пўлат Темир (Темур)нинг бирнеча тангалари бор. Пўлат Темир 768 ҳ. йилда (=1366—1367) Жонибекхон номи блан⁴ пул зарб қилдирган, лекин бу тангаларда уларниң қаерда зарб қилинганилиги кўрсатилмаган. Бу факт ўз навбатида жуда диққатга сазовордир, чунки у, Пўлат Темир Сарой хонининг олий ҳокимиютини тан олганлигини кўрсатади (Жонибек II, амалда бўлмаса ҳам, ҳарҳолда, номига ана шундай хон бўлган). Үрдадаги «алгов-далгов» қанчалик кучли бўлмасин, ҳарҳолда, Мамай номигагина хон бўлган Абдуллоҳ блан бирликда XIV асрнинг 60-нчи йиллари охирида устун келтганлар. Абдуллоҳнинг сиёsat майдонидан қандай қилиб кетганлиги, унинг ўз ажали блан ўлганлиги ёки бирор томонидан ўлдирилганлиги бизга нома'лум. Фақат шу нарса ма'lумки, 771 ҳ. йилда (=1369—1370) Абдуллоҳ номи блан пул зарб қилинмай қўйган.

Никон йилномаси 6878 (1370) йилда «Ўрда князи Мамай ўз Үрдасида Мамат Султон деган бошқа бир кишини подшо қилиб кўтарди» дейди⁵.

Никон йилномасига асос қилиб олинган Рогожск йилномаси ҳам бу воқиани айнан юқоридагидек ҳикоя қиласи ва Мамат Султоннинг таҳтга ўтирган йили деб 6878 (1370) йилни⁶ кўрсатади. Дарҳақиқат, иккинчи соҳта хон бўлган кишининг исми блан биринчи танга Үрдада 771 ҳ. йилда (=1369—1370) зарб қилинган. Мамай тайинлаган иккинчи соҳта хон бўлган кишининг исми ба'зи тангаларда Фиёсиддин Муҳаммадхон, бирхилларида — Муҳаммадхон, яна бирхилларида — Фиёсиддин Булоқхон, ҳатто одий қилиб, Булоқхон деб ёзилган. У ўз пулларини Үрдада, Хожи Тархонда (Астраханъда), Янги Можорда ва Янги Кримда зарб қилдирган. Янги Саройда ёки Гулистонда зарб қи-

¹ А. Марков. кўрс. асар, 471—472 бетлар.

² Азизхон ҳам ўлдирилган; қараанг: В. Г. Тизенгаузен, кўрс. асар, II т., 235 бет (форсча текст), 130—131 бетлар (русча тарж.).

³ А. Марков. кўрс. асар, 472 бет.

⁴ П. Савельев. Тетюшский клад. ТВО, ч. III. 1858, 400 бет.

⁵ ПСРЛ, XI, Никоновск, летоп., 12 бет (6878 йил санасида).

⁶ ПСРЛ, XV, вып. I. Рогожск. летоп., 92 бет.

линган биронта тангани топмадик¹. Бу ҳол шуни аниқ күрсатадыки, Мамай ўзининг эришган ютуқларига қарамай, хукмронлигининг то охирiga қадар давлат пойтахти Сарой Беркани ўз құлига мустақам қилиб киритаолмаган. Поволжьеда таҳт талашиб юрган Олтин Ўрда хонларини бир-бир күздан кечирар эканмиз, бу хонларининг күпчилеги Оқ Ўрдадан, Жұжиларнинг Оқ Ўрда тармоғидан бұлғанлигига әтибор бермай бўлмайди. 60-нчи йилларда хонлик ҳилган Хизр (Хидир), Темур Хўжа, Мурид (Амурат) ва Азизхон, ҳархолда, шулар жумласига киради. Буларнинг ҳаммаси Шарқдан, Оқ Ўрдадан, Жўжи Улуси қўшинининг сўл қанотидан чиққан. Ана шунинг ўзиёқ Оқ Ўрда саройи ва унинг зодагонлари Олтин Ўрданинг тақдирига нечоғлик зўр қизиқиш блан қараганликларини кўрсатади. 70-нчи йилларда Оқ Ўрданинг Олтин Ўрда ишларига қизиқиши ва шу муносабат блан унинг фаолияти янада кучаяди.

* * *

Юқорида, Олтин Ўрдадаги «тұс-тұполонлар»ни Русь ҳушёрлик блан кузатиб борди, деб айтиб ўтилган эди. Узоқни кўраоладигая князълар Олтин Ўрдада татар-мўгуллар ҳокимияти заифлашиб бораётганлигини, бундан рус юртини гарчи тўла озод қилиш мумкин бўлмаса ҳам, ҳархолда, татар-мўгул зулмининг оғирлигини енгиллаштириш учун фойдаланиш зарур эканлигини яхши тушунар эдилар. Йилномаларни зўр диққат блан ўқиган киши, ҳарқандай майда ўзаро феодал низо'жанжаллар ва тўқнашувлар кўп бўлишига қарамай, рус юртида бир ёқадан бош чиқариб бирлашиш процесси юз бераётганлигини кўриши мумкин. Татар зулмига қарши курашиб зарур деган мустақам фикр та'сири блан ҳамда Москванинг сергайрат киязи Димитрий Иванович раҳбарлиги остида мамлакатнинг бирлашиш процесси йилдан-йилга тезлашиб борди.

Олтин Ўрданинг таловчиликдан иборат сиёсатига рус князъликларининг марказлашган ягона давлат бўлиб бирлашиш процессини қарама-қарши қилиб қўйиш учун ва шу блан ҳали қудратли бўлган Олтин Ўрда ҳокимиятига кучли зарба бериш учун XIV асрнинг 60—70-нчи йилларида феодал тарқоқлигидаги Русь ўзида зарурий имкониятларни топди. Рус йилномасида бу прогрессив ижтимоий ва давлат аҳамиятига эга бўлган процессининг ҳамма босқичларини ёритиб беруучи бирқанча қизиқ фактлар сақланган. Бунда Димитрий Иванович жуда катта роль ўйнаган (кейинчалик у Донской лақабини олган).

1362 йилда Димитрий Иванович Москва тахтига ўтириди. Шу

¹ Мұхаммад Булоқ номи блан чиққан ва бизгача етиб келган сўнгги танга Хожи Тархонда (Астраханьда) 782 ҳ. йилда (1380—1381) зарб қилинган. Бундан кейин пуллар Тўхтамиш номи блан зарб қилинган. — А. Марков, кўрс. асар, 476 бет.

вақтда у 11 ёшда эди. Димитрийнинг ёшлиги унинг буваси ва отасининг Москва князълигини мустаҳкамлаш юзасидан олиб борган ишларини пучга чиқариши мумкиндек бўлиб кўринган эди. Аммо турмуш бунинг аксини кўрсатди: Димитрий Иванович ўзидан олдин ўтган князъларниң тўплаган кучларига таяниб, шунингдек, яхши раҳбарларга эга бўлгани ҳолда фақат Москва князълиги учунгина эмас, балки «бутун Русь» учун ҳам энг фойдалари йўлни топаолди. Олтин Үрдада бўлиб турган ишлардан Москва яхши хабардор эди, Саройда юз бераётган ҳамма ўзгаришларни, тез-тез алмашиниб турадиган ҳарбир янги хоннинг мавқии мустаҳкам Эмаслигини, борди-ю бу хонлардан бироргаси бирмунча вақт таҳтда ўтириб қолгундай бўлса, дарҳол ўзига урушқоқ рақиб орттиришини Москва жуда яхши билар эди. Татар-мўғулларга қарши курашмоқ учун Москва князълиги ўзининг Русьдаги мавқини мустаҳкамлаб олиши, ҳамма зарурӣ куч ва воситаларни ўз теварагида тўплаган бир марказ бўйлиб олиши керак эди. Москва олдида учта асосий вазифа турар эди: 1) Сарой хони Мурид (Амурат) Москвани кучсизлантириш мақсадида Димитрий Константинович Сузdalскийга берган буюк Владимир князълигини қайтариб олиш, шунингдек, Нижний Новгородни батамом ўзига бўйсундириш (унга эгалик қилиш эса, фақат савдо ишлари учунгина эмас, балки Олтин Үрдага қарши курашда муҳим ҳарбий аҳамиятга эга бўлган Волга сув йўлига чиқиш имконини берарди); 2) Тверь князълигини бўйсундириш ва бу блан татар-мўғулларга қарши курашда Москванинг имкониятларини кўпайтириш; 3) худди шу мақсадда Рязань князълигини ҳам бўйсундириш. Бу учта вазифанинг ҳаммаси бир мақсадга — татар-мўғулларга қарши курашиш учун рус феодал князъликларини Москва теварагида бирлаштириш мақсадига бўйсундирилган эди. Дастребаки пайтларда бошқаларнинг раҳбарлиги остида иш кўрган, кейин эса ўзи мустақил иш олиб борган Димитрий Иванович Олтин Үрда блан қилган муносабатларида ҳарқандай вазиятдан Москва князълигини кучайтириш учун фойдаланиб, гоят усталик блан ҳаракат қилди. Биринчя мисол келтирамиз. Мамай ўзининг сохта хони Абдуллоҳ блан биргаликда Қўйи Волганинг ғарбидаги жуда катта территорияни Олтин Үрдадан ажратиб олганлиги юқорида айтиб ўтилган эди. Мамай ҳокимиятининг доираси шимолда Рязань князълиги чегараларига борар эди, бу эса Рязань князини Мамайга жуда тоби' қилиб қўйган эди. Жанубда Мамай 70-нчи йилларда Кримни эгаллаб, унинг бой имкониятларидан ўз ҳокимиятини мустаҳкамлаш учун яхши фойдаланди¹.

¹ Олтин Үрдада Мамай ҳокимиятининг чегаралари ҳақидаги тафсилоти А. Н. Насоновнинг «Монголы и Русь» деган асаридан қаранг, 123—124 бетлар.

Үрдадаги тұс-тұполонлар фақат Русьдегина әмас, балки Литвада ҳам қулагын туғедирди. Литва князи Ольгерд (1341—1377) татар-мұғулларнинг күчсизланғанлигидан фойдаланиб, 1362 йилда Буг томонига құшин тортып борди. Буерда Синие Воды (хөзир Бугга құйладыган Синюха дар'ёчаси) бўйида татар-мұғуллар тор-мор қилинди. Бу тор-мор бўлғанлар манихур Қрим беги Қутлуғбек, Хожибек ва Добруджадан келган Димитрий (бу одам христианча ном блан юрага эди) қўмондаси остидаги терма қўшинлар эди. Бу ғалаба натижасида жуда катта Подолия области литвалиларга ўтди; Подолияда узоқ вақтгача феодал Корятовичлар хонадони ҳукмронлик қилиди. Подолиянинг босиб олиниши XIV асрнинг иккинчи ярмида Литва куч-қудратининг ўсишига жуда катта та'сир кўрсатди. 1365 йилдан кейин Ольгерд татар-мұғуллардан Киевни ҳам тортыб олишга муваффақ бўлди, бу эса уни Шарқий Европадаги энг обрўли князълардан бирига айлантириди.

Броқ Ольгердинг татар-мұғулларга қарши курашда эришган ютуқлари уни Литванинг маҳаллий манфаатларидан нарига ўтказмади ва Москва ҳамда Димитрий Иванович блан иттифоқ тузишга олиб келмади. Бунинг аксича, ма'lумки, Ольгерд улут Москва князълигини күчсизлантириш учун Мамай блан иттифоқ тузишдан ҳам тоймади. Яна Үрдадаги ишларга қайтайлик.

Мамай блан Абдуллоҳнинг рақиби Мурид (Амурат) Волга бўйидаги, айниқса, унинг сўл қирғогидаги ерлар ва шаҳарларни, демак, ҳар иккى пойтахтни — Сарой Берка блан Сарой Ботуни, шунингдек, Волганинг шарқ томонидаги даштикларни ўз қўлида тутиб турар эди. Муридхон даврида шимолий Хоразм Үрганч шаҳри блан бирга Олтин Үрдадан бутунлай ажралиб чиқиб, қўнғиротлар қабиласидан чиққан маҳаллий Сўфийлар династияси ҳукмронлиги остида мустақил сиёsat юргизди ва ўз пулларини зарб қилидирди¹.

Агар Булғор блан Наручаднинг (Мокша дар'ёси бўйидаги область) ҳам амалда мустақил бўлиб олганлигини, бундан ташкари, Мамай блан Муриднинг рақиби бўлмиш Келдивекнинг Янги Саройда 762—763 ҳ. йилларда (= 1360—1362) ўз пулларини зарб қилдирғанлигини э'tиборга олсак, у ҳолда Саройда ўтирган хоннинг Москвада унча э'tибори бўлмаганилиги равшан бўлақолади. Мамайнинг қўллаб-қувватлашидан фойдаланган Димитрий Иванович ана шу сабабдан буюк Владимир князълигини да'во қилиб чиқади. Абдуллоҳнинг рақиби Мурид (Амурат) эса ўз навбатида Димитрийни күчсизлантириш мақсадида Димитрий Константинович Сузdalскийнинг Владимир князълигига эталик

¹ Сўфийлар династияси зарб қилдирған ва бизгача етиб келгац тәнгилар орасидаги дастлабки тангала 762 ҳ. йил (=1360—1361) сапаси кўрсатилган. Қаранг: М. Е. М а с с о н. Монетный клад XIV в. из Термеза. Бюллетень САГУ, вып. 18, № 7, 1929, 63 бет.

қилиш хуқуқини тасдиқлады. Иккала Димитрийнинг кучи тенг эмас эди, Москванинг ёш киязи Димитрий Иванович Димитрий Константиновиччи Владимир князлигини ўзига беришгагина эмас, балки уни Муриддинг ҳомийлигидан воз кечишга, шу блан бирга вақтингча Мамайнинг созеренитетини танишга ҳам кўндиради. Димитрий Иванович бунинг эвази тариқасида Суз达尔 князига Нижний Новгородни берди, Н. Новгородни эса улар биргаликда князь Борис Константиновичдан тортиб олган эдилар. Шундай қилиб, Димитрий биринчи вазифани ҳал қилди.

Рус ва мўғуллар тўғрисидаги масаланинг сўнгги текширучинларидан бири бўлган А. Н. Насонов: «Русънинг Москва теварагига жипслашувининг дастлабки қадамлари эса татарлар босқинига очиқдан очиқ қаршилик кўрсатиш йўли блан борди»¹, — деб ёзган эди. Дарҳақиқат, юқорида айтиб ўтилган, Булғорни босиб олган Пўлат Темир Нижегород князълигининг ерига хужум қилганд қаттиқ зарбага учраган ва Үрдага қочишга мажбур бўлган, Үрдада у Азизхон томонидан ўлдирилган²; бу воқиа ўша 768 ҳ. йилда (=1366—1367) юз берган бўлса керак. Шу нарса характерлики, 768 ҳ. йилдан кейин Азизхон номи блан ҳам, Пўлат Темир номи блан ҳам зарб қилинган тангалар йўқ. Мамай блан Москва ўртасидаги яхши алоқалар узоқ давом қилаолмас эди, чунки ҳар иккала томон ҳам бир-бирига жуда шубҳа блан қарап эди. Мамай Москва князининг куч ва та'сирини ўсиб боришидан, шубҳасиз, қўрқарди, Димитрий Иванович, ўз навбатида, Русънинг татарлар ҳукмронлигидан халос бўлишида Мамайнин энг хавфли душман деб биларди, чунки Олтин Үрдада, гарчи 70-нчи йилларга келиб тўс-тўполон йўқ бўлмай, балки кучаябошлигага бўлса ҳам (буни биз қўйида кўриб ўтамиш), асосий ҳокимият амалда шунинг қўлида эди. Худди кутинганидек, Москва киязи ўзининг Русъни бирлаштириш соҳасидаги сиёсатида Мамайнинг қаттиқ қаршилигига дуч келди; Мамай Тверь ва Рязань князъларининг ўша даврдаги феодал муносабатлари шароитида ғоят характерли бўлган эгоистик ва сепарат сиёсатини қўллаб-қувватлаб, ударга ҳарقاцдай йўллар блан ўз та'сирини ўтказиб борди. Князь Михаил Александрович Тверской ҳам, Рязань киязи Олег ҳам тор феодал манбаатлари даражасидан, Москва давлатини барпо қилиш керак, деган фикр (Димитрий Иванович эса, ана шу фикрин тарқатуви эди) ни тушунишгача қўтирилаолмадилар. Димитрий Ивановичнинг 60-нчи йилларда ва, хусусан, 70-нчи йилларда Русъни бирлаштириш ишларига роли рус историографиясида жуда яхши кўрсатилган, шунинг учун бу масалада тўхталиб ўтиришнинг ҳожати йўқ. Димитрийнинг бирлаштиручилик фаолиятига Мамай ва Ольгерд Литовский қанчалик тўсқинлик қил-

¹ А. Н. Насонов. Монголы и Русь, 126 бет.

² А. Н. Насонов, кўрс. асар, 126 бет.

масин, Тверь ва Рязан князълари Москвани кучсизлантиришга қанчалик уринмасин (1375 йилда Михаил Тверскойнинг Москва болан қылган урушини эсга туширайлик), буларнинг ҳечқайсиси натижада бермади ва Москва ўзининг куч-қудрати жиҳатидан ҳам, умум руслар орасидаги ма'навий обруси жиҳатидан ҳам тинмай ўсиб борди.

Димитрий Иванович томонидан Русынинг асосий қисмларини Москва атрофида бирлаштирилишига чинакам йўл бермаслик учун Мамайнинг ўзи Олтин Үрдада янада мураккаброқ ишларни қилиши, чупончи, Олтин Үрдадаги «түс-түполон»ни батамом тугатиши ва Жўжи Улусига қарашли бутун ерларни ўз қўли остида янгидан тўплаши лозим бўлиб қолди.

Аммо бу иш унинг қўлидан келмади. Тўғри, у Булғорни вақтинча бўйсундирди, шунингдек, Хожи Тархонни (Астраханни) вақтинча босиб олди¹ ва Шимолий Кавказни ўз қўлида тутиб турди; броқ Мамай Олтин Үрданинг асосий қисмини — Поволжье-даги дәҳқончилик ерларини ва унинг бой шаҳарларини ўзига қаратоалмади.

773 ҳ. йилдан (=1371—1372) то тарих майдонида Тўхтамиш пайдо бўлгунга қадар түс-түполон тўхтамадигина эмас, балки янада кучайди. Русь йилномаси 6881 (1373) йилда қисқа бўлса ҳам, лекин жуда ма'нили қилиб бундай дейди:

«Уша йили Үрдада түс-түполон бошланди. Үрданинг кўпгина князълари ўзаро қирилишилар ва татарлардан жуда кўп киши ҳалок бўлди, ӯларнинг иоҳақ қилмишлари учун Таңгри ана шундай қаҳри-ғазабига олди»². Бу ўринда йилиома түс-түполонларни иккинчи даври бошланганлигинингини кўрсангани. Бу иккинчи даврда Оқ Үрда хонларининг Олтин Үрда ишларига астойдил аралашибиши натижасида аҳвол яна мушкуалланди.

Таңгаларадаги ма'lумотларга қараганда, 70-инчи йылларнивг биринчи ярмида учта хон бир-бирига қараш курашган:

1) 773 ҳ. йилда (=1371—1372) Янги Саройда пул зарб қилдирган Тулуибек хојим;

2) 775 ҳ. йилда (~1373—1374) Урал (Ёйиқ) дар'ёсининг этакларида, Саройчада пул зарб қилдирган Элбоиҳон;

3) шу 775 ҳ. йилда (=1373—1374) Саройчада пул зарб қилдирган Ало Хўжа.

Шу нарса характерлики, Олтин Үрдадаги бу «түс-түполонлар» даври тўғрисида узоқ Миерда яшаган буюк араб тарихчиси Ибн Халдун ҳам хабарсиз қолмаган. Ибн Халдун бошқа авторлар гапирамаган бирнечча муҳим фактни кўрсатиб ўтган. Унинг бу фактларини Жўжиларнивг нумизматика ма'lумотлари ҳам тас-

¹ Бу ерда Мамайнинг иккинчи соҳта хони — Муҳаммад Булоқ ўз пулмариши зарб қилдирган.— П. Савельев. Тетюшский клад. ТВО, ч. III, вып. 2. 1857, 253 бет.

² ПСРЛ, XI, 19 бет, 6881 (1373) й. санасида.

диқлайди. 776 ҳ. Ыйлда (=1374—1375) Олтин Үрдада бўлиб ўтган воқналарга тўхталиб, Ибн Халдун бундай деб ёзди: «Сарой атрофидаги ерларни идора қилишини ўзаро бўлишиб олган бир-қанча мўгул амирлари ҳам бор эди; улар бир-бирлари блан келишаолмасдилар, қўл осталаридағи ерларни ўзлари мустақил идора қиласдилар: масалан, Хожи Черкас Астрахань атрофидаги ерларни, Үрисхон ўз амлекларини идора қиласди; Ойбекхон ҳам худди шуидай қиласди. Буларнинг ҳаммаси «Умаро-ул Масират» (юриш амирлари) деб аталарди»¹. В. Г. Тизенгаузен «Умаро-ул Масират»ни «юриш амирлари» деб таржима қилиб, бунинг устида бироз ўйланниб қолди ва «сўл қанот амирлари» дейилса, тўғрироқ бўлмасмикин деган масалани кўйди². Буерда Оқ Үрданинг амир ва ўглонлари (шахзодалари) бўлган сўл қанот амирлари тўғрисида гапирилаётганлигига шубҳа қилмаймиз. Чунки, Мамай блан таҳт талашиб юрган хонларнинг кўпчилиги сингари, юқорида айтиб ўтилган Хожи Черкас блан Үрисхон ҳам Оқ Үрдага, я'ни Жўжи қўшишининг сўл қанотига мансуб эдилар. Бироз пастроқда Ибн Халдун: «Астраханъдаги амлекларнинг ҳокими бўлмиш Хожи Черкас Мамайга қарши аскар тортиб бориб, уни сингди ва ундан Саройни тортиб олди»³,— деб айтиб ўтади.

Мамай Саройни из вақт қўлида тутиб турган бўлса керак, чунки Янги Саройда Мұҳаммад Булоқ номи блан зарб қилинган пуллар йўқ. Ҳолбуки, Ибн Халдуннинг Черкасбек 776 ҳ. Ыйлда Хожи Тархонни (Астраханыни) олиб, шу йили уерда ўз пулларини зарб қилдирди, деган хабарини таңгалардаги ёзувлар тасдиқлайди⁴. Ибн Халдун айтилган Хожи Черкас блан Черкасбек бир одам эканлигига ҳечбир шубҳа йўқ.

70 иччى йилларнинг иккинчи ярмида, Повольжеда Тўхтамиш пайдо бўлмасдан олдинроқ. Арабшоҳ деган одам ҳам хон бўлган. Арабшоҳ 775—779 ҳ. йилларда, я'ни 1373 йилдан то 1378 йилгача Янги Саройда ўз пулларини зарб қилдирган⁵. XV асрда ўтган нома'ум авторининг мўгул сultonларининг инжараси масалаларига бағишланган форсча асарида айтилган фикрларга қараганда, Арабшоҳ Жўжилар хонадонининг Оқ Үрда тармоғидан чиққан⁶. Унинг Оқ Үрдадан чиққанлиги Никон йилномасида ҳам гапирилади: «Ўша йили (1377,— А. Я.) Волга бўйидаги Мамай

¹ В. Г. Тизенгаузен, кўрс. асар, I т., 373 бет, (арабча текст), 389—390 бетлар (русча тарж.).

² В. Г. Тизенгаузен, кўрс. асар, I т., 390 бет, I-ичи изоҳ.— Текстда «Умаро-ул Масират» деб ёзилган; «Умаро-ул Майсарат» (я'ни «сўл қанот амирлари») деган иборали хаттот янгилини кўчирган бўлса керак.

³ В. Г. Тизенгаузен, кўрс. асар, I т., 374 бет (арабча текст), 391 бет (русча тарж.).

⁴ А. Марков, кўрс. асар, Дополнения, 860 бет.

⁵ А. Марков, кўрс. асар, 477 бет.

⁶ В. Г. Тизенгаузен, кўрс. асар, II т., 54—55 бетлар. Қаранг, яна: П. Савельев. Тетюшский клад. ТВО, ч. III, вып. З. 431 бет.

Үрдасыга Арабшоқ деган бир шаҳзода Волтанинг нариёғидаги Күк Үрдадан шиддат блан келди; бу шаҳзода Арабшоқ жуда берәхм одам эди, аммо жуда уста, ботир ва чиниқан жангчи эди, жуссаси қынчынагина бўлса ҳам, роят жасоратли киши эди, у кўп одамларни енди ва Нижний Новгородга аскар тортиб бормоқчи бўлди¹.

Тахт талашиб юрган бошқа хоилар блан, шу жумладан, Мамай блан ҳам (бу вақтда Мамайнинг сохта хони — Мұхаммад Булоқ эди) сра ҳамжиҳатлик қиласдан, бутун хавф-хатарни ўз устига олиб, Арабшоқ 1377 йилда Нижний Новгород томонидаги рус ерларига аскар тортиб борди. Димитрий Иванович полклари-ни тўплаб, татарларга қарши йўлга чиқди. Татарларни учратмагандан кейин орқасига қайти, полкларини эса ҳар эҳтимолга қарши яна нарироққа юборди. Татарларнинг қаерда эканлигини билмай, Москва князининг аскарбошилари Сура дар'есига қўйиладиган Пъяна дар'есигача етиб келишиди. Буерда русларга, Арабшоқ ўз қўшини блан узоқда «Бўри сувлари» деган жой («Волчий воды»)² да турибди, деган хабар берилди. Шундан кейин аскарбошилар ҳечбир хавф-хатар йўқ экан, узоқ йўл босгандан кейин дам олиб олсак бўлади, деган қарорга келишиди. Лагерьни мустаҳкамламай ва соқчилар қўймай, аскарлар устларидағи оғир ярог-аслаҳаларни олиб, қуролларини бир чекқага йиғишириб қўйдилар, «уларнинг князълари, боярлар, амалдор ва аскарбошилар эса худди ўз уйларидағидек еб-ичиб, хурсандчилик ва ов қилиш блан озорга бўлдилар»³. Рус лагерида айш-ицрат давом қилас, татарларга йўлбоцлоечи ҳамда ёрдамчи бўлиб хизмат қилган мордва князълари рус қўшинининг қандай аҳволда эканлигини хоинларча татарларга етказдилар. Арабшоқ тамомила бепарво бўлган лагерьга тезда етиб келиб, уни ҳамма томондан ўради ва ҳақиқатда қуромисиз бўлган одамларга тўсатдан зарба берди. Ӯшанда русларнинг кўпчилиги — ҳарбий бошлиқлардан ҳам, оддий жангчилардан ҳам кўп одам қириб ташланди. Қирғиндан фақат озгина кишилар қочиб қутулди. Арабшоҳнинг Нижний Новгородга бемалол бориши учун йўл очилди ва у ҳеч бир кутилмаганда шаҳарга кириб борди. Тайёргарлиги ва жангчилари бўлмаган шаҳар қарашлилар кўрсатгаолмали, унинг кўпчилик аҳолиси Волганинг юқори томонига қараб қочди, татарлар бўлса шаҳарнинг ташлаб кетилган кварталларига ҳужум қилиб, уларни таладилар, шаҳарда қолган қуролсиз одамларни асири олдилар, кўп уйларга ўт қўйдилар ва шундан кейин шаҳардан чиқиб кетдилар. Арабшоҳ ҳақида бундан бошқа ма'lумот йилномаларда ҳам, шарқ манба'ларида ҳам йўқ. Олтин Үрдада Араб-

¹ ПСРЛ, XI, Никоновск, летоп., 27 бет, 6885 (1377) й. да.

² Донец ирмори.

³ ПСРЛ, XI, Никоновск. летоп., 27 бет.

шоҳ яна бир йилгина турган бўлса керак, чунки Янги Саройда унинг номи блан 779 ҳ. йилда (=1377—1378) зарб қилинган тангалар учрайди: Поволжъеда Арабшоҳга яна бир хон рақиб бўлган, бу хон ҳам Оқ Ўрдадан чиққан ва шунингдек, Жўжилар династиясининг Шайбонийлар тармоғига мансуб бўлган. Тангалардаги ёзувларга қараганда, бу хоннинг номи Қоғонбек, XV асрда ўтган ва юқорида, тилга олинган нома'лум эрон авторининг ёзганига кўра, Қоғонбек¹ бўлган. Унинг Янги Саройда 777 ҳ. йилда зарб қилдириган тангаларидан бирпечтаси сақланиб қолган, у Янги Саройни ўз қўлида жуда оз вақт, бир йилга етар-етмас тутиб турган бўлса керак. Қоғонбек тўғрисида бошқа муфассалроқ ма'lумот ийқ.

Олтин Ўрдада 70-инчи йилларда юз бергац воқиаларга якун ясар эканмиз, қисқача қилиб қуйидагиларни айтнинимиз мумкин. Мамай Олтин Ўрдани бутунлай ўзига бўйсундириш учун қанчалик уринган бўлса ҳам, лекин бунинг уддасидан чиқолмади. Поволжъени, шундай қилиб, қўлга киритаолмади ва фақат Астрахань блан Булғорга жуда қисқа вақт мобайнида ҳокимлик қилди. Поволжъенинг бой ерлари, асосан, қўпчилиги Жўжилар династиясининг Оқ Ўрда тармоғига мансуб бўлган, ўзаро таҳтадан ортиқ ўтираолмасдилар, доимо бир-бирлари блан уруш-жанжал қилиб туардилар — лекин ҳарҳолда, Поволжъени Мамайга бермасликка қудратлари етадиган даражада кучли эдилар. Шундай қилиб, Мамай Жўжи Улусини ўз ҳокимияти остида бирлаштираолмади. Бу жиҳатдан олганда, Москва князи Димитрий Иванович умумрусларни масштабида ма'навий обрў қозониб, қўпроқ иш қилди. Айни вақтда Мамай Москванинг тинмай ўсиб бориши ва умумрусларнида унинг солмоғи ортиб бориши татарлар блан қат'ий тўқнашувга олиб келишини жуда яхши тушунарди, чунки рус князълари Ўрдага тўлаб келаётган хирожларини унинг кўзи олдида тобора камайтирмоқда эдилар. Бундан ўттиз-қирқ йил олдин, я'ни Ўзбекхон ва Жонибекхонлар даврида тўланиб келган хирожга нисбатан ҳозирги хирожнинг миқдори жуда камайиб кетганлигини Мамайнинг пайқамаслиги мумкин эмас. Эди. Татарлар истибоди батамом ағдариб ташланмаса ҳам, жуда бўлмагандан, уларга бўлғап қарамлигини анча енгиллаштиришга Москванинг ўзи ҳаракат қилиши мумкин эканлигини ҳам Мамайнинг тушунмаслиги мумкин эмас эди. Буларнинг ҳаммаси этиборга олинса, Мамайнинг Русъга қарши оддий таловчилик босқинини уюштириш (1377 йилда Арабшоҳ ана шундай юриш қилган эди) эмас, балки Русъни қат'иин кучизлантириш ва уни янгидан бўйсундириш мақсадида унинг устига қўшин тортиб боришга отланаётганлиги ма'lум бўлақолади. Мамайнинг 1378 йил-

¹ В. Г. Тизенгаузен, кўрс. асар, II т., 54—55 бетлар.

да Нижний Новгород ва Москвага қылган юрищини худди шу ниятдаги уриниш деб қарамоқ керак. Ма'лумки, Нижний Новгородни у құлға олишга ва талашга мұваффақ бўлди, Москвага эса унинг құшинлари яқин келтирилгани йўқ. Мамайнинг Үрда амири Бигич қўл остида жўнатгани аскарларини Димитрий Иванович Ока дар'ёсининг нарити томонига тұмтарақай қилиб ҳайдади. Вожа дар'ёси бўйидаги руслар блан татарлар ўртасида жанг бўлди. Бу сафар руслар тұла ғалаба қозондилар. Татарлар жуда кўп талафот бериб, орқага қараб қочдилар. 1378 йил Вожа дар'ёси бўйидаги мағлубият Мамайга жуда ёмон та'сир қилди. Бу хабар Русьга ҳам тарқалған, негаки Мамайнинг Вожа дар'ёси бўйидаги мағлубиятдан кейин қандай қайфиятда бўлғанлиги Куликово майдонида бўлган жанг ҳақидаги йилнома қиссанында ўз аксини топған. Мамай «бу тўғрида кўп хафа бўлган, қайғурған ва кўз ёши тўккан», Мамайнинг маслаҳатчилари бўлса, унга таскин бериб, «Сенинг Үрданг путурдан кетди ва кучларинг ҳолдан тойди; аммо сенинг беҳисоб бойликларинг бор ва сен Фрязларни, Черкасларни, Ясларни ва бошқаларни аскарликка ёллаб катта қўшин тўплайсан ва ўз амирларингнинг қони учун қасос оласан...»¹ деганлар. Мамай, Үрданинг обрўсини сақлаб қолиш учун, Вожа дар'ёси бўйидаги мағлубиятни асло эсидан чиқараолмасди. Янгидан юриш қилиш учун икки йил тайёргарлик кўрди; сиёсий вазият унинг учун қулай бўлғанлигидан жангда ғалаба қозонишига кўпроқ ишонарди. Москва князининг кучайиб кетишини истамайдиган Литва князи Ягайло Мамайга ёрдам беришни ва'да қилди; Рязань князи Олег ҳам Мамайга итоат қилишга ва'да берди,— у татарлардан жуда қўрқарди, чунки Рязань Үрданинг ёнма-ён қўшиниси эди ва, агар қаршилик кўрсатгудек бўлса, уларнинг биринчи зарбасига учаради. Никон йилномаси составидаги Мамайнинг 1380 йилги юриши тўғрисида ва Куликово майдонидаги машҳур жанг ҳақида ёзилган тарихий қисса машҳур тарихий ҳужжат ҳисобланади. Бу ҳужжат чуқур ватанипарварлик руҳи блан сугорилган, адабий жиҳатдан пухта ишланган бўлиши блан бирга унда кўпгина ажойиб фактик материаллар бор; энг муҳими шундаки, у сиёсий жиҳатдан етуқ ва чуқур мазмунли асаддир. Бу ёдгорлик Мамай қўшинлари устидан қозонилган ғалабанинг фақат умумрүс миқ'ёснадагина эмас, балки бутун Европа миқ'ёсида ҳам аҳамиятга эга эканлигини Москва Русининг қанчалик англаб етганлигини яққол кўрсатиб беради. Куликово майдонида Русь юрти учун олиб борилган жангда ҳалок бўлғанлар руҳига ибодат қилиш ҳамда уларнинг ҳаммаси учун абадий хотира э'лон қилиш пайтида «буюк князънинг ўзи нутқ сўзлаб: «православ дини учун ва бутун христианлик учун Куликово майдонида жон берган сиз ака-укаларимиз ва ёр-дўстларимизга ---

¹ ПСРЛ, XI (6888 йил санасида), 46 бет.

православ христианларига абадий шон-шарафлар бўлсин» дегач»¹.

Йилномадаги қиссада ҳар икки томон учун, я'ни Димитрий Иванович учун ҳам ва Мамай учун ҳам характерли бўлган биркенча жуда қизиқ тафсилотлар берилган. Мамай бу сафар ҳам ҳужум қилишини биринчи бўлиб ўзи бошлаган. Қисса автори, Мамай катта ишлар қилиш ниятида эди, деб кўрсатади. «Подшо Боту бутун Русь ерини тутқуныликка солган, ҳамда барча мамлакатларни ва бутун ўрдани ўз қўлида тутиб турган эди, Мамай ҳам хаёлида, аниқроги, аҳмоқона хаёлида шундай қиммоқчи бўлдиз»². Мамайнинг ниятларидан Рязань князи Олег хабардор бўлгач, у ҳар вақтдагидай кўрқиб кетган ва Ўрдага ҳамда Мамайга ўзининг содиқ эканлигини дарҳол хабар қилишга қарор берган. Шу ондаёқ Олег бу ишлар ҳақида Литва князи Ягайлого хат ёзиб, биргаликда тоби'лик сиёсати олиб боришини ва ҳатто татарларга ёрдам беришини таклиф қилган. Бу эса рус ерига нисбатан қилинган уччига чиққан хоинлик эди ва рус йилиноматлари историографияси томонидан худди ана шундай деб аталди.

Мамай 1380 йилда жуда катта қўшин тўплали, бу қўшин составига фақат турк-мўғул қўчманчилари блан пиёда аскарларигина эмас, балки ёлланган отрядлар ҳам кирган эди. Агар йилноманинг сўзига ишонадиган бўлсак, Мамай «Фрязларни, Черкасларни, Ясларни ва булардан ташқари яна бошқаларни ёллаган»³.

Мамай жуда катта кучлар блан Воронеж яқинига келиб қолди, деган хабар Димитрийга етгач, у душманга зарба бериш учун зўр бериб тайёргарлик кўрабошлади. Ў Русънинг барча князъларига, шу жумладан, ўзига долм рақиб бўлиб келган Тверь князи Михаилга ҳам мурожаат қилди. Йилномачи, аниқроги, йилномадаги қиссанинг автори она ватанини мудофаа қилинча қатишган князъларни рўйхатда батафсил санаб кўрсатади. Бу рўйхатни фақат бир кўздан кечириб чиқининг ўзи ҳам Москва князи катта обрўга эга бўлганилиги туфайли бу сафар у Русъдаги феодал ер эгаларининг тор, маҳаллий, бир томонлама (сепарат) манфатларига барҳам беришига муваффақ бўлганилигини кўрсатади. Димитрий қўшинин қуролланишишга алоҳида э'тибор берган. Татарлар хавфига қарши умумрус мудофаасини уюштиришда митрополит Киприяннинг ма'lум даражада хизмати бор. Киприян «бутун Русь»ни бирлаштиришда ўша вақтда прогрессив роль ўйнаган умумрус черковининг вакили сифатида майдонга чиқди. Митрополит Киприян Димитрий Донскойнинг ватанпарварлик

¹ ПСРЛ. XI (6888 йил санасида), 65—66 бетлар.

² Уша жойда, 47 бет.

³ Уша жойда.

ишида унга ма'навий ёрдам беригина қолмай, балки барча рус князъларини умумрус сиёсий маркази сифатида Москвага бўйсунишга да'ват қилди. Димитрий 1380 йил 31 июльда барча рус полкларининг Коломнада тўпланишига буйруқ берди, у шуердан Мамайга қарши ҳужум бошлашини мўлжаллаган эди. Юришнинг ўзини уюштиришдаги қиссада келтирилган бир тафсилот жуда қизиқарлидир. «Буюк князь ўшанда Сурожли савдогарлардан ўн кишини ўзи блан бирга олиб кетган; уларни Тангрининг иродаси блан нимаики юз берса, ана шуларнинг гувоҳи бўлсин учун, ҳамда улар кўп ерларни кўрган, Үрдада ҳам, Фрязларда ҳам бўлган, ҳаммага ма'lум ва машҳур жаҳонгашта савдогарлар бўлганидан, нимаики воқи' бўлса, шуларни узоқ ўлкаларга хабар қилишлари учун; яна бошқа бир томони ҳам борки, агар бирор ҳодиса юз берса, улар ўшаларнинг урф-одатига қараб иш тутишлари учун, ўзи блан бирга олиб кетган»¹. Сўнгра бу савдогарларнинг номлари келтирилади. Ўша вақтда бу одамларнинг ҳаммаси рус савдогарлари орасида машҳур кишилар бўлган. Буларнинг ичидаги татарларнинг хулқ-автори, урф-одати ва тилинигина эмас, балки Үрдага бориладиган ўйларни, ўйлдаги кўприкларни ва дар'ёдан кечиб ўтиладиган жойларни анча-мунча аниқ биладиган одамлар ҳам бўлган. Димитрий Ивановичнинг улардан Мамай тўғрисида, унинг қўшинининг состави ва бошқалар ҳақида ўзига керакли зарур ма'lумотларнинг ҳаммасини олганлиги тўғрисида гапирмаса ҳам бўлади.

Димитрий Коломнадан жанубуга қараб юрди ва «Лопасна дарёсининг Окага келиб қўйиладиган жойида»² лагерь курниб олди. Шуернинг ўзида Димитрийнинг машҳур саркардаси Тимофей Васильич ўз қўшини блан келиб қўшилди. Сентябрьда рус полклари Березуй шаҳрига келиб етган эдилар. Шуниси қизиқки, ба'зибир Литва князълари ҳам ўз полклари блан буерла Москва князига келиб қўшилдилар. Фақат буюк князь Ягайло блан Рязань князи Олег келмади. Димитрий буердан яна олдинга қараб юрди ва Дон водисидаги Куликово майдонида Русънинг ёвуз душмани бўлган Мамай қўшини блан тўқнашди. Қисса автори Куликово жангини ҳикоя қилишни охирига етказар экан, татарларни савалашга йиғилиб келган рус ва Литва князъларининг тили блан: «чунки Тангри кучга қарамайди, балки ҳақиқат бўлган жойда ўзи ёр бўлади»³,— дейди. Бунга жавобан Димитрий: «биродарлар, хўрланиб яшашдан кўра, номусли ўлим а'ло-роқдир»⁴ деб хитоб қиласиди. Литва князълари блан бирга ўши замоннинг ажойиб жангчиси, аслида Волинъ ерида туғилиб ўсан

¹ ПСРЛ, XI, 54 бет (6888 йил санасида).

² Ўша ерда.

³ Ўша ерда, 56 бет.

⁴ Ўша ерда.

Димитрий Боброк ҳам етиб келган, «уни эса ҳамма биларди ва жасурлигидан жуда құрқарди»¹. Қисса автори иккى гомоннинг қўшини Непрядва дар'ёсининг қуйилиш жойидаги Куликово майдонига келиб жойлашишини ва руслар оламшумул-тарихий ғалабага эришган жангнинг ўзини жуда ёрқин тасвирлаган. Авторнинг ҳисобича, ҳар иккى томонда ҳам, я'ни руслар блан татарларнинг ҳарқайсисида қарийб 400 мингдан отлиқ ва пиёда жангчилар бўлган. Буерда муболага бўлса керак. Татарларнинг бунча аскарии йигишлари осон эди, аммо русларнинг йигишлари қийин эди. Димитрий жангга раҳбарлик қилибгина қолмай, балки ўзи ҳам жанг қилди. Мамай бўлса «бешта катта амири блан бир тепанинг устига чиқиб, одамлар қони қандай тўкилишини ва уларнинг қандай тезлик блан жон бернишларини тамошо қилиш учун қаққайиб туриб олди»². 1380 йил 8 сентябрьда татарлар биринчи бўлиб жанг бошладилар. Қиссада соф ҳарбий ма'нода айтилган жуда антиқа бир тафсилот бор: «Татарлар тепаликдан шитоб блан тушиб, ҳужум қилмасдан шуерда туравердилар, чунки уларнинг чекинишлари учун жой қолмаган эди; шу тариқа олдинда турғанларнинг елқаларига найзаларини қўйиб девордай қадалишиб туриб олдилар, олдинда турғаиларнинг найзалари калтароқ, кейинги қаторда турғанларнинг найзалари узунроқ эди»³. Жангдаги иккى момент қисса авторининг айниқса э'tиборини жалб қилган ва бу моментларни у жуда равшан қилиб тасвирлаб берган. Бу моментларнинг бири — Сергей Радонежскийнинг шогирди, ўзининг кучли ва эпчил баҳодирлиги блан донг чиқарган монах Пересветнинг татарлар паҳлавони Темур Мирза блан яққама-якка олишиб, ҳар иккаласининг ҳам ҳалок бўлишидир. Иккинчиси — Димитрий Боброк командаси остидаги қўшиннинг пистирмада ётган жойидан чиқиб, жангга киришидир. Бу жангда мисли кўрилмаган даражада кўп қон тўкилди, гоҳ у томоннинг, гоҳ бу томоннинг қўли баланд келиб турди. Ҳар иккى томоннинг ҳам қўшиннинг ярмидан кўпи жанг майдонида қирилиб кетди. «Ҳамма жой ўликлар блан тўлиб кетган эди, отлар уларнинг устидан босиб ўтаолмас эди; одамлар фақат ўқ-найзалар тегиб ўлмай, балки юзма-юз олишиб, отларнинг тагида қолиб ҳам ҳалок бўлардилар, ҳамма ерга одамлар тиқилиб кетганидан нафас олиб бўлмасди, тўқнани келган ҳар иккى томоннинг кучлари инҳоятда кўплигидан Дон дар'ёси блан Меча дар'ёси ўртасидаги Куликово майдонига одамлар сиғишимас эди»⁴.

Куликово жанги жуда катта аҳамиятга эга эди. Унинг аҳамияти фақат рус тарихидагина эмас, балки бошқа мамлакат-

¹ ПСРЛ, XI, 56 бет.

² Уша ерда, 59 бет.

³ Уша ерда.

⁴ Уша ерда, 60 бет.

лар тарихида ҳам катта ўрин олади. Димитрий Донскойнинг татарлар устидан қозоңган галабаси татарларни енгиш мумкинлигини ва агар рус князълари бирлашсалар, татарлар ҳокимиятига қат'ий ва қақшатқич зарба бериш мумкин эканлигини билдиради. 1380 йил Куликово майдонидаги рус халқининг ғалабасини қўшини халқлар ҳам шундай деб тушунган эдилар. Бу галабанинг дун'ё миқъесидаги аҳамияти ҳам худди ана шундадир. Руслар қозоңган ғалабанинг қақшатқич кучи қанчалик катта бўлмасин, лекин у ҳали Олтин Үрда давлатининг парчаланганини билдирилас эди. Олтин Үрда давлатининг вақтинча бўлса ҳам қайтадан тикланшини учун ҳали унда кучлар йўқ эмас эди.



И И К И Н Ч И Б О Б

XIV АСРНИНГ 80—90-нчи ЙИЛЛАРИДА
ОҚ ҮРДАНИНГ ЮКСАЛИШИ ВА ТҮХТАМИШНИНГ
ОЛТИН ҮРДА ҚУДРАТИНИ ТИКЛАШГА УРИНИШИ

„Темурниң магжамати ва Түхтамишининг
хизм ти душманлиқ ҳамда рақибликка ай-
ланади“.

„Түркелар шажараси“дан (XV аср).

Ҳарбий нүқтәи назардан Жұжи Улуси қүшинининг сүл қано-
ти ҳисоблашын Оқ Үрда рус манба'ларидан Күк Үрда номи блан
юритилғанлығы юқорида айтып үтилған әди. Оқ Үрданиң чегара-
ларини аниқ айтиш қийин. Илк үрта аср даврида чегаралар, ху-
сусаи, дапитликшардаги чегаралар аниқ белгилаймасы, шу
сабабли манба'ларда бу түғрида сүз юритилғанда, жуда умумий
тарздагы ма'lумотлар көлтириларди.

Қуйи Сирдар'ё водиси ҳамда Сугкент ва Саврон шаҳарлари-
дан тортиб то бу дар'ёнинг Орол деңгизига құйыладын жойига-
ча чўзилиб кетган бутун қуйи Сирдар'ё ҳавзаси Оқ Үрданиң
иқтисодий, сиёсий ва маданий жиҳатдан энг муҳим ҳисобла-
шынанар әди. Оқ Үрда тарихининг энг муфассал манбан ҳисобланы-
ган «Искандар аноними» (Муниннаддин Натанзий) да айтилиши-
ча, Оқ Үрдага «Улуғ төг, Саккиз ёғоч ва Қоратолдан то Тўйсин
ерлари ҳамда Жанъ ва Барчкент атрофилаги ерларгача бўлган
жойлар кирган»¹. Шундай қилиб, Оқ Үрдага Сирдар'ё ҳавзаси-
дан ташқари Даشت Қипчоқининг, я'ни Қозогистон ва Ғарбий
Сибирьниң жуда катта даштлик ерлари ва қисман ўрмонзорла-
ри ҳам кирган.

Оқ Үрданиң дашт қисмлари, шунингдек, Күк Үрда (Олтин
Үрда)га қарашли даштлар ҳам Даشت Қипчоқ номи блан маш-

¹ В. Г. Тизенгаузен, кўрс. асар, II т., 127 бет.— Ношир ва 2-нчи
изоҳ автори (127 б.) Саккиз ёғоч ўрнига Сангири ёғоч деб ўқишини таклиф
қиласиди; солишитиринг: В. В. Бартольд. Очек историк Семиречья. Фрунзе
нашр. 1943, 72 бет.— Уша ноширининг ўзи «Тўйсин» сўзига шубҳа қилиб, уни
«Туман» деб ўқишини таклиф қиласиди (127 б. 3-нчи изоҳ).

хур эди. Оқ Үрданинг даштлик, шунингдек, деҳқончиллк қилинадиган қисмидаги аҳолининг этник состави масаласи жуда қизиқарлидир.

Дашти Қипчоқнинг XIV аср бошларидағи қабилавий состави тұғрисида әңг муфассал ма'лумотларни биз XIV асринг бириичи ярмида үтган Миср тарихчиси ан Нувайрийнинг катта әпциклопедиясындағы «Турклар тұғрисида ма'лумотлар» деган бобида учратамиз. Дашти Қипчоқ қипчоқлари тұғрисида, жумладац, уннің шимолий ерлари тұғрисида гапирап экан, ан Нувайрий бундай деб хабар беради: «Уларда қабилалар күп; амир Рукииддин Бейборе девадор Алмансурий үз ғилемасыда¹ айтты үтган қабилалар шулар жумласынға киради, чунончи: 1) Тұқсона, 2) Иета, 3) Бурж үғли, 4) Ібиди, 5) Қанғу үғли (ёки Қанғар үғли), 6) Аңж үғли, 7) Дурут, 8) Қорабор үғли, 9) Жұзнон, 10) Қораберкли, 11) Құтан»². Бу қабилалар тұғрисида үша манба'дан (Рукииддин Бейборедан) олинган ма'лумотлар Ибн Халдуннинг тарих китобига ҳам кирган, лекин унда қабилалар номининг аталини бирқадар үзгартырип берилған. Үша рўйхат мана бучлай кўрсатилган: «1) Тұқсона, 2) Сета, 3) Бурж үғли, 4) Элбули, 5) Қанаарали, 6) Үғли, 7) Дурут, 8) Қалабаали, 9) Жарсон, 10) Кадкаберкли ва 11) Қунун»³.

Аслини олганда қипчоқ қабилаларининг үша битта рўйхатидан олинган бу иккى варианти тузатиш учун, баҳтга қарши, қўлимизда қўшимча ма'лумотлар йўқ. Бироз қўйироқда Ибн Халдун яна тубандаги сўзларни келтиради: «Ҳикоясининг бориши (дейди у) шуни кўрсатадики, Дурут қабиласи қипчоқлардан чиққан, Тұқсона қабиласи татарлардан чиққан, хуллас, бу санаб ўтилган қабилаларнинг ҳаммаси бир ургудан чиққан эмас...»⁴.

XIV асрининг биринчи ярмида үтган ва араб тилида ёзган мисрли автор ал Умарийнинг асарида XIV аср бошларида Дашти Қипчоқдаги кўчманчи аҳолининг этник состави тұғрисида жуда қимматли ма'лумот бор. Ал Умарийнинг ма'лумотлари Олтин Үрда даштларидаги ҳаёт блан яхши танишини имкоиниятига эга бўлган одамлардан сўраб-билиб ёзилган. Ал Умарийнинг сўзига қараганда, татарлар келмасдан бурун Жўжи Улусининг кеңг даштларида қипчоқлар яшаган. Татарлар буерга келгандан кеъин қипчоқлар уларнинг фуқаросига айлашган. Татарлар озчилик бўлганлигидан улар қипчоқлар блан аралашиб, «худди қипчоқ бўлиб кетганлар»⁵. Татарлар (мўғуллар) ўзларининг мўғул тилини аста-секин ўқотиб, кўпчилик қипчоқча, я'ни туркйча-

¹ XIV аср бошларида ёзган.

² В. Г. Тизенгаузен, кўрс. асар, I т., 540—541 бетлар.

³ В. Г. Тизенгаузен, кўрс. асар, I т., 541 бет.

⁴ В. Г. Тизенгаузен, кўрс. асар, I т., 541—542 бетлар.

⁵ В. Г. Тизенгаузен, кўрс. асар, I т., 213—214 бетлар (арабча: текст), 235 бет (русча тажр.).

гапирабошлаган. Голиблар, я'ни татарлар ёки мұғуллар устидан қилинған бу жуда қымматли кузатишининг түри эканлигини кейинги вақтлардаги фактлар түлиқ тасдиқлайды. Даشتى Қипчоқда — Дон дар'еси блан Волга дар'еси ўртасидаги жанубий рус даштлари территориясіда ҳам, шунингдек, Шарқ томондаги Урал дар'еси ҳавзасыда, Орол деңгизидан ва Сирдар'е этакларидан шимол томондаги даштларда ҳам — хуллас, ҳамма жойда мұғул қабилаларшының түркiiлашиш процессы юз берган. Еттисувда ва Мовароунахда қандай процесс рүй берган бўлса, буерда ҳам аслда шуидай бўлган. Мұғул қабилаларидан XII асрнинг иккинчи ярмида Еттисувдан Хўжанд (Ленинобод)га кўчиб келган жалоирийларнинг ва Қашқадар'е водисига кўчиб келган барлосларнинг тақдирини эсга олайлик. Бу иккала катта мұғул қабиласи—жалоирийлар блан барлослар — Еттисувдан келган пайтларидандаёт тил жиҳатдан ма'lум даражада түркiiлашган здилар. Янги жойда улар шу қадар түркiiлашиб кетгандарки, улар XIV асрда, ҳархолда XIV асрнинг иккинчи ярмида, турк тилини ўз она тиллари деб ҳисоблагалилар.

Даشتى Қипчоққа қайтгайлар. Броқ, асл қипчоқлар сра қолмазан, дейин хато бўлур эди. Манба'лар бўйича Жўжи Улусидаги қўшишининг этник состави блан танишадиган бўлсан, биз, ҳатто XIV аср охирида ҳам қипчоқларни қўшишининг алоҳида қабилавий қисми сифатида кўришимиз мумкин. Шарафиддин Али Яздий Темурнинг 1391 йилда Тўхтамишга қарши аскар тортиб борганлигини ҳикоя қилип экан, Тўхтамишининг қўшини тўғрисида қўйидагиларни айтади: «руслардан, черкаслардан, булгорчардан, қипчоқлардан, Қrimдаги Кафа ва Азоқ алаларидан (халқларидан), бошқирдлар ва м. к. с.¹ дан анчагина катта қўшини тўплади². Ўша автор Темур қўшинлари блан Тўхтамиш қўшинлари ўртасида 1391 йилда Кундузча деган жойда бўлиб ўтган катта жангни тасвирлар экан, Темурнинг Усмон баҳодир деган лашкарбошиси қўл остидаги отрядининг составида қипчоқ қўшини бор эди, деб ёзади.³ Бундай қўшинлар Темурда анчагина бўлган бўлса керак. Ботунинг юриши муносабати блан ва ундан кейин Даشتى Қипчоққа келган мұғуллар составида бирқанча қабила бўлган. Аммо Даشتى Қипчоқ шароитида иккита катта мұғул қабиласи—қўнғиротлар блан манғуллар ёки манғитлар — ўзларининг қабилавий бирликларини йўқотмадиларгина эмас, балки ҳатто анча катта халққа айланадилар ҳам. Броқ улар ўзларининг бирликларини сақлаган бўлсалар ҳам, ўз мұғул тилларини йўқотиб, түркiiлашиб кетгандар. Кейинчалик XV асрнинг иккинчи ярмида, манғитлар номларини ўзгартириб, ўзларини нўғойлар деб атайдибошлаганлар, ударнинг ўрдаси эса Нўғой ўрдаси деб юритилган. XV аср-

¹ Можша, я'ни Мордва кўзда тутылса керак.

² В. Г. Тизенгаузен, кўре., асар, II т., 156 бет.

³ В. Г. Тизенгаузен, кўре., асар, II т., 169 бет.

нинг 80-нчи йилларида, Қозон йилномачисининг сўзига қараганда¹, улар Волганинг шарқий қирғонига ўтиб, уерда то Ёйқ дар'ёсигача бўлган жойларда кўчид юрганлар. Қўнгиротлар блан манғитлар аста-секин кўчманчи турк жамияти составига шу қадар қўшилиб кетганларки, улар ўзларини, биз турклармиз, деб ҳисобладиган бўлганлар.

XIV асрнинг иккичи ярмида ва XV аср бошларида Оқ Үрданынг аҳолиси кимлардан иборат бўлган, бу аҳолининг этник состави қандай бўлган?

Шу нарса жуда характерлики, XV асрдаги эрон манба'лари Оқ Үрданинг асосий аҳолисини ўзбеклар деб, Оқ Үрданинг ўзини эса Ўзбек Улуси деб атайди. «Ўзбеклар» деган сўзнинг аслда қаердан келиб чиққалиги масаласида ҳозиргача бирхил фикрга келишимаган. Ўзбекларнинг келиб чиқиши тўғрисида ёзган кишиларни энг кейинигиси проф. А. А. Семёновдир. Проф. А. А. Семёнов ўзининг «Шайбонийхон ўзбекларнинг келиб чиқиши ва состави масаласига доир» деган жуда қимматли ва қисқача баён қилингани мақолосида: «...ўзбеклар Олтин Үрдадан чиқкан эмаслар ва, улар ўз номини Олтин Үрда хони Узбекдаи олганлар, деган фикр ҳам исбот қилишимаган»² деган фикрии айтган.

«Ўзбеклар» деган термин муносабати блан китобхонларда чалкаш бир фикр тутгилласип учун, XIV—XVI асрларда Жўжи Улусининг шимоли-шарқий ўлкаларида яшаган кўчмаочи ўзбеклар блан ҳозирги Ўзбекистонда яшовчи ўзбеклар бирхил эмаслигини упутмаслик керак. Ўзбек ҳалқининг составига, асосан, қўйнадаги этник қисмлар киради: 1) Мовароунаҳдаги эски туркий аҳоли, бу аҳоли шуерда жуда қадимдан яшаб келгай деҳқон токижлар аҳолисини XI асрданоқ тил жиҳатидан туркийлашиб работилаган эди, 2) бирқанча шаҳарлардаги туркийлашиб кетган, ўзи эроний группага мансуб бўлган аҳоли, бу аҳоли ўзининг илгариги токик тилини аллақачоюқ йўқотган эди, 3) XV аср охирида ва XVI аср бошларида Амудар'ё блан Сирдар'ё этакларидан ҳозирги Ўзбекистон териториясига кўплаб кўчид келган кўчманчи ўзбеклар³. Оқ Үрда ўзбеклари ҳозирги ўзбек ҳалқининг этногенезини ташкил қилган ҳалқлардан фақат биригина ҳисобланади. Шундай қилиб, Оқ Үрда ўзбеклари тўғрисида сўзлаганда, биз этник состави жиҳатдан ҳам, хўжалик уклади жиҳатидан ҳам қандайдир бошқа бир нарсани кўзда тутамиз. Даشتி Қипчоқда, шу жумладан, Оқ Үрда даштларида ҳам кўчманчи аҳолининг асосий қисми қипчоқ қабилаларидан иборат бўлган, деб юқорида айтиб ўтилган эди. Мўгуллар қипчоқларнинг этник сос-

¹ «Илгари Манғитлар деб аталган Нўйойлар келди» (ПСРЛ, XIX, 1903, 8 бет).

² Рабочая хроника Института востоковедения, II., Ташкент, 1944, 15 бет.

³ А. Ю. Якубовский. К вопросу о происхождении узбекского народа, Ташкент, 1941.

тавига тубдан ўзгариш кириллалари йўқ, аксинча, мўрулларнинг ўзлари туркйлашиб кетдилар; иккита катта мўгул қабиласининг қўнғиротлар блан кейинчалик нўғойлар деб аталабошлиган мангитларнинг тақдирини эслайлик¹. Оқ Үрданинг қипчоқлардан ва қисман қўнғирот-мангитлардан иборат бўлган аҳолиси ўзбеклар деган номни качон ва қандай қилиб олган?

А. А. Семёновнинг мақоласида айтилишича, «ўзбеклар» деган термин Олтин Үрда таҳтига Ўзбекхон (1312—1342) ўтирасдан анича олдин турк-мўгул қабилаларининг ма’лум бир групласининг номи бўлган. Шундаймikan? Қўлимиздаги манба’ларни бир қараб чиқайлик.

XIV асрда ўтган автор Ҳамдуллоҳ Казвенийнинг «Тарихи Гузида» номли тарихий асарида, Ўзбекхоннинг 1335 йилининг ноябрь—декабрь ойларида Закавказъеда уруш олиб борган қўшини «ўзбекиён» деб аталган². Проф. А. А. Семёнов, ба’зибир тарихчилар «ўзбекий» деган терминни халқнинг номини билдиручи «ўзбек» термини блан чалкаштирадилар, деб тўғри кўрсатади³.

Шундай қилиб, Даشتӣ Қипчоқнинг турк-мўғул жангчилари «ўзбекиён» («ўзбекийлар») деб аталганилиги шубҳа туғдирмайди. Шунга батамом мувофиқ равишда Ҳамдуллоҳ Казвенийда Жўжи Улуси ҳам «Мамлакати Ўзбекий», я’ни Ўзбекнинг давлати деб аталган⁴. Шуниси жуда қизиқки, Ҳамдуллоҳ Казвенийнинг ўғли, «Тарихи Гузида»ни давом эттирган Зайниддин Ўзбек Улуси деганда Оқ Үрдани эмас, балки бутун Жўжи Улусини назарда тутади. Ҳарҳолда, Жонибекхон (1342—1357) замони тўғрисида гапирганд, Зайниддин Жўжи Улусини Ўзбек Улуси деб атайди⁵. Оқ Үрда тарихини бошқалардан кўра яхшироқ билган XIV аср автори Муиниддин Натаңзий («Искандар аноними») ҳам шу давр ҳақида гапирганд, Ўзбек Улуси терминини Жўжи Улуси ма’носида ишлатади⁶. «Искандар аноними»да бу термин ҳатто XIV асрнинг 60-нчи йилларига нисбатан ҳам худди шу ма’нода ишлатилган. «Ўзбек Улуси» иборасини автор қайси ма’нода тушунганилиги мана бу жумладан очиқ ма’лум: «Ўнинг (Мурилхоннинг,— А. Я.) замонида Мўғул Бугонинг ўғли Ил’ёс Ўзбек Улусининг бош амири (амир ул умароси) бўлган»⁷ Мўғул Буго, шу-

¹ Шу блан бирга, нўғойлар составида мангитлардан ташқари яна бошқа этник элементлар ҳам — туркӣ ва мўғул элементлари ҳам бўлган.

² В. Г. Тизенгаузен, кўрс. асар, II т., 221 бет (форсча текст), 23 бет (русча тарж.).

А. А. Семёнов, кўрс. асар, 13 бет.

⁴ В. Г. Тизенгаузен, кўрс. асар, II т., 221—222 бетлар (форсча текст), 93 бет (русча тарж.).

⁵ В. Г. Тизенгаузен, кўрс. асар, II т., 226 бет (форсча текст), 97 бет (русча тарж.).

⁶ В. Г. Тизенгаузен, кўрс. асар, II т., 233 бет (форсча текст), 128 бет (русча тарж.).

⁷ В. Г. Тизенгаузен, кўрс. асар, II т., 235 бет (форсча текст), 130 бет (русча тарж.).

нингдек, унинг ўғли Ил'ёс Олтин Үрда амирлари бўлганлар. Ил'ёс сарой хони Мурид (Амурат) даврида бош амир бўлган, бу тўрида юқорида муфассал гапириб ўтилди. Броқ «ўзбекий» (кўплиги «ўзбекиён») термини узоқ яшамаган. Кейинги вақтлардаги эрон манба'ларида бу термин сақланмаган. Шу нарса характерлики, бу манба'ларда «ўзбекий» деган сўз эмас, балки «ўзбек» (عُزْبَكْ) деган ном учрайди¹. Бу ерда «ўзбек», «ўзбеклар» термини фақат Оқ Үрдага нисбатан, унинг кўчманчи туркмўғул аҳолисига нисбатан қўлланади. «Искандар аноними» ҳам бу терминни худди шу ма'нода ишлатади. Масалан: «Кўп жанглардан кейин Тўхтамиш тумтарақай бўлди ҳамда руслар қўшининг катта бир қисми ўзбеклар томонидан қириб ташланди². Буерда ғап XIV асрнинг 90-ичи йиллари охирида Тўхтамишнинг Едигей блан кураш олиб борган даври тўгрисида боради: бу ўринда тилга олинётган ўзбеклар Едигейнинг қўшинида бўлган, шубҳасиз, Оқ Үрда кўчманчилариридир. Шарафиддин Али Яздий ҳам «ўзбеклар»ни юқорида кўрсатилган ма'нода тилга олади³.

«Ўзбекий» (кўплиги «ўзбекиён») термини блан «ўзбек», «ўзбеклар» термини ўртасида қандайдир бир боғланиш борми? А. А. Семёновнинг фикрича, ҳечқандай боғланиш йўқ. Биринчи ном тасодифий бўлиб, XV аср манба'ларида учрамайди. «Ўзбек» (او زېڭ) термини эса, А. А. Семёнов фикрича, Оқ Үрда шароитида майдонга келган, ўша ерда тарқалган ва унинг «ўзбекий» терминига на бевосита ва на бавосита алоқаси йўқ. Бу терминнинг қачон майдонга келганилиги ҳозирча аниқланмаган.

Бизнингча, бу нуқтаи назар тарихий фактлар блан исбот қилинмаган ҳамда, бу икки номнинг бир-бири блан бевосита боғланиши бор, деган гипотезаларни рад қилаолмайди. Ҳақиқатда ҳам, ўша замонда яшаган одамлар Ўзбекхон қўшинини — «ўзбекиён» деб, унинг бутун давлатини эса «Ўзбек давлати» деб атаганлар. Жўёжи Улуси қўшинида сўл қанотнинг қандай катта роль ўйнаганлигини кўз олдига келтирмоқ учун манба'ларни диққат блан, синчиклаб ўқиб чиқишнинг ўзи кифоядир. Оқ Үрданинг туркмўғул кўчманчилари сараланган отлиқ жангчилар бўлган. Олтин Үрда қўшинининг асосий қисми ҳам шулар ҳисобланган бўлса керак. Дастреб шуларни «ўзбекиён» деб атаган бўлсалар керак. «Ўзбекий» термини аста-секин «ўзбек» термини блан алмашган, бу «ўзбек» термини Оқ Үрдадаги туркмўғул қабила-ларининг бутун бир группаси учун умумий номга айланган.

¹ Низомиддин Шомий. Тағеғ қашр., форсча текст. 71 бет (пастдан 4-чи йўл); 114 ва ундан кейинги бетлар.

² В. Г. Тизенгаузен, кўрс. асар, II т., 238 бет (форсча текст), 133 бет (руссча тарж.). Яна қаранг: кўрс. асар, II т., 238 бет (форсча текст), 134 бет (руссча тарж.).

³ В. Г. Тизенгаузен. кўрс. асар, II т., 178 бет. — Буерда баҳодир ўзбеклар отряди тўгрисида гапирилган.

«Ўзбек Улуси» термини эса Жўжи Улусининг ҳаммасига нисбатан эмас, балки унинг фақат Оқ Үрда қисмига нисбатан қўлланабошлаган. Агар Рўзбахон Исфаҳоний деган одам томонидан XVI аср бошларида ёзилган «Меҳмонномаи Бухоро» номли китобга қараб ҳукм қиласидиган бўлесак, XV аср охири ва XVI аср бошларида худди ана шундай бўлган. А. А. Семёнов Шайбонийхон замонидаги ўзбекларнинг келиб чиқиши масаласини аниқлашда шу асардан фойдаланган. Рўзбахон Исфаҳонийнинг айтишича, ўзбекларга учта халқ киради. Уларнинг биринчisi — «Шайбонийга тегишли бўлган қабилалар¹», я’ни шайбониён = шайбонийлар, иккинчisi — қозоқлар ва учинчиси — мангитлардир. Бу уч халқнинг ҳаммаси Оқ Үрданинг аҳолиси сифатида ўзбеклар деб аталтади битта умумий халқни ташкил қиласан. Бу ма’лумотнинг ўзидаи шу нарса очиқ кўриниб турибдики, ўзбеклар номи блан аталган алоҳида халқ ёки қабила бўлмаган. Ўзбеклар деган ном тамом умумлаштиручи характерга эга, бас шундай экан, бу ном кўпроқ юқорида айтиб ўтилган йўл блан, я’ни «ўзбекий», «ўзбекиён» терминидан келиб чиқсан бўлиши мумкин. XVI аср бошларида ўзбеклар ҳали мустаҳкам бир этник бирликка эга эмас эди. Уша Рўзбахоннинг кўрсатиб ўтишича, «бу учала халқнинг хонлари доимо бир-бировларига душман бўлиб келган ва бирини бири пайини қирқсан²».

Оқ Үрданинг аҳолиси фақат кўчманчи ўзбеклардангина иборат эмас эди. Оқ Үрдага кенг даштиклар блан бир қаторда деҳқончилик қилинадиган каттагина территория: Суткент ва Саврондан тортиб то Янгикент ва унинг этагигача, я’ни Сирдар’ёning деярли Орол денгизига қийиладиган жойигача чўзилиб кетган водидаги қишлоқлар ва шаҳарлар ҳам кирап эди. Дар’ё бўйидаги бу районларда кимлар яшаган? Сирдар’ёning қуий оқимидағи деҳқончилик районларининг ва шаҳар ҳаётининг маданий даражасини тасвирлаб берганда бу саволга дурустроқ жавоб бериш мумкин.

Хозирги вақтда Сирдар’ёning Арисъ келиб қийиладиган жойидан бошлаб қуий оқимидағи ҳавза, Туркистон, Қизил Үрда, Фазали (Казалинск) шаҳарлари ва Орол денгизи атрофидаги кичик-кичик воҳаларни истисно қилганда, деярли сахро районларидан иборатdir, бу жойларни Тошкент ва Оренбург темир йўлининг станциялари ва станциялар ёнидаги кичик-кичик поселениелар кесиб ўтган. Илк ўрта аср даврида аҳвол бошқача бўлган. Қуий Сирдар’ё водисида ҳар томонга каналлар қазилган бўлиб, уларга Сирдар’ёдан сув чиқарилган; ба’зи ерларда эса коризлар^{*} бўлган. Бу водида Үтрор, Яси, Саброн (Саврон), Сифноқ, Барчкент ёки Барчинлиғкент, Ашнос, Жанд, Янгикент ва бошқа шаҳарлар

¹ А. А. Семёнов, кўрс. аср, 14 бет.

² А. А. Семёнов, кўрс. аср, 14 бет.

* Кориз — ер тагидан ўтказилган сув йўли. Ред.

бўлган. Бу ўлқадаги шаҳарларнинг асосийлари ана шулар эди. Шаҳарлардан ташқари буерда кўпгина кичик-кичик қишлоқлар ҳам бўлган. Сирдар'ё бўйидаги бу маданий ҳавзанинг тарихи икки даврга: 1) мўғуллар келгунгача, Чингизхоннинг юришига бўлган даврга ва 2) мўғуллардан кейинги даврга бўлинishi керак.

Иккинчи даврнинг асосий фарқи шундаки, бу даврда X—XIII аср (20-инчи йилларгача) лардагига нисбатан шаҳар ва қишлоқ ҳаётини равишда орқага қараб кетган.

Жуда қадимдан атрофдаги даштларда кўчманчи қабилалар ва халқлар яшаб келган. IX—X асрларда буерда ўғизлар кўчиб юрган, XI—XIII асрларда Сирдар'ё бўйидаги даштларнинг асосий хўжайинлари қипчоқлар блан қанғиллар бўлган. Мўгуллар истилосидан кейин буерда мўгул қабилалари пайдо бўлган, юқорида айтиб ўтганимиздек, бу мўгул қабилалари XIV—XV асрларда жуда кўп бўлган турклар ичидаги аралашиб кетиб, қўнгирот, маненит ва бошқаларнинг ўзига хос турк-мўгул этник қабилаларига айланганлар. Сирдар'ё ҳавзасида деҳқончилик блан шуғулланучи поселениелар қачон ва қай тарзда майдонга келганилиги ҳозирча бизга маълум эмас. Бу масалаларни ҳал этиш учун археологик қидиришлар олиб бориши ўйли блан кўп иш қилиш керак¹. Буерда шаҳар ҳаётининг келиб чиқиши тўғрисида, шаҳарлар IX—X асрларда кўчиб келган мусулмонлар томонидан барпо қилинди, деган жуда сингиб қолган бир фикр бор. Ҳақиқатай ҳам шундайми ё йўқми эканлигини яна ўша археологик қазишилар ўтказиш ўйли блан ҳал қилиш мумкин; мўгуллар даврида Яси деб юритилган, X асрда эса Шовгар номи блан машҳур бўлган Туркистон шаҳри Оқ Үрда составига кирмаган ва шу сабабдан биз унинг тўғрисида гапирмаймиз. Саврон (Саброн) масаласига келгандан, у, Оқ Үрда териториясига ҳамавақт ҳам киравермаган; ҳарҳолда, 1387—1388 йилларда Тўхтамиш блан кураш олиб борилган пайтларда Саврон Темурнинг чегарадаги қал'аси бўлган. Ма'лумки, сомонийлар даврида Саброн бой савдо шаҳри бўлган. Ибн Ҳавкалнинг ёзишича², буерда мусулмон савдогарлари блан кўчманчи ўгизлар (гузлар) савдо-сотиқ қилган. Худудул олам автори ҳам (Туманскийнинг қўлъезмаси)³ Сабронни, ўгиз савдогарлари турган жой, деб кўрсатиб ўтган. Муқаддасийнинг айтишича, Саврон

¹ Бу археологик ишлардан энг катталари кўйидагилардир:

а) П. Лерх. Археологическая поездка в Туркестанский край в 1867 г СПб., 1870.

б) А. Ю. Якубовский. Развалины Сыгнака. Сообщ. ГАИМК, т. II, Л., 1929.

в) 1947 йилдан бошлиб А. Н. Бернштам Сирдар'енинг жуйи оқимида археологик экспедиция ишларини олиб борди, у бу участкада қилган ишларининг ҳисоботини ёзган. Яна қаранг: С. П. Толстов. Города Гузов. Сов. этнограф., 1947, № 3, 55 ва ундан кейинги бетлар.

² ВСА, II, 390 бет.

³ Худудул олам, В. В. Бартольд иашр қил., 1930. Л., 24 б.

(Саброн) 7 қават девор блан ўралған катта шаҳар бўлган. Шаҳар ичкарисида работ, я'ни ҳунарманд-савдогарлар саройи бор. Шу нарса характерлики, Муқаддасий вақтида (Х асрнинг 80-чи йиллари), унинг сўзича, Саврон кўчманчиларга — ўғизларга ва қимоқларга қарши қал'а бўлиб турган¹. Бу ҳол шуни аниқ кўрсатадики, сомонийларнинг ма'мурлари ўз савдогарларининг савдо ишларини ҳимоя қилиб, дастлабки пайтларда буерда ўз аскарий қисмларини тутиб турганлар. Муқаддасий яна, Савроннинг нариги томонида Туар Зироҳ деган кичик бир шаҳар блан бирга қишлоқ жой ҳам бўлган,² деб ҳикоя қиласди.

Кейинроқ вақтлардаги ма'lумотларга кўра,³ XVI асрда Савронда 200 ҳинд қули қазиган коризлар бўлган. Коризлар орқали сув тарқатиш системаси буерда илгари ҳам бўлган бўлса керак. XI—XII асрларда, мўғуллар келгунгача бўлган даврда, Саврон бирқадар тушкунликка юз тутган. Ҳархолда, Чингизхон мўгулларининг бу шаҳарни олганликлари тўғрисида тарихчилар гапирмайдилар. Шу нарса қизиқки, мўғулларнинг улуғ хони Манку ҳузурига 1254 йилда саёҳат қилиб борган арман шоҳи Хетум қайтиша Бешбалиқдан Утрорга келаётганда Сирдар'ё бўйидаги бирқанча шаҳарлар орқали, шу жумладан, Саврон орқали ўтган. Савронни у, катта шаҳар эди, деб кўрсатади⁴.

Сифноқ шаҳри Оқ Үрданинг пойтахти бўлган.⁵ «Худудул олам» асаридан бошқа X асрдаги маинба'ларда бу шаҳар кўрсатилмаган. Мазкур асарда ҳам шаҳарнинг номи Сўнах тарзида ёзилган, бу эса, шу Сифноқ (Сугноқ) мikan, йўқмикан? деган ба'зibir гумон туғдириши мумкин. Сифноқ номи XI ва айниқса XII асрлардаги маинба'ларда тез-тез учрайбошлайди ва кўпроқ Хоразм тарихи муносабати блан тилга олинади. Хоразм Хоразмшоҳ Отсииздан бошлаб (1127—1154) Хоразмшоҳ Мұхаммадга қадар (1200—1220) бу группа шаҳарларни Хоразм ерларига қўшиб олиш учун очик-ойдий сиёсат юргизиб келган эди.

Чингизхон қўшини 1219 йилда Чингизхоннинг катта ўғли Жўжин кўмондонлиги остида Сирдар'енинг қуий томонига қараб бораётганда, Сирноқда жиддий қаршилилкка учраган. Бу курашни тасвирлаб ёзган Рашидиддиннинг сўзидан, Сифноқ XII аср бошлиарида катта ва яхши мустаҳкамланган шаҳар бўлган, дегай хуносага келиш мумкин. Ўзининг мустаҳкам истеҳкомларига

¹ ВСА, III, 274 бет.

² Уша ерда.

³ В. В. Бартольд. К истории орошения Туркестана, 148 бет. — Буерда Восифийнинг Осиё музейида сақлананаётган қўллэзмасидан далил келтирилган. 563а, л. 94а.

⁴ Киракос, М., 1858, 221—222 бетлар. — П. Лерх. Археологическая поездка, 13 бет.

⁵ А. Ю. Якубовский. Развалины Сыгнака. Сообщ. ГАИМК, т. II, л. 1929, 123—159 бетлар.

таянган Сиғноқ ахолиси Чингизхоннинг савдо ва дипломатия хизматида юрган Ҳасан Ҳожи деган бир мусулмон киши Жўжи номидан уларнинг олдига элчи бўлиб келиб, шаҳарни урушсиз топширишни таклиф қилган вақтда, уни ўлдирган ва мўғулларга сабот ва матонат блан қаршилик кўрсатган. Кучлар тенг бўлмаганигидан, Сиғноқлилар етти кун қамал қилингандан кейин таслим бўлишга мажбур бўлган. Жўжи шаҳар ахолисини улар қаршилик кўрсатгани, айниқса, Ҳасан Ҳожини ўлдиргани учун раҳмисизлик блан жазолаган. Сиғноқ ахолисининг кўпчилиги қириб ташланган, шаҳарнинг ўзи эса талаш ва ўт кўйиш натижасида ҳаробага айланиб, шип-шийдан бўлиб қолган. Кейинги бутун бир аср давомида шаҳар бор бўлса ҳам, лекин у жуда аянч аҳволга тушиб қолган. Мўғуллар вайрон қилгандан кейин бу шаҳар тўғрисидаги дастлабки ма’лумотни биз арман шоҳи Хетумнинг хотираларидан топамиз. Хетум 1254 йилда, худди Саврон сингари, бу шаҳарни ҳам босиб ўтган, фақат буерда бирмунича олдинроқ бўлган. Хетум ўзининг кундалик дафтарида бу шаҳарни «Сингоқ» номи блан тилга олади.

Оқ Үрда улуси ўсиб бориши муносабати блан Сиғноқ XIV асрдаёқ тикланабошлаган, деб қат’ий айтиш мумкин. «Искандар аноними»да кўрсатилишича, шаҳар ҳаётини юксалтиришда ва шаҳарларда янги бинолар қурдиришда Эрзанхон катта роль ўйнаганигиги юқорида айтаб ўтилган эди. У Үтрорда, Савронда, Жандада, Барчинлиғент (Барчкент)да бинолар қурдирган. Эрзанхоннинг жасади Сиғноқда кўмилган. Ўрисхон замонидан бошлаб Сиғноқ номи манба’ларда тез-тез учраб туради. Ўрисхон даврида Сиғноқ Оқ Үрданинг пойтахт шаҳри ҳисобланган. Ҳарҳолда, Темур 780 ҳижрий йилда (=1378—1379) Тўхтамишни Темур Маликхонга қарши тўртичи марта Оқ Үрдага жўнатган пайтда, Тўхтамиш блан бирга юборган ўз ҳарбий бошлиқларига, Тўхтамишни Сиғноқ шаҳрида таҳтга ўтказилсан, деб буйруқ берган¹. Бундан ташқари Ўрисхоннинг бизга ма’лум бўлган тангаларидан дастлабкиси 728 ҳ. йил (=17 XI 1327—4 XI 1328) санаси блан Сиғноқда зарб қилингаи, бу ҳам Оқ Үрданинг сиёсий ҳаётida бу вақтда Сиғноқ катта роль ўйнаганигини кўрсатади².

Ўрисхон блан Тўхтамиш замонларидан бошлаб Сиғноқ тинмай ўсаборади. Сиғноқ фақат савдо маркази, қал’агина бўлиб қолмай, балки энди пойтахт ҳам бўлган ва унинг атрофида янги бинолар қуриб, шаҳарни ҳартарафлама безаганлар. Шу сатрларнинг автори томонидан 1927 йилда ўтказилган археологик текшириц Сиғ-

¹ Низомиддин Шомий. Tauer нашр., Praha, 1937, форсча текст, 70 бет (пастдан 2-чи ўйл).

² Ма’лумки, пуллар ҳамиша пойтахтда зарб қилинавермаган; масалан, Олтин Үрдада Сарой, Янги Саройдан ташқари пуллар бошқа бирнече жойда зарб қилинган. Буни юқорида кўриб ўтган эдик.

иоқда XIV асрнинг охирида қурилған ажайиб биноларнинг харобалари борлигини яққол күрсатды¹.

Сигноқ номи XV асрнинг биринчи ярмида тез-тез учрайди. Манба'ларда унинг номи күпроқ Мовароуннахр ҳокими Улурбек (1409—1449) блан Оқ Үрда хони Бароқхон (Үрисхоннинг невараси) ўртасидаги ўзаро муносабатлар туфайлы тилга олинади. Сигноқ бирмуңча вакт ҳатто Улурбек қўл остидаги ерларга ҳам кирган. XV асрнинг 30—40-нчи йилларида ўзбеклар хони Абулхайр Сирдар'ёning қуйи оқимидаги жойларни босиб олган ва Сузоқ ҳамда Ўзкент блан бирга Сигноқни ҳам ўзига бўйсундирган². У вактда Сигноқнинг қуйи томонида гавжум ҳаёт аллақачон тўхтаб қолган эди. Шундай қилиб, Сигноқ Сирдар'ё бўйидаги шаҳарларнинг энг шимолдагиси бўлиб қолган.

Сигноқ номи Ўрта Осиёнинг тарих майдонига Шайбонийхон (1500—1510) чиқкан йилларда ҳам учрайди. XV асрнинг 80-нчи йилларида Шайбонийхон Бурундуқхонга қарши кураш олиб борган, шу муносабат блан у Сирдар'ё бўйидаги шаҳарларни ва, шу жумладан, Сигноқни ҳам босиб олган. Сигноқ учун Бурундуқхон блан олиб борилган кураш (Бурундуқхон Сигноқ шаҳрини босиб олган Шайбонийхон қўлидан уни яна қайтариб олишга ҳаракат қилиб, шаҳарни уч ойгача қамал қилиб турган) тафсилоти ҳикоя қилингандай Шайбонийнома³да айтилишича, Сигноқда ўша вақтда мустаҳкам истеҳкомлар бўлган.

Сигноқ ҳақида энг муфассал ма'lумотлар XVI аср манба'ларида учрайди. Юқорида кўрсатиб ўтилган «Межмонномаи Бухоро» номли асадда Сигноқ тўғрисида қизиқ бир жой бор: «Сигноқ Сирдар'ё этакларида шаҳарларнинг энг чеккалагиси ҳисобланади. Буерда дехқончилик қилинадиган (сугориладиган ерлар) таомом бўлади, кейин шимол томонга қараб қум саҳроси чўзилиб кетади. Илгари вақтларда Сигноқ, авторнинг фикрича, жуда катта шаҳар бўлиб, унумдор экинзорлари ҳамда бинолари бўлган. У ҳатто Сигноқни «бандари Даشتி Қипчоқ», я'ни Қипчоқ даشتининг гавани деб атайди. Ишончли одамларнинг сўзлари бўйича ҳикоя қилиб, автор, илгари вақтларда Сигноқ бозорларига ҳар куни 500 бosh тия ҳайдаб келтирилиб, уларнинг ҳаммаси битта ҳам қолмай кечгача сотиб бўлниар эди, дейди. Автор, дехқончилик қилинадиган ерлар узунасига чўзилиб кетган, деб та'кидлаб кўрсатиб, улар Сирдар'ёдан чиқарилган каналлар орқали сую-

¹ А. Ю. Якубовский. Развалины Сыннака, 154 ва ундан кейинги бетлар.

² Абулхайрхон. Лекиягр. унав. қўлъэмаси, № 852, 4466, 447а саҳифалар — В. В. Бартольд. К истории орошения, 151 бет. — В. В. Бартольд Encyclopedie de l'Islam, Абулхайр тўғрисидаги мақола.

³ Шайбонийнома, И. Н. Березин таржимаси, LXV—LXVI ва ундан кейинги бетлар.

рилган, деб хабар беради¹. Бироз пастроқда ўша автор, Шайбоний уруғидан бўлган ўзбек хонлари Сигноқда мозор қурдирганлар, бу мозорда уларнинг тўр ва сағаналари бор, дейди. Ана шу хонлардан бирортаси ўлса, унинг жасадини Сигноқка олиб қелиб кўмганлар ва «мозорда» унинг тўри устига «гумбаз» ўринатгандар². 1902 йилда В. В. Бартольд Сирдар'ё область бошқармаси-нинг архивида ишлаган пайтда анча қизиқарли бўлган вакиғи ҳужжатлар топиб олган. Бу ҳужжатлар XV—XVII асрлардаги Сигноқ тўрисида кўпгина ма'lумотлар беради.

В. В. Бартольдинг сўзича: «Бу айтиб ўтилган ҳужжатлар тарихий-географик жиҳатдан ҳам, шунингдек, маданий-тарихий жиҳатдан ҳам диққатга сазовордир. Бу ҳужжатлардан кўринишича, XVI ва XVII асрларда Сўноқ-қўргон атрофида экин экиладиган участкалар кўп бўлган; бу участкаларни билдириш учун тупа (я'ни тепалик, дўнглик, шунингдек: участка, дала) термини қўлланган. Темур номи блан ёзилган бир ҳужжатда, шайх Сироқиддин шайхулислом қилиб тайинланганлиги ва унга Урдакент, Қизилтол, Туман ва Бузгулузоқ ариқлари бўйидаги ерлардан биттадан участка («қирқ тўйайдан») ҳад'я қилинганлиги айтилган; Туман ариғи Сирдар'ёдан оқиб келади, дейилган; ма'lумки, бу ариқ ўз номини ҳозирга қадар сақлаб келмоқда...»³. В. В. Бартольд яна кўпгина анҳор, булоқ ва каналларнинг номларини келтиради, буларнинг ба'зилари ҳозиргача ҳам сақланиб қолган. Бундан ташқари мозорларнинг номлари ва ўша вақтдаги кўзга кўринган сигноқлиларнинг исмлари тилга олинади. Вақиф ҳужжатларидан олинган бу географик номенклатуранинг ҳаммасини шу кунгача сақланиб қолган номлар блан (халқ хотирасида сақланган номлар блан ҳам) солиштирилса, Сигноқдаги дехончилик ерларининг қанақа бўлганлигини ва унинг катталигини кўз олдига келтириш мумкин. Рус манба'ларида Сигноқнинг номи биринчи марта XVI аср ўрталарида ёзилган «Книга Большого Чертежа» деган китобда учрайди. Буерда Сигноқ ҳақида бундай дейилган: «Кендерлик дар'ёсининг қўйилиш жойидан 150 чақирим нарида, Сирдар'ёning чап томонида, Қораҷат тепалигининг рўпарасида Сўноқ шаҳри бор. Оқбошли кўли блан Сауқ дар'ёсининг ҳамда Оқ кўлпинг ўртасида ва Зеленчик дар'ёсининг ҳам, Кендерлик дар'ёсининг ҳам, Сарисув дар'ёсининг ҳам ҳар иккала томонида ва Қорақумнинг шу жойлардаги 600 чақирим кела-

¹ Менга ўша вақтда В. В. Бартольд ўзининг ёзиб олганларини илтифот блан берган эди. Ана шундан келтиряпман. Константинопольдаги Нур Усмония кутубхонасиининг кўлбезмаси (№3431, 178 саҳифа).

² Ўша ерда, 180 саҳифа. — А. Ю. Якубовский. Развалины Сыннака, 136 бет.

³ В. В. Бартольд. Отчет о командировке в Туркестан. ЗВО, XV, 267—268 бетлар.

диган қисмиди кўчманчи Қозоқ Үрдалари бор.— Сирдар'ё бўйида эса Сўноқдан 90 чақирим нарида Ясишон шахри бор¹.

Бу сатрларнинг автори 1927 йил ёзида Сиғноқ харобаларини бориб кўриб, юқорида айтиб ўтилган «Развалины Сыгнака» («Сиғноқ харобалари») деган мақоласида бу харобаларнинг қандай ҳолда эканлигини тасвирлаб берган эди. Сиғноқ харобаларни қисқача бўлса ҳам такрорлаш имконияти бўлмаганлигидан, автор фақат шунигина эслатиб ўтадики, шаҳарнинг қолдиқларига қараб унинг катталиги, ундаги истеҳком ва биноларнинг қанақа бўлганлиги, Сиғноқ кулолларининг бадим мажорати тўғрисидагина эмас, балки шаҳарда катта қабристон бўлганлиги тўғрисида ҳам бир фикрга келиш мумкин. Сиғноқларнинг архитектура соҳасида катта ютуқларга эришганлигини кўрсатадиган XIV—XV асрларда кўрилган ба’зибир биноларнинг харобаларини автор 1927 йилда бориб кўришга мусассар бўлди. Автор Сиғноқнинг яқин атрофидаги жойларни, шу жумладан, Кўк Қасанани ҳам (Туман ариқ темир ўйл станциясидан 5 км нарида) текшириб, XIV—XV асрларда ажойиб қилиб ишланган мақбарадан деярли ҳеччима қолмаганлигини (деворининг бир қисмидаги ранг-бараиг кошинилар нураб тушиб кетган) кўрди. Кўк Қасана ёдгорлигининг ўзини (бу мақбаранинг эски фотографияси сақланган)², шунинглек, унинг яқинидаги қабрларнинг харобаларини ҳам ўрганиш, буер мозор бўлган, деб хулоса чиқаришга имкон беради.

Фотография суратига қараганда, Кўк Қасана биноси катта-кон, пештоқли бино бўлган. Бинонинг устида конус шаклидаги гумбаз бўлиб, бу гумбаз аввал квадрат шаклида, сўнг саккиз қиррали ва ундан кейин ўи олти қиррали қилиб жуда яхшилаб ишланган. 1901 йилда Кўк Қасанани бориб кўрган ва уни тавсирлаб ёзган В. А. Қалаурнинг сўзига қараганда, бинонинг ичидага даҳма ва даҳманинг устида эса сағана бўлган. Гумбазнинг ич ва сирт томонларида арабча ёзувлар бўлган. В. А. Қалаурнинг фикрича, бу бино мақbara (мавзолей) бўлган. Шайбоний уруғидан чиққан Оқ Үрда хонларининг қабристони худди шуерда бўлганлиги ушбу сатрларнинг авторига 1927 йилда ё ма’лум эди. Юқорида айтиб ўтилган «Мехмонномаи Бухоро» авторининг автори ҳам худди шундай дейди.


Урисхонга қадар Оқ Үрда хонлари династиясининг тарихи манба’ларда жуда ёмон ёритилган. Бунинг сабаби XIV—XVI асрлардаги тоҷик ва эрон тарихчиларининг бу тўғрида яхши хабардор эмасликлари ҳамда бир-бирларига зид фикрда бўлганликларидағина эмас, балки Оқ Үрда хонларининг ўз пулларини

¹ Книга Большого Чертежа. Изд. Спасского. 1846, 74 бет.

² Протоколы Туркестанского кружка любителей археологии, 1901, 92—100 бетлар.

фақат Муборакхўжаон давридан бошлаб зарб қилдирғанликларида ҳамдир. Муборакхўжаоннинг биринчи тангасида 728 ҳ. йил (=17 II 1327—5 II 1328) санаси кўрсатилган. П. Савельев¹ замонидан бошлаб Оқ Үрда хонларининг шажарасини қўйидагида қилиб кўрсатиш расм бўлиб қолган.

Жўжининг ўғли Үрда Иченнинг бевосита авлодлари қўйидагилар бўлган:



XV асрда ўтган эрон тарихчиси Муиниддин Натанзийнинг «Искандар аноними» деган асари П. Савельевга ма’лум бўлмаган, бу асарда Саси-Буга замонидан то Урисхонгача бўлган даврда ўтган Оқ Үрда хонлари тўғрисида энг қимматли ма’лумотлар бор. «Искандар аноними» дастлаб хонлар номининг ўзига тузатиш киритишга имкон беради. П. Савельевда «Сашибуга», «Искандар аноними»да «Саси-Буга» деб берилади. Саси-Буганинг ўғли П. Савельевда «Абисон» дейилган бўлса, «Аноним»да — «Эрзан» деб аталади. Бу хонларининг ҳаммаси давлатни қандай идора қилганилиги тўғрисида жуда қимматли ма’лумотлар бор, буни биз қўйида кўриб ишонамиз. Броқ «Искандар аноними» даги хронология у қадар ишончли эмас, бу хронология тангалардаги ма’лумотларга тўғри келмайди. Оқ Үрда хонларининг подшолик даври тўғрисидаги хронологияда «Аноним» мана бундай деб кўрсатади: Саси-Буга 690 ҳ. й. дан 720 ҳ. й. гача (=1291—12 II 1320—30 I 1321)², Эрзан 720 ҳ. й. дан 745 ҳ. й. гача (=1320—1321—15 V 1344—4 V 1345)³ идора қилтан. Муборакхўжа тўғрисида, у фақат б ойгина ҳукмронлик қилган, сўнгра 2^{1/2}


¹ П. Савельев. Джучиды Синей Орды. ТВО, часть III, вып. 2, 1857, 355 бет.

² В. Г. Тизенгаузен, кўрс. асар, II т., 234 бет (форсча текст), 129 бет (русча тарж.).

³ В. Г. Тизенгаузен, кўрс. асар, II т., 234 бет (форсча текст), 129—130 бетлар (русча тарж.).

йил¹ дарбадарлықда юрган, дейилди. Бу юқорида көлтирилған саналардан («Аноним»нинг кўрсатишича), Муборакхўжа 745 ҳ. йилдан (= 1344—1345) жейин ҳукмронлик қилган, деган холоса келиб чиқади. Бу эса тангалардагы ма'lумотларга сра тўғри келмайди. Муборакхўжа ўз пулларини 728 ва 729 ҳ. йилларда², я'ни 16—17 йил илгари зарб қилирған. Шундай қилиб, биз хронология масаласида ҳозирча П. Савельев кўрсатган шажара таблиссини ўзgartирмай қолдирмиз ва фақат хонларнинг номларигина тузатиш киритамиз.

Саси-Буфа, 709 (=1309—1310)



Энди Оқ Урданинг юқорида номлари кўрсатилган хонларига «Искандар апоними»да берилган характеристикага ўттайлик. Саси-Буға Олтин Урда хонларига содиқ вассал эди, улар чақирганда ҳар сафар бўйин товламай борар ва қурултойларда қатнашар эди⁵. Бу сўзлардан очиқ ма’лумки, Жўёжи Улуси қўшинининг сўл қанотини ташкил қилган Оқ Урда XIV аср бошларида ўз династиясидан бўлган хонларига эга бўлса ҳам, аммо у Сарой Беркада ўтирган хонларга тоби’ бўлган. Шу нарса характеристики, Саси-Буғанинг таҳт вориси, унинг ўғли Эрзан Оқ Урда таҳтига мустақил равишда мерос йўли блан ўтирмаи, балки Олтин Урда хони Ўзбек (1312—1342) томонидан ўтқазилган. «Искандар апоними»да Эрзан энг яхши фазилатларга эга бўлган киши, лено ва одил

¹ В. Г. Тизепгаузен, күрс. асар, II т., 234 бет (фореча текст), 130 бет (руса тарж.).

² 768 ҳ. йил санааси блан иккита танга сақланган; лекин 2 рақами, ба'зан устанинг бепарволиги орқасида б 6 рақами блан алмаштириб юбориларди, чунки бундай қилиш осон бўлган.

³ Мизда кўрсатилишича, Тўйхўжа шаҳзода Қутлуғхўжанинг ўели бўлган (В. Г. Тизенгаузен, кўрс. асар, II т., 61 бет).

⁴ Тұхтамышхонине үхкмронлық давыр қақон тамом бұлғанлыгын анықтады. 1395 йылдан кейин у үхкмронликдан кетиб, умрени дарбадарлық дауытказған. У 1406 йылда ваяфот этган.

⁵ В. Г. Ти зен гаузен, күрс. асар, II т., 234 бет (форсча текст), 129 бет (руса тарж.).

ҳоким қилиб тасвирланган. Унда айтилишича, Эрзан Сирдар'ё бўйидаги бирқанча шаҳарларда — Ўтрор, Саброн, Жанд, Барчинлифкент ва бошқа шаҳарларда мусулмончилик ишлари учун хайр-эҳсон йигадиган муассасалар жорий қилган, масжид, мадраса, хонақо ва мозорлар қурдирган. Ўз уруг-аймокларини ва биринчи галда ўз династиясига мансуб бўлган одамларни турли ерларга жойлаштирган. Уша авторнинг сўзига қараганда, Эрзан уларга бўлиб берилган уделлар (куби)нинг ҳажмини аниқ қилиб белгилаб берган. У Оқ Үрда (Ўзбек) Улусидаги кўчманчи ҳарбий зодагонлар орасида удел ерлар масаласида шунчалик тартиб ўрнатганки, мамлакатда ҳечқандай ғалва чиқмаган, «улугларнинг ҳечбери кичикларга жабр қилмаган ва кичикларнинг ҳечбери ҳам катталарга бирон-бир ҳурматсизлик кўрсатмаган»¹. «Улуғлар» ва «кичиклар» — бу «феодал зодагонлар» блан «халқ» эмас, албатта, бинобарин, буерда гап ҳамма учун умумий бўлган фароғатлик вужудга келтирилганлиги тўғрисида бораётгани йўқ. «Улуғлар» ва «кичиклар» — кўчманчиларнинг ҳоким аристократик синфи ичидаги турли табақалардир. Шундай қилиб, буерда гап фақат ҳарбий аристократиянинг ўзининг ичida осойишталик ўрнатилганлиги ва ғалва-жанжалларнинг бўлмаганлиги устидагина боряпти, холос. «Искандар аноними»да айтилишича, шундан кейин ҳечким бундай хонни кўрмаган. Эрзан вафот этгандан кейин (у Оқ Үрда пойтахти Сифноқда кўмилган) Муборакхўжа тахтга ўтирган (720—745); у отасига сра ўхшамаган. Удел муносабатлари системасида отаси ўрнатган тартибни у биринчи бўлиб бузган. «Муборакхўжа ўзининг ҳирс ва очкўзлиги блан тўс-тўполнонни бошлаб юборди ва бу тўполнон (булғоқ) Даشتி Қипчоқда ҳозиргача ҳечкимнинг эсидан чиққан эмас»². Нумизматика маълумотлари бу масалада ҳам маибадаги ба’зибир айтилмай қолган жойларни аниқлашга ёрдам беради. Буерда қайси тўс-тўполнон ҳақида сўз бораяпти? Фақат Муборакхўжахондан бошлаб ўзининг номи блан чиқарилган пулларнинг сақлакиб қолганлиги фактининг ўзи шуни кўрсатадики, Муборакхўжа Оқ Үрда хонлари ичидаги биринчи бўлиб ўзини Олтин Урдадан, Сарой хонидан, мустакил деб э’лон қилган. Маълумки, бу даврда пул зарб қилиш, айниқса, кумуш пул зарб қилиш ҳуқуқи мусулмон Шарқида суверен ҳокимнинг имтиёзи ҳисобланар эди. Муборакхўжахон 728 ҳ. йилда³ пул зарб қилдириш блан ўзининг мустакиллигини э’лон қилди. Бу иш Олтин Үрда хони Ўзбекнинг (1312—1342) норозилингига сабаб бўлмай иложи йўқ эди, шунингдек, Оқ Үрданинг ўзидаги кўчманчи ва ҳарбий аристократия орасида ҳам

¹ В. Г. Тизенгаузен, кўрс. асар, II т., 234 бет (форсча текст), 129—130 бетлар (русча тарж.).

² В. Г. Тизенгаузен, кўрс. асар, II т., 234 бет (форсча текст), 130 бет (русча тарж.).

Бу вақтгача Муборакхўжахон пул зарб қилдирмаган бўлса керак.

бу масалада низо' ва жанжаллар бошланиб кетди. Бунга яна бошқа бирқанча зиддиятлар ҳам қўшилиб, сиёсий аҳвол шу қадар мураккаблашиб кетдики, натижада Оқ Үрдада жиiddий түс-түсполон бошланди ва бу түполон Муборакхонни бирнече вақттарбадар бўлиб юришга мажбур қилди. Олтин Үрда нима қилиб бўлса ҳамки, Оқ Үрдани илгаригидек вассал қарамлигига бўлишига ҳаракат қилди. Муиниддин Натаңзийнинг айтишича, Муборакхўжа 2 ярим йил дарбадарликда юрган¹. Ўзбекхон Оқ Үрда блан Олтин Үрдани бир хонлик қилиб бирлашириш учун шу вақтда ўз ўғли Тинибекни Сигноққа хон қилиб юборган бўлса керак. Тинибек Оқ Үрдада узоқ хон бўлиб турмаган². Шайх Увайснинг айтишича, Ўзбекхон вафот қилгандан кейин орадан сал ўтмай Тинибек ўз укаси Жонибек томонидан ўлдирилган; Жонибек бу акасини Олтин Үрдалаги хонлик тахтига да'во қилучи энг асосий рақиб деб билиб, шундай қилган эди. Жонибекхон Муборакхўжа вафот этгандан сўнг ва ўз акаси ўлдирилгандан кейин, «Аноним» да айтилишича, Оқ Үрда тахтининг мерос қолиши масаласига аралашган ва Эрзанинг ўғли Чимтойни (745—762 ҳ. Й.) хон қилиб ўтқизган³.

Эрон манбай бўлган «Аноним»даги бу хабарнинг тўғрилигини тангалардаги ма'lумотлар тўла тасдиқлайти. Бизда Чимтойнинг номи блан чиққан биронта ҳам танга йўқ. Чимтой гарчи ўзини Оқ Үрданинг суверен хони деб ҳисоблаган бўлмасада, броқ, суверен хон Муборакхўжа замонида эмас, балки худди шу Чимтой замонида Оқ Үрда Олтин Үрдалаги «түс-тўполон»га актив суратда аралашабошлаган, бу тўғрида бундан олдинги бобда муфассал гапирилган эди. «Искандар аноними»⁴, рус йилномалари ва нумизматика ма'lумотлари — барча манба'лар бунинг тўгри эканлигини тасдиқлайди. Чимтойнинг ўзи Сарой ишларига аралашмаган ва, афтидан, бундай қилишга шахсан ўзи қарши бўлган, броқ Оқ Үрдадан Сарой Берка тахтини да'во қилучи бирқанча шаҳзодаларнинг чиқишига тўсқинлик қилаолмаган. Хизрни (Хидирни), Темур Хўжани, Муридни (Амуратни) ва Келдивекни эслайлик. Бу Сарой хонлари ўз пулларини XIV асрнинг 60-иичи йиллари бошида, Чимтойхоннинг хонлик даврининг охирида зарб қилдирганлар.

Броқ Олтин Үрда ишларига аралашиш масаласига келгандан Чимтойнинг ўз оила а'золари ўртасида яқдиллик бўлмаган.

¹ В. Г. Тизенгаузен, кўрс. асар, II т., 234 бет (форсча текст), 130 бет (руска тарж.).

² А. Т. Тагиржонов, Қутбнинг «Ҳисров ва Ширин» достонида «Маликхон Маликасенинг (я'ни Тинибекнинг хотини) мадҳияси» деган бобда Тинибекнинг саройи Сигноқда бўлганлиги ҳикоя қилинади, деб менга айтган эди.

³ В. Г. Тизенгаузен, кўрс. асар, II т., 234 бет (форсча текст), 130 бет (руска тарж.).

⁴ В. Г. Тизенгаузен, кўрс. асар, II т., 234 бет (форсча текст), 130 бет (руска тарж.).

«Искандар аноними»да айтилишича, Чимтойнинг невараси бўлган Үрисхон «Кўк Үрда улусини ҳам қўлга олишга ҳамавақт ўз отасини қистаган бўлса ҳам, лекин Чимтой (унга) қулоқ солмаган»¹.

Чимтойдан кейин Оқ Үрда таҳти Үрисхонга ўтган, Үрисхон 763 ҳ. йилдан 782 ҳ. йилгача, я'ни 1361 дан 1380 йилгача давлатни идора қилган². «Искандар аноними» Үрисхоннинг баджаҳл одам эканлигини айтса ҳам, броқ у кучли хон бўлган, деб э'тироф қиласди. Уз ҳукмронлигининг биринчи кунларидан бошлабоқ у Муборакхоннинг йўлини тутиб, ўзини фақат суверен ҳоким деб э'лон қилибгина қолмай, балки кўчманчи ўзбек зодагонлари қурултойида «Олтин Үрда» ишларига аралашишни ҳам таклиф қиласди. Үрисхон бирнечча кунгача зиёфат бериб, йирик ва обрули амирларга катта-катта ҳад'ялар улашган ва ҳарбий зодагонларнинг қўллаб-қувватлашига ишонган ҳолда Олтин Үрда устига аскар тортиб борган. Афсуски, бу юришнинг қачон бўлганлигини аниқ билмаймиз. Бу — Оқ Үрданың Сарой ҳонларига қарши қат'ий ҳужум бошлиши эди. Үрисхон бутун Олтин Үрда давлатига ўзи ҳоким бўлиш учун, унинг ҳар иккала қисмини ўз ҳукмронлиги остида битта қудратли давлат қилиб қайтадан бирлаштириш учун зўр бериб ҳаракат қиласди. Үрисхон ўзининг бу сиёсатида анча муваффақият қозонган. 70-инчи йилларнинг ўрталарида у Хожи Тархон (Астрахань)ни эгаллаб, юқорида айтиб ўтилган Хўжа Черкасни уердан ҳайдаб чиқарган³.

Орадан бирмунча вақт ўтгач, Үрисхон Волганинг юқори томонига қараб юриб, Саройга етиб келган; Сарой аввал Ҳўжа Черкаснинг рақиби Ойбекнинг қўлига, кейин эса Ойбекнинг ўғли Қорихон қўлига ўтган эди. 776 ҳ. йилда (= 1374—1375) Үрисхон Қорихондан Саройни тортиб олган⁴ ва тез орада шуерда у ўз пулларини зарб қилдирабошлаган. Бу эса бизгача етиб келган пул зарб қилинадиган қолидан (унда Үрисхоннинг номи, Сарой шаҳри ҳамда 779 ҳ. йил (= 1377—1378) санаси ёзилган) кўриниб турибдн⁵. Пул зарб қилинганлиги тўғрисидаги бу факт Саройнинг қўлга олинганлиги ҳақида Ибн Халдун берган хабарнинг тўғри эканлигини тамомила тасдиқлади. Үрисхон олдида жуда оғир бир вазифа — Мамайнин йўлдан олиб ташлаш вазифаси турар эди, броқ Үрисхон бу вазифанинг удласидан чиқаолмади. Юқорида айтиб ўтилганидек, Куликово жангига қадар Мамай-

¹ В. Г. Тизенгаузен, кўрс. асар, II т., 131 бет.

² Үрисхон Оқ Үрда таҳтига бирнечча йил кейинроқ келган, я'ни 764 ҳ. йилдан олдин ўтиргмаган бўлса керак.

³ В. Г. Тизенгаузен, кўрс. асар, I т., Ибн Халдун, 374 бет (арабча текст), 391 бет (русча тарж.).

⁴ В. Г. Тизенгаузен, кўрс. асар, 374 бет (арабча текст), 391 бет (русча тарж.).

⁵ Үрисхоннинг бизгача етиб келган тангаларидан биринчиси эса 770 ҳ. йилда Сиринқода зарб қилинган.

нинг куч-қудрати жуда зўр эди ва у Ўрисхонни Саройдаги бошқа хонлардан кучлироқ бўлган жиддий рақиб деб ҳисобламас ҳам эди.

Ўрисхон Олтин Үрдага қарашли Поволжье да ўз сиёсатини зўр бериб амалга оширад экан, Оқ Үрданинг ўзида ёш Тўхтамишдек жиддий рақиб чиқиб қолди.

Тўхтамиш юқорида айтиб ўтилган Тўйхўжа ўғлоннинг ўғли эди, Тўйхўжанинг ўзи эса, «Муиз»да айтилишича, шаҳзода Қутлугхўжанинг ўғли бўлган¹; бу эса П. Савельевнинг юқорида келтирилган Оқ Үрда хонлари шажара таблицасининг камчилигини кўрсатади.

Ҳарҳолда, Тўйхўжа ўғлон Оқ Үрдадаги ҳукмрон династиянинг кўзга кўринган ва э’тиборли шаҳзодаси бўлган. Ўрисхон даврида у Манқишлоқнинг ҳокими бўлган. Ўрисхон ўз ҳукмронлигининг дастлабки кунларида Олтин Үрда ишларига араласиши масаласида зодагонлар курултойини чақирганда, Тўйхўжа Ўрисхоннинг бу ниятларига қат’ий қарши чиққан. Тўйхўжа ўғлон хайриҳоҳлик билдирамагани ва бўйсунмаганлиги учун қатл қилинган. Тўйхўжанинг Тўхтамиш² деган ўғли бор эди. Тўхтамиш ёш, гайратли ва қобилиятли шаҳзода эди. У отаси қатл қилингандан кейин Оқ Үрдада жуда хавотирда юрди, унинг ўз ҳаёти учун қўрқишга ҳамма асослари бор эди. У та’қиблардан қутулиш учун 1376 йилда Самарқандга, Мовароуннаҳрнинг ёш, лекин кучли ҳокими бўлган Темур ҳузурига қочиб борган. Темурни Темурланг (Европа талафузида Тамерлан) деб ҳам аташган. У рус йилююмасида ҳам ўша ном блан, лекин туркча формада Темур Оқсоқ деб ёзилган. «Ланг» ва «оқсоқ» — бу иккенинг бир нарсадир, биринчиси форсча, иккинчиси туркӣ сўз бўлиб, «чўлоқ» демакдир.

Шу вақтдан бошлаб (1376 й.) Тўхтамишнинг тарихи бизга яхши ма’лум, чунки бир томондан, Темурнинг муфассал расмий тарихи ёзилган «Зафарнома» деган китобин тузган XV аср эрон авторлари Низомиддин Шомий ва Шарафиддин Али Яздйнинг ва, иккинчи томондан, Темурнинг кичик замондоши бўлган араб автори Ибн Арабшоҳнинг Тўхтамиш тўғрисида айтган ма’лумотлари бор, шунингдек, рус йилююмасида ҳам Тўхтамиш тўғрисида XV асрдаги эрон манба’ларига кирмаган жўргина қимматли ма’лумотлар сақланиб қолган.

Низомиддин Шомий Шарафиддин Али Яздийдан Бирмунча олдинроқ ёзганлиги ва Яздий Шомийнинг фикрларини ўз асарига асос қилиб олганлиги сабабли, бундан кейинги баёнимизда, асосан, Низомиддин Шомийнинг айтганларига таянамиз. Шарафид-

¹ В. Г. Тизенгаузен, кўре асар, II т., 61 бет.

² Тўхтамишнинг онаси Кудай Кунчек (Фаффорийнинг айтишича, Куй Кичик) Қўнғирот қабиласидан бўлган [В. Г. Тизенгаузен, кўре, асар, II т., «Искандар аноним», 137 бет (форсча текст), 132 бет (русча тарж.); Фаффорий, ўшаерда. 211 бет].

дин Али Яздый ва бошқа авторларнинг берган ма’лумотларига улар фақат Низомиддин Шомийнинг айтганларини тұлдирған ҳоллардагина мурожаат қиласыз.

Тұхтамишнинг таржимаи ҳолига қайтайлык. Темур Чу¹ дар’ё-сияннинг юқори оқымидаги Құңқор² деган жойда уруш қилиб юрган пайтда унга, шаҳзода Тұхтамиш Үрисхоннинг кирдикорларидан қочиб, Самарқандға сенинг олдингга мадад ва паноқ истаб келди, деб хабар қылғанлар. Ақылла ва узоқни күрадиган сиёсатчи бўлган Темур ҳарқанақасига Тұхтамишнинг кўнглини кўтариш ва уни қўллаб-қувватлаш кераклигини жуда яхши тушунарди. Ўрта Осиёнинг айрим ерларини битта давлат қилиб бирлаштириш блан банд бўлган Темур, Оқ Үрданинг кучайиши натижасида келиб чиқадиган хавф-хатарни сезмаслиги мумкин эмас эди. Бунинг устига, кучли Оқ Үрданинг тўс-тўполонларни ҳақиқатан ҳам тұхтатаолиши ва бутун Жўжи Улусида ҳокимиятни ўз қўлига олиши мумкинлигини Темур яхши тушунар эди. Кўшни бўлиб турган кучли ва құдратли Ўрда (Олтин Ўрда блан Оқ Ўрда) Мовароуннахрни бирлаштириш ишига жуда катта хавф солиб турарди. Мана шулинг учун ҳам Темур Оқ Ўрда ишларига ўз та’сирини ўтказиб, шу мақсадда уерга ўз одамини қўймоқчи бўлди. Ана шундай ният ва мақсадларни кўзда тутган Темур Тұхтамиши мумкин қадар яхшилаб кутиб олишни буюриб, ўзи эса Ўзкент орқали Самарқандға жўнади. Буерда амирлар Темурга Оқ Үрдадан қочиб келган ёш шаҳзодани танциштирдилар. Низомиддин Шомийнинг айтищича, Темур Тұхтамишини ҳартомонлама кўнглини кўтарған, унга катта тортиқлар ҳад’я қилған ва кўпдан-кўп олтин, чорва моллари, чодирлар, мата ва зеб-зийнат буюмлари, дўмбираалар, байроқлар, қурол-ярог, от ва хачирлар ва, ниҳоят, қўшин берган. Шу блан бирга Темур Үтрор блан Савронни³, Шарафиддин Али Яздийнинг айтищича эса⁴, Сифноқни (Оқ Үрданынг пойтахти) ҳам дарҳол Тұхтамишга ин’ом қилған. Броқ бу ин’ом қилинган шаҳарларни қўлга олиш керак эди, чунки бу қилинган ин’ом Оқ Үрдада ҳали инобатга олинмас эди. Үрисхон бўлмаганлиги учун (Үрисхон бу вақтда Волга бўйига аскар тортиб кетган эди) ҳақиқатда Оқ Үрдадаги ҳокимият унинг ўғли Қутлуғ Буганинг қўлида эди. Ёш Тұхтамиш 776 ҳ. йилда (=12 VI 1374—2 VI 1375) ана шу Қутлуғ Бугага қарши аскар тортиб борди. Биринчи жангдаёқ Қутлуғ Буга ўлдирилган эди, аммо унинг ўлеми Оқ Үрда қўшинининг қонини қайнатиб юборди ва шундан кейин Тұхтамиш тор-мор этилди. Жанг майдонидан қо-

¹ Қирғизистон ССР да.

² В. Г. Тизенгаузен, кўрс. асар, II т., Шарафиддин Али Яздий, 146 бет.

³ Низомиддин Шомий, форсча текст. Тацег нашр., 75 бет.

⁴ В. Г. Тизенгаузен, кўрс. асар, II т., Шарафиддин Али Яздий, 147 бет.

чиб борган шаҳзода яна Темурнинг паноҳидан жой топди. Тўхтамиш мұваффақиятсизликка учраган бўлса-да, лекин Темурнинг ундан кўнгли совумади. Мовароуннаҳр ҳукмдори Тўхтамишин иккинчи марта бутун керакли уруш анжомлари блан та’минлади ва унга янги, аввалгидан кўра яна ҳам кучлироқ бўлган қўшин берди. Бу сафар Тўхтамишга қарши Ўрисхоннинг бошқа ўғли — Тўхтакия аскар тортиб чиқди. Тўхтамиш бу гал ҳам қаттиқ шикаст еди. Темурнинг ҳаёти ва қилган ишларини ёзган ҳар икки эрон тарихчиси ҳам жуда ажойиб бир эпизодни — Тўхтамишининг бир ўлимдан қолганлиги тўғрисидаги воқиани муфассал ҳикоя қиласидилар. Тор-мор қилингандан Тўхтамишни қолган аскарлар ҳам ташлаб кетгандаридан кейин у Сирдар’ёга қочиб борган ва устидаги кийимларини ечиб, нариги қирғоққа ўтиб олиш учун ўзини дар’ёга ташлаган. Тўхтакиянинг аскар бошлиқларидан бири бўлган Қозончи баҳодир Тўхтамишни қувлаб бориб, камондан унга қараб ўқ узган ва Тўхтамишининг қўлини ярадор қилган. Тўхтамиш зўр мاشаққатлар блан қирғоққа аранг чиқиб олиб, буталар орасига кириб бекинган. Кутимаганда Идигу Барлос¹ деган Темурнинг юборган одами ўша ерга яқин жойда бўлади; Темур бу одамини бирор кўнгилсиз ҳодиса юз бергудай бўлса, Тўхтамишга ёрдам бериш учун атайн юборган эди. Идигу Барлос буталар ичидан инграган товушни эштиб, шу овоз чиққан томонга қараб юради ва Тўхтамишни жуда аянич аҳволда ётганини кўради. Шундай қилиб, Тўхтамиш иккинчи марта ҳам Темур саройига шармандаи-шармисор бўлиб қайтади. Броқ Темур Оқ Үрдада ўз одами бўлиши кераклигини ниҳоятда истаганилигидан Тўхтамишга ҳечқандай норозилик билдирамайди. Тез орада Самарқандга Темур ҳузурига иккинчи бир қочоқ — мангитлар қабиласидан бўлган Идигу, я’ни рус йилномаларида Едигей деб аталган одам келади. Тўхтамиш сингари, Идигу ҳам Ўрисхондан қочиб келган эди. Ўрисхон бу сафар Сирдар’ё бўйларида юз берадиган ишлардан хабардор бўлган бўлса керак, ўз юртига қайтиб келади ва дарҳол Темурга иккита элчи юбориб, ис’ёнкор Тўхтамишни унга тутиб беришни талаб қиласиди ва, акс ҳолда уруш қиласан, деб дўйқ уради². Темур Ўрисхоннинг талабини рад қиласиди ва урушга тайёрланабошлайди. Бу сафар ҳукмдорларнинг ўзлари катта қўшинга бош бўлиб, урушга чиқадилар. Манба’ларда кўрсатилишича, Ўрисхон бутун Жўжи Улусидан аскар йиққан. Ҳар икки томоннинг қўшини 777 ҳ. йил (= 2 VI 1375—20 V 1376) қишида Сифноқ шаҳри ёнида тўқнашган. Дастлаб қиши ёмғиргарчилик блан бошланиб, сўнгра қаттиқ совуқ тушган ва кетма-кет қалин

¹ Бу Идигуни мангитлар қабиласидан чиққан, рус йилномаларида Едигей номи блан машҳур бўлган Идигу блан аралаштирумаслик керак.

² В. Г. Тизенгаузен, кўрс. асар, II т., Низомиддин Шомий, 107 бет.—Форсча текст, Таисег нашр., 75 бет.—Шарафиддин Али Яздий, 148 бет.

қор ёққан эди. Жангчилар совуқдан құлларига қурол ушлаёлмаганлари учун ҳар иккала томон ҳам жаңг бошламасликка қарор берган. Аммо Темур, унча ахамиятли бўлмаса ҳам, душманга қарши бирнече марта мувваффақиятли ҳаммалар қылган. Шу қиши Темур юртига қайтган ва, шундай қилиб, Оқ Үрданни бўйсундириш ишини баҳорга қолдирган. 778 ҳ. йил баҳорида (=1376—1377) Темур Ўрисхонга қарши яна жуда катта қўшин тортиб борган. Броқ Темур бу сафар ҳам Ўрисхон блан қат'ий жаңг қилаолмайди, чунки Ўрисхон урушга чиқиши пайтида вафот этади¹. Оқ Үрда таҳтига Ўрисхоннинг катта ўғли Тўхтакия ўтиради, лекин тез орада у ҳам вафот қилади. Таҳт Темур Малик Уғлон қўлига ўтади. Темур қўмандошликий яна Тўхтамишга юклайди. Тўхтамиш эса яна мағлубиятга учрайди. Темур шахсан совға қилиб берган учқур от туфайли Тўхтамиш асир тушишдан ва Оқ Үрда хонининг қаҳр-газабига дучор бўлишдан қочиб қутулади. Темур бу сафар ҳам сабр қилади ва у Тўхтамишини Оқ Үрда таҳтига хон қилиб ўтқазиш фикридан қайтмайди. Бундан кейинги вазиятнинг ўзи Тўхтамишнинг омадини беради. Темур Малик жиддий одам эмас эди, у кўп вақтини ишратпарастлик, ўйин-кулги блан ўтказади, ичкиликка берилади ва шу туфайли бутун обрўсини ўқотади. Темурга Сигноқдан ва бошқа жойлардан, Оқ Үрдада Тўхтамиш тарафдорлари бўлган одамлар анчагина бор, деган хабарлар келабошлайди². Темур бу қулай вазиятни ҳисобга олиб, Шарафиддин Али Яздийнинг айтишича, 778 ҳ. йил охирида (=21 V 1376—8 V 1377)³ Сигноқ таҳтини олиш учун Тўхтамишни тўртингчи марта жўнатади. Бу сафар Тўхтамиш енгади ва ўзини Оқ Үрда хони деб э’лон қилади. У Сигноқ, Саврон ва бошқа шаҳарларни босиб олади. Шу нарса характерлики, тангалардаги ма’лумотларга кўра, Тўхтамиш 780 (=1378—1379), 781 (=1379—1380) ва 783 (=1381—1382) ҳ. йилларда Сигноқда нул зарб қилдирган⁴. 778 ҳ. йилнинг қиши фаслини Тўхтамиш Оқ Үрдада ўтказиб, идора қилиш ишларини тартибга солған, ҳарбий-феодал зодагонларнинг энг кучли ва э’тиборли вакиллари блан яхши муносабатлар ўринатган ҳамда кўп сонли ва сараланган қўшин тўплаган. 779 ҳ. йил баҳорида (=1377—1378) у Поволжьега қараб йўлга

¹ Бир томондан, Темур ҳамда иккинчи томондан, Ўрисхон блан Тўхтамиш ўртасидаги муносабатлардан яхши хабардор бўлган Низомиддин Шомий блан Шарафиддин Али Яздийнинг бу хабари тангалардаги ма’лумотларга тўғри келмайди, чунки бизнинг қўлнимизда Ўрисхоннинг номи блан 779 ҳ. йилда Сарой шаҳрида зарб қилинган тағиа бор.

² Низомиддин Шомий, Таисег нашр., 77 бет. — В. Г. Тизенгаузен, кўре, асар, II т., 108 бет.

³ В. Г. Тизенгаузен, кўре, асар, II т., 150 бет. — Низомиддин Шомий бошига санани, я’ни 780 ҳ. й. (=30 IV 1378—18 IV 1379) йилни кўрсатади (Таисег нашр., 77 бет; В. Г. Тизенгаузен, кўре, асар, II т., 108 бет)..

⁴ А. Марков. Инвентарный каталог, 528—529 бетлар.

чиққан ва, афтидан, уерда тез орада Сарой Беркани ва Волганинг сўл қирғоғидаги бошқа шаҳарларни қўлга олган.

Олтин Үрдада Тўхтамишнинг ҳокимлик қилган дастлабки йилларига доир маълумотлар шарқ манба’ларида сақланмаган. Аммо рус йилномаларида эса Тўхтамиш сиёсий биографиясининг бу даври анча муфассал ёритилган. Йилномада тўпланган фактларни диққат блан ўқиб чиқиб, уларни бундан олдинги бобларда баён қилинган фикрлар блан солиштирилган, Тўхтамишнинг Урисхон томонидан бошлаб берилган сиёсатни қат’ий суратда амалга оширабошлаганлиги аниқ ма’лум бўлади. Тўхтамиш Жўжи Улусининг ҳаммасини, я’ни Оқ Үрдадан ташқари бутун Олтин Үрдани ҳам ўзига бўйсундиришни вазифа қилиб қўйган. Олтин Үрданинг катта қисми эса Мамай қўлида эди. Шундай қилиб, ўша даврда Мамай Тўхтамишнинг асосий душмани бўлиб қолган. Димитрий Донскойга қарши Русь устига қўшин тортиб боришга тайёргарлик кўриш блан банд бўлган Мамай, афтидан, Жўжи Улусининг шарқий қисмидаги нималар бўлаётганлигига етарли э’тибор бермаган ва Тўхтамишнинг куч ҳам имкониятларидан бехабар бўлган. Тўхтамиш эса, аксинча, Мамай блан Димитрий Донской ўртасидаги кураш блан боғлиқ бўлган воқиаларни зийраклик блан кузатиб борган.

Мамайнинг Куликово майдонида 1380 йили мағлубиятта учрагандан кейин нима бўлганлиги масаласига қайтайлик. Мамай, йилномада айтилишича¹, бу мағлубиятнинг Олтин Үрда давлати учун ҳам, шунингдек, шахсан ўзи учун ҳам жуда ёмон оқибатларга олиб келишини жуда яхши тушуниб, бунга ҳечбир рози бўлаолмаган. Мамай юртига қайтиб келиши бланоқ Русь устига янгидан қўшин тортиб бориц учун ўз қўл остидаги террориядан иложи борича кўпроқ жангчилар тўплайбошлаган. Броқ у ўч олиш имкониятига эга бўлаолмаган. Мамайга қарши Тўхтамиш қўшин тортиб келган. Калка дар’ёси бўйида тарихда иккинчи марта жуда катта жанг бўлган, бу сафар иккита татар қўшини буерда бир-бiri блан тўқнашган, бу қонли жанг Тўхтамишнинг тўла ғалабаси блак тамом бўлган. Тор-мор қилинган Мамай бу мағлубиятдан кейин тарих майдонидан батамом тушиб кетди, чунки унинг энди бошқа аскари ҳам, обрўси ҳам қолмаган эди. Йилномада айтилишича, «Мамайнинг амирлари эса Мамайдан яширинча ўзаро маслаҳатлашиб, шундай қарорга келганлар: «Мамайнинг даргоҳида яшашимиздан фойда йўқ, ҳамма жойда душманларимиз томонидан хўрланамиз ва калтак еймиз, бинобарин, унинг даргоҳида яшашдан бизга фойда борми? Шоҳ Тўхтамиш ҳузурига борайлик-чи, у ерда яна нима бўлса, кўрармиз»².

¹ ПСРЛ, XI, Никоновск, летоп., 68 ва ундан кейинги бетлар, 6889 (1380 — 1381) йил санасида.

² ПСРЛ, XI, 69 бет.

Ҳамма ташлаб кетган, фақат кичик бир дружинаси блан қолган Мамай Қримнинг денгиз бўйидаги савдо шаҳри бўлган Кафа ма'мурлари блан ўзига бошпана бериш тўғрисида музокара юритабошлайди. Уша вақтларда Мамай Қримнинг ҳақиқатда ҳокими сифатида уерга тез-тез бориб, узоқ вақт турар эди, шу сабабли Кафадаги Генуяга қарашли бой фактория Мамайнин яхши танир эди. Кафа шаҳрининг ма'мурлари Мамайга шаҳарга кириш учун рухсат берганлар. Мамай кичик бир отряди «ва олтин-кумуш, қимматбаҳо тош ва марваридлардан иборат кўпдан-кўп бойлиги»¹ блан шаҳарга кириб борган. Броқ «кафалилар» Олтин Үрданинг омади кетган ҳокимини шаҳарга бекорга киритмаганлар; улар орадан бирнече кун ўтар-ўтмас, Мамайнин ўлдириб, унинг бойликларини тортиб олганлар. Олтин Үрдадаги тўс-тўполонларни бостираолмаган ва Кулково майдонида 1380 йили мағлубиятга учраган кишининг ҳаёти анашу тариқа шармандалик блан тамом бўлди. Кулково майдонидаги мағлубият эса Русънинг татарлар тутқунлигидан батамом халос бўлиш истиқболитни очиб берган эди. Тўхтамишнинг Калка дар-ёси бўйида Мамай қўшини устидан ғалаба қозоници Олтин Үрда ҳаётида ва жумладан, Тўхтамиш ҳаётида катта аҳамиятга эга бўлди. Эндиликда Жўжи Улусининг ўзида Олтин Үрда тахтининг янги да'вогари бўлмиш Тўхтамишнинг йўлига ғов бўлаоладиган ҳечбир реал бир куч қолмаган эди. Ҳожи Тархон (Астрахань)дан тортиб то Булғоргача бўлган Поволжьедан ташқари Шимолий Қавқаз, шунингдек, Волганинг ғарбидаги облостълар блан бирга Қрим ҳам Тўхтамиш қўлига ўтди. Яигидан бирлаштирилган Олтин Үрдага фақат Хоразм кирмаган эди, ма'lумки, Хоразм амалда Темурнинг қўлига ўтиб кетган эди. Мамай енгилгандан кейин Тўхтамиш жуда кўп ўлжа қўлга туширди, бу ўлжага у ўз қўшинини янада яхшилиб қуроллантирибгина қолмай, балки босиб олинган мол-мулкларнинг анча қисмини ўз жангчиларига улашиб ҳам берди.

Олтин Үрданинг гуриллаган даврида Русънинг унга тўлаған мажбурият ва хирожларидан ҳам Тўхтамишнинг воз жеккиси келмади (юқорида айтиб ўтилган XIV асрнинг 60—70-нчи йилларидаги «тўс-тўполон»лардан илгари Олтин Үрдага шундай мажбурият ва хирожлар тўланиб келган эди). Тўхтамиш бутун Үрда хони сифатида давлатни идора қиласабошлаган дастлабки кунларданоқ «уша кузда Москвадаги буюк князь Димитрий Иванович ҳуэзурига, шунингдек, барча рус князъларига ўз элчиларини жўнатиб, бу князъларга ўзининг Волга подшолигига келганилигини, қандай қилиб ҳукмрон бўлгаилигини, ўзининг рақиби ҳамда уларнинг душмани бўлган Мамайнин қандай қилиб енгланлигини, ўзи эса Волга подшолиги тахтига ўтирганлигини айттан»².

¹ ПСРЛ, XI, 69 бет.

² Уша жойда.

Русънинг бошқа шаҳарларидағи сингари, Москвада ҳам, Куліково жаңғидан кейинги оғир жароқатлар ҳали тузалиб битмаган эди. Ылномада айтилишича, «бутун Рус ерида аскарбошлилар, хизматкорлар ва барча қўшинлар тамомила камайиб жетганигидан бутун Рус ери катта таҳликаға тушиб қолган эди»¹. Ана шундай бир пайтда татар элчиларини ҳайдаб юборилса, катта ҳато қилингап бўлур эди. Гарчи оғир бўлса ҳам, вақтича бўйсуншишга тўғри келди. Ана шунинг учун ҳам Димитрий Донской «Ўрдага, Волганинг янги шоҳи Тўхтамиш ҳузурига, ўз элчилари Тўлбуға ва Мокшиани ҳад'я ва совға-саломлар блан жўнатган»².

Тўхтамишинг Литва князи Ягайло ҳузурига элчилар юбориши ҳам жуда қизиқ бир ҳолдир. Элчилар унга Тўхтамишнинг маҳсус ёрлигини олиб келганлар, бу ёрлиқ айни замонда ҳам фармойиш, ҳам инфомрация ҳисобланған. Бу ёрлиқ бизгача сақланмаган. Буни билан Тўхтамишнинг Ягайлого юборган бошқа бир ёрлиғидан балиб олдик; бу вақтда Ягайло фақат Литванинг буюк князигина эмас, шу блан бирга Польша короли ҳам эди. Бу кейинги ёрлиқ 795 ҳ. йил Ражаб ойининг саккизинчи куни, я'ни 1393 йилнинг 20 майида Тана (Азов) шаҳрида ёзилган. Бу ўринда ёрлиқнинг бошланиши бизни айниқса қизиқтиради: «Менким, Тўхтамиш, Ягайлого дейман. Улуғ ўринига қандай қилиб ўтирганигизни хабар қўлмоқ учун. Биз Қутлуғ Буға ва Ҳасан бошчилигига аввал элчилар юборган эдик ва сен ҳам ўшандада ўз аризачиларингни бизга юборган эдинг»³.

Юқоридаги ёрлиқ Мамай қўшинини Тўхтамиш тор-мор қилгандан кейин орадан 13 йил ўтга ғаша ёзилган. Ёрлиқнинг дастлабки сатрларидан равшанки, Тўхтамиш Қалка дар'ёси бўйида Мамайнини енггандан кейин оқ ўзининг Олтин Үрда таҳтига ўтирганлиги тўғрисида хабар юборган. Ёрлиқдан яна шу нарса равшанки, Ягайло Тўхтамишнинг энг кучли ва имтиёзли вассалларидан бири ҳисобланған бўлса ҳам, лекин у Тўхтамишнинг олий ҳокимииятини ётироф қилган. Броқ Тўхтамиш рус князъларининг зоҳирлан тоби'ликни таан олишларига қаноатланмаган. Тўхтамиш тўғридан-тўғри рус ерлариниң Үрданинг оддий бир улусига айлантиришга ҳаракат қилган ва буни фақат қурол кучи блан амалга ошириш мумкин, деб ҳисоблаган; бунинг устига, Мамайнинг тор-мор қилингандан лагеридан қўлга туширилган ўлжа Тўхтамишга камлик қилган ва у истило қилингандан ҳамда талангандан рус шаҳарларидан яна кўпроқ ўлжа олишга ҳаракат қилган. Москванинг бойликлари Тўхтамишнинг айниқса ҳавасини келтирарди. Ана шуларнинг ҳаммаси уни 1382 йилда Русь устига ва, жумладан, Москва устига ҳам аскар тортиб бориш учун тағиёрлик кўришига олиб келди.

¹ ПСРЛ, XI, 69 бет.

² Уша жойда.

³ ЗВО, III, 6 бет, текст, 4 ва ундан кейинги бетлар. В. Радлов таржимаси ва нашри.

Рус йилномаларида бу юришни тасвирлайдиган икки хил нақл: Симеон йилномасига кирган эски нақл ва бирнече вариантларда (Новгороднинг тўртинчи йилномасида, Ермолий йилномасида, София биринчи йилномасининг давомида ҳамда Никон йилномасида) ёзилган янги нақл сақланиб қолган. Бу икки хил нақл ўртасидаги асосий фарқ шундаки, биринчисида (Симеон йилномасида) Тўхтамиш 1382 йилда Москвани қамал қилиган пайтда халқ шаҳарни татарлардан ҳимоя қилишда актив иштироқчи қилиб кўрсатилмаган. Иккинчи нақлда эса, аксинча, шаҳарни ҳимоя қилиш тўғрисидаги ҳикояда Москванинг асосий ҳимоячилари қилиб шаҳарлилар ва аввало пойттахтнинг меҳнаткаш аҳолиси кўрсатилган. Бахтга қарши, шаҳарни ҳимоя қилишда халқнинг роли тўғрисидаги хабар бизга черковдаги юқори табака одамларининг та'сири остида бузиб, қайтадан ишланиб, очиқдан-очиқ сохталаштирилгая ҳолда етиб келган. Бу тўғрида йилномалардаги гапларни ўқир эканмиз, воқналарни халқнинг синфий душманлари бўлган кишилар ҳикоя қилганликларини сра ёдимииздан чиқармаслигимиз керак.

Тўхтамишнинг 1382 йилда Москва устига қўшин тортуб келганилиги тўғрисидаги энг қизиқ хабарлар қўйнагилардир:

1. Симеон йилномасидаги ҳикоя, бу ҳикоя ўзи алоҳида қисса тарзида берилмаган¹.

2. Ермолий йилномасидаги ҳикоя, бу ҳам айрим қисса қилиб берилмаган².

3. «Подшо Тўхтамишнинг Москвани олиши ва Рус ерини асоратга солиши тўғрисида»³.

4. «Тўхтамишнинг Москва устига қўшин тортуб келганилиги тўғрисида қисса»⁴.

5. «Подшо Тўхтамишнинг Москвани олганилиги ва Рязань ерини асоратга солганилиги тўғрисида қисса»⁵.

Тўхтамиш Русъ устига қўшин тортуб бориши учун жуда пухта тайёргарлик кўргаи. Узининг қўшинни тортуб боришин Русъ учун ва Москва князи Димитрий учун қўйқисдан қилинган бўлишнига Тўхтамиш айниқса кўп эътибор берган. София биринчи йилномасида айтилишича, «Тўхтамишнинг аскар тортуб борини тўғрисида бирор кимса Рус ерига хабар етказмасин учун, Русъ бу тўғрида ҳечнареа билмасин учун, Тўхтамиш барча рус савлогарларини тутиб олиб, мол-мулкини талаттириди, ўзларини эса қаматтириди, аммо Үрданинг ичиза Рус ерининг тарафдорлари бўлган маҳсус тайинланган ба'зибн яхши ниятли одамлар бор эди»⁶.

¹ ПСРЛ, XVIII, 131—133 бетлар.

² ПСРЛ, XXIII, 127 ва уйдан кейинги бетлар.

³ ПСРЛ, VI, 98—103 бетлар.

⁴ Бу иккала қисса Никон йилномасида ёзилган бўлиб, бир-бирига яқин вариантылардан иборатdir. — ПСРЛ, XI, 71—81 бетлар.

⁵ ПСРЛ, VI, 99 бет.

Савдогарларнинг, жумладан, рус савдогарларининг бошқа мамлакатларда нималар бўлаётганлиги тўғрисида хабар бериб туришда қандай катта роль ўйнаганликлари ана шундан яққол кўриниб турибди. Бу рус савдогарлари орасида ўз мамлакатининг ватанипарварлари бўлган кишилар анчагина бор эди. Улардан кўплари савдо ишлари блан тез-тез Поволжье, Саройларда Кримда ва бошқа жойларда бўлиб, фақат савдо-сотиқ ишлари соҳасидагина эмас, балки сиёсий соҳада ҳам нима ишлар бўлаётганлигидан хабардор эдилар. Шундай ватанипарварлик руҳидаги рус савдогарларидан ўзини бехатар қилиш учун ҳам Тўхтамиш уларнинг ҳаммасини қириб ташлашга буйруқ берган, ҳолбуки бундай қабиҳ ишни аслида бераҳм ва маккор Мамай ҳам қилмаган эди. Тўхтамиш Булғорга татар қўшинининг олдинги отрядини жўнатиш блан ўз юришини бошлаган, Булғорда у, рус савдогарларини қириб ташлашгина эмас, балки улариниг моллар ортилган кемаларини¹ ҳам босиб олишни буюрган ва шу блан катта ўлжа қўлга туширишни мўлжаллаган. Аммо бу факт яна шу жиҳатдан ҳам диққатни жалб қиласиди, Волга дар’ёси орқали ўтган савдо йўли ва савдо кемалари Үрда савдогарлари қўлида эмас, балки рус савдогарлари қўлида бўлган.

Булғорга юборилган отряд кетидан Тўхтамишнинг ўзи ҳам катта қўшни блан Волгадан ўтган. Йилномада айтилишича, бу воқия «Тўхтамиш Үрда ва Саройда ҳукмронлик қилишининг учинчи йилида»² содир бўлган. Русъда у вақтда татарлар блан тўқиашибни истамаганлар, чунки кўплар татарлар блан қат’ий жанг қилиш фурсати эмаслигини тушунардилар. Тўхтамишнинг қўшин тортиб келганилгини тасвиirlаб ёзган автор «Гайдидин татарларнинг христианлар устига бостириб келиши нақадар оғир»³, деб та’кидлаб кўрсатади. Русъда ўша вақтда керагича ҳамжиҳатлик бўлмаган. Димитрий Константинович Суздалский қандай йўл блан бўлса-да, Нижний Новгороднинг тинчлигини кўзлаб, ўзининг икки ўғлини Тўхтамиш ҳузурига юборган, броқ унинг ўғиллари Тўхтамишини тополмай, ҳечбир патижасиз қайтиб келгандар. Олег Рязанский эса Мамайнинг юриши даврида қандай қилиган бўлса, бу сафар ҳам худди шундай йўл тутган, я’ни тўғридан-тўғри хиёнат йўлига ўтган. Бу тўғрида рус йилномасида бундай дейилган: «Рязань киази Олег бўлса подшо Тўхтамишин Рязань ерига кирмасданоқ қарши олиб, униш сёғига бош урди, Тўхтамишнинг Русь устидан галаба қилишида унга ёрдамчи бўлди, шунингдек, христианларга ёмонлик қилиндида ҳам унга ёрдам берди ва Рус ерини қандай қилиб босиб сини ҳамда тошдан қурилган Москва шаҳрини қандай қилиб осон йўл блан қўлга

¹ ПСРЛ, VI, 98 бет; ПСРЛ, XI, Никоновск. летоп., 71 бет.

² ПСРЛ, VI, 98 бет.

³ Ўша жойда.

олиш ва буюк князь Димитрий Ивановични қандай қилиб енгиш ва ағдариб ташлаш түфрисида ба'зибир гапларни айтди»¹.

Москва князи Димитрий Донской аҳволнинг жуда оғир эканлигини биллиб, яна қаҳрамонона жанг қилиш учун — мамлакатни татарлардан ҳимоя қилиш учун ҳарніма қилиб бўлса ҳам рус князълариши бирлаштиришга ҳаракат қилған, броқ князълар орасида ўйлаган муддасига эринчаолмаган, чунки «улар орасида ихтилофлар чиқиб, ёрдам беришини хоҳламаганлар». Аччиғланган Димитрий Донской қўшин йиғиб келиш учун Костромага қараб кетган.

Олег Рязанскийнинг хиёнаткорлик блан йўл-йўриқ кўрсатиб беришидан фойдаланган Тўхтамиш катта қўшин блан Ока дар'ёсининг кечик жойидан тезликда нариги томонга ўтиб олиб, Москвага борадигаи йўлга чиқади². Бу вақтда Москвада ихтилофлар жуда авж олган эди. Бирхил одамлар, яхшиси шаҳарни ташлаб чиқиб, ҳарким қаерда бўлмасин жон сақлаши керак, деса, бошқалари, бунинг аксича, Москвани ҳечбир кимса ташлаб кетмаслиги керак, ҳамма уни ғайрат блан ҳимоя қилиши керак, деб талаб қиласарди. Шаҳарнинг халқ оммаси ана шу кейинги йўлдан борди. Никон йилиномасидаги гапларга ишонадиган бўлсак, шаҳарни ҳимоя қилиш тарафдорлари орасида исте'додли, бағайрат ташкилотчи ҳам топилган. Литва князи Ольгердинг невараси Остей шундай ташкилотчи бўлган, дейишидади. У шаҳарни мустаҳкамлайбошлаган ва бу блан москвалиарнинг руҳини кўтарган. Шу вақтда Москва атрофидаги аҳоли —«боярлар ва сурожлилар, мовутфурушлар ва бошقا хил савдогарлар, архимандритлар ва игуменлар... хуллас, барча ёшдаги эрекак ва аёллар ўз бола-чақалари блан»³ шаҳарга келиб бекинган. Митрополит Киприанга яқин одамлар та'сирида бўлса керак, Остейнинг Москвани мудофаа қилишдаги роли йилиномада жуда бўрттириб кўрсатилган, ма'lумки, Киприан Литвага хайриҳоҳлик билдириб, уци Москва блан бирлаштиришга ҳаракат қиласарди. 1382 йил 23 августда Тўхтамиш Москвага етиб келиб, уни ўраб олди. Ана шундай қилиб Москвани қамал қилиш бошланди. Душманга қаттиқ зарба бериш учун ҳамма нарса тайёрлангандек эди. Броқ Москвада шаҳар мудофаасини издан чиқармоқчи бўлган хоинлар чиқиб қолган. Йилиномада айтилишича: «Ба'зибир галамус одамлар ҳовлима-ҳовли юриб, тўраларнинг ертўласидан асалларини ва кумуш ҳамда хрустал идишларини олиб чиқиб, ўлгунча мастбозлик қилганлар»⁴. Маст кишилар эҳтиёт бўлишни унугтганлар, энг муҳими — кўрниб турган хавф-хатарни менсимаганлар ва, душман кучсиз, ундан кўрқишининг ҳожати йўқ ва осонгина уни енга-

¹ ПСРЛ, VI, 98 бет.

² Уша жойда.

³ Уша жойда, 99 бет.

⁴ Уша жойда, 100 бет.

миз, деган ишончга берилиб кетгәнлар. Шаҳарни қамал қилип бошланған. Татарлар Москвани штурм блан олиш учун бирнеше марта уриниб күргәнлар. Үләр камоцларда жуда күп ўқ узганлар, девор бузар минораларни олиб келиб ишга солғанлар, штурм қилиш учун шаҳар деворларига наровлар қўйғанлар, лекин буларнинг ҳечқайсиси фойла бермаган. Қамалдагилар татарларнинг устига тошлиарни ёғдириб ташлаганилар, штурм қилаётгандарнинг бошига қайноқ сув қўйғанлар ва ўзларининг тюфак^{*}ларини ишга солғанлар. Бу—москвалиларнинг шаҳарни мудофаа қилишидаги жуда антиқа бир деталь ҳисобланади. Тюфаклар рус кишилари қўллаган ўқсоchar қурол бўлиб, биринчи маюта маиба'ларда тилга олниади. Рус тарихчиларидай проф. В. В. Мавродин «тиофаклар»га алоҳида э'тибар берган, у ўзининг «О появление огнестрельного оружия на Руси» («Русьда ўқсоchar қуролнинг пайдо бўлиши тўғрисида»)¹ деган жуда қизиқарли мақоласида бу деталь ҳақида маҳсус тўхталиб ўтган. Шаҳар қўргони атрофида жанг қизиб кетган бир вақтда москвалилардан бири бўлган хуварманд-мовут тўкучи Адам деган бир киши Флоров дарбозасидан туриб, Тўхтамишга энг яқин бўлган Урда амирларидан бирини камондан ўқ узиб, тиа тортирмай ўлдириди. Тўхтамиш бундан қаттиқ ғазабга келиб, Москвадан ва уни ҳимоя қилаучилардан ўч олмоқчи бўлди. У, москвалилар курашини тўхтасалар, уларнинг гуноҳини кечаман, жони омон қолада ва молу мулкига тегмайман ва ҳатто турли ҳад'ялар бераман, деган ва'да блан ҳийла-найранг ишлатди. Остей Тўхтамишининг ёлғон гандарнiga ишониб, дарбозаларни очиб берди ва Тўхтамишининг олдига тортиқлар кўтариб чиқди. Москвалилар ва Остейнинг ўзи ҳам бундай лақмаликнинг жаддини тортилар. Остей яниринча ўлдирилди. Москва бўлса талон-торож қилинди ва бир қисмига ўт қўйилди. Москва шаҳрининг ўзила ўниада жуда кўп киши ўлдирилди. Ийлномада кўрсатилишча, Тўхтамиш Москвадан катта ўлжа кўлга туширган. Москвага яқин бўяған бирнече шаҳарларни талаб, Тўхтамиш Тверъга қараб бормоқчи бўлди, лекин бу мақсадини амалга ошираолмайди. Москвалилар блан бўлган курани Тўхтамишининг қўнишини ҳолдан тойдирган эди, шунинг учун у Тверъ киязидан катта хирож олиб, жанубга бурилди ва Урдага қайтиб кетди.

Тўхтамишининг босқинчилиги Москвага ва унинг атрофидаги жойларга оғир жароҳат етказди: нойтахтнинг ва унинг атрофидаги

* Тюфак — эски вақтларда ишлатилган кичик калибрли, тўпга ўхшаган ўқсоchar қурол. Ред.

Вестн. Ленингр. унив., 1946, № 3, 66 ва ундан кейинги бетлар.—А. М. Беленицкий. О появлении и распространении огнестрельного оружия в Средней Азии и Иране в XIV—XVI веках. Изв. ТФАН. 1949, № 15, 21 ва ундан кейинги бетлар.—В. Г. Федоров. К вопросу о дате появления артиллерии на Руси. Изд. Акад. артил. наук. М., 1949, 67 ва ундан кейинги бетлар.

ги шаҳар ҳамда қишлоқларнинг аҳолиси обод уй-жойларидан ажралиб, қуруқ вайроналар ичидә қолди.

Костромадан талон-торож қилинган Москвага қайтиб келган Димитрий Донской учун 1382 йилнинг куз кунлари унинг ҳаётидаги энг оғир кунлар бўлди, чунки ўша пайтда Тўхтамишга қарши у бирор чора кўришдан ўзининг батамом ожиз эканлигини кўрди. У вақтда Димитрийнинг қатта ҳарбий кучни йўқ эди. Үнда фақат келажакка бўлган умид, Русъининг ички кучлари йўқ қилиб ташланмаган, Русъининг бирлигини тиклаш мумкин, моддий имкониятлар эса ишоятда кўп, деган ишончгина қолган эди.

Тўхтамишнинг талончиликдан иборат бўлган юришда өмалининг келинин унда, жуда катта кучнинг эгасиман, деган қаттиқ ишончни туғдирди. Ҳар галги ҳарбий муваффоқиятдан кейин унинг улуғ Олтин Үрда давлатини тиклашга бўлган умиди мустаҳкамланаборди. Темурнинг қўли блан ҳамда унинг вассали бўлиб таҳтга ўтирган Тўхтамиш Мамайнин тор-мор қылгандан ва Москвани талагандан кейин тез орада Хоразмда 785 ҳ. йилда (= 1383)¹ ўз номи блан пул зарб қилиришдан қўрқмади. Бу иш Тўхтамишнинг Хоразмга иисбатан тутган ҳақиқий сиёсий програмаси эди. Темурнинг Хоразмни Мовароунаҳриниг бошқа ерларига қайтадан қўшиб олиш пиятлари Тўхтамишга яхши ма’лум эди, шуцингдек, Темурнинг Сўфийлар династиясидан бўлган амирларни фақат майда вассаллар сифатида қўйиб қўйганини ҳам Тўхтамишнинг билмаслиги мумкин эмас эди. Шундай қилиб, Хоразм ишларига аралашиш, яна уерда ўз номи блан пул зарб қилирини Тўхтамишнинг ўла-ўлгунича унутмаслиги керак бўлган ҳукмдор блан очиқдан-очиқ алоқани узганлигини кўрсатар эди Эрондаги ишлар блан жиддий банд бўлган Темур бошқа масалалар блан овора бўлгиси келмади, шу сабабдан ҳам у Тўхтамишнинг бу бориб турган душмашлик ҳатти-ҳаракатига ортиқча э’тибор бермади. Тўхтамишнинг Озарбайжонга иисбатан тутган ҳатти-ҳаракати улуғ Олтин Үрда давлати сиёсатининг энг яққол бир кўриниши бўлди. Озарбайжонни Олтин Үрдага қўшиб олишга актив суратда ҳаракат қилган Олтин Үрда хонларидан сўнгиси Жонибек бўлганингичи юқорила кўриб ўтган эдик. Броқ 1357 йилда Жонибек вафот қилиши блан унинг қўлга киритган ютуқлари пучга чиқди. Коллириб кетилган Олтин Үрда отряди томонидан эзилгац Табриз шаҳрининг аҳолиси Жонибекининг вазфидан сал илгарироқ ўрдалиларга қарши бони кўтарган ва Жалоирийлар династиясидан бўлган эмир Увайсга фақат Табризнингина эмас, балки жуда катта ўлкани ҳам босиб олишда ёрдам берган. Амир Увайс Озарбайжон территориясидаги турк-мўғул қўч-

¹ В. В. Бартольд ўзининг Тўхтамиш тўғрисидаги кичик бир мақоласидаги Европаде де ѕ’Іслам, «Тўхтамиш» сўзи остида) шу ҳодисага э’тибор берган эди.

манчи отрядларнинг бошлиғи эди. Шу тариқа шимолий Эронда Жалоирийлар давлати (1356—1411 йиллар) ташкил топди. Бу давлатга жаңубий Озарбайжон ерлари, шимолий (хозирги совет) Озарбайжони ерларицинг бир қисми, шунингдек, Бағдод шаҳри блан биргә араблар мамлакати бўлмиш Ироқ ва ғарбий Эроннинг ба’зидир ерлари ҳам кирган эди. Броқ мамлакат ичкарисидаги феодал низо’-жапжалларни тўхтатиш мумкин бўлмагандиги, шунингдек, кўчманчи турк-мўғул қабилалари бошлиқларининг тинч ҳаёт кечираётган шаҳар ҳалқи ва қўшилоқ аҳолисига жабрзулм қилишлари туфайли Жалоирийлар давлати мустаҳкам бир давлат эмас эди. Жалоирий султонлари ичидаги энг баттоли султон Аҳмад (1382 — 1410) эди. Бу оламинг номи ҳалқ хотирасида энг раҳмисиз ва маккор ҳокимлардан бири спифатида сақланиб қолган. Унинг даврида фақат дехқонлар ва шаҳарлардаги ҳунармандлартина эмас, балки савдоғарлар блан зодагонлар ҳам қаттиқ азоб чеккан. XV асрдаги эрон ва араб манба’ларида султон Аҳмадининг номи Темурнинг Эронга қўлган юришлари муносабати блан тез-тез учраб туради. Темур XIV аср 80-нчи йилларининг биринчи ярмидаёк шимоли-шарқий Эрон ўлкаларини босиб олгандан кейин, очиқдан-очиқ жанубий Озарбайжонни бўйсундиришга қаратилган сиёсатини олиб боради, жанубий Озарбайжонни қўлга киритилса, бой Закавказъега йўл очилар эди. Ўз ҳокими султон Аҳмаднинг талончилитидан ва жабр-зулмидан азоб чеккан Табриз аҳолиси орасида Темурнинг айғоқчилари усталик блан олиб борган тарғибот ишлари яхши муваффақият қозонади. Табризда зодагонлар орасида Ўрта Осиё ҳукмдорининг тарафдорларидан иборат жуда кучли бир турӯҳ вујудга келган¹. Темур ўзининг «донги кетганлиги» дан яхши хабардор эди ва олдиндан ғалаба қилишига ишонгани ҳолда султон Аҳмад блан тўқнашишига тайёрланди. 1385 йилда Султонияга яқин жойда ҳар иккала қарши томони қўшинлари ўртасида жаиг бўлди. Темур енгиб чиқди, лекин уни анча муҳимроқ ишлар банд қилиб қўйгани учун Табриз зодагонлари орасидаги Темур тарафдорлари уни шаҳарга киришга очиқдан-очиқ да’ват қиласалар ҳам, у Табризга бормади. Тўхтамиш Озарбайжонда нималар бўлаётганидан хабардор эди, шунинг учун катта қўшин ҳамда жуда кўп моддий ресурслар блан 786 ҳижрий йил қишида (25 II 1384—11 II 1385) Табризга қўни тортиб боришга жазм қўлди. Ҳамдуллоҳ Казинийнинг ўғли ва унинг Тарихи Гузидаги номли асарини давом эттирган Зайниддин бу тўғрида муфассал ҳикоя қиласади². Жалоирийларининг вассали Ибронҳим (1382—1417) ҳукмдор бўлган Дарбанд ва Ширвон ўлкалари орқали ўтиб, Тўхтамиш 787 ҳижрий йилнинг қишида (12 II

¹ А. А. Марков. Каталог джелаирийских монет, XXV бет.

² В. Г. Тизенгаузен, кўрс. асар, II т., 226 бет (форсча текст), 97 бет (русча тарж.).

1385—1 II 1386) 9 тумандан иборат қўшин блан Табризга етиб келган. Татарлар қўшини етиб келган пайтда, Низомиддин Шомийнинг айтишича, табризлиларнинг бошлиғи бўлмаган¹. Шунга қарамасдан, шаҳар аҳолиси душманга қат’й қаршилик кўрсатишга қарор берган ва ўз шаҳриларнинг тор кўчаларида баррикада тинида истеҳкомлар қурабошлаган. Тўхтамишнинг жангчилари 8 кунгача шаҳарга кираолмаган. Тўхтамиш Табриз остонасида ҳам бундан бирнеча йил бурун Москва ёнида ишлатган маккорлик тактикасини ишга солган. Катта хирож олиш шарти блан у сулҳ шартномаси тузишга рози бўлган. Зайниддин Қазвииийнинг айтишича, табризлилар ўша замонда жуда катта нул ҳисобланган 250 туман олтин йигиб беришлари лозим бўлган. Табриз савдогарларининг (хўжаларишинг) бу пулини йигиб беришларига қарор қилинган ва худди шундай қилиб бажарилган ҳам. Тўхтамиш жуда катта ўлжани олгач, бу блан қаноатлаимаган ва шартномани бузиб, Табризга ўзининг жуда катта қўшинини киритган ва уни батамом талон-торож қилган. Чингизхон замонидан буён табризлилар бундай зўр фалокатни кўрмаган эдилар. Аҳолининг кўп қисми ўз уй-жойидан абадий жудо қилинган: ба’зилари ўлдаришган, бошқалари ярадор бўлиб ҳамда қийлоқ-азоблардан ўлиб кетган, учинчи бирхиллари эса (асосан ёшлар) қул қилиб олиб кетилган. Тўхтамиш 1386 йилда Озарбайжондан жуда катта ўлжалар олиб қайтшаб кетган. Бу воқиадан кейин, орадан сал ўтмай, Озарбайжонда Темур пайдо бўлди, у Шимолий Эронни, айниқса Озарбайжонни ўз ҳокимиятига бўйсундириш учун очиқдан-очиқ ҳаракат қўлмоқда эди. Темур блан Тўхтамишнинг бой Озарбайжонни бирбировларига ўз розилиги блан бермаслиги уларнинг ҳар иккаласига ҳам мутлақо равshan эди. Аввалги вақтлардагига, я’ни дастлабки Олтин Үрда хонлари давридагига ўхаш (Бейбарс блан Беркахон ўртасида элчилар юбориб турилганлигини эсга олайлик) Тўхтамиш Миср султони ҳузурига элчилар юборган. Ал Макризийнинг айтишича, 766 ҳ. йил 11-чи Зулҳижжала (=25 I 1385) Тўхтамишдан Мисрга элчилар боргац, бу элчилар уерда катта иззат-хурмат блан кутиб олингац. Одат бўйича бу элчилар совғалар олиб борганилар, совғалар орасида ажойиб лочиллар, турли хил маталар блан безатилган тойлар ва қуллар бўлган. Миср султоши элчиларни жуда кўп озиқ-овқат ва кийим-кечак блан та’минлашни ва уларга кунига 100 дирҳамдан пул беришни буоргани².

Элчилар Мисрда нима тўғрисида сўзлашганиклари бизга нома’лум. Аммо кейинги воқиалардан шу нарса равшанки, Тўхтамиш ўша вақтдаёқ (1385 йил январь) Темурнинг Эронда ку-

¹ Низомиддин Шомий, форсча текст. Тащег нашр., 97 бет.

² В. Г. Тизенгаузен, кўре. асар, I т., 427 бет (арабча текст), 441— . 442 бетлар (русча тарж.).

чайиб кетиши мүмкінлігінің күзда тутиб, Олтин Ўрда блан Миср үртаса иттифоқ түзиш учун тайғарлар күрган. Ҳархолда, Темур 90-ічи йилларда Тұхтамишта қарши қат'ий кураш олиб борган пайтда, Тұхтамиш Темурға қарши иттифоқ түзиш учун Миср сұлтандың бирнече марта мурожаат қылған¹.

Қандай бұлмасин, лекин ҳар иккі томон — Темур блан Тұхтамиш бир-бiri блан тұқнашишта тайғерланмоқда әди. Броқ уларнинг ҳар иккаласининг тактикасы иккі хил әди. Темур тұқнашишин кейин шағымда әди, чунки у Эронда, айниқса, Озарбайжонда ва Закавказье әзіз мавқиини мустаҳкамлаб олишини ғоятда муҳим деб билар ва шундан кейингина, бир томондан, Мовароунахрға ва, иккінчи томондан, Закавказье ҳамда шимолий Эронга таяниб туриб, итоатсиз одами ва вассалига қарши уруш бошлашын зарур деб ҳисоблар әди. Бунинг аксича, ҳудди ана шу сабабларға күра, Тұхтамиш Темур блан мүмкін қалар тезроқ қиличбозлық қилишта ҳаракат қылар әди, чунки у Темурнинг Эронда ва Закавказье әзіз кучайиб кетишидан құрқар әди.

788 ж. йилнинг қашанынан (= 2 II 1386—21 I 1387) Темур Озарбайжоннинг Қорабоғ деган жойида ўтқазды, бу жойда Темурнинг ўшалда асосий құшини ҳисоблаган отлиқ аскарлари учун жула яхши шароит бор әди. Ҳудди шу вақтда Тұхтамишнинг құшиларни Дарбанд орқали ўтиб, Самур² дар'еси бўйнга чиққан. Бу тўғрида Темурға хабар етгач, у бирнече тумандан иборат олдинги отрядиши Тұхтамишинг қаршиисига юборган ва отряд бошлиқларига, Тұхтамиш блан жанг қилинмасин, бунга Темурнинг ҳаракат қилишда Тұхтамиш блан тузған шартномаси ва битими бор деб баҳона қилинсөн, деган. Борди-ю, Тұхтамишнинг құшиларни биринчи бўлиб ҳужум қилгудай бўлса, орқага қайтиб, тезликда әзіз құшиларнингзга етиб олишга ҳаракат қилинг, деб буйруқ берган.

Темурнинг олдинги отряди дар'ёга яқынлашынганда, уерда жуда катта құшии турғанини күрган. Тұхтамишнинг бирнече айгоқчиларни тутиб олиб, бу кимининг құшини, деб сўрагаллар. Айгоқчилар, Тұхтамишнинг құшини, деб жавоб берганлар. Темурнинг амирлари буйруқни бажариб орқага қайтгалилар, аммо душманинг олдинги отряди уларнинг устига камондан ўқ ёғдиргани ва шундан кейин жанг бошланиб кетган. Орадан бироз вақт ўтгач, Темурнинг ўғли Мироншоҳ қўмондошлиги остида Темурнинг құшини етиб келиб, жангга кирған. Тұхтамишнинг асосий кучлари блан қаттиқ жанг бўлган. Жангда Мироншоҳнинг қўли баланд келаётганилиги очиқдан-очиқ кўриниб турған әди.

¹ Күйінде бу тўғрида муфассал гапирилади.

² Догистондаги дар'ё.

Шундан кейин Тұхтамиш құшинини орқага қайтариб, Дарбандга қараб кетган.¹

Уша йили Тұхтамиш Закавказье ва Озарбайжоннинг ичкари-сига иккинчи марта киришга жүр'ат этмай, құшинини түсатдан шарққа қараб олиб кеттән. Темурнинг Эрон ичкарисида юрганини ва Мовароунахрда унинг кучли құшини йўқлигини билиб, Тұхтамиш 789 ҳ. йилда (=22 I 1387—10 I 1388) катта құшин блан Сигноқдан ўтиб, Темурийларнинг Урта Осиёдаги ерларининг чегара қал'аси ҳисобланган Саврон шаҳрига етиб келгән. Саврон ҳимоячилари шаҳарни шу қадар қаттиқ туриб мудофаа қылғанларки, шаҳар истеҳкомлари эса шу қадар мустаҳкам бўлганки, Тұхтамиш ҳарчанд уринса ҳам, қал'ани олаолмаган. Тұхтамиш құшинига қарши Андижондан Темурнинг ўғли шаҳзода Умар Шайх аскар блан келгән. Үтрордан сал нарироқда Тұхтамиш құшини блан жанг бўлиб, бу жангда Умар Шайх енгилгән. Шундай қилиб, Тұхтамишнинг Мовароунахрга, гуллаб-яшиаб турган Зарафшон водисига бемалол кириб боришига йўл очилгән. Йўл-йўлакай бирқанча қишлоқ ва шаҳарларни талаб борган Тұхтамиш Бухорони қўлга олмоқчи бўлди, броқ Саврон сингари, Бухоро шаҳри ва унинг қал'асини ҳам олишнинг улласидан чиқаолмади. Бухоро деворлари тагида Тұхтамиш қаттиқ қаршиликка дуч келгән, бухоролилар шаҳарни жуда усталик блан мудофаа қилабилганлар. Тұхтамишнинг құшиниляри Бухорони қолдириб, Мовароунахрнинг то Амудар'ё бўйигана бўлган атроф жойларини ва бирқанча районларини талаб кетгән. Қаршидан гарб томонда жойлашган, Қашқадар'ё ҳавзасидаги Занжир Сарой айниқса қаттиқ зарар кўрган².

Тұхтамишнинг талончилик юриши тўгрисидаги хабар Темурга бориб етган, Темур 789 ҳ. йилда (=1387—1388) Фарбий Эроннинг Шероз шаҳрида эди. Тұхтамиш Мовароунахр устига қўшии тортиб келиб, Хоразмда Темурга қарши қўзғолон тайёрлаган. Қўнғирот қабиласидан бўлган Сўфийлар династияси Хоразмда ҳали ма'lум даражада роль ўйнаганлигидан бу қўзғолонни тайёрлаш анча осон бўлган. Сўфийлар династиясининг сўнгги вакили бўлган Сулаймон Сўфи қат'ян Тұхтамиш томонига ўтган. Темур бўлаётган ҳодисаларнинг ҳаммасини ҳисобга олиб, Тұхтамиш унинг Эронга нисбатан тутган истилочилик пиятлариниңга эмас, балки Мовароунахрнинг ўзини ҳам бирлаштириш ишини жиддий хавф остида қолдираётганилигини яхши пайқар эди. Ана шу сабабдан, у, Тұхтамишга қарши қат'ий ҳаракатлар бошлаш пайти етди, деб ҳисоблади. Темур аввало хоразмшиларни ва хиёнаткор Хоразмшоҳ Сулаймон Сўфиини жазолаш мақсадида Хоразмга қўшин тортиб борди, бу юриш Темурнинг Хоразмга қилган бе-

¹ Низомиддин Шомий, Тауег иашр., 101—102 бетлар.

² В. Г. Тизенгаузен, кўрс. асар, II т., 153 бет.

шинчи юриши бўлиб, кўпга чўзилмади. Темур саҳро ерлардан жадаллик блан юриб келиб, Бағдодак¹ каналидан ўти ва Урганчга етиб келди. Сулаймон Сўфи, Шарафиддин Али Яздийнинг айтишича, «татхдан кўра бошини ва ютидан кўра ҳаётини сақлаб қолишни афзал билиб», Тўхтамиш ҳузурига қочиб борган ва Тўхтамишнинг яқин одамларидан ва унинг қўшин бошлиқларидан бирни сифатида ундан ҳечбир ажрамаган. Буни биз қўйида кўриб ўтамиз.

Темур Хоразмни босиб олиб ва талаб, тезда Урганчни ҳам эгаллаган. Хоразмлиларининг қилмишларидан ғазабланган Темур ўша 789 ҳ. йилнинг ўзида (= 1387—1388) бутун аҳоли Самарқандга кўчирилсин, Урганч шаҳри яксон қилинисин, шаҳарнинг ўрнига эса арпа экилсин, деб буйруқ берган. Буйруқни тўлиқ бажариш мумкин эмас эди, аммо унинг буйруғига биноаи, мумкин бўлган ҳамма чораларни кўрилган ва гуллаб турган шаҳар ярим харобазор саҳрога айланган. 1391 йилда Темур жаҳлидан тушиб, Хоразмнинг пойтахти Урганчни қисман бўлса-да тиклашга рухсат берган. Буни биз қўйида кўриб ўтамиз.

¹ Бағдодак каналининг қаердалиги аниқ маълум эмас. В. В. Бартольд фикрича, Бағдодак Амудар'ёнинг шимолий ирмоқларидан бирни бўлган (В. В. Бартольд, К истории орошения Туркестана, 87 бет).



У Ч И Н Ч И Б О Б

**XIV АСРНИНГ 80—90-НЧИ ЙИЛЛАРИДА
ТЕМУРНИНГ ТҮХТАМИШГА ҚАРШИ КУРАШИ**

„Уларнинг олд томонида Итиль дарёси, орқасида эса ҳалокатни қидич турар эди“.

Шарафиддин Али Язий (XV в.)

1

Темур Түхтамиш блан биринчи марта 777 ҳ. йилда (= 1375 — 1376) танишган. Бу пайт Темур майдага феодалликларга бўлиниб кетган Мовароуннаҳри бирлаштиришга эндигина киришабошлаган, ҳарбий ишларда катта исте'дод эгаси эканлигини ҳали намоён қўлмаган ва Эрон, Закавказье, Кичик Осиё, Хиндистон ва Хитойда катта-катта терриорияларни босиб олиш ва уерларни талон-торож қилишининг ташкилотчиси ва раҳбари сифатида ҳали ном чиқармаган бир давр эди.

Темурнинг яқин 15 — 20 йил ичидаги дун'ё миқ'ёсидаги хукмдорга айланисини, фақат Ўрта Осиёнингтина эмас, балки деярли бутун Олд Осиёнинг ҳам тақдирини ҳал қилучи ҳукмдор бўлишини унинг замондошларидан ҳечким ўйламаган эди. Темур 1376 йилда Самарқандда Түхтамишни ўз паноҳига олган пайтда, ҳали отоқли ҳукмдор сифатида донги чиқмаган эди. У вақтда Темурга лоақал Олтин Ўрда хошига баробар келаоладиган ҳукмдор деб ҳам қарабалмас эди. Уша вақтда Темур паноҳида иззат-хурматда бўлган Түхтамиш ҳам Темурга шундай деб қарап эди. Темур ёш жиҳатидан Түхтамишдан катта ва сиёсий майдонга ҳам ундан олдин чиққан бўлса ҳам, уларнинг асосий ҳукмронлик даври деярли бирвақтга тўғри келгаи. Темур Түхтамишга ҳомийлик қилиб, унинг учун жуда катта маблағлар сарф қилган, лекин Темурнинг бу марҳаматлари бегараз эмас эди. 70-нчи йилларда Ўрта Осиёни бирлаштириб бир бутун давлат ташкил қилиш блан банд бўлган Темур, шу блан бирга, ўз давлатининг осойишта яшайолиши-

га имкон берадиган бир шароит яратиш, я'ни атрофида душман давлатлар бўймаслигига эришиш масаласи устида доимо ўйлар эди. Шу нуқтаи пазардан Темур Мовароуннаҳрнинг шарқий ва шимоли-шарқий чегараларига алоҳида хавф блан қарар эди. Еттисув ва Қашқарнинг мӯғул хонлари ва Жўжи Улуси уни ҳаммадан кўра кўпроқ ташвишлантирадар эди. Олтин Үрдадаги воқиалар ва тўс-тўполонлардан, Мамайнинг ҳолидан, ниҳоят, Жўжи Улусини қайта тиклашда Оқ Үрда ва унинг ҳокими Урисхоннинг қандай роль ўйнайбошлаганидан Темур яхши хабардор эди. Олтин Үрданинг бирлаштирилиши, Жўжи Улуси қудратининг яна тиклашиши, Темурнинг фикрича, Мовароуннаҳр учун зарар эди, чунки қудратли Жўжи Улуси Темур бошчилик қилган давлатга ҳар доим ҳавф туғдирар эди. Мовароуннаҳр ҳокими бўлган Темур Олтин Үрданинг заинфланишидан жуда манфаатдор эди. Урисхоннинг та'қибларидан қочиб, 1376 йилда Самарқандга келган шаҳзода Тўхтамишни Темурнинг иззат-хурмат блан ўз ишоҳига олганилигининг сабаби ҳам ана шунда эди, чунки Темур шу мунособат блан Оқ Үрданинг, кейин эса Олтин Үрданинг ишларига актив суратда аралашиб имкониятига эга бўлган бўлар эди.

Тўхтамиш сиёсат майдонида иш бошлаган дастлабки ойлар ва ҳатто йилларда Темур берган ёрдамни жону дилдан қабул қилган. Тащқаридан қарагандга ўз ҳомийсдан миннатдор ва унга содиқ бўлган Тўхтамиш, амалда орадан кўп ўтмай, мустақил сиёсий ҳаракат қиласишида, кўп ҳолларда ҳатто Темур манфаатларига зид ишлар қилди, чунки Тўхтамиш Темурнинг вассали бўлиб қолишини ҳеч ҳам хоҳламас эди. Тўхтамиш тезда Мамайнитор-мор келтириб, Жўжи Улусида ҳокимиятни қўлга олгандан кейин (1381 йил), Олтин Үрданинг қудратини ва унинг улуғ давлатчилик сиёсатини қайта тиклаш йўлига ўтди.

Тўхтамишнинг бу қилмишлари эртами-кечми, икки ўртада жанжал чиқишига сабаб бўлишини Темур яхши сезар эди. Тўхтамиш ҳам буни яхши пайқар эди, шу сабабли у ўз ҳомийси блан курашишга зўр бериб тайёрлик кўрабошлийди. Темур ҳам бу тўқиашувга тайёрланса-да, лекин ўшишлараси эди, балки тўқиашишга ҳали вақт эрта деб, тайёргарликни орқага сурар эди. Бу вақтда Тўхтамиш нақадар катта маблагларга ва одам резервларига эга эканлигидан Темур яхши хабардор эди. 80-нчи йилларнинг иккинчи ярмига қадар Тўхтамиш Темурга қарагандга ачча кучли эди. 80-нчи йилларнинг охирига келганда, шунда ҳам Тўхтамиш 1387 йилда Мовароуннаҳрга талончилик мақсади блан қўшин тортиб келгандан кейингина Темур Тўхтамишга қарши курашишга қарор берди. Броқ шундан кейин ҳам, Тўхтамиши дастлабки пайтларда ташаббусни қўлдан бермади. 1388 йил охиринда Тўхтамиш жуда катта қўшин тўплади, бу қўшинда, Шарафиддин Али Яздийнинг айтишича, турк-мўгул қисмларидан ташқари, яна рус, булғор, черкас, алан, мокша, бошқирдлардан ва

Крим, Кафа (Феодосия) ва Азоқ (Азов) халқларидан олинган отрядлар бўлган¹.

Тўхтамиш қишида йўлга чиқиб, қўшинининг бир қисмини Саврон шаҳрини қамал қилиш учун қолдирған, иккинчи қисмини эса, Арись дар ёсинг Сирдар'ёга келиб қўйиладиган жойи яқинидаги Зернуқ қал'аси районига юборган.

Бу вақтда Темур ўз пойтахти Самарқандда эди. Тўхтамиш қўшинларининг яна бостириб келаётганини эшитиб, Темур Тўхтамишга қарши чиқиш учун керакли армияни тўплашга буйруқ берган. Бунинг учун Темур Андижондаги ўғли Умар Шайхга ва Ҳиротдаги иккинчи ўғли Мироншоҳга ўз таважжийларини² юбориб, халқдан керакли миқдорда лашкар тўплаб бироз вақтдан кейин, белгиланган жойга етиб келишни буюрган. Темурнинг ўзи эса Самарқанд блан Кеш (Шаҳрисабз) дан бирнечча ўн минг жангчилар олиб, авангард сифатида Сирдар'ё томонга қараб юрган.

Бу вақтда қаҳратон қиши эди, дастлаб тоғ ёмгир, тоғ ҳўл қор ёғиб турган, кейин совуқ бошланган, шу даражада қалин қор ёққанки, отлар зўрға юрган. Андижондан келган Умар Шайх отрядлари Темурга Сирдар'ё бўйида қўшилган. Сирдар'ёдан сал нарироқда Темур Тўхтамиш қўшинининг олдинги қисмлари блан тўқнашиб, уларни тор-мор қилган ва қолган-қутганларини дар ёнинг нариги томонига қочишга мажбур этган.

Темур эришган бу ютуғига қизиқиб кетиб Тўхтамиш қамал қилиб турган Саврон шаҳрига қараб бормай, Самарқандга қайтган, бу вақтда Мироншоҳнинг Хуросондан ва унга ёндош областьлардан тўплаган асосий кучлари Самарқандга етиб келган эди. 1389 йилнинг эрта баҳори эди, Самарқанднинг теварак-атрофидаги ерларда Балх, Қундуз, Бақлон, Бадахшон, Хутталанд, Ҳисор ва бошқа область ҳам шаҳарлардан келтирилган аскарий қисмлар тураган. Темур лозим бўлган тайёргарликни кўриб бўлгандан кейин, шу 1389 йилнинг баҳоридаёқ Оқ Урдага қараб юрган ва Тўхтамиш қўшинлари блан шуерда учрашмоқчи бўлган. Броқ бу сафар Тўхтамиш урушмасдан Саврон қамалини бўшатиб, даштиликнинг ичкарисига кириб кетган. Ҳар иккала томон ҳам бу, урушни кечиктириш эканлигини, ахир бир кун муқаррар тўқнашув бўлажагини жуда яхши тушунар ва шу сабабли бўлаjak урушга зўр бериб тайёрланабошлаган эди.

2

Темурнинг Тўхтамишга қарши кураши масаласини рус тарих фани алоҳида ўрганиб чиқсан. XIX асрнинг биринчи ярмида Петербургда ишлаган француз ориенталисти M. Charlemou биринчи

¹ Шарафиддин Али Яздий, I. 461. — В. Г. Тизенгаузен, Курсатилган ғар, II т., 156 бет.

² Таважжийлар тўғрисида қўйида сўзланади.

марта бу соҳада анча қатта илмий текшириш иши олиб борди. Бу илмий асар, *Expedition de Timour-i Ink ou l'ameran contre Toq'amiche Khan de l'ouloûs de Djouîtchy, en 793 de l'hégire ou 1391 de notre ère*, деб аталган. Сарлавҳалан кўриниб турибдики, бу асар авторнинг ўз она тили — француз тилида ёзилиб, „*Mémoires de l'Academie impériale des sciences de Saint-Pétersbourg*¹да 1836 йилда босилиб чиқкан. М. Шармуанинг бу илмий асари Темурнинг 1391 йилда Тўхтамишга қилган ҳарбий юришинигина тасвирлаган ва унда 1) шу юришга оид манба'ларнинг кўпчилигини келтирган (асосий манба'лардан ўша вақтда унга нома'lум бўлган Низомиддин Шомий текстигина йўқ), 2) манба'лар француз тилига таржима қилиб берилган, 3) 1391 йилдаги юришни алоҳида текшириб ёзилган кичик бир боб берилган, 4) бу боб учун шарҳлар берилган ва 5) асосан манба'ларнинг қисқача обзорига бағишланган кичик кириш сўзи берилган. Шармуанинг китоби босилиб чиққанига 100 йилдан ортикроқ вақт үтган бўлишига қарамай, у, Темурнинг 1391 йилда Тўхтамишга қарши қилган юриши масаласини ўрганиш учун ўз аҳамиятини ҳозирги кунга қадар йўқотмаган.

Ўз замонида М. Шармуанинг бу фойдали асари М. И. Иваннининг «Чингизхон ва Темурланг даврларида мӯғул-татарларнинг ва Ўрта Осиё халиqlарининг ҳарбий сан'ати ва исгилолари»² номли китобига та'sир кўрсатган. Бу китоб икки марта нашр қилинган — биринчиси 1846 йилдаёқ босилиб чиқкан, иккинчиси 1875 йилда босилган. Китоб автори шарқшунос бўлмаганлиги учун ориенталистлар асарларида келтирилган шарқ авторлари асарларининг таржималари ёки парчаларидан манба' сифатида фойдаланган. Шунга қарамай, бу китобнинг бирқанча ҳимматли томонлари бор, чунки у Бош Штаб ҳарбий-ilmий комитетининг а'зоси бўлган мутахассис томонидан ёзилган.

Броқ ҳар иккала текширучилар, айниқса иккинчиси, Темурнинг ҳарбий соҳадаги ташкилий ишлари, қўшинларнинг тузилиши ва сан'ати тўғрисида фикр юритганда «Тузукоти Темур» («Темур қондалари») ёки форсча «Малфузати Темур» («Темурнинг ҳимматли сўзлари») номли асарни асос қилиб олган. Ҳар иккала автор, я'ни Шармуа блан Иванин фикрича, бу асар автобиографик характердаги асар бўлиб, дастлабки манба'лар қаторига киритилиши мумкин. М. И. Иванин Темур қўшинининг ҳарбий тузилишига доир асосий фактларни ҳам ана шу асардан олган. Ҳолбуки, «Тузукоти Темур»нинг автобиографик характердаги асар эмаслиги, балки XVII асрда Ҳиндистонда ёзилганлиги

¹ Sixième série, sciences politiques, Histoire et philologie, tome III, St-Pétersbourg, 186, 89—505 бетлар.

² М. И. Иваннин ўлгандан кейин ген.-лейтенант князь Н. С. Голицын таҳририда чиқкан нашрга қаралсиз (СПб., 1875).

ва унинг XV аср Эрон учун характерли эмаслиги ҳозирғи вақтда аниқланған¹. Бинобарин Темурнинг ҳарбий ташкилоти ҳақида бу асарда айтылған фикрлар тарихий аниқ материал бўлаолмайди. Бу тўғрида илмий фикр юритмоқ учун асослироқ фактларга мурожаат қилиш зарур. Бундай фактлар XV аср тарихчиларининг асарларида бор. Жумладан, Низомиддин Шомий, Шарафиддин Али Яздий, Ибн Арабшоҳ, Клавихо асарлари Темур тарихи учун асосий маңба'лар бўлиб хизмат қилади. Булардан кейинроқ ўтган ва Низомиддин Шомий блан Шарафиддин Али Яздий асарлари га асосланиб ёзган Абдураззоқ Самарқандий асари ҳам шулар жумласига киради. Темур блан Тұхтамишнинг ҳарбий ишларини тушунмоқ учун Жувайний асаридаги Чингизхоннинг улуғ ясоси деб аталган ерлар ҳам катта аҳамиятга эга.

Темур қўшини ҳам, ўша замондаги Жўжи Улуси қўшини сингари, Тұхтамиш даврида Чингизхон замонидаги мўгул қўшинларидан асосан ҳечқандай фарқ қилмаган. Темурнинг қўшини асосан Чингизхон қўшинига ўхшаб тузилған бўлсада, лекин у бироз такомилластирилған эди. Сўзимизнинг исботи учун, мўгул қўшинига асос қилиб олингандан ва юқорида айтилған Чингизхон яосига кирган принципларни қисқача баён қилиб ўтамиш. Чингизхон ва унинг лашкарбошилари мўгул қўшини блан фахрланар ва биздан аввал ўтганларда ва замондошларимизда ҳам бундай қўшин асло бўлмаган деб ҳисоблар эдилар. Мўгул қўшинида хизмат қилган бу халқ тинч вақтда меҳнат блан банд бўлған, турли фойдали буюмлар ясаган, ҳархил мажбуриятлар ўтаган, солиқлар — копчур², аваризот³ тўлаган, почта станциялари (бекатлар) нинг ҳаражатлари учун кетадиган солиқлар тўлаган, от-улов етказиб берган, от ва бошқа ҳайвонларга ем-хашак етказиб бериб турган. Уруш вақтида бу халқнинг ҳаммаси аскарликка чақирилған, шу блан бирга, юриш ва жанг учун керакли барча уруш анжомларини: от ва бошқа ҳайвонлар, кийим-кечак, қурол-яроғ, қисқаси, арқондан тортиб игнагача ҳамма нарсани уларнинг ўзлари тайёрлаган⁴. Шулардан ма'lумки, мўгул қўшини ялпи мажбурият асосида чақириладиган халқ лашкарларидан иборат бўлган.

¹ В. В. Бартольд. Мир-Али-Шир и политическая жизнь. Мир-Али-Шир, сб. к пятисотлетию со дня рождения, 1928, 103 бет.

² Кўчманчи мўгулларда копчур — «яйловдаги чорвадан 1% миқдорида олинган солиқ» (В. Бартольд. Персидская надпись на стене Анийской мечети Мануче, СПб., 1911, 32 бет).

³ Аваризот — қўшимча, ошиқча олинадиган солиқлар ёки мажбуриятлар. Кўчманчи мўгулларда булар инмадац иборат бўлганлигини айтиш қийин. Ўтроқ халқларда (Чингизхон бўйсундирған ва деҳқончилик блан кун кўрадиган ўлкаларга ясо киритилған эди) аваризот — бир жойдан иккинчи жойга кўчуб ўтиш, транспорт, далада ишлаш ва шунга ўхшаш соҳаларга тааллуқли бўлган фавқулодда солиқ ва мажбуриятлардир.

⁴ Джувеини. История завоевателя мира. GMS, XVI, ч. I, 22 бет.

Мұғул қүшини ўнлик системага мұвофиқ тузилған, яғни ўнликларга, юзликларга, мингликларга, ўнмингликларга (туманларга) бўлинган. Ҳарбий ишга лаёқатли мұғуллардан ҳарбири қайси ўнликка мансуб эканлигини, шу ўнлик орқали ўзининг юзбошисини ва бошқаларни яхши билган. Шу билан бирга, қўшинга чақирилган ҳарбир мұғул йигиладиган ва кўрувдан ўтадиган жойига дарҳол етиб бориши ва керак бўладиган нарсаларнинг ҳаммасини таҳт қўйиши даркорлигини билар эди. Сафарга ажомларини таҳт қилиб келмаган жангчининг шўри қуриган, бирон нарсаси етишмаган одам қаттиқ жазоланған. Қўшин тўплаш зарур бўлиб қолганда, бўйруқ юқоридан пастга қараб борган. Энг юқори ҳарбий бошлиқ туманбошига бўйруқ берган, туманбоши эса бўйруқни ўзидан пастдаги мингбошига, мингбоши юзбошига ва юзбоши ўнбошига юборган. Йигилиш жойига тезда етиб келиш лозим бўлған, акс ҳолда, қаттиқ жазо берилған¹. Мұғул қўшинида асосий қўшилмаларга (қўшиннинг маркази, қанотларига) қўмондонлик қилучи шаҳзодаларда (ўғлонлардан) тортиб ўнликка кирган оддий жангчига қадар ҳаммаси қаттиқ интизомга бўйсунган.

Ясога кўра, қўшин юришга чиққан пайтда жангчилар ҳар доим ярим оч ҳолда тутилған, бунда қорни тўқ ит овда фойда бермаганидек, тўқ жангчи ҳам жангта ярамайди; жангда ғазаб ва шиддат билан урушиш ўрнига, бўшанглик қиласи, деган қонида асос қилиб олинган.² Чингизхон ва унинг ворислари давридаги мұғул қўшинининг энг характерли хусусиятларидан бири шу бўлганки, бу қўшин шаҳар ва қишлоқларни босиб олган вақтда уларни қаттиқ талаган ва ҳалқни раҳмсизлик билан қирган. Мұғул қўшинига таълим бериш ва уни тарбиялашда, ясога кўра, қуршаб ов қилиш катта роль ўйнаган. Чингизхон ва унинг ворислари қуршаб ов қилишга катта э’тибор берганлар. Қуршаб ов қилиш ҳар доим катта масштабда ўтказилғанлиги ва узоқ вақт давом этганилти сабабли, фақат ҳарбий-хўжалик аҳамиятиға гина эга бўлиб қолмаган, балки у урушга тайёрлик кўришининг ўзига хос бир мактаби ҳам бўлған. Мұғул хони ов ташкил қилганда, аҳолини ҳақиқатда урушга чақиргандагидек, сафарбар қилган. Ов машқига айрим областълардан кўчманчилар ҳам чақирилған, келган кўчманчилардан ўнлик, юзлик, минглик ва туманлардан иборат ҳарбий отрядлар тузилған. Бунинг устига ов вақтида ҳам, худди юриш вақтидагидек, ўнг, сўл қанотлар ва марказ бўлған. Хон бўйруғи билан, йиртқич ҳайвонлар макон топған жуда катта район ба’зан бир ойга ва ҳатто ундан ҳам кўпроқ вақт қуршов қилиниб, бу територия тобора қисиб борилған³. Ясога кўра,

¹ Джувейни. История завоевателя мира, GMS. XVI, ч. I, 22–23 бетлар.

² Джувейни, ўша асар, 22 бет.

³ Джувейни, ўша асар, 20 бет.

қуршаб ов қилиш ҳарбий ишда фойдали бўлган кўпгина мала-каларни тарбиялаган.

Темурнинг қўшини ҳам ҳалқ лашкаридан иборат бўлса-да, лекин Чингизхон замонидагига ўхшаб умумхалқ орасидан териб олинидиган лашкар эмас эди. Темур давлати феодал давлат бўлганлигига кўра, кент кўчманчилар оммасидан ҳалқ лашкарига одам олиниса-да, броқ дехқончилик блан шүғулланучи аҳолидан расамади билан олинган, я’ни юқоридан келган конкрет талаб ва жойнинг шароитига қараб маҳаллий ҳоким ҳар сафар дехқонлардан тегишли одам ажратган. Темур лашкарининг Чингизхон қўшинидан муҳим фарқи яна шунда эдики, Темур қўшинида отлиқ аскарлар блан бир қаторда пиёдалар ҳам катта роль ўйнаган, буни Темурнинг ўз душманлари блан олиб борган катта жангларни тасвир қилган асарлардан кўриш мумкин¹. Бу эса Темур давлатининг феодал характеристига жуда мос келган. Пиёда аскарлар асосан дехқон ва ҳунармандлардан олинган, кўпинча бу ҳунармандлар қўшинга девор тешар машина ва бошқа хил қамал машиналари ҳамда турли мудофаа қуролларини ишлатиш учун олиниар эди.

Темур қўшинининг ўзига хос характеристи яна бир хусусияти шундаки, ҳалқ лашкари сифатида қўшинга чақирилган жангчилар ба’зан юришга чиққан вақтларида узоқ муддатга, беш ва ҳатто ўн йилдан ҳам кўпроқ муддатга сақлаб қолинган. 1372 йилдан то 1405 йилгача узлукен урушлар олиб борган Темур, гарчи қўшинни ҳалқ лашкари сифатида тўплаш принцибини ўзгартмаган бўлса-да, учининг ташкилий томонини тобора такомиллаштириб борган.

Темур давлати феодал ерларнинг типик бирлашмаси эди. Булар, бир томондан, Мовароунахр, шунингдек, Эрон территориясида маҳаллий династиялар бошчиллик қилган эски Эрон князъликларидан, иккинчи томондан, ҳаржой-ҳаржойдан қирқиб олиниб янгидан ташкил қилинган ва Темур ўз ўғиллари ҳамда невараларини бошлиқ қилиб қўйган феодал бирлашмалардан, учинчи томондан — аҳшом (кўчманчи қабилалар) ва вилоятдач (ҳалқ ва областьдан) иборат эди; аҳшом ва вилоятлар ҳам феодал ерлар ҳисобланар эди. Бу ерларнинг кўпчилиги айрим ма’мурий бўлаклар сифатида давлатни ёки унинг бир қисмини бошқариш системасига кирган, шу блан бирга Кебекхон (1318—1326) замонидан бошлаб бу ма’мурий вилоятлар туманлар деб аталган. Бу феодал вилоятлар (туманлар) ҳам вилоят ҳокимлари бошчилигида ҳалқ лашкарлари етказиб бериши лозим бўлган. Ҳарбир шундай тумандан 10.000 дан жангчи тўплансин деб ай-

¹ Қаранг: Низомиддин Шомий, описание сражения Тимура с Тохтамишем при Кундузче, Тауер нашри, 123—124 бетлар — Шарафиддин Али Яздий, I, 534 бет.

тилса ҳам, броқ амалда деярли ҳамавақт бундан кам йиғилар эди. Абдураззоқ Самарқандий ма'лумотига күра, Темур халқ лашкарлари йиғиши түгрисида фармон берган вақтида жуда катта ваколаттаға эга бўлган мас'ул одамларни жойларга юборар эди; буар «таважжийлар» ёки «тавачилар» деб аталар эди. Алоҳида тошлириқларни бажарадиган бу ҳарбий амалдорлар (ўзига хос баковуллар) бирор отряднинг жанг вақтидаги ахволи қандайлигини Темурга ёки олий мартабали бошқа ҳарбий бошлиққа (қўмондонга) хабар қилган¹ ёки Темур фармонларини туманлар, мингликлар, қўшунларнинг амирларига етказганлар. Халқ лашкарни тўплаш вақтида тавачилар айниқса муҳим роль ўйнаган. Бундай вақтда Темур тавачиларга алоҳида ваколат берган ва уларнинг батамом мас'уллиги остида бирон-бир аскарий қўшилмани олиб келиш тўғрисидаги фармонини ўз вақтида тўла ижро этишни улардан қаттиқ талаб этган². Тавачиларга ҳатто юриши вақтида қуршаб об қилишини ташкил этиш каён вазифалар ҳам юклатилган³. Қўшин юришга чиққан пайтда йўлда, айниқса қўшни душман лагерига яқин келганда қўшадиган ерларни тавачилар тайёрлаганини⁴ ва улар зафарли юришдан кейин, қўлга тушган ўлжани тақсимлашда актив қатнашганини кўрамиз⁵.

Темур тавачиларига айниқса катта мукофотлар, ҳад'ялар берган. Тавачилар халқ лашкарни тўплаш учун жойларга кетаётганларида, халқ лашкарининг миқдори кўрсатилган рўйхатни, я'ни «сон»⁶ни ўзлари блан бирга олиб кетганлар. Бундан ташқари, тавачилар Темурнинг фармойишини, ҳарқандай тўсқинлик оулишига қарамай, албатта бажаражаги ҳақида алоҳида тилхат — мажбурият (мучилка)⁷ берган. Масалан, Абдураззоқ Самарқандий сўзига кўра, Темур Тўхтамишга қарши отланишдан олдин қўшин тўплаш учун тавачиларни вилоятларга тақсимлаб юборган пайтда улардан мучилка, я'ни тилхат олган, бу тилхатга кўра, тавачилар нима қилиб бўлса ҳам керакли миқдорда қўшинни йиғиб келишга мажбур бўлган. Лекин «мучилка» («тилхат») термини факат тавачиларга нисбатан қўлланмаган, балки бошқа мансабдор шахсларга (ҳарбий ва граждан ишлари мансабдор-

¹ Низомиддин Шомий, Тауег нашри, 124 бет.—Қаранг: Шарафиддин Али Яздий (в сб: В. Г. Тизенгаузен, ўша асар, II т., 170 бет).

² В. Г. Тизенгаузен, ўша асар, II т., Шарафиддин Али Яздий, 156 бет.

³ В. Г. Тизенгаузен, ўша асар, II т., 161 бет.

⁴ В. Г. Тизенгаузен, ўша асар, II т., 176 бет.

⁵ В. Г. Тизенгаузен, ўша асар, II т., 185 бет.

⁶ В. Г. Тизенгаузен, ўша асар, II т., Абдураззоқ Самарқандий, 162, 191 бетлар.—Charmoy Expedition de Tmoûr-lenk, 245—246 бетлар (форсча текст), 422 бет (франц. тарж.).

⁷ В. Г. Тизенгаузен, ўша асар, II т., 191 бет.—В. В. Бартольд «Улугбек и его время» деган асарида Муиззаз Анособ асарини далил келтириб (Париж қўллэзмаси, л. 81), Чингизхон замонидёқ Қорачар деган нойон «мучилка»ни кириштаган, дейди. Қаранг: Улугбек и его время, 22 бет, 9 шарх.

ларига) бирор вазифа юклатилган пайтда ҳам улардан шундай «мучилка» олинганд. Темур 1391 йилда Тўхтамишга қарши қўшин тортиб кетаётганида даштиликда озиқ-овқат маҳсулотлари камчилигини кўриб, туманбоши, мингбоши ва юзбошиларга озиқ-овқатни тежаб сарфлаш ва унни ортиқча харжламаслик тўғрисида буйруқ берган, нон, кулча, увра оши, чучвара ва бошқа хил хамир овқатлар пиширишини тақиқлаган ва фақат атала қилиб ичид туришини буюрган. Шу муносабат блан Темур амирлардан мучилка (тилхат) олган.

Тавачилар вилоятлар ва қабилалар (ахшом)дан, турк ва тоҷиклар орасидан пиёда ва отлиқ ҳалқ лашкарлари тўплаган. Ҳалқ лашкарининг ҳарбир жангчиси, Абдураззоқ Самарқандий ёзишига кўра, бир йилга етадиган озиқ-овқат ва бошқа буюмлар запаси, тўрт хил қурол-яроғ — бир камон ва 30 та ўқёй, совут ва қалқон олиб келиши лозим бўлган. Ҳар икки жангчидан бир от (қўлбола от) ва ҳар 10 кишида — 1 чодир, 2 белкурак, 1 мотига, 1 ўроқ, 1 арпа, 1 теша, 1 бигиз; 100 та игна; $\frac{1}{2}$ ман омбор оғирлигига арқон, 1 пишиқ тери ва 1 қозон бўлиши талаб этилган¹.

Ҳалқ лашкари тўғрисида гапирганда, дастлабки «асл» составни ёки контингентни, шу отряд катта талафот бергандан кейин тўпланадиган қўшимча («изофа»)² лашкардан фарқ қилмоқ керак. Ўнлик системага кўра, бу лашкар мингликларга, қўшинларга ва ўнликларга бўлиниган. «Қўшунлар» — қўшинни ташкил қилишдаги энг муҳим қўшилма бўлган; «қўшун»га ҳаммаси бўлиб 50 киши кирганлигини кўрсатадиган фактлар бўлса ҳам, лекин унда кўпинча 100 дан ортиқ киши бўлган³.

Шу нарса характерлики, манба'ларда «амир» термини фақат «туманлар», «мингликлар»нинг бошлиқларига нисбатан эмас, балки «қўшунлар»нинг бошлиқларига нисбатан ҳам ишлатилган⁴. Қўшин бир туманни ёки Темур қўшинининг ҳаммасими,— бундан қат'и назар ҳамавакт ма'lум бир тартиб блан юришга чиққан; бу тартиб «мурчил»⁵ деб аталган.

Бу «мурчил»га, я'ни ҳарбий бошлиқлариниг даражалари бўйича қўйилган жанговар тартибга қараб, амирларининг ҳарбири — «туман» амирлари, «минглик» амирлари ва «қўшун» амирлари ўз ўрнини билиб туришини керак эди. Асосий қўшин юришга чиққанда ба'зан жуда катта отряддан (бирнече тумандан) иборат авангард

¹ М. Сагитоу, ўша асар, 246 бет (форсча текст), 422 бет (франц. тарж.). — Бундай тиллаблар илгари ҳам мавжуд бўлиб, у мўғул қўшинини ташкил қилиш традицияси блан боғлиқ бўлган. (Қаранг: Ясу Чингис-хана в изложении Джувейни. GMS, XVI, I, 22 бет).

² М. Сагитоу, ўша асар, 250 бет.

³ В. В. Бартольд, Улугбек и его время, 24 бет.

⁴ В. Г. Тизенгаузен, ўша асар, II т., Шарафиддин Али Яэдий, 159, 164, 175 ва бошқа бетлар.

⁵ В. Г. Тизенгаузен, ўша асар, II т., 159 ва 175 бетлар.

(манқила)¹ қүшин олдиди борган. Авангарддан олдинда доимо, Низомиддин Шомий ва Шарафиддин Али Яздий күпроқ «коровул» термини блан атаган, қўриқчи отряд юрган. «Коровул»нинг асосий вазифаси қўриқчилик хизматини ўташ ва асосий қўшин олдиди нималар бўлаётганини тўхтовсиз хабар қилиб туришдан иборат бўлган. «Коровул»дан «хабаргири» (разведка)ни фарқ қилмоқ керак. «Хабаргири»ни қўмондоннинг қароргоҳидан тортиб, то қўшунларнинг амирларига қадар қўшиннинг истаган қисми юбораолар эди.

Разведкада ишлайдиган одамлар одатда баҳодирлар орасидан танлаб олинган, буларга бошлиқлик қилиш ҳам ботир ва тажрибали ҳарбий бошлиққа (масалан, Шайх Довудга, Мубоширга ва бошқа шунга ўхшашларга) топширилган. Разведкага кўп вақт «тил» тутиб келиш топширилган².

Қўшин йўлга чиққандা йўл бошловчилар («качарчилар») мухим роль ўйнаган. Темур шахсан ўзи Оқ Үрда хони Үрисхон устига қўшин тортиб борган пайтда Тўхтамишнинг ўзи йўл бошлаб борган³. Темур йўл бошловчиларга шу қадар катта аҳамият берганки, у ўз қўшинининг амирлари ўртасида йўлбошловчиларни шахсан ўзи тақсимлаган.

Темур 1391 йилда Тўхтамишга қарши отланган пайтида шундай қилган⁴. Ба'зан юришлар вақтида лагерь типидаги қароргоҳни рӯбарўдан келаётган душман қўшинига яқин жойда қуришга тўғри келган. Қароргоҳ олдиди окоп (ханлақ)лар қазилиб, тўқилган қалқон («чопор»)лар ва қандайдир мудофаа қуроллари — турлар⁵

¹ Низомиддин Шомий. Таңег нашри.—Бу асарда «манқила», «коровул», «хабаргири» терминлари жуда тез-тез учраб туради. 119-ичи бетни мисол қилиб келтирайлик. Уерда бу терминларнинг ҳаммаси юқоридаги маънода ишлатилган. «Манқила» термини мўгулча бўлиб, мўгуллар замонидан пайдо бўлган ва Олтин Үрда тарихига доир воқиалар тасвир қилинганла учрайди [масалан, Вассофининг 718 ҳ. йилда (=1318—1317) Узбекхоннинг Аронга қилган юришининг тасвирин деган асарига қаралсин]. В. Г. Тизенгаузен, ўша асар, II т., 87 бет].

² В. Г. Тизенгаузен, ўша асар; Низомиддин Шомий асарида (Тақиет нашри) асарри «хабаргири» — разведка ва унинг бошлиқлари тўғрисида хикоя қилинди. Асарнинг 119—120 бетлариди Шайх Довуднинг идроки ва сан'ати тўғрисида, унинг Темурга қимматли ма'lумотлар берган «тил» тутиб келганлиги тўғрисида муфассал гапнирлари. 121 бетда Мубоширнинг бу масаладаги усталиги ҳақида, унинг 40 кишини бир йўла тутиб келганлиги ҳақида гапирилади.

³ В. Г. Тизенгаузен, ўша асар, II т., Шарафиддин Али Яздий 149 бет.

⁴ В. Г. Тизенгаузен, ўша асар, II т., 112 бет.

⁵ М. Сагтоу, кўрс, асар, 202 бет (фореча текст). — Контекстдан ма'lумки, чопорлар кўл қалқонлари эмас, балки окоп қалқонлариdir. Шармуа «турлар ва чопорлар» «катта ва кичик қалқонлар» бўлган, деб хато таржима қилған (кўрс, асар, 387 бет).

Темурнинг 1394—1395 йилларда Тўхтамишга қарши қилган юришини тасвирлаганда ҳам шу терминлар ишлатилган (В. Г. Тизенгаузен, кўрс. асар, II т., 175—176 бетлар).

қўйилган. Атрофи окоплар блан ўраб олинган бундай қароргоҳ ба'зан эски мўғулча термин блан «курен»¹ («курень») деб аталган.

Бундай қароргоҳда кечалари олов ёқиш ва ҳатто қаттиқ гапириш ман' қилинган.

Темур фақат ғолибона жангдан кейин эмас, балки душман блан тўқнашмасдан олдин ҳам, айниқса жанг олдидан аскарлар руҳини кўтариш учун уларга турли совғалар берган. Жангчиларга бериладиган совғалар «укулка» («ёглигә») деб аталган².

Қўшиннинг жанг бошланиш олдидан жойланиш тартиби — жанговар тартиб катта аҳамиятга эга бўлган. Низомиддин Шомий³ ва Шарафиддин Али Яздий⁴, Темур қўшинни жанговар сафга тортиш масаласида янгиликлар киритган дейдилар.

Темур киритган янгилик нимадан иборат эканлигини билиш учун, Темур ҳарбий бошлиқ сифатида иш бошлаган дастлабки пайтларда қўшиннинг жанговарлик тартиби қандай бўлганлигини, я'ни у бу масалада ўзидан олдин ўтган лашкарбошилардан нималарни мерос қилиб олганлигини кўриб чиқиш керак. Бунинг учун 1365 йилдаги «Ботқоқ жангни» деб аталган жангда қўшин қандай жанговар тартибда бўлганлигини аниқлаб олиш керак, бунда Хусайн блан Темур мўгул хони Ил ёсхўжага қарши урушган ва бу жангда енгилган. Жанг Чипоъ блан Тошкент ўртасидағи бир ерда бўлган. Низомиддин Шомий бу тўғрила жуда муҳим бир материал келтирган. Бу жангда Хусайн блан Темур қўшини қандай жанговар тартибла сафга тизилганлигини Низомиддин Шомий бундай тасвирлайди. Амир Хусайн қўшинничг ўнг канотига бошчилик қилган, канбулда (фланг қўриқчилигига) Арлатлар қабиласидан чикқан Тиланчи турган, қоровулда эса — амир Улжойту ва бошқа амирлар турган; сўл канотда Темурнинг ўзи бошчилик қилган, унинг канбулида Сари Буға турган, қоровулда эса Темурхўжа ўғлон турган; марказда (кул) амир Чоку ва бошқа амирлар турган⁵.

Шундай қилиб, биз буерда марказ, сўл ва ўнг қанотлардан иборат жанговар тартиб бўлганлигини, шу блан бирга, қанотларнинг ҳарбирида қўшимча аскарий қисм — фланг қўриқчилиги (канбул) ва қоровул турганлигини кўрамиз. Бу жанговар тартибининг ҳаммаси етти қисмдан иборат бўлиб, булардан утаси бирқадар мустақил иш кўраолган, тўрттаси эса (икки қоровул ва икки канбул) бошқа қисмларга бўйсунган. Бу жанговар тартибининг характерли хусусияти шуки, ўнг ва сўл қанотларга нис-

¹ Б. Я. Владимирцов. Общественный строй монголов, 37 бет. — В. Г. Тизенгаузен. ўша асар, II т., 158, 165 бетлар.

² Бу термин маиба'ларда тез-тез учраб туради.

³ Низомиддин Шомий, Тауег нашри, 123 бет.

⁴ Шарафиддин Али Яздий, қаранг; М. Сагатоу, ўша асар, 213—214 бетлар (форсча текст). — Буерда Темурнинг янгиликлар киритгани анча аниқ кўрсатилган.

⁵ Низомиддин Шомий. Тауег нашри, 28 бет.

Русынинг бошқа шаҳарларидағи сингари, Москвада ҳам, Куликово жаңигидан кейинги оғир жароҳатлар ҳали тузалиб битмаган эди. Йилномада айтилишича, «бутун Рус ерида аскарбошлилар, хизматкорлар ва барча құшинлар тамомила камайиб кетганигидан бутун Рус ери катта таҳликаға тушиб қолган эди»¹. Ана шундай бир пайтда татар әлчиларини ҳайдаб юборылса, катта хато қилинған бўлур эди. Гарчи оғир бўлса ҳам, вақтингча бўйсуншига тўғри келди. Ана шунинг учун ҳам Димитрий Донской «Үрдага, Волганинг янги шохи Тўхтамиш ҳузурига, ўз әлчилари Тўлбуға ва Мокшиани ҳад'я ва совға-саломлар блан жўнатган»².

Тўхтамишнинг Литва князи Ягайло ҳузурига әлчилар юбориши ҳам жуда қизиқ бир ҳолдир. Элчилар унга Тўхтамишнинг маҳсус ёрлигини олиб келганлар, бу ёрлиқ айни замонда ҳам фармойиш, ҳам инфомрация ҳисобланған. Бу ёрлиқ бизгача сақланмаган. Буни биз Тўхтамишнинг Ягайлого юборган бошқа бир ёрлигидан билиб олдик; бу вақтда Ягайло фақат Литванинг буюк князигина эмас, шу блан бирга Польша короли ҳам эди. Бу кейинги ёрлиқ 795 ҳ. йил Ражаб ойининг саккизинчи куни, я'ни 1393 йилдинг 20 майида Тана (Азов) шаҳрида ёзилган. Бу ўринда ёрлиқнинг бошланиши бизни айниқса қизиқтиради: «Менким, Тўхтамиш, Ягайлого дейман. Улуғ ўринига қандай қилиб ўтирганиглигимизни хабар қилимоқ учун, Биз Қутлуғ Буға ва Ҳасан бошчилигига аввал әлчилар юборган эдик ва сен ҳам ўшанда ўз аризачиларингни бизга юборган эдинг»³.

Юқоридаги ёрлиқ Мамай қўшинини Тўхтамиш тор-мор қилиғандан кейин орадан 13 йил ўтгач ёзилган. Ёрлиқнинг дастлабки сатрларидан равшанки, Тўхтамиш Қалка дар'ёси бўйида Мамайнин енгандан кейин оқ ўзининг Олтин Үрда тахтига ўтирганлиги тўгрисида хабар юборган. Ёрлиқдан яна шу нарса равшанки, Ягайло Тўхтамишнинг энг кучли ва имтиёзли вассалларидан бири ҳисобланған бўлса ҳам, лекин у Тўхтамишнинг олий ҳокимиятини э'тироф қилган. Броқ Тўхтамиш рус князъларининг зоҳиран тоби'ликни тан олишларига қаноатланмаган. Тўхтамиш тўғридан-тўғри рус ерларини Үрданинг оддий бир улусига айлантиришга ҳаракат қилган ва буни фақат қурол кучи блан амалга ошириш мумкин, деб ҳисоблаган; бунинг устига, Мамайнинг тор-мор қилингандан лагеридан қўлга туширилган ўлжа Тўхтамишга камлик қилган ва у истило қилингандан ҳамда талангап рус шаҳарларидан яна кўпроқ ўлжа олишга ҳаракат қилган. Москванинг бойликлари Тўхтамишнинг айниқса ҳавасини келтирди. Ана шуларнинг ҳамаси уни 1382 йилда Русь устига ва, жумладан, Москва устига ҳам аскар тортиб бориш учун тайёрлик кўришга олиб келди.

¹ ПСРЛ, XI, 69 бет.

² Уна жойда.

³ ЗВО, III, 6 бет, текст, 4 ва ундан кейинги бетлар. В. Радлов таржи-маси ва нашри.

Рус йилномаларида бу юришни тасвирлайдиган икки хил нақл: Симеон йилномасига кирган эски нақл ва бирнече вариантларда (Новгороднинг тұрттынчи йилномасида, Ермолин йайлномасида, София бириңчи йилномасининг давомида ҳамда Никон йилномасида) әзилган янги нақл сақлап көлгән. Бу икки хил нақл ўртасидаги асосий фарқ шундаки, бириңчисида (Симеон йилномасида) Тұхтамиш 1382 йилда Москвани қамал қылғаш пайыза халқ шаҳарни татарлардан ҳимоя қилишда актив иштирокчи қилиб күрсатилмаган. Иккінчи нақлда эса, аксионча, шаҳарни ҳимоя қилиш тұғрисидаги җикояда Москванинг асосий ҳимоячилари қилиб шаҳарлilar ва аввало пойтахтнинг мәжнаткаш ахолиси күрсатилған. Баҳтга қарши, шаҳарни ҳимоя қилишда халқнинг рөли тұғрисидаги хабар бизға черковдаги юқори табақа одамларининг та'сирі остида бузиб, қайтадан ишләніб, очиқдан-очиқ сохталаشتырылған ҳолда етиб келған. Бу тұғрида йилномалардаги гапларни үқир эканмиз, воқыналарни халқнинг синфий душманлари бўлган кишилар җикоя қилғанликларини ера ёдимиздан чиқармаслигимиз керак.

Тұхтамишнинг 1382 йилда Москва устига қўшин тортиб келганилиги тұғрисидаги энг қизиқ хабарлар қуйидагилардир:

1. Симеон йилномасидаги җикоя, бу җикоя ўзи алоҳида қисса тарзida берилмаган¹.
2. Ермолин йилномасидаги җикоя, бу ҳам айрим қисса қилиб берилмаган².
3. «Подшо Тұхтамишнинг Москвани олиши ва Рус срини асоратта солиши тұғрисида»³.
4. «Тұхтамишнинг Москва устига қўшин тортиб келганилиги тұғрисида қисса»⁴.
5. «Подшо Тұхтамишнинг Москвани олганлиги ва Рязань срини асоратта солғанлиги тұғрисида қисса»⁵.

Тұхтамиш Русь устига қўшин тортиб бориши учун жуда пухта тайёрғарлық кўрган. Узиннинг қўшин тортиб бориши Русь учун ва Москва князь Димитрий учун қўққисдан қилинганды бўлининг Тұхтамиш айникеа кўп этибор берганды. София бириңчи йилномасида айтилишича, «Тұхтамишнинг аскар тортиб бориши тұғрисида бирор кимса Рус ерига хабар етказмасин учун, Русь бу тұғрида ҳечниарса билмасин учун, Тұхтамиш барча рус савлогарларини тутиб олиб, мол-мулкини талаттирди, ўзларини эса қаматтириди, аммо Үрданинг ичидә Рус ерининг тарафдорлари бўлган маҳсус тайинланган ба'зибир яхши ишятли одамлар бор эди»⁶.

¹ ПСРЛ, XVIII, 131--133 бетлар.

² ПСРЛ, XXIII, 127 ва уидан кейинги бетлар.

³ ПСРЛ, VI, 98--103 бетлар.

⁴ Бу иккала қисса Никон йилномасида әзилтан бўлиб, бир-бирига яқын вариантлардан изборатдир. — ПСРЛ, XI, 71--81 бетлар.

⁵ ПСРЛ, VI, 99 бет.

Савдогарларнинг, жумладан, рус савдогарларининг бошқа мамлакатларда нималар бўлаётганилиги тўғрисида хабар бериб турища қандай катта роль ўйнаганликлари ана шундан яққол кўриниб турибди. Бу рус савдогарлари орасида ўз мамлакатининг ватанпарварлари бўлган кишилар анчагина бор эди. Улардан кўплари савдо ишлари блан тез-тез Поволжьеда, Саройларда Кримда ва бошқа жойларда бўлиб, факат савдо-сотиқ ишлари соҳасидагина эмас, балки сиёсий соҳада ҳам нима ишлар бўлаётганилигидан хабардор эдилар. Шундай ватанпарварлик руҳидаги рус савдогарларидан ўзини бехатар қилиш учун ҳам Тўхтамиш уларнинг ҳаммасини қириб ташлашга бўйруқ берган, ҳолбуки бундай қабиҳ ишни аслида бераҳм ва маккор Мамай ҳам қилмаган эди. Тўхтамиш Булғорга татар қўшинининг олдинги отрядини жўнатиш блан ўз юришини бошлаган, Булғорда у, рус савдогарларини қириб ташлашгина эмас, балки уларнинг моллар ортилган кемаларини ҳам босиб олишни буюрган ва шу блан катта ўлжа қўлга туширишни мўлжаллаган. Аммо бу факт яна шу жиҳатдан ҳам диққатни жалб қиласдики, Волга дар’еси орқали ўтган савдо йўли ва савдо кемалари Үрда савдогарлари қўлида эмас, балки рус савдогарлари қўлида бўлган.

Булғорга юборилган отряд кетидан Тўхтамишнинг ўзи ҳам катта қўшин блан Волгадан ўтган. Йилномада айтилишича, бу воқиа «Тўхтамиш Үрда ва Саройда ҳукмронлик қилишининг учинчи йилида»¹ содир бўлган. Русъда у вақтда татарлар блан тўқнашишни истамаганлар, чунки кўплар татарлар блан қат’ий жанг қилиш фурсати эмаслигини тушунардилар. Тўхтамишнинг қўшин тортиб келганлигини тасвирлаб ёзган автор «гайридин татарларнинг христианлар устига бостириб келиши нақадар оғир»², деб та’кидлаб кўрсатади. Русъда ўша вақтда керагича ҳамжиҳатлик бўлмагац. Димитрий Константипович Сузdalский қандай йўл блан бўлса-да, Нижний Новгороднинг типчлигини кўзлаб, ўзининг иккى ўғлини Тўхтамиш ҳузурига юборган, броқ унинг ўғиллари Тўхтамишни тополмай, ҳечбир патижасиз қайтиб келганлар. Олег Рязанский эса Мамайнинг юриши даврида қандай қилгаи бўлса, бу сафар ҳам худди шундай йўл тутган, я’ни тўғридан-тўғри хиёнат йўлига ўтган. Бу тўғрида рус йилномасида бундай дейилган: «Рязань князи Олег бўлса подшо Тўхтамиши Рязань ерига кирмасданоқ қарши олиб, унинг ёғига бош урди, Тўхтамишнинг Русь устидан ғалаба қилишада унга ёрдамчи бўлди, шунингдек, христианларга ёмонлик қилинада ҳам унга ёрдам берди ва Рус ерини қандай қилиб босиб олини ҳамда юшдан қурилган Москва шаҳрини қандай қилиб осон йўл блан қўлга

¹ ПСРЛ, VI, 98 бет; ПСРЛ, XI, Никоновск. летоп., 71 бет.

² ПСРЛ, VI, 98 бет.

³ Уша жойда.

олиш ва буюк князь Димитрий Ивановични қандай қилиб енгиш ва ағдариб ташлаш тұғрисида ба'зидир гапларни айтди»¹.

Москва князи Димитрий Донской ақволниң жуда оғир эканлигини билиб, яна қаҳрамонона жаңг қилиш учун — мамлакатни татарлардан ұмоя қилиш учун ұарнима қилиб бұлса ҳам рус князъларини бирлаштиришга ҳаракат қылған, броқ князълар орасида үйләгай мудласынға әрішаолмаган, чунки «улар орасида ихтиофлар чиқиб, ёрдам беришни хоҳламаганлар». Аччиғлаған Димитрий Донской қүшин йиғиб келиш учун Костромага қараб кетған.

Олег Рязанскийнинг хиёнаткорлик блан йўл-йўриқ кўрсатиб беришидан фойдалаған Тўхтамиш катта қўшин блан Ока дар'ёсининг кечик жойидан тезликда нариги томонига ўтиб олиб, Москвага борадиган йўлга чиқади². Бу вақтда Москвада ихтиофлар жуда авж олган эди. Бирхил одамлар, яхиси шаҳарни ташлаб чиқиб, ҳарким қаерда бўлмасин жон сақлаши керак, деса, бошқалари, бунинг аксича, Москвани ҳечбир кимса ташлаб кетмаслиги керак, ҳамма уни гайрат блан ұмоя қилиши керак, деб талаб қиласди. Шаҳарниң халқ оммаси ана шу кейинги йўлдан борди. Никон йиљомасидаги гапларга ишонадиган бўлсак, шаҳарни ұмоя қилиш тарафдорлари орасида исте'додли, бағайрат ташкилотчи ҳам топилған. Литва князи Ольгердинг невараси Остей шундай ташкилотчи бўлған, дейишади. У шаҳарни мустаҳкамлайбошлаган ва бу блан москвалиларнинг руҳини кўтарған. Шу вақтда Москва атрофидағи аҳоли —«боярлар ва сурожлилар, мовутчурушлар ва бошқа хил савдогарлар, архимандритлар ва игуменлар... хуллас, барча ёшдаги эркак ва аёллар ўз бола-чақалари блан»³ шаҳарга келиб бекинган. Митрополит Киприанга яқин одамлар та'сирида бўлса керак, Остейниң Москвани мудофаа қилишдаги роли йиљомада жуда бўрттириб кўрсатилған, ма'лумки, Киприан Литвага хайрихоҳлик билдириб, уни Москва блан бирлаштиришга ҳаракат қиласди. 1382 йил 23 августда Тўхтамиш Москвага етиб келиб, уни ўраб олди. Ана шундай қилиб Москвани қамал қилиш бошланди. Душманга қаттиқ зарба бериш учун ҳамма парса тайёрланғандек эди. Броқ Москвада шаҳар мудофаасини пәдан чиқармоқчи бўлған хоинлар чиқиб қолған. Йиљомада айттилишича: «Ба'зидир ғаламус одамлар ҳовлима-ҳовли юриб, тўраларниң ертўласидан асалларини ва кумуш ҳамда хрустал ициниларини олиб чиқиб, ўлгунча мастбозлик қилғанлар»⁴. Маст кишилар эҳтиёт бўлишни унуганлар, энг муҳими — кўриниб турган хавф-хатарни менсимагаллар ва, душман кучсиз, ундан қўрқишининг ҳожати йўқ ва осонгина уни енга-

¹ ПСРД, VI, 98 бет.

² Уша жойда.

³ Уша жойда, 99 бет.

⁴ Уша жойда. 100 бет.

миз, деган ишончга берилиб кетгәнлар. Шаҳарни қамал қилиш бошланған. Татарлар Москвани штурм блан олиш учун бирнеше марта уришиб құрганлар. Үлар камонлардан жуда күп ўқ үзгәнлар, девор бузар минораларни олиб келиб ишга солғаңлар, штурм қилиш учун шаҳар деворларига нарвоплар құйғанлар, лекин буларниң ҳечқайсиси фрайда бермаган. Қамалдагилар татарларнинг устига тошларин өндериб ташлаганлар, штурм қи-лаётгапларниң бошига қайноқ сув құйғаңлар ва ўзларнинг тюфак^{*}ларини ишга солғаңлар. Бу—москвалиларнинг шаҳарни мудофаа қилишидаги жуда антиқа бир деталь ҳисоблапади. Тюфаклар рус кишилари құллаган ўқсочар қурол бўлиб, биринчи марта маиба'ларда тиљга олиниди. Рус тарихчиларидан проф. В. В. Мавродин «Тюфаклар»га алоҳида этибар берган, у ўзининг «О появлении огнестрельного оружия на Руси» («Русьда ўқсочар қуролнинг найдо бўлиши тўғрисида»)¹ деган жуда қизиқарли мақоласида бу деталь ҳақида маҳсус тұхталиб ўтган. Шаҳар құргони атрофида жанг қизиб кетгән бир вақтда москвалилардан бири бўлган хунарманд-мовут тўқуучи Адам деган бир киши Флоров дарбозасидан туриб, Тұхтамишга энг яқин бўлган Урда амирларидан бирини камондан ўқ узиб, тиң тортиирмай ўлдириди. Тұхтамиш бундан қаттық газабга келиб, Москвада ва унса ҳимоя құлучилардан ўч олмоқчи бўлди. У, москвалилар курашни тұхтатсалар, уларниң гуноҳини кечамаи, жони омоң қонади ва молу мулкига тегмайман ва ҳатто турли ҳадъялар бераман, деган ва'да блан ҳийла-найраң ишлатди. Остей Тұхтамишининг ёлғон гапларига ишониб, дарбозаларни очиб берди ва Тұхтамишининг олдига тортиқлар кўтариб чиқди. Москвалилар ва Остейнинг ўзи ҳам бундай лақмаликнинг жаддини тортидилар. Остей яширинча ўлдирилди. Москва бўлса талон-торож қнаниди ва бир қысмига ўт қўйилди. Москва шаҳрининг ўзида ўшандада жуда күп киши ўлдирилди. Ининомада кўрсатилишича, Тұхтамиш Москвадан кагта ўлжа қўлга тушнірган. Москвага яқин бўлган бирнече шаҳарларни талаб, Тұхтамиш Тверьга қараб бормоқчи бўлади, лекин бу мақсадини амалга ошираолмайди. Москвалилар блан бўлган кураш Тұхтамишининг қўшинини ҳолдан тойдирган эди, шунинг учун у Тверь князидан катта хирож олиб, жашубга бурилди ва Урдага қайтиб кетди.

Тұхтамишининг босқинчилиги Москвага ва үннинг атрофидаги жойларга оғир жароҳат етказди: пойтахтнинг ва үннің атрофидаги

* Тюфак — эски вақтларда ишлатилган кичик калибрли, тўпга ўхшагая ўқсочар қурол. Ред.

¹ Вестн. Ленингр. унив., 1916, № 3, 66 ва ундан кейинги бетлар.—А. М. Беленицкий. О появлении и распространении огнестрельного оружия в Средней Азии и Иране в XIV—XVI веках. Изв. ТФАН. 1949, № 15, 21 ва ундан кейинги бетлар.—В. Г. Федоров. К вопросу о дате появления артиллерии на Руси. Изд. Акад. артил. наук. М., 1949, 67 ва ундан кейинги бетлар.

ги шаҳар ҳамда қишлоқларнинг аҳолиси обод уй-жойларидан ажралиб, қуруқ вайроналар ичидан қолди.

Костромадан талон-торож қилинган Москвага қайтиб келган Димитрий Донской учун 1382 йилнинг куз кунлари унинг ҳәётидаги энг оғир кунлар бўлди, чунки ўша пайтда Тўхтамишга қарши у бирор чора кўришдан ўзининг батамом ожиз эканлигини кўрди. У вақтда Димитрийнинг катта ҳарбий кучи йўқ эди. Үнда фақат келажакка бўлган умил, Русънинг ички кучлари йўқ қилиб ташланмаган, Русънинг бирлигини тиклаш мумкин, молдий имкониятлар эса инҳоятда кўп, деган ишончтина қолган эди.

Тўхтамишининг талончиликдан иборат бўлган юришда омалининг келиши унда, жуда катта кучнинг эгасиман, деган қаттиқ ишончини түғдирди. Ҳар галги ҳарбий муваффақиятдан кейин унинг улуғ Олтин Үрда давлатини тиклашга бўлғаи умиди мустаҳкамланаборди. Темурнинг қўли блан ҳамда унинг вассали бўлиб таҳтга ўтирган Тўхтамиш Мамайни тор-мор қилгандан ва Москвани талагандан кейин тез орада Хоразмда 785 ҳ. йилда (= 1383)¹ ўз номи блан пул зарб қилдиришдан қўрқмади. Бу иш Тўхтамишининг Хоразмга иисбатан тутган ҳақиқий сиёсий програмаси эди. Темурнинг Хоразмни Мовароуниҳрининг бошқа ерларига қайтадан қўшиб олиш пиятлари Тўхтамишга яхши ма’лум эди, шунингдек, Темурнинг Сўфийлар династиясидан бўлган амирларни фақат майда вассаллар сифатида қўйиб қўйганини ҳам Тўхтамишининг билмаслиги мумкин эмас эди. Шундай қилиб, Хоразм ишларига аралашиб, яна уерда ўз номи блан пул зарб қилдириш Тўхтамишининг ўла-ўлгунича унумаслиги керак бўлган ҳукмдор блан очиқдан-очиқ алоқани узганлигини кўрсатар эди. Эроидаги ишлар блан жиддий банд бўлган Темур бошқа масалалар блан овора бўлгиси келмади, шу сабабдан ҳам у Тўхтамишининг бу бориб турган душманлик ҳатти-ҳаракатига ортиқча э’тибор бермади. Тўхтамишининг Озарбайжонга иисбатан тутган ҳатти-ҳаракати улуғ Олтин Үрда давлати сиёсатининг энг яққол бир кўриниши бўлди. Озарбайжонни Олтин Үрдага қўшиб олишга актив суратда ҳаракат қиласан Олтин Үрда хонларидан сўнггиеси Жонибек бўлганилигини юқорила кўриб ўтган эдик. Броқ 1357 йилда Жонибек вафот қилиши блан унинг қўлга киритган ютуқлари пучга чиқди. Қолдириб кетилган Олтин Үрда отряди томонидан эзилган Табриз шаҳрининг аҳолиси Жонибекнинг вафотидан сал илгарироқ ўрдалиларга қарши бош кўтарган ва Жалонрийлар династиясидан бўлган амир Увайсга фақат Табризнигина эмас, балки жуда катта ўлкани ҳам босиб олишда ёрдам берган. Амир Увайс Озарбайжон территориясидаги турк-мўгул кўч-

¹ В. В. Бартольд ўзининг Тўхтамиш тўғрисидаги кичик бир мақоласидаёқ Елсусюс (еъди де ўзілам, «Тўхтамиш» сўзи остида) шу ҳодисага э’тибор берган эди.

манчи отрядларнинг бошлиғи эди. Шу тариқа шимолий Эронда Жалонрийлар давлати (1356—1411 йиллар) ташкил топди. Бу давлатта жанубий Озарбайжон ерлари, шимолий (ҳозирги совет) Озарбайжони ерларининг бир қисми, шунингдек, Бағдод шахри блан биргага араблар мамлакати бўлмиш Ироқ ва гарбий Эроннинг ба'зигар ерлари ҳам кирган эди. Броқ мамлакат ичкарисидаги феодал низо'-жанжалларни тўхтатиш мумкин бўлмаганлиги, шунингдек, кўчмапчи турк-мўғул қабилалари бошлиқларининг тинч ҳаёт кечираётган шаҳар халқи ва қишлоқ аҳолисига жабрзулм қилишлари туфайли Жалоирийлар давлати мустаҳкам бир давлат эмас эди. Жалоирий султоналари ичидаги энг баттоли султон Аҳмад (1382—1410) эди. Бу одамийнинг номи халқ хотирасида энг раҳмисиз ва маккор ҳокимлардан бири сифатида сақланиб қолған. Унинг даврида фақат дехқонлар ва шаҳарлардаги ҳунармандларгина эмас, балки савдогарлар блан зодагонлар ҳам қаттиқ азоб чеккан. XV асрдаги эрон ва араб маиба'ларида султон Аҳмаднинг номи Темурнинг Эронга қилган юришларимуносабати блан тез-тез учраб туради. Темур XIV аср 80-нчи йилларининг биринчи ярмидақ шимоли-шарқий Эрои ўлкаларини босиб олгандан кейин, очиқдан очиқ жанубий Озарбайжонни бўйсундиришга қаратилган сиёсатни олиб боради, жанубий Озарбайжонни қўлга киритилса, бой Закавказьега йўл очилар эди. Ўз ҳокими султон Аҳмаднинг талончилигидан ва жабр-зулмидан азоб чеккан Табриз аҳолиси орасида Темурнинг айгоқчилари усталик блан олиб борган таргибот ишлари яхши муваффақият қозонади. Табризда зодагонлар орасида Ўрта Осиё ҳукмдорининг тарафдорларидан иборат жуда кучли бир гурӯҳ вужудга келган¹. Темур ўзининг «донги кетганлиги» дан яхши хабардор эди ва олдиндан ғалаба қилишига ишонгани ҳолда султон Аҳмад блан тўқишишга тайёрланди. 1385 йилда Султонияга яқин жойда ҳар иккала қарши томон қўшинлари ўртасида жанг бўлди. Темур енгиги чиқди, лекин уни аича муҳимроқ ишлар банд қилиб қўйгани учун Табриз зодагонлари орасидаги Темур тарафдорлари уни шаҳарга киришга очиқдан очиқ да'ват қилсалар ҳам, у Табризга бормади. Тўхтамиш Озарбайжонда нималар бўлаётганидан хабардор эди, шунинг учун катта қўшин ҳамда жуда кўп моддий ресурслар блан 786 ҳижрий йил қишида (25 II 1384—11 II 1385) Табризга қўшини тортиб боришга жазм қилди. Ҳамдулоҳ Казвииийнинг ўғли ва унинг Тарихи Гузидаги номли асарини давом эттирган Зайниддин бу тўғрида муфассал ҳикоя қиласи². Жалоирийларининг вассали Йбронҳим (1382—1417) ҳукмдор бўлган Дарбанд ва Ширвон ўлкалари орқали ўтиб, Тўхтамиш 787 ҳижрий йилнинг қишида (12 II

¹ А. А. Марков. Каталог джелаиридских монет, XXV бет.

² В. Г. Тизенгаузен, курс. аср. II т., 226 бет (форсча текст), 97 бет (русча тарж.).

1385—1 II 1386) 9 тумандан иборат қүшин блан Табризга етиб келган. Татарлар қүшини етиб келган пайтда, Низомиддин Шомийнинг айтишича, табризлиларнинг бошлиғи бўймаган¹. Шунга қарашасдан, шаҳар аҳолиси душманга қат'ий қаршилик кўрсатишга қарор берган ва ўз шахринг тор кўчаларида баррикада типида истеҳкомлар қурабошлаган. Тўхтамишнинг жангчилари 8 кунгача шаҳарга кираолмаган. Тўхтамиш Табриз остонасида ҳам бундан бирнеча йил бурун Москва ёнида ишлатган маккорлик тактикасини ишга солган. Катта хирож олиш шарти блан у сулҳ шартиномаси тузишга рози бўлган. Зайниддин Қазванийнинг айтишича, табризлилар ўша замонда жуда катта пул ҳисобланган 250 туман олтин йигиб беришлари лозим бўлган. Табриз савдогарларининг (хўжаларицинг) бу пулни йигиб беришларига қарор қилинган ва худди шундай қилиб бажарилган ҳам. Тўхтамиш жуда катта ўлжани олгач, бу блан қаноатламаган ва шартномани бузиб, Табризга ўзининг жуда катта қўшинини киритган ва уни батамом талон-торож қилган. Чингизхон замонидан бўён табризлилар бундай зўр фалокатни кўрмаган эдилар. Аҳолининг кўп қисми ўз уй-жойидан абадий жудо қилинган: ба’зилари ўлдирилган, бошқалари ярадор бўлиб ҳамда қийноқ-азоблардан ўлиб кетган, учинчи бирхиллари эса (асосан ёшлар) қул қилиб олиб кетилган. Тўхтамиш 1386 йилда Озарбайжондан жуда катта ўлжалар олиб қайтиб кетган. Бу воқиадан кейин, орадан сал ўтмай, Озарбайжонда Темур пайдо бўлди, у Шимолий Эронни, айниқса Озарбайжонли ўз ҳокимиятига бўйсундириш учун очиқдан-очиқ ҳаракат қилмоқда эди. Темур блан Тўхтамишнинг бой Озарбайжонни бирбировларига ўз розилиги блан бермаслиги уларнинг ҳар иккаласига ҳам мутлақо равшан эди. Аввалги вақтлардагига, я’ни дастлабки Олтин Үрда хонлари давридагига ўхшаш (Бейбарс блан Беркахон ўртасида элчилар юбориб турилганлигини эсга олайлик) Тўхтамиш Миср сultonи ҳузурига элчилар юборган. Ал Макризийнинг айтишича, 766 ҳ. йил 11-нчи Зулҳижжада (=25 I 1385) Тўхтамишдан Мисрга элчилар борган, бу элчилар уерда катта иззат-хурмат блан кутиб олинган. Одат бўйича бу элчилар совгалар олиб борганилар, совгалар орасида ажойиб лочинлар, турли хил маталар блан безатилган тойлар ва қуллар бўлган. Миср сultonи элчиларни жуда кўп озиқ-овқат ва кийим-кечак блан та’минлашни ва уларга кунига 100 дирҳамдан пул беришни буюрган².

Элчилар Мисрда нима тўғрисида сўзлашганликлари бизга иома’лум. Аммо қейинги воқиалардан шу нарса равшанки, Тўхтамиш ўша вақтдаёқ (1385 йил январь) Темурнинг Эронда ку-

¹ Низомиддин Шомий, форсча текст. Тацег пашр., 97 бет.

² В. Г. Тизенгаузен, кўрс. асар, I т., 427 бет (арабча текст), 441—442 бетлар (русча тарж.).

чайиб кетиши мүмкінлегини күзда тутиб, Олтин Ўрда блан Миср ўртасында иттифоқ тузиш учун тайёргарлық күргап. Ҳархолда, Темур 90-нчи йилларда Тұхтамишга қарши қат'ий кураш олиб борған пайтда, Тұхтамиш Темурға қарши иттифоқ тузиш учун Миср султоннің бирнече марта мурожаат қылған¹.

Қандай бұлмасын, лекин ҳар иккі томон — Темур блан Тұхтамиш бир-бiri блан тұқнашишга тайёrlаимоқда әди. Броқ уларнинг ҳар иккаласынинг тактикасы иккі хил әди. Темур тұқнашишини кейшінга чўзмоқда әди, чунки у Эронда, айниқса, Озарбайжонда ва Закавказьеуда ўз мавқини мустаҳкамлаб олишни тоятыда муҳим деб билар ва шундан кейингина, бир томондан, Мовароуннахрга ва, иккиси томондан, Закавказье ҳамда шимолий Эронга таяниб туриб, итоатсиз одами ва вассалига қарши уруш бошлашни зарур деб ҳисоблар әди. Бунинг аксина, худди ая шу сабабларга кўра, Тұхтамиш Темур блан мүмкін қалар тезроқ қиличбозлик қилишга ҳаракат қилас әди, чунки у Темурнинг Эронда ва Закавказьеуда кучайиб кетишидан қўрқар әди.

788 ҳ. йилнинг қиши фаслини (=2 II 1386—21 I 1387) Темур Озарбайжоннинг Қорабог деган жойида ўтказди, бу жойда Темурнинг ўшанды асосий қўшини ҳисобланған отлиқ аскарлари учун жула яхши шароит бор әди. Ҳудди шу вақтда Тұхтамишнинг қўшинлари Дарбанд орқали ўтиб, Самур² дар'ёси бўйига чиққан. Бу тўғрида Темурға хабар етгач, у бирнече тумандан иборат олдинги отрядини Тұхтамишнинг қаршиисига юборган ва отряд бошлиқларига, Тұхтамиш блан жанг қилинmasин, бунга Темурнинг ҳаракат қилишда Тұхтамиш блан тузган шартномаси ва битими бор деб баҳона қилинисин, деган. Борди-ю, Тұхтамишнинг қўшинлари биринчи бўлиб ҳужум қилгудай бўлса, орқага қайтиб, тезликда ўз қўшинларингизга етиб олишга ҳаракат қилинг, деб бўйруқ берган.

Темурнинг олдинги отряди дар'ёга яқинлашганда, уерда жуда катта қўшин турганинш кўрган. Тұхтамишнинг бирнече айгоқчиларини тутиб олиб, бу кимининг қўшини, деб сўраганлар. Айгоқчилар, Тұхтамишнинг қўшини, деб жавоб берганлар. Темурнинг амирлари буйруқни бажариб орқага қайтгандар, аммо душманнинг олдинги отряди уларнинг устига камондан ўқ ёғдиргани ва шундан кейин жанг бошланыб кетгани. Срадан бироз вақт ўтгач, Темурнинг ўғли Мироншоҳ қўмондошлиги осигида Темурнинг қўшинин етиб келиб, жангта кирган. Тұхтамишнинг асосий кучлари блан қаттиқ жанг бўлган. Жангда Мироншоҳнинг қўли баланд келаётгандиги очиқдан-очиқ кўриниб турган әди.

¹ Күйнде бу тўғрида муфассал гапирилади.

² Догистондаги дар'ё.

Шундан кейин Тұхтамиш қүшинини орқага қайтариб, Дарбандға қараб кетген.¹

Уша йили Тұхтамиш Закавказье ва Озарбайжоннинг ичкари-сига иккинчи марта киришга жур'ат этмай, қүшинини түсатдан шарққа қараб олиб кетган. Темурнинг Эрон ичкарисида юрганини ва Мовароунахрда унинг кучли қүшини йүқлигини билиб, Тұхтамиш 789 ҳ. йилда (=22 I 1387—10 I 1388) катта қүшин блан Сиғноқдан ўтиб, Темурийларнинг Үрта Осиёдаги ерларининг чегара қал'аси ҳисобланған Саврон шаҳрига етиб келган. Саврон ҳимоячилари шаҳарни шу қадар қаттиқ туриб мудофаа қылғанларки, шаҳар истеҳкомлари эса шу қадар мустаҳкам бўлганки, Тұхтамиш ҳарчанд уринса ҳам, қал'ани олаолмаган. Тұхтамиши қүшинига қарши Анджендан Темурнинг ўғли шаҳзода Умар Шайх аскар блан келган. Үтрордан сал нарироқда Тұхтамиши қүшинни блан жанг бўлиб, бу жангда Умар Шайх енгилган. Шундай қилиб, Тұхтамишнинг Мовароунахрга, гуллаб-яшнаб турган Зарафшон водисига бемалол кириб боришига йўл очилган. Йўл-йўлакай бирқанча қишлоқ ва шаҳарларни талаб борган Тұхтамиш Бухорони қўлга олмоқчи бўлди, броқ Саврон сингари, Бухоро шаҳри ва унинг қал'асини ҳам олишнинг удасидан чиқаолмади. Бухоро деворлари тагида Тұхтамиш қаттиқ қаршиликка дуч келган, бухоролилар шаҳарни жуда усталик блан мудофаа қилабилганлар. Тұхтамишнинг қүшинлари Бухорони қолдириб, Мовароунахрнинг то Амудар'е бўйигача бўлган атроф жойларнни ва бирқанча районларини талаб кетган. Қаршидан гарб томонда жойлашган, Қашқадар'е ҳавзасидаги Занжир Сарой айниқса қаттиқ зарар кўрган².

Тұхтамишнинг талончалик юриши тўғрисидаги хабар Темурга бориб етган, Темур 789 ҳ. йилда (=1387—1388) Фарбий Эроннинг Шероз шаҳрида эди. Тұхтамиш Мовароунахр устига қўшин тортиб келиб, Хоразмда Темурга қарши қўзголон тайёрлаган. Қўнғирот қабиласидан бўлган Сўфийлар династияси Хоразмда ҳали ма'lум даражада роль ўйнаганлигидан бу қўзғолонни тайёрлаш анча осон бўлган. Сўфийлар династиясининг сўнгги вакили бўлган Сулаймон Сўфи қат'ян Тұхтамиш томонига ўтган. Темур бўлаётган ҳодисаларнинг ҳаммасини ҳисобга олиб, Тұхтамиш унинг Эронга иисбатан тутгаш истилочилик ниятларинингни эмас, балки Мовароунахрнинг ўзипи ҳам бирлаштирии ишини жиддий хавф остида қолдираётганилигини яхши пайқар элл. Ана шу сабабдан, у, Тұхтамишга қарши қат'ий ҳаракатлар бошлаш пайти етди, деб ҳисоблади. Темур аввало хоразмлиларни ва хиёнаткор Хоразмшоҳ Сулаймон Сўфини жазолаш мақсадида Хоразмга қўшини тортиб борди, бу юриш Темурнинг Хоразмга қылган бе-

¹ Низомиддин Шомий, Таңег напр., 101—102 бетлар.

² В. Г. Тизенгаузен, кўре, асар, II т., 153 бет.

шинчи юриши бўлиб, кўпга чўзилмади. Темур саҳро ерлардан жадаллик блан юриб келиб, Бағдодак¹ каналидан ўтди ва Урганчга етиб келди. Сулаймон Сўфи, Шарафиддин Али Яздйнинг айтишнича, «тахтдан кўра бошини ва юртидан кўра ҳаётини сақлаб қолишини афзал билиб», Тўхтамиш ҳузурига қочиб борган ва Тўхтамишининг яқин одамларидаи ва унинг қўшин бошлиқларидан бири сифатида ундан ҳечбир ажрамаган. Буни биз қуйида кўриб ўтамиз.

Темур Хоразмни босиб олиб ва талаб, тезда Урганчни ҳам эгаллаган. Хоразмлиларнинг қилмишларидан ғазабланган Темур ўша 789 ҳ. йилнинг ўзида (=1387—1388) бутун аҳоли Самарқандга кўчирисин, Урганч шаҳри яксон қилисин, шаҳарнинг ўрнига эса арпа экилсин, деб буйруқ берган. Буйруқни тўлиқ бажариш мумкин эмас эди, аммо унинг буйруғига биноан, мумкин бўлган ҳамма чораларни кўрилган ва гуллаб турган шаҳар ярим харобазор саҳрога айланган. 1391 йилда Темур жаҳлидан тушиб, Хоразмнинг пойтахти Урганчни қисман бўлса-да тиклашга рухсат берган. Буни биз қуйида кўриб ўтамиз.

¹ Бағдодак каналининг қаердалиги аниқ ма'lум эмас, В. В. Бартольд фикрича, Бағдодак Амудар'ёнинг шимолий ирмоқларидаи бири бўлган (В. В. Бартольд, К истории орошения Туркестана, 87 бет).



У Ч И Н Ч И Б О Б

**XIV АСРНИНГ 80—90-ЧИЙ ЙИЛЛАРИДА
ТЕМУРНИНГ ТҮХТАМИШГА ҚАРШИ КУРАШИ**

„Уларнинг олд томонида Итиль дарёси, орқа-
сида эса ҳалокатин қилич турар эди“.

Шарафиддин Али Яздий (XV в.)

1

Темур Түхтамиш блан биринчи марта 777 ҳ. йилда (= 1375 — 1376) танишган. Бу пайт Темур майдага феодалликларга бўлиниб кетган Мовароунахрни бирлаштиришга эндиғина киришабошлаган, ҳарбий ишларда катта исте'дод эгаси эканлигини ҳали намоён қилмаган ва Эрон, Закавказье, Кичик Осиё, Ҳиндистон ва Хитойда катта-катта террорияларни босиб олиш ва уерларни талон-торож қилишнинг ташкилотчиси ва раҳбари сифатида ҳали ном чиқармаган бир давр эди.

Темурнинг яқин 15 — 20 йил ичидаги дунъё миқъесидаги ҳукмдорга айланишини, фақат Урга Осиёнинггина эмас, балки деярли бутун Олд Осиёнинг ҳам тақдирини ҳал қилучи ҳукмдор бўлишини унинг замондошлиридан ҳечким ўйламаган эди. Темур 1376 йилда Самарқандда Түхтамишни ўз паноҳига олган пайтда, ҳали отоқли ҳукмдор сифатида донги чиқмаган эди. У вақтда Темурга лоақал Олтин Урда хонига баробар келаоладиган ҳукмдор деб ҳам қаралмас эди. Уша вақтда Темур паноҳида иззат-хурматда бўлган Түхтамиш ҳам Темурга шундай деб қарап эди. Темур ёш жиҳатидан Түхтамишдан катта ва сиёсий майдонга ҳам ундан олдин чиқсан бўлса ҳам, уларнинг асосий ҳукмронлик даври деярли бирвактга тўғри келган. Темур Түхтамишга ҳомийлик қилиб, унинг учун жуда катта маблағлар сарф қилган, лекин Темурнинг бу марҳаматлари бегараз эмас эди. 70-ЧИЙ ЙИЛЛАРДА Урга Осиёни бирлаштириб бир бутун давлат ташкил қилиш блан банд бўлган Темур, шу блан бирга, ўз давлатининг осоиишта яшайолиши-

га имкон берадиган бир шароит яратиш, я'ни атрофида душман давлатлар бўлмаслигига эришиш масаласи устида доимо ўйлар эди. Шу нуқтаи назардан Темур Мовароуининг шарқий ва шимоли-шарқий чегараларига алоҳида хавф блан қарар эди. Етисув ва Қашқарнинг мӯғул хонлари ва Жўжи Улуси уни ҳаммадан кўра кўпроқ ташвишлантирав эди. Олтин Үрдадаги воқиалар ва тўс-тўполонлардан, Мамайнинг ҳолидан, ниҳоят, Жўжи Улусини қайта тиклашда Оқ Үрда ва унинг ҳокими Урисхоннинг қандай роль ўйнайбошлаганидан Темур яхши хабардор эди. Олтин Үрданинг бирлаштирилиши, Жўжи Улуси қудратининг яна тикланиши, Темурнинг фикрича, Мовароуиниҳ учун зарар эди, чунки қудратли Жўжи Улуси Темур бошлилик қилган давлатга ҳар доим хавф тугдирав эди. Мовароуиниҳ ҳокими бўйган Темур Олтин Үрданинг заифланишидан жуда манфаатдор эди. Урисхоннинг тақибларидаи қочиб, 1376 йилда Самарқандга келган шаҳзода Тўхтамишни Темурнинг иззат-хурмат блан ўз паноҳига олганлигининг сабаби ҳам ана шунда эди, чунки Темур шу мунособат блан Оқ Үрданинг, кейин эса Олтин Үрданинг ишларига актив суратда аралашиб имкониятига эга бўйган бўлар эди.

Тўхтамиши сиёсат майдонида иш бошлаган дастлабки ойлар ва ҳатто йилларда Темур берган ёрдамии жону дилдан қабул қилган. Ташқаридан қараганда ўз ҳомийсидан миннатдор ва унга содиқ бўлган Тўхтамиш, амалда орадан кўп ўтмай, мустақил сиёсий ҳаракат қилаславиди, кўп ҳолларда ҳатто Темур манфаатларига зид ишлар қилди, чунки Тўхтамиш Темурнинг вассали бўлиб қолишини ҳеч ҳам хоҳламас эди. Тўхтамиш тезда Мамайнин тор-мор келтириб, Жўжи Улусида ҳокимиятни қўлга олгандан кейин (1381 йил), Олтин Үрданинг қудратини ва унинг улуғ давлатчилик сиёсатини қайта тиклаш йўлига ўтди.

Тўхтамишининг бу қилмишлари эртами-кечми, икки ўртада жанжал чиқишига сабаб бўлишини Темур яхши сезар эди. Тўхтамиш ҳам буни яхши пайқар эди, шу сабабли у ўз ҳомийси блан курашишга зўр бериб тайёрлик кўрабошлади. Темур ҳам бу тўқашувга тайёрланса-да, лекин шошилмас эди, балки тўқнашишга ҳали вақт эрта деб, тайёргарликни орқага сурар эди. Бу вақтда Тўхтамиш нақадар катта маблагларга ва одам резервларига эга эканлигидан Темур яхши хабардор эди. 80-ичи йилларининг иккинчи ярмига қадар Тўхтамиш Темурига қараганда анича кучли эди. 80-ичи йилларнинг охирига келганда, шунда ҳам Тўхтамиш 1387 йилда Мовароуиниҳга талончилик мақсади блан қўшин тортиб келгандан кейингина Темур Тўхтамишга қарши курашишга қарор берди. Броқ шундан кейин ҳам, Тўхтамиш дастлабки пайтларда ташаббусни қўлдан бермади. 1388 йил охирда Тўхтамиш жуда катта қўшин тўплади, бу қўшинда, Шарафиддин Али Яздийнинг айтишича, турк-мўгул қисмларидан ташқари, яна рус, булгор, черкас, алаи, мокша, бошқирдлардан ва

Крим, Кафа (Феодосия) ва Азоқ (Азов) халқларидан олинган отрядлар бўлган¹.

Тўхтамиш қишида йўлга чиқиб, қўшинининг бир қисмини Саврон шаҳрини қамал қилиш учун қолдирган, иккинчи қисмини эса, Арись дар ёсининг Сирдар'ёга келиб қуйиладиган жойи яқинидаги Зернуқ қал'аси районига юборган.

Бу вақтда Темур ўз пойтахти Самарқандда эди. Тўхтамиш қўшинларининг яна бостириб келаётганини эшитиб, Темур Тўхтамишга қарши чиқиш учун керакли армияни тўплашга буйруқ берган. Бунинг учун Темур Андижондаги ўғли Умар Шайхга ва Ҳиротдаги иккинчи ўғли Мироншоҳга ўз таважжийларини² юбориб, халқдан керакли миқдорда лашкар тўплаб бироз вақтдан кейин, белгиланган жойга етиб келишни буюрган. Темурнинг ўзи эса Самарқанд блан Қеш (Шаҳрисабз) дан бирнечча ўн минг жангчилар олиб, авангард сифатида Сирдар'ё томонга қараб юрган.

Бу вақтда қаҳратон қиши эди, дастлаб гоҳ ёмғир, гоҳ ҳўл қор ёғиб турган, кейин совуқ бошланган, шу даражада қалин қор ёққанки, отлар зўрға юрган. Андижондан келган Умар Шайх отрядлари Темурга Сирдар'ё бўйida қўшилган. Сирдар'ёдан сал нарироқда Темур Тўхтамиш қўшинининг олдинги қисмлари блан тўқнашиб, уларни тор-мор қилган ва қолган-қутганларини дар ёнинг нариги томонига қочишга мажбур этган.

Темур эришган бу ютуғига қизиқиб кетиб Тўхтамиш қамал қилиб турган Саврон шаҳрига қараб бормай, Самарқандга қайтган, бу вақтда Мироншоҳнинг Хуросондан ва унга ёндош областьлардан тўплаган асосий кучлари Самарқандга етиб келган эди. 1389 йилнинг эрта баҳори эди, Самарқанднинг теварак-атрофидаги ерларда Балх, Қундуз, Бақлон, Бадахшон, Хутталанд, Хисор ва бошқа область ҳам шаҳарлардан келтирилган аскарий қисмлар туар эди. Темур лозим бўлган тайёргарликни кўриб бўлгандан кейин, шу 1389 йилнинг баҳоридаёқ Оқ Үрдага қараб юрган ва Тўхтамиш қўшинлари блан шуерда учрашмоқчи бўлган. Броқ бу сафар Тўхтамиш урушмасдан Саврон қамалини бўшатиб, даштликнинг ичкарисига кириб кетган. Ҳар иккала томон ҳам бу, урушни кечиктириш эканлигини, ахир бир кун муқаррар тўқнашув бўлажагини жуда яхши тушунар ва шу сабабли бўлажак урушга зўр бериб тайёрланабошлаган эди.

2

Темурнинг Тўхтамишга қарши кураши масаласини рус тарих фани алоҳида ўрганиб чиққан. XIX асрнинг биринчи ярмида Петербургдаги француз ориенталисти M. Charmoy биринчи

¹ Шарафиддин Али Яздий, I, 461. — В. Г. Тизенгаузен, кўрсатилган ъасар, II т., 156 бет.

² Таважжийлар тўғрисида қўйида сўзланади.

марта бу соҳада анча катта илмий текшириш иши олиб борди. Бу илмий асар, *Expedition de Timour-i Ink ou l'amerlan contre Toq'amiche Khan de l'ouloûs de Djoutchy, en 793 de l'hégire ou 1391 de notre ère*, деб аталган. Сарлавҳадан кўриниб турибдики, бу асар авторнинг ўз она тили — француз тилида ёзилиб, „*Mémoires de l'Academie impériale des sciences de Saint-Pétersbourg*”да 1836 йилда босилиб чиққан. М. Шармуанинг бу илмий асари Темурнинг 1391 йилда Тўхтамишга қилган ҳарбий юришинигина тасвирлаган ва унда 1) шу юришга оид манба’ларнинг кўпчилигини келтирган (асосий манба’лардан ўша вақтда унга нома’лум бўлган Низомиддин Шомий текстининг йўқ), 2) манба’лар француз тилига таржима қилиб берилган, 3) 1391 йилдаги юришни алоҳида текшириб ёзилган кичик бир боб берилган, 4) бу боб учун шарҳлар берилган ва 5) асосан манба’ларнинг қисқача обзорига бағишланган кичик кириш сўзи берилган. Шармуанинг китоби босилиб чиққанига 100 йилдан ортикроқ вақт үтган бўлишига қарамай, у, Темурнинг 1391 йилда Тўхтамишга қарши қилган юриши масаласини ўрганиш учун ўз аҳамиятини ҳозирги кунга қадар йўқотмаган.

Ўз замонида М. Шармуанинг бу фойдали асари М. И. Иванининг «Чингизхон ва Темурланг даврларида мўғул-татарларнинг ва Ўрта Осиё қалқларининг ҳарбий сан’ати ва истилолари»¹ номли китобига та’сир кўрсатган. Бу китоб икки марта нашр қилинган — биринчиси 1846 йилдаёқ босилиб чиққан, иккинчиси 1875 йилла босилган. Китоб автори шарқшунос бўлмаганлиги учун ориенталистлар асарларида келтирилган шарқ авторлари асарларининг таржималари ёки парчаларидан манба’ сифатида фойдаланган. Шунга қарамай, бу китобнинг бирқанча қимматли томонлари бор, чунки у Бош Штаб ҳарбий-ilmий комитетининг а’зоси бўлган мутахассис томонидан ёзилган.

Броқ ҳар иккала текширучилар, айниқса иккинчиси, Темурнинг ҳарбий соҳадаги ташкилий ишлари, қўшинларнинг тузилиши ва сан’ати тўғрисида фикр юритганда «Тузукоти Темур» («Темур қоидалари») ёки форсча «Малфузати Темур» («Темурнинг ҳимматли сўzlари») номли асарни асос қилиб олган. Ҳар иккала автор, я’ни Шармуа блан Иванин фикрича, бу асар автобиографик характердаги асар бўлиб, дастлаб“и манба’лар қаторига киритилиши мумкин. М. И. Иванин Темур қўшинининг ҳарбий тузилишига доир асосий фактларни ҳам ана шу асардан олган. Ҳолбуки, «Тузукоти Темур»нинг автобиографик характердаги асар эмаслиги, балки XVII асрда Ҳиндистонда ёзилганилиги

¹ Sixième série, sciences politiques, Histoire et philologie, tome III, St-Pétersbourg, 186, 89—505 бетлар.

² М. И. Иванин ўлгандан кейин ген.-лейтенант князь Н. С. Голицин таҳририда чиққан нашрга қаралсин (СПб., 1875).

ва унинг XV аср Эрон учун характерли эмаслиги ҳозирги вақтда аниқланган¹. Бинобарин Темурнинг ҳарбий ташкилоти ҳақида бу асарда айтилган фикрлар тарихий аниқ материал бўлаолмайди. Бу тўғрида илмий фикр юритмоқ учун асослироқ фактларга мурожаат қилиш заруо. Буйдай фактлар XV аср тарихчиларининг асарларида бор. Жумладан, Низомиддин Шомий, Шарафиддин Али Яздий, Ибн Арабшоҳ, Клавихо асарлари Темур тарихи учун асосий манба'лар бўлиб хизмат қиласди. Булардан кейинроқ ўтган ва Низомиддин Шомий блан Шарафиддин Али Яздий асарларига асосланиб ёзган Абдураззоқ Самарқандий асари ҳам шулар жумласига киради. Темур блан Тўхтамишининг ҳарбий ишларини тушунмоқ учун Жувайний асаридаги Чингизхоннинг улуғ ясоси деб аталган ерлар ҳам катта аҳамиятга эга.

Темур қўшини ҳам, ўша замондаги Жўжи Улуси қўшини сийгари, Тўхтамиш даврида Чингизхон замонидаги мўғул қўшинларидан асосан ҳечқандай фарқ қилмаган. Темурнинг қўшини асосан Чингизхон қўшинига ўхшаб тузилган бўлсада, лекин у бироз такомиллаштирилган эди. Сўзимизнинг исботи учун, мўғул қўшининг асос қилиб олинган ва юқорида айтилган Чингизхон якосига кирган принципларни қисқача баён қилиб ўтамиш. Чингизхон ва унинг лашкарбошилари мўғул қўшини блан фахрланар ва биздан аввал ўтгандарда ва замондошлирамизда ҳам бундай қўшин асло бўлмаган деб ҳисоблар эдилар. Мўғул қўшинида хизмат қилган бу халқ тинч вақтда меҳнат блан банд бўлган, турли фойдали буюмлар ясаган, ҳархил мажбуриятлар ўтаган, солиқлар — копчур², аваризот³ тўлаган, почта станциялари (бекатлар) нинг харажатлари учун кетадиган солиқлар тўлаган, от-улов етказиб берган, от ва бошқа ҳайвонларга ем-хашиқ етказиб бериб турган. Уруш вақтида бу халқнинг ҳаммаси аскарликка чақирилган, шу блан бирга, юриш ва жанг учун керакли барча уруш анжомларини: от ва бошқа ҳайвонлар, кийим-кечак, курол-ярог, қисқаси, арқондан тортиб игнагача ҳамма нарсани уларнинг ўzlари тайёрлаган⁴. Шулардан ма'lумки, мўғул қўшини ялпи мажбурият асосида чақириладиган халқ лашкарларидан иборат бўлган.

¹ В. В. Бартольд. Мир-Али-Шир и политическая жизнь. Мир-Али-Шир, сб. к пятидесятилетию со дня рождения, 1928, 103 бет.

² Кўчманчи мўғулларда копчур — «яйловдаги чорвалан 1% миқдорида олинган солиқ» (В. Бартольд. Персидская надпись на стене Анийской мечети Мануче, СПб., 1911, 32 бет).

³ Аваризот — қўшимча, ошиқча олинадиган солиқлар ёки мажбуриятлар. Кўчманчи мўғулларда булар нимадан иборат бўлганингини айтиш қинин. Утроқ халқларда (Чингизхон бўйсундирган ва деҳқончилик блан кун кўрадиган ўлкаларга ясо киритилган эди) аваризот — бир жойдан иккинчи жойга кўчиб ўтиш, транспорт, далада ишлаш ва шунга ўхшаш соҳаларга тааллуқли бўлган фавқулодда солиқ ва мажбуриятлардир.

⁴ Джувойни. История завоевателя мира. GMS, XVI, ч. I, 22 бет.

Мұғул құшиниң үнлик системага мувофиқ тузилған, яъни үнликларга, юзликларга, мингликларга, үнмингликларга (туманларга) бўлинган. Ҳарбий ишга лаёқатли мұғуллардан ҳарбири қайси үнликка мансуб эканлыгини, шу үнлик орқали ўзининг юзбошисини ва бошқаларни яхши билган. Шу билан бирга, құшинга чақирилган ҳарбир мұғул йигиладиган ва кўрувдан ўтадиган жойига дарҳол етиб бориши ва керак бўладиган нарсаларнинг ҳаммаси таҳт қўйиши даркорлигини билар эди. Сафарга анжомларини таҳт қилиб келмаган жангчининг шўри қуриган, бирон нарсаси етишмаган одам қаттиқ жазоланған. Қўшин тўплаш зарур бўлиб қолганда, буйруқ юқоридан пастга қараб борган. Энг юқори ҳарбий бошлиқ туманбошига буйруқ берган, туманбоши эса буйруқни ўзидан пастдаги мингбошига, мингбоши юзбошига ва юзбоши үнбошига юборган. Йиғилиш жойига тезда етиб келиш лозим бўлган, аks ҳолда, қаттиқ жазо берилған¹. Мұғул құшинида асосий қўшилмаларга (қўшиннинг маркази, қанотларига) қўмандонлик қилучи шаҳзодалардан (ўғлонлардан) тортиб үнликка кирган оддий жангчига қадар ҳаммаси қаттиқ интизомга бўйсунган.

Ясога кўра, қўшин юришга чиққан пайтда жангчилар ҳар доим ярим оч ҳолда тутилган, бунда қорни тўқ ит овда фойда бермаганидек, тўқ жангчи ҳам жангга ярамайди; жангда ғазаб ва шиддат билан урушиш ўрнига, бўшанглик қиласди, деган қоинда асос қилиб олинган.² Чингизхон ва унинг ворислари давридати мұғул қўшинининг энг характерли хусусиятларидан бири шу бўлганки, бу қўшин шаҳар ва қишлоқларни босиб олган вақтда уларни қаттиқ талаган ва ҳалқни раҳмсизлик билан қирган. Мұғул қўшинига таълим бериш ва уни тарбиялашда, ясога кўра, қуршаб ов қилиш катта роль ўйнаган. Чингизхон ва унинг ворислари куршаб ов қилишга катта э́тибор берганлар. Қуршаб ов қилиш ҳар доим катта масштабда ўтказилғанлиги ва узоқ вақт давом этганлиги сабабли, фақат ҳарбий-хўжалиқ аҳамиятигагина эга бўлиб қолмаган, балки у урушга тайёрлик кўришининг ўзига хос бир мактаби ҳам бўлган. Мұғул хони ов ташкил қилганда, аҳолини ҳақиқатда урушга чақириандагидек, сафарбар қилган. Ов машқига айрим областълардан кўчманчил³ ҳам чақирилган, келган кўчманчилардан үнлик, юзлик, минглик ва туманлардан иборат ҳарбий отрядлар тузилган. Бунинг устига ов вақтида ҳам, худди юриш вақтидагидек, ўнг, сўл қанотлар ва марказ бўлган. Хон буйруғи билан, йиртқич ҳайвонлар макон топган жуда катта район ба'зан бир ойга ва ҳатто ундан ҳам кўпроқ вақт қуршов қилиниб, бу територия тобора қисиб борилган⁴. Ясога кўра,

¹ Джувейни. История завоевателя мира, ГМС. XVI, ч. I, 22–23 бетлар.

² Джувейни, ўша асар, 22 бет.

³ Джувейни, ўша асар, 20 бет.

құршаб ов қилиш ҳарбий ишда фойдалы бўлган кўпгина мала-
каларни тарбиялаган.

Темурнинг қўшини ҳам халқ лашкаридан иборат бўлса-да,
лекин Чингизхон замонидагига ўхшаб умумхалқ орасидан териб
олинадиган лашкар эмас эди. Темур давлати феодал давлат бўл-
ганлигига кўра, кенг кўчманчилар оммасидан халқ лашкарига
одам олинса-да, броқ дехқончилик блан шугулланучи аҳолидан
расамади билан олинган, я’ни юқоридан келган конкрет талаб
ва жойнинг шароитига қараб маҳаллий ҳоким ҳар сафар дехқон-
лардан тегишли одам ажратган. Темур лашкарининг Чингизхон
қўшинидан муҳим фарқи яна шунда эдикি, Темур қўшинида от-
лиқ аскарлар блан бир қаторда пиёдалар ҳам катта роль ўйна-
ган, буни Темурнинг ўз душманлари блан олиб борган катта
жангларни тасвир қилган асарлардан кўриш мумкин¹. Бу эса
Темур давлатининг феодал характеристига жуда мос келган. Пиёда
аскарлар асосан дехқон ва ҳунармандлардан олинган, кўпинча
бу ҳунармандлар қўшинга девор тешар машина ва бошқа хил
қамал машиналари ҳамда турли мудофаа Қуролларини ишлатиши
учун олинар эди.

Темур қўшинининг ўзига хос характеристи яна бир хусусияти
шундаки, халқ лашкари сифатида қўшинга чақирилган жангчи-
лар ба’зам юрнишга чиққап вақтларида узоқ муддатга, беш ва
ҳатто ўн йилдан ҳам кўпроқ муддатга сақлаб қолинган. 1372 йил-
дан то 1405 йилгача узлуксиз урушлар олиб борган Темур, гарчи
қўшинни халқ лашкари сифатида тўплаш принципини ўзгартма-
ган бўлса-да, унинг ташкилий томонини тобора такомиллашти-
риб борган.

Темур давлати феодал ерларнинг типик бирлашмаси эди.
Булар, бир томондан, Мовароуннаҳр, шунингдек, Эрон террито-
риясида маҳаллий династиялар бошчилик қилган эски Эрон
князъликларидан, иккинчи томондан, ҳаржой-ҳаржойдан қирқиб
олиниб янгидан ташкил қилинган ва Темур ўз ўғиллари ҳамда
невараларини бошлиқ қилиб қўйган феодал бирлашмалардан,
учинчи томондан — ахшом (кўчманчи қабилалар) ва вилоятдан
(халқ ва облыстъдан) иборат эди; ахшом ва вилоятлар ҳам фео-
дал ерлар ҳисобланар эди. Бу ерларнинг кўпчилиги айрим ма’му-
рий бўлаклар сифатида давлатни ёки унинг бир қисмини бош-
қариш системасига киргац, шу блан бирга Кебекхон (1318—1326)
замонидан бошлаб бу ма’мурий вилоятлар туманлар деб атал-
ган. Бу феодал вилоятлар (туманлар) ҳам вилоят ҳокимлари
бошчилигига халқ лашкарлари етказиб бериши лозим бўлган.
Ҳарбир шундай тумандан 10.000 дан жангчи тўплансин деб ай-

¹ Қаранг: Низомиддин Шомий, описание сражения Тимура с Тохтамышем при Кундузче. Таңег нашри, 123—124 бетлар — Шарафиддин Али Яздий I, 834 бет.

тилса ҳам, броқ амалда деярли ҳамаваңт бундан кам йиғилар эди. Абдураззоқ Самарқандий ма'лумотига күра, Темур халқ лашкарлари йиғиши тұғрисида фармон берган вақтида жуда катта ваколатта эга бўлган мас'ул одамларни жойларга юборар эди; булар «таважжийлар» ёки «тавачилар» деб аталар эди. Алоҳида топшириқларни бажарадиган бу ҳарбий амалдорлар (ўзига хос баковуллар) бирор отряднинг жанг вактидаги аҳволи қандай-лигини Темурга ёки олий мартабали бошқа ҳарбий бошлиққа (қўмондонга) хабар қилган¹ ёки Темур фармонларини туманилар, мингликлар, қўшунларнинг амирларига етказганлар. Халқ лашкари тўплаш вактида тавачилар айниқса муҳим роль ўйнаган. Бундай вактда Темур тавачиларга алоҳида ваколат берган ва уларнинг батамом мас'уллиги остида бирон-бир аскарий қўшилмани олиб келиш тўғрисидаги фармонни ўз вактида тўла ижро этишни улардан қаттиқ талаб этган². Тавачиларга ҳатто қўриш вактида қўршаб ов қилишни ташкил этиш кабои вазифалар ҳам юқлатилган³. Қўшин юришга чиққан пайтда йўлда, айниқса қўшини душман лагерига яқин келганда қўнадиган ерларни тавачилар тайёрлаганини⁴ ва улар зафарли юришдан кейин, қўлга тушган ўлжани тақсимлашда актив қатнашганини кўрамиз⁵.

Темур тавачиларига айниқса катта мукофотлар, ҳадъялар берган. Тавачилар халқ лашкари тўплаш учун жойларга кетаётгандаридан, халқ лашкарининг миқдори кўрсатилган рўйхатни, я'ни «сон»⁶ни ўзлари блан бирга олиб кетганлар. Бундан ташқари, тавачилар Темурнинг фармойишини, ҳарқандай тўсқинлик булишига қарамай, албатта бажаражаги ҳақида алоҳида тилхат — мажбурият (мучилка)⁷ берган. Масалан, Абдураззоқ Самарқандий сўзига кўра, Темур Тўхтамишга қарши отланишдан олдин қўшин тўплаш учун тавачиларни вилоятларга тақсимлаб юборган пайтда улардан мучилка, я'ни тилхат олган, бу тилхатга кўра, тавачилар нима қилиб бўлса ҳам керакли миқдорда қўшинни йиғиб келишга мажбур бўлган. Лекин «мучилка» («тилхат») терминини фақат тавачиларга нисбатан қўлланмаган, балки бошқа мансабдор шахсларга (ҳарбий ва граждан ишлари мансабдор-

¹ Низомиддин Шомий, Тауер нашири, 124 бет.—Қараанг: Шарафиддин Али Яздий (в сб: В. Г. Тизенгаузен, ўша асар, II т., 170 бет).

² В. Г. Тизенгаузен, ўша асар, II т., Шарафиддин Али Яздий, 156 бет.

³ В. Г. Тизенгаузен, ўша асар, II т., 161 бет.

⁴ В. Г. Тизенгаузен, ўша асар, II т., 176 бет.

⁵ В. Г. Тизенгаузен, ўша асар, II т., 185 бет.

⁶ В. Г. Тизенгаузен, ўша асар, II т., Абдураззоқ Самарқандий, 162, 191 бетлар. — Chartmoу Expedition de Tilmour-lenk, 245—246 бетлар (форсча текст), 422 бет (франц. т. ж.).

⁷ В. Г. Тизенгаузен, ўша асар, II т., 191 бет.— В. В. Бартольд «Улугбек и его время» деган ғида Муиззаз Анособ асарини далил келтирив (Париж қўлғозаси, л. 81), Чи он замонидсёқ Қорачар деган нойон «мучилка»ни киритган, дейди. Қар Улугбек и его время, 22 бет, 9 шарх.

ларига) бирор вазифа юклатилган пайтда ҳам улардан шундай «смучилка» олинган. Темур 1391 йилда Тўхтамишга қарши қўший тортиб кетаётганида даштликда озиқ-овқат маҳсулотлари камчилигини кўриб, туманбоши, мингбоши ва юзбошиларга озиқ-овқатни тежаб сарфлаш ва унни ортиқча харжламаслик тўғрисида буйруқ берган, нон, кулча, увра оши, чучвара ва бошқа хил ҳамир овқатлар пиширишни тақиқлаган ва фақат атала қилиб ичиб туришни буюрган. Шу муносабат блан Темур амирлардан мучилка (тилхат) олган.

Тавачилар вилоятлар ва қабилалар (ахшом)дан, турк ва тоҷиклар орасидан пиёда ва отлиқ ҳалқ лашкарлари тўплаган. Ҳалқ лашкарининг ҳарбир жангчиси, Абдураззоқ Самарқандий ёзишига кўра, бир йилга етадиган озиқ-овқат ва бошқа буюмлар запаси, тўрт ҳил қурол-яроғ — бир камон ва 30 та ўқёй, совут ва қалқон олиб келиши лозим бўлган. Ҳар икки жангчидан бир от (қўлбола от) ва ҳар 10 кишида — 1 чодир, 2 белкурак, 1 мотига, 1 ўроқ, 1 арра, 1 теша, 1 бигиз; 100 та игна; $\frac{1}{2}$ ман омбор оғирлигига арқон, 1 пишиқ тери ва 1 қозон бўлиши талаб этилган¹.

Ҳалқ лашкари тўғрисида гапирганда, дастлабки «асл» составни ёки контингентни, шу отряд катта талафот бергандан кейин тўпланадиган қўшимча («изофа»)² лашкардан фарқ қўймоқ керак. Үнлик системага кўра, бу лашкар мингликларга, қўшинларга ва үнликларга бўлинган. «Қўшунлар» — қўшинни ташкил қилишдаги энг муҳим қўшилма бўлган; «қўшун»га ҳаммаси бўлиб 50 киши кирганилигини кўрсатадиган фактлар бўлса ҳам, лекин унда кўпинча 100 дан ортиқ киши бўлган³.

Шу нарса характерлики, манба'ларда «камир» термини фақат «туманлар», «мингликлар»нинг бошлиқларига нисбатан эмас, балки «қўшунлар»нинг бошлиқларига нисбатан ҳам ишлатилган⁴. Қўшин бир туманин ёки Темур қўшинининг ҳаммасими,— бундан қат'и назар ҳамавақт ма'lум бир тартиб блан юришга чиқсан; бу тартиб «мурчил»⁵ деб аталган.

Бу «мурчил»га, я'ни ҳарбий бошлиқларнинг даражалари бўйича қўйилган жанговар тартибга қараб, амирларининг ҳарбери— «туман» амирлари, «минглик» амирлари ва «қўшун» амирлари ўз ўринини билиб туриши керак эли. Асосий қўшин юришга чиққанда ба'зан жуда катта отряддан (бирнече тумандан) иборат авангард

¹ M. Charnoy, ўша асар, 246 бет (форсча текст), 422 бет (франц. тарж.). — Бундай таблар иллари ҳам мавжуд бўлиб, у мўғул қўшинини ташкил қилиш традицияси блан боғлиқ бўлган. (Қараванг: Ясу Чингис-хана в изложении Джувейни. GMS, XVI, I, 22 бет).

² M. Charnoy, ўша асар, 250 бет.

³ В. В. Бартольд, Улугбек и его время, 24 бет.

⁴ В. Г. Тизенгаузен, ўша асар, II т., Шарафиддин Али Яздий, 159, 164, 175 ва бошқа бетлар.

⁵ В. Г. Тизенгаузен, ўша асар, II т., 159 ва 175 бетлар.

(манқила)¹ қүшин олдиде борган. Авангарддан олдинда доимо, Низомиддин Шомий ва Шарафиддин Али Яздий күпроқ «қоровул» термини блан атаган, қўриқчи отряд юрган. «Қоровул»нинг асосий вазифаси қўриқчилик хизматини ўташ ва асосий қўшин олдиде нималар бўлаётганини тўхтовсиз хабар қилиб туришдан иборат бўлган. «Қоровул»дан «хабаргири» (разведка)ни фарқ қўлмоқ керак. «Хабаргири»ни қўмондоннинг қароргоҳидаи тортиб, то қўшунларниң амирларига қадар қўшиннинг истаган қисми юбораолар эди.

Разведкада ишлайдиган одамлар одатда баҳодирлар орасидан танлаб олиниган, буларга бошчилик қилиш ҳам ботир ва тажрибали ҳарбий бошлиққа (масалан, Шайх Довудга, Мубоширга ва бошқа шунга ўхшашларга) топширилган. Разведкага кўп вақт «тил» тутиб келиш топширилган².

Қўшин йўлга чиққанда йўл бошловчилар («качарчилар») муҳим роль ўйнаган. Темур шахсан ўзи Оқ Үрда хони Үрисхон устуга қўшин тортиб борган пайтла Тўхтамишнинг ўзи йўл бошлаб борган³. Темур йўл бошловчиларга шу қадар катта аҳамият берганки, у ўз қўшиннининг амирлари ўртасида йўлбошловчиларни шахсан ўзи тақсимлаган.

Темур 1391 йилда Тўхтамишга қарши отланган пайтида шундай қилган⁴. Ба'зан юришлар вақтида лагерь типидаги Қароргоҳни рўбарўдан келётган душман қўшинига яқин жойда қуришга тўғри келган. Қароргоҳ олдиде окоп (хандақ)лар қазилиб, тўқилган қалқон («чопор»)лар ва қандайдир мудофаа қуроллари — турлар⁵

¹ Низомиддин Шомий. Tauer нашри.—Бу асарда «манқила», «қоровул», «хабаргири» терминлари жуда тез-тез учраб туради. 119-инчи бетни мисол қўлиб келтирайлик. Уерда бу терминларниң ҳаммаси юқоридаги маънола ишлатилган. «Манқила» термини мўғулча бўлиб, мўгуллар замонида пайдо бўлган ва Олтин Үрда тарихига доир воқналар тасвир қилинганла учрайди (масалан, Вассофининг 718 ҳ. йилда (=1318—1317) Узбекхонлиниң Арронга қилган юришининг тасвири деган асарига қаралсин; В. Г. Тизенгаузен, ўша асар, II т., 87 бет].

² В. Г. Тизенгаузен, ўша асар; Низомиддин Шомий асарида (Tauer нашри) асарни «хабаргири» — разведка ва унинг бошлиқлари тўғрисида хикоя қилинади. Асарнинг 119—120 бетларида Шайх Довуддининг идрори ва сан'ати тўғрисида, унинг Темурга қимматли ма'lумотлар берган «тил» тутиб қелгани тўғрисида муфассал гапирилади. 121 бетда Мубоширгининг бу масаладаги усталиги ҳақида, унинг 40 кишини бир йўла тутиб келганлиги ҳақида гапирилади.

³ В. Г. Тизенгаузен, ўша асар, II т., Шарафиддин Али Яздий, 149 бет.

⁴ В. Г. Тизенгаузен, ўша асар, II т., 112 бет.

⁵ М. Сагитоу, кўрс, асар, 202 бет (форсча текст). — Контекстдан ма'lумки, чопорлар қўл қалқонлари эмас, балки окоп қалқонлари дир. Шармуа «турлар ва чопорлар» «катта ва кичик қалқонлар» бўлган, деб хато таржима қилгани (кўрс, асар, 387 бет).

Темурнинг 1394—1395 йилларда Тўхтамишга қарши қилган юришини тасвирлагандага ҳам шу терминлар ишлатилган (В. Г. Тизенгаузен, кўрс. асар, II т., 175—176 бетлар).

кўйилган. Атрофи окоплар блан ўраб олинган бундай қароргоҳ ба'зан эски мӯгулча термин блан «курен»¹ («куренъ») деб аталган.

Бундай қароргоҳда кечалари олов ёкиш ва ҳатто қаттиқ галириш ман' қилинган.

Темур фақат ғолибона жангдан кейин эмас, балки душман блан тўқнашмасдан олдин ҳам, айниқса жанг олдидан аскарлар руҳини кўтариш учун уларга турли совғалар берган. Жангчиларга бериладиган совгалар «укулка» («бўглигъ») деб аталган².

Кўшиннинг жанг бошланиш олдидан жойланиш тартиби — жанговар тартиб катта аҳамиятга эга бўлган. Низомиддин Шомий³ ва Шарафиддин Али Яэдий⁴, Темур қўшинни жанговар сафга тортиш масаласида янгиликлар киритган дейдилар.

Темур киритган янгилик нимадан иборат эканлигини билиш учун, Темур ҳарбий бошлиқ сифатида иш бошлаган дастлабки пайтларда қўшиннинг жанговарлик тартиби қандай бўлганлигини, я'ни у бу масалада ўзидан олдин ўтган лашкарбошилардан нималарни мерос қилиб олганлигини кўриб чиқиш керак. Буният учун 1365 йилдаги «Ботқоқ жангি» деб аталган жангда қўшин қандай жанговар тартибда бўлганлигини аниқлаб олиш керак; бунда Хусайн блан Темур мӯгул хони Ил'ёсхўжага қарши урушиган ва бу жангда енгилган. Жанг Чиноз блан Тошкент ўртасидағи бир ерда бўлган. Низомиддин Шомий бу тўғрида жуда муҳим бир материал келтирган. Бу жангда Хусайн блан Темур қўшини қандай жанговар тартибда сафга тизилганини Низомиддин Шомий бундай тасвирлайди. Амир Хусайн қўшинчининг ўнг канотига бошчилик қилган, канбулда (фланг қўриқчилигига) Арлатлар қабиласидан чиққан Тиланчи турган, қоровулда эса — амир Улжойту ва бошқа амирлар турган; сўл қанотда Темурнинг ўзи бошчилик қилган, унинг канбулида Сари Буға турган, қоровулда эса Темурхўжа ўғлон турган; марказда (кул) амир Чоку ва бошқа амирлар турган⁵.

Шундай қилиб, биз буерла марказ, сўл ва ўнг қанотлардан иборат жанговар тартиб бўлганлигини, шу блан бирга, қанотларнинг ҳарбирида қўшимча аскарий қисм — фланг қўриқчилиги (канбул) ва қоровул турганлигини кўрамиз. Бу жанговар тартибининг ҳаммаси етти қисмдан иборат бўлиб, булардан учтаси бирқадар мустакил иш кўраолган, тўрттаси эса (икки қоровул ва икки канбул) бошқа қисмларга бўйсунган. Бу жанговар тартибининг характерли хусусияти шуки, ўнг ва сўл қанотларга ис-

¹ Б. Я. Владимирцов. Общественный строй монголов, 37 бет. — В. Г. Гизенгаузен. ўша асар, II т., 158, 165 бетлар.

² Бу термин маңба'ларда тез-тез учраб туради.

³ Низомиддин Шомий, Тацег нашри, 123 бет.

⁴ Шарафиддин Али Яэдий, қаранг: М. Сагитов. ўша асар, 213—214 бетлар (форсча текст). — Буерда Темурнинг янгиликлар кириттани анча аниқ кўрсатилган.

⁵ Низомиддин Шомий. Тацег нашри, 28 бет.

батан марказ күчсиз бўлган, марказнинг қоровули ҳам, резерви ҳам бўлмаган.

Темур ўз ҳукмронлигининг бошидан охиригача, я’ни 35 йил давомида (1370 йилдан то 1405 йилгача) тўхтовсиз қилган юришлари вақтида ўз қўшинини, айниқса жанговар тартибининг ташкилий томонларини такомиллаштириб борган. 1391 йилда Тўхтамишга қарши қаратилган ва ўша замонга нисбатан биринчи фоят катта жанг вақтида Темур такомиллашган ва кучли қўшинга эга бўлган. Шарафиддин Али Яздийнинг ҳикоя қилишича, Темур қўшинни 7 кулга бўлишни биринчи бўлиб жорий қилган, қўшиннинг 1365 йилги жанг пайтидаги жанговар тузилиши тасвирланган та’рифда кул деганда — фақат марказигина тушунилган, энди марказ блан бирга мустақил ва фақат қўмондан олдида мас’ул бўлган аскарий қўшилма ҳам тушуниладиган бўлган.

Темур 1391 йилда Тўхтамишга қарши Кундузча деган жойда жанг қилган пайтида бу жанговар тартибини биринчи бўлиб кенг миқ’ёсда қўллаган. Жанг олдидан қўшиннинг жанговар тузилишини аниқ тасаввур қилмоқ учун, юқоридаги авторларцинг (Низомиддин Шомий, Шарафиддин Али Яздий) куйидаги жанглар: 1) Темурнинг 1391 йилда Кундузча деган жойда Тўхтамишга қарши қилган жангиги, 2) Темурнинг 1395 йилда Терек дар’ёси бўйида Тўхтамиш блан қилган жангиги, 3) Темурнинг 1402 йилда Анқара ёнида усмонлилар сultonни Боязид блан қилган жангиги тўғрисидаги тасвирларини таҳлил қилиб чиқмоқ зарур.

Мовароуннаҳр қўшини Кундузча деган ерда жойлашган пайтда Темур ўз жангчиларининг жанговар тартибини тузиш блан шахсаң ўзи шуғулланган. У қўшиннинг жанговар қўшилмаларини тамомила янгича ташкил қилган. У 7 кул (бир кулни шартли равища корпус деб атамоқ мумкин) ташкил этиб, уларни илгаригидан бошқачароқ жанговар тартиб блан қўйган.

1391 йилда Кундузчада Тўхтамиш блан тўқнашган пайтда Темур қўшиннинг жанговар тузилиши қай тартибда бўлганлигини Низомиддин Шомий мана бундай тасвирлайди.

Темурнинг кули марказга қўйилган бўлсада, аммо унга мирзо Сулаймоншоҳ бевосита бошчилик қилган. Унинг орқасида Темурнинг иккинчи кули турган, унга қўмонданлик қилиш мирзо Муҳаммад Султонга юклатилган, ниҳоят Темур шахсан ўзининг амрида бўлган бирнече қўшинни бу кул блан ёнма-ён қўйган. Афсуски, автор «ёнма-ён» деганда Муҳаммад Султон қўл остидаги кул (корпус) нинг ўнг томонидами, сўл томонидами ёки оғка томонидами эканлигини аниқ айтмайди. Шарафиддин Али Яздий бу жангда қўшиннинг қандай жанговар сафга тизилганигини тасвирлаганда бу саволга жавоб беради, биз буни куйида кўрамиз.

Уиг қанотга мирзо Мироншоҳ қўмонданлиги остидаги кул қўйилган. Хожи Сайфиддиннинг кули — канбул (фланг қўриқ-

чилиги) вазифасини бажарган. Сўл қанотда мирзо Умаршайқ қўмондонлигидаги кул жойлаштирилган, унга канбул (фланг қўриқчилиги) сифатида Бердабек қўмондонлигидаги кул турган, броқ у фақат сўл қанотнигина эмас, балки марказни ҳам қўриқлаш вазифасини бажариб турган. Афсуски, Низомиддин Шомий канбуллар сифатида турган куллар қаерда жойлашганлигини кўрсатмайди. Улар қўшин қанотларидағи куллар блан бирқатарда чекка флангда турганми, ёки бирқадар олдинроқда турганми,— буни айтиш қўйин.

Энди Темур қўшинининг шу жанговар тартибини Шарафиддин Али Яздий қандай тасвир қилганини кўриб чиқайлик. Шарафиддин Али Яздий Низомиддин Шомийнинг айтганларини бирқадар тўлдириб, шунинг ўзини такрорлаган ва у Низомиддин Шомий фойдаланган, аммо бизнинг давримизгача етиб келмаган ўша мањба’ни асос қилиб олган.

Султон Муҳаммаднинг кули марказга қўйилган. Низомиддин Шомий, бу кул бевосита Темур амрида бўлган, дейди. Бевосита қўмондонлик қилиш мирзо Сулаймоншоҳ қўлида бўлган. Бу кулнинг кетидан мирзо Муҳаммад Султоннинг асосий кули қўйилган. Унинг кетидан бевосита Темур ихтиёрида бўлган 20 қўшун резерв қилиб қўйилган. Шундай қилиб, Шарафиддин Али Яздийнинг бу кўрсатмаси Темур қўшувлари мирзо Муҳаммад Султон кулига қайси томонда «ёнма-ён» турганлигини аниқлаб беради. Бу қўшунлар резерв бўлиб, асосий марказий корпуснинг кетида турган. Ўнг қанотга мирзо Мироншоҳнинг кули қўйилган, Хожи Сайфиддин кули канбул сифатида (фланг қўриқчилигига) турган. Сўл қанотга мирзо Умар Шайхнинг кули қўйилган, Бердабек Сари Буганинг кули унга канбул бўлиб турган. Бу ма’лумотларни бир-бирига солиштирганда, биз Шарафиддин Али Яздий, Низомиддин Шомий ма’лумотларини аниқлаб, унга қўшимчалар қўшганлигини кўрамиз.

Умуман олганда, Темурнинг 1391 йилда Тўхтамишга қарши қилган жангни вақтидаги қўшинининг жанговар тартибини Темур блан Хусайннинг 1365 йилдаги «Ботқоқ уруши» пайтидаги қўшиннинг жанговар тартибига таққослаб, Темур киритган ҳарбий ўзгаришлар қандай бўлганлигини ва уларнинг жанг вақтидаги аҳамияти нимада эканлигини аниқлаш мумкин. 1365 йилда Хусайн блан Темур қўшинининг жанговар тузилишида ўнг ва сўл қанотлар блан фланг қўриқчилигига асосий э’тибор берилганлигини кўриб ўтган эдик. Марказда гарчи кучли аскарий қўшилма турса ҳам, броқ жанг пайтида у ҳал қилючи роль ўйнамаган. 1391 йилги жанговар тузилишида марказга бошқача назар блан қабалганигини кўрамиз. Қанотларга аввалгидек жуда муҳим э’тибор берилган, бу эса, флангларнинг (канбулнинг) ён томондан бўладиган қўриқчилигига катта аҳамият берилганлигидан кўриниб турибди, аммо шуидай бўлсада, марказ айниқса мустаҳкамланган.

Марказ ихтиёрига авангард берилган ва, бундан ташқари, марказнинг орқа томонида қўмондон қароргоҳи ўрнаштирилиб, резервлар ҳам шуерда бўлган, жангнинг тақдирини кўпинча ана шу резервлар ҳал қилган.

Қўшиннинг бундай тузилишидаги фойдали томонларни кўргандан кейин Темур сўнгги жангларда ҳам шу усулни қўллаган. Темур 1395 йилда Терек дар'еси бўйида Тўхтамиш блан қилган жангни вақтида ҳам унинг қўшинида тартиб шудай бўлган, буни биз қўйида кўриб ўтамиз. Бунинг устига Тўхтамиш қўшиннинг бундай тузилишидаги фойдали томонларни 1391 йилги жанг пайтида ҳисобга олиб, ўз қўшинини ҳам Темурнинг қўшинига ўхшатиб тузган эди. Шундай қилиб, қўшиннинг янгича тузилишида марказ ва қанотларга ҳартомонлама э'тибор берилабошлайди. Марказ резервларни ва қўмондон қароргоҳини қўриқлаган, резервлар эса, жанг пайтида энг зарур жойга бораолиш имконига эга бўлган; қанбулларниг вазифаси эса — фақат қанотларни душман қўшинларининг ёриб ўтишидан сақлашгина бўлмай, балки душманинг ён томондан ўнг ва сўл қанотларни айтаниб ўтиб, орқадан ҳужум қилишига ҳам йўл қўймаслик бўлган. Шу сабабдан қанбуллар жангда иш кўрсатган ботир ва тажрибакор қўшунлардан тузилиб, уларга обрўли ҳарбий бошлиқлар қўмондонлик қилган,

Юқорида кўрсатиб ўтилганидек, қўшинида фақат отлиқларгина эмас, балки пиёда аскарлар ҳам бўлган. Пиёдалар отлиқлардан олдин туриб, душман ҳужум қилгудай бўлса, айниқса у отлиқлар ёрдами блан атака қилса, улар (пиёдалар) ўзларининг қалқонлари («чопорлари») ва турлари орқасига яшириниб, дастлабки жангни бошлаб берганилар. Мудофаа жангни олиб бориш лозим бўлган жойла пиёдалар ғоят катта роль ўйнаган.

Шарафиддин Али Яздий Темурнинг 1391 йилда Тўхтамиш блан қилган жангни тасвирлаб, Темур қўшинининг сўл ва ўнг қанотларидағи туманларнинг, мингликлар ва қўшуналарнинг амирлари пиёдалар блан отлиқларни жанговар тартибда сафга чизганлар, деб аниқ кўрсатади¹.

Темурнинг 1395 йилда Тўхтамиш блан қилган жангиде ҳам шундай бўлган.

Фиёсиддин Али Темурнинг 1398—1399 йилларда Хиндистонга қилган юришини тасвирлаб, пиёда аскарларнинг жангда қатнашганлигини қайта-қайта гапиради. Масалан, Гул (Жул) дар'еси бўйидаги жангни сўзлаб, сўл қанотда сulton Али Тавачининг кули бўлган ва унда хуросонлилардан бўлган² пиёда отрядлар қатнашган, дейди. Бундай мисоллардан кўплаб келтириш мумкин. Аммо Темур қўшинининг тузилиши қандай бўлганлиги шундай

¹ M. Chatto u, ўша асар, 216 бет (форсча текст).

² Фиёсиддин Али. Дневник похода Тимура в Индию, 76 бет.

ҳам равшандир. Темурнинг фақат кўчманчи /халқлардан эмас, балки деҳқончилик блан шуғулланучи ўлкалар аҳолисидан ҳам иборат бўлган қўшинидаги лашкарлар орасида пиёда жангчилар бўлмасдан иложи йўқ эди.

Темур даврида ўқсочар қуролнинг бўлиши жуда муҳим бир фактдир. Муиниддин Натанзийнинг «Искандар аноними» номли асарида ўқсочар қурол биринчи марта тилга олинали, бу масалага дастлаб А. М. Беленицкий э'тибор берган.¹ XIV аср охирида ўқсочар қурол Шарқда тарқалган эди. Масалан, Низомиддин Шомий сultonон Маҳмуд Деҳлий қўшинининг 1399 йилда Деҳли яқинида Темур блан қилган жангни тасвирлаганда ҳинд қўшинида радандоз — «гумбирлатиб» отучи алоҳида ўқсочар қуроллар бўлганлигини тилга олади. Низомиддин Шомий Дамашқ жангчиларида ҳам ўқсочар қурол бўлганлигини айтади, Темур бу шаҳарни 1400 — 1401 йилларда қамал қилган эди.

Шу вақтда, ҳатто бундан сал олдинроқ, Шарқий Европада ҳам ўқсочар қуроллар пайдо бўлган. Тўхтамишнинг қўшинлари 1382 йилда Москвани қамал қилган пайтда москвалиарнинг тюфяклардан (примитив тўплардан) отганликларини эсга олайлик. Проф. В. В. Мавродин юқорида кўрсатиб ўтилган мақоласида бунга э'тибор берган эди. Шу авторнинг сўзича, бундан бир неча йил илгари Қозонда ҳам ўқсочар қурол пайдо бўлган. В. В. Мавродин Никон йилномасини далил келтириб, 1376 йилда руслар Қозонни қамал қилган пайтда қозоилилар(яни ўша вақтда Булғор халқи) русларга фақат камалакдан ва ўзиотар қуроллардан ўқ отибгина қолмай, балки ўқсочар қуроллардан ҳам «гумбирлатиб ўқ ёёдириб» турганлар². Темурнинг 1391 йилда Тўхтамишга қарши қилган юриши жуда ҳам қизиқарлидир.³ Темурнинг бу юриши илмий (М. Шармуа) ва ҳарбий жиҳатдан (М. И. Иванин)⁴ текшириб, ўрганилиб чиқилган. Биз иккита сабабга кўра: 1) бу масалани текширмай, ва хусусан бу масалага оид фактларнинг ҳаммасини кўриб чиқмай туриб «Олтин Урданинг қулаши» ҳақида асар ёзиб бўлмаслиги; 2) Шармуа блан М. И. Иванин асарлари яратилган вақтдан буён (агар М. И. Иванин асарининг биринчи нашри чиққан вақт ҳисобга олинса) юз йилдан ортиқроқ фурсат ўтганлиги сабабли яна шу тема устида тўхталмоқчимиз. М. Шармуа ўз асарини француз тилида ёзган ва, у Шарафиддин Али Яздий блан Абдураззоқ

¹ А. М. Беленицкий. О появлении и распространении огнестрельного оружия в Средней Азии и Иране в XIV—XVI веках. Изв. Тадж. филиала Акад. Наук СССР, № 15, 1949, 23 бет.

² В. В. Мавродин. О появлении огнестрельного оружия на Руси. Вестн. Ленингр. Унив., 1946, № 3, 69 бет.

³ М. Шармуа «Expedition de Timour-i Lenk...» (99—126 бет) деган асарнинг бир бобини шу юришга бўришлаган.

⁴ М. И. Иванин. О военном искусстве и завоеваниях монголо-татар и средне-азиатских народов при Чингис-хане и Тамерлане. 1775, 190—207 бетлар.

Самарқандийнинг асарларидан фойдаланган. Эндиликда бизнинг құлимиизда булардан олдинги Низомиддин Шомий асарининг тексті бор, Шарафиддин Али Яздый ана шу асардан кең фойдаланиб, унга құшимчалар кириктан.

Темур Тұхтамишга қарши 1390/91 йилнинг қиши фаслида юриш бошлаган. У Самарқанддан чиқиб, Сирдар'ё устига қурилған күпrikдан¹ ўтган ва Тошкент томонға қараб йўл олган. Темур бутун құшини блан Парсин блан Чиноз ўртасидаги бир жойда тұхтаб, қишини шу ерда ўтказған². Шарафиддин Али Яздийнинг айтишича, Темур, ўша замоннинг расм-одатича, шайх Маслаҳатнинг³ мақбарасини тавоғ қилиш учун Тошкентдан Хўжандга борган. Темур 10.000 кебек динор⁴ атаганини бериб, сўнгра Тошкентта қайтиб келган. Тошкентда Темур бетобланыб (безгак касали блан оғриган бўлса керак), 40 кун ётиб қолган. 1391 йил январининг иккинчи ярмида Темур бирмунча тузалиб, бўлажак юришга тайёрлик кўрабошлаган. Низомиддин Шомийнинг айтишича, Темур ўзининг яқин одамларига ва қўшин амирларига катта совғалар берган, хотинлари ва маликаларни Самарқандга жўнатган, фақат хотини Чўлпон Малик-оғани ўзи блан бирга олиб кетиш учун олиб қолган. Қўшиннинг асосий амирлари ўртасида йўлбошловчиларни (качарчиларни) тақсимлаб, бўлажак юришнинг тайёрлик ишларини тамомлаган. Қўшиннинг асосий амирлари орасида кейинчалик донг чиқарған Идигу ўзбек (рус йилномаларида Едигей деб аталған амир) ҳам бор эди. Темур Сафар ойининг 15-нчисида⁵, я’ни 1391 йилнинг 22 январида Тошкентдан чиқиб, Утрор томонға қараб жўнаган. Темур Утрор районидаги Қора Саман деган жойга етиб борганида, унинг ҳузурига Тұхтамишнинг элчилари келган. Темур Эронда истилолар блан банд бўлган пайтида, Тұхтамиш Мовароуннаҳрга қўшин тортиб келиб, Мовароуннаҳр шаҳарларини талаб, Темурга халал берган ва заар етказған эди. Эндиликда, Темур жуда катта куч тўплаб Тұхтамишга қарши отланган вақтда Тұхтамишнинг қути учиб, бўлажак катта жангни қулайроқ бошқа бир вақтга кўчиришга қарор бергак.

Темур ўз душманидан элчилар келганлигини эшитганидан кейин, расм-одатга биноан уларни иззат-хурмат блан кутиб олиш-

¹ M. Chагтой, ўша асар, Шарафиддин Али Яздый, 173 бет. (форсча текст).

² M. Chагтой, ўша асар, ўша ерда.

³ M. Chагтой, ўша асар, 174 бет.

⁴ Кебек динори 2 мисқол оғирликдаги кумуш пул. Динор олти дирҳамга баравар бўлған, дирҳам эса $\frac{1}{3}$ мисқолга тенг бўлған. Кебек динорларни оғирлик жиҳатидан Эрондаги Гозонхон диноридан кам бўлған. Уерда динор кумуш блан 3 мисқол келган.

⁵ Низомиддин Шомий, Таиг нашри, 117 бет.—Шарафиддин Али Яздийнинг ёзишича, Темур Сафар ойининг 12-нчисида, я’ни 1391 йилнинг 19 январида йўлга чиқкан. Қаранг: (M. Chагтой, ўша асар, 176 бет).

ни буюрган. Қабул маросимида элчилар Темурға ҳад'ялар, шу жумладан, бир лочин ва 9 йўрға от тортиқ қўлганлар. Темур расм-одатни бузмаслик учун, лочинни олиб билагига қўйгану, лекин бу совғалар унинг әтиборини ҳечқанча жалб қўлмаганини та'кидлаб кўрсатиш учун, лочинга ҳатто қарамаган ҳам. Элчилар мулозимат блан тиз чўкиб, Тўхтамиш номасини Темурга топширганлар. Номада Тўхтамиш бундан илгари Темурнинг унга кўрсатган яхшиликлари ва қилган марҳаматини унумаганигини, Темурга нисбатан ёмон ният блан бема'ниликлар қилгани учун тавба деб, кечиришни сўраган. Нома Тўхтамишнинг бундан кейин содиқ вассал бўлиб, Темурнинг жам'и буйруқларини сўзсиз бажарман, деган ва'далари блан тамомланган. Бу ширин сўзларнинг ҳаммаси душманинг дипломатик найрангидан бошқа нарса эмаслигини ва ҳозирги пайтда катта жанг қилиш Тўхтамиш учун негадир ноқулай эканлигини Темур жуда яхши пайқар эди. Темур Тўхтамишга қайтарган жавоб хатида, ярамас ишлар қилганлигини унинг юзига солиб, қаттиқ койиди ва Тўхтамиш Оқ Урда, кейин эса Олтин Урда тахти учун курашга отланиб борганида унга қандай ёрдам кўрсатганлигини эслатади, Тўхтамиш қудратли хон бўлиб олганидан кейин Темурнинг орқасига ханжар урганлиги, я'ни Темур Форс ва Ироқни¹ истило қилиш блан банд бўлган вақтда Тўхтамиш Мовароуннаҳр устига қўшин тортиб келганлиги устида тўхталади. Темур ва'даларга тамомила ишонмаслиги ва ярашиш ҳақидаги таклифни қабул этаолмаслигини айтиб жавоб хатини тамомлайди. Темур жавоб хатни тайёрлаб қўйгандан кейин, катта зиёфат берган ва элчиларга яна совға тақдим этган, лекин уларни ўз юртига қайтармай, йўлбошловчилар сифатида ўз ҳузурида олиб қолган. Шуидан кейин, Темур қўшин амирлари, шаҳзодалар ва ўзига яқин турган бошқа одамлар қурултойини чақирган. Қурултойда илгарига қараб боришга қарор берилган. 1391 йил февралининг охирида жуда катта қўшин Яса (ҳозирги Туркистон шаҳри), Қораҷуқ, Саврондан ўтиб, ҳозирги Қозогистон марказидаги даштликка чиқсан. Узоқ йўл босиб чарчаган қўшин 1391 йил 6 апрельда Сариқ-ўзан (ҳозирги Сарисув) деган жойга келган ва буерда чанқаб қолган одамлар ва ҳайвонлар истаганча сув блан та'минланган. Бирнече кун дам олгандан кейин, Темур қўшинни дар'едан ўтган ва апрель ойининг охирларида Кичик тоғ деган жойдан ўтиб, яшнаб турган баҳор пайтида Улуғ тоққа бориб етган. Низомиддин Шомийнинг айтишича, Темур тоғ чўққисига чиқиб, ўёқ-буёққа қараган ва атроф бепоён даштлик эканлигини кўриб, буерда шу юриши ҳақида хотира қолдирмоқчи бўлган. Бунинг учун у катта-катта ҳарсангларни ташиб келиб, ма'lум жойга тўплашни ўз жангчиларига буюр-

¹ M. Charms, ўша асар, 179 бет.

ган ва тоштарошларга катта бир ҳарсанг тошни ўйиб, ўз номини, буердан қачон ўтганлигини ёзиб қўйишни буюрган¹.

Бундан ўн беш-ўн олти йил илгари марказий Қозогистондаги Қарсақпай руднигига яқин жойда, Олтин Чўку деган төғ ёнида ҳарсанг тошга ўйиб ёзилган бир ёзув топилган. Бу ёзув икки тиљда битилган экан. Ҳарсангнинг юқори қисмида арабча уч сатр кат бўлиб, бу хат шу қадар едирилиб кетган-ки, ундан ҳозирча фақат: «Марҳаматли ва муруватли Худованди карим шарифга...» деган иборанигина ўқиб чиқариш мумкин бўлди. Ҳарсангнинг пастки қисмидаги ёзув саккиз сатр бўлиб, Чигатой (ески ўзбек) тиљида уйғур хати блан битилган экан. Бу ёзув ўқиб чиқарилгандан кейин, Низомиддин Шомийнинг Темур қолдирган ана шу ёдгорлик ҳақидаги фикри тасдиқланди. А. И. Пономаревнинг ««Темур ёзуви»ни ўқишига доир тузатишлар»² деган мақоласидан кейин, бу ёзувнинг асосий мазмуни ҳозир тамомила ойдинлашди. Бу ёзувда, етти юз тўқсон учинчи йил ёзга ўтар вақтда, я'ни 1391 йилда, Темур Тўхтамишга қарши қўшин тортиб борди, дейилган, бу эса ёзма манба'лардаги ма'lумотларнинг тўғрилигини тасдиқлади. Шу нарса дикъатга сазоворки, Низомиддин Шомий Темурнинг Тўхтамишга қарши қўшин тортиб борган йилининг эмас, балки ойи ва кунини — Жумодул аввалнинг 23-нчи куни, я'ни 1391 йил 28 апрель санасини ҳам аниқ қилиб кўрсатиб берган. Темур ёзувда ўзини Турон сultonни деб атаган, бу эса XIV асрнинг сиёсий терминологиясида шу ном бўлганлигидан гувоҳлик беради. Ёзувда Темур қўшинининг сони, я'ни унинг қўшини 200.000 кишидан иборат бўлганлиги ҳам қайд қилинган. Бу нарса Темур юришларини тасвирлаб ёзган Гиёсиддин Али, Низомиддин Шомий, Шарафиддин Али Яздийнинг ва бошқа манба'ларнинг Темур қўшинининг сони ҳақидаги ма'lумотлари тўғри эканлигини тасдиқлади. Ёзувда юришдан кўзда тутилган мақсад, я'ни Темурнинг Тўхтамиш устига отланганлиги кўрсатилган.

Хат ёзилган ёдгорликни қўйиб бўлгандан кейин, Темур илгарига қараб ҳаракат қилишни буюрган. Атроф кўкаlamзор, гуллар мавж уриб очилган ва сувлар шарқираб оқиб ётарди. Илончуқ (ҳозирги Жилончуқ) дар'ёсидан ўтиб, орадан 8 кун ўтгач, Темур шимолий Қозогистондаги Анақарқуюн³ деган жойга етиб келган. Тўрт ой йўл юрилгандан кейин, озиқ-овқат маҳсулотлари тамом бўлай деб қолганлиги Анақарқуюнга келганда ма'lум бўлиб қолган. У вақтларда қўшин орқасидан турли мол-

¹ Низомиддин Шомий, Тауер нашр., 118 бет.—Шарафиддин Али Яздийнинг асарида худди шу воқиа бироз бошқачароқ қилиб берилган (M. Сагитоу, ўша асар, 181—182 бетлар).

² Советское востоковедение, т. III, 1945, 222—224 бетлар.

³ Низомиддин Шомий, 118 бет.—Шарафиддин Али Яздий асарида (M. Сагитоу нашри) «Атақарғўй» қавс ичида («Анақарғўй»).

лар, жумладан, чорва, ун, ёғ ва бошқа хил озиқ-овқат маҳсулотлари сотучи савдогарлар ҳам изма-из юрардилар. Шарафиддин Али Яздийнинг сўзича, бир қўй 100 кебек динор турган, 16 ман шарага тенг, катта оғирликдаги 1 ман нон ҳам 100 кебек динор турган. Бу аҳволни ҳисобга олиб, Темур қўшиниларнинг амирларини ўз ҳузурига чақириб, бундан кейин ҳечким ундан нон, кулча ёпмаслик, увра оши ва чучвара қилмаслик, аталадан бошқа овқат пиширмаслик тўғрисида улардан тилхат (мучилка) олган¹. Буғдой уни деярли тамом бўлган бўлса керак, чунки аталани ҳам арпа унидан қилиш буюрилган. Бунинг устига, арпа унига ҳам «мутр» (қандайдир кўкат қоқиси) қўшиб атала қилинган. 8 ман шарага² тенг анбар оғирлигидаги бир ман ундан 60 коса атала тайёрланган. Бир жангчига кунига 1 косадан ортиқ атала берилмаслиги керак эди. Шундай қилиб, 200.000 кишидан иборат қўшинни яrim оч ҳолда кун кечиришдан қутқариш учун бирон чора кўриш зарур эди. Темур қуршаб ов қилишни кенг миқъесда уюштириб, бундан кутулиш чорасини топди. Кенг даштда юзлаб километр жойларда одамизод яшамас ва ёввойи ҳайвонлар жуда кўп эди. Шу кенг даштни ўраб ов қилиш 1391 йилнинг 6 май кунига тайин қилинган. Туманларнинг ва мингликларнинг амирларига Темурнинг тавачилари юборилиб, уларга ёввойи ҳайвонларни қуршаб ов қилиш тартиби тушунтирилган. Ҳар томондан ўраб олинган жуда катта бир район икки кун давомида ҳалқа қилиб қисиб келинаверган. Одамларнинг шовқин-суронидан қўрқиб қочган ёввойи ҳайвонлар тобора марказга тўпланиб, кейин ҳеч қаердан чиқаолмай қолган. Бу ов жуда қўл келган — қорни оч жангчилар қўлига улар ўз юртларида сра учратмаган кўп жайрон, ёввойи эчки ва бошқа ҳайвонлар тушган³. Шундан кейин аскарлар тўйиб, ҳатто озиқ-овқат ишларини бошқарадиган одамлар зарур миқдорда гўшт запас қилиб ҳам олган. Темур 1391 йил 12 майда невараси мирзо Муҳаммад Султон баҳодир қўмондонлиги остида авангард жўнатган. Авантарднинг вазифаси душман кучларини ахтариб топиш эди.

Орадан бироз вақт ўтга, авангард Фарбий Сибирьдаги Тобол дар'ёсигача бориб етиб, дар'ёдан ўтган ва узоқда ловуллаб ёнаётган жуда кўп гулханларни кўрган, аммо мирзо Муҳаммад Султон қўриқчи отрядлар юбориб, шунча қидиртирса ҳам, лекин душман қўшинининг изини тополмаган. Авантард Тобол дар'ёси районида қидириш ишлари блан банд бўлиб турган пайтда, Темур бошчилигидаги асосий кучлар етиб келган. Темур Тобол дар'ёсидан ўтиб, душманини ўша ердан ахтариши буюрган. Тажрибали ва синалган амир Шайх Довуд бошчилигига разведка

¹ М. Сагитоу, ўша асар, 182 бет.

² Оғирлик бирликларини солиштирганда анбар ман — катта оғирликдаги $\frac{1}{2}$ манга тенг эканлиги ма'lум бўлди.

³ М. Сагитоу, ўша асар, 183—184 бетлар.

жўнатилган. Разведка фойдали ма’лумотлар топиб қайтган, шундан кейин Темур Ёйиқ (Урал) дар’ёси томонга қараб юришга қарор берган. Дар’ёнинг уч ерида кечиб ўтиладиган ер бўлса ҳам, броқ Темур эҳтиётлик қилиб, дар’ёнинг юқори қисмидан айланниб ўтишини ма’кул кўрган. Қўшин жадал юриб, бу кундан кейин Самара дар’ёсига бориб етган. Темур 4 июньда Иик дар’ёсидан кечиб ўтган. Шарафиддин Али Яздийнинг айтишича, бу ерда Тўхтамиш аскарларидан уч кишини ушлаб, Темур ҳузурига келтирганлар. Бу одамлар Темурда қанча аскар бор эканлигидан Тўхтамишнинг яхши хабардор эканлигини, чунки амир Идигунинг 2 навкари Темур лагеридан қочиб бориб, Тўхтамишга ҳамма гапни айтиб берганлигини айтганлар ва Тўхтамишнинг кучлари тўғрисида билган нарсаларини Темурга хабар қилганлар. Душманнинг қаерда эканлиги ва энди нима қилиш кераклиги Темурга аён бўлди. Темур ташаббусни тезда ўз қўлига олиши кераклигини яхши тушунган. Иик дар’ёси атрофида мустаҳкамланган лагерь тарзида қўниш жойи қилинган. Хандаклар қазилиб, тур ва чопорлар (кatta хандақ қалқонлари) қўйилган. Қўшиннинг ҳаммаси этиб келгандан кейин, барча қисмларнинг юриш ва жангга тайёргарлиги бир сидра кўздан кечирилиб, текширилгандан сўнг Темур аскарларни сафга тизиб, душманга қарши отланишга буйруқ берган.

Тўхтамиш яқин жойда турганлигидан авангард, қоровуллар ва хабаргири (разведка) устига жуда оғир вазифа тушган. Тўхтамишнинг отрядлари ҳақида бирин-кетин хабарлар келиб турган. Темурнинг қўриқчилари ва разведка отрядларининг ишлари тўғрисида, айниқса баҳодир амир Ику-Темур блан бўлган воқиа ҳақида Низомиддин Шомий ва Шарафиддин Али Яздий муфассал гапирадилар. Темурнинг топширигини бажариш пайтида Ику-Темур Тўхтамишнинг қўриқчи қўшунлари блан тўқнаш келиб, қаттиқ жанг қилган ва бу тенгсиз жангда ҳалок бўлган. Тўхтамишнинг тутган тактикаси тобора ма’лум бўлаборган; Тўхтамиш, Темур ўзининг асосий базаларидан узоқлашган сари унинг озиқ-овқат запаслари камаяборади ва жангчилари ҳам ҳолдан тояди, деган тўғри фикрга асосланиб, Темур қўшинларининг тинкасини қуритиш пайига тушган. Темур Тўхтамишни мумкин қадар тезроқ тўхтатиб, уни жанг қилишга мажбур этиши керак эди. Шу мақсад блан Темур мирзо Умар Шайхга¹ 20.000 кишидан иборат отряд блан йўлга чиқиб, Тўхтамишни топиш ва унинг қўшинини жанг қилишга мажбур этиб, тўхтатиб туришини буюрган. Мирзо Умар Шайх Тўхтамиш авангардини жанг қилишга мажбур этиб, Темурнинг топширигини бажарган. Бу хабар Ўрта Осиёли амирни жуда қувонтирган. Темур шахсан ўзи 1391 йил 18 апрельда жуда катта армияни жанговар тартибда саф-

¹ M. Chatmoy, ўша асар, 212—213 бетлар.

лаб, юқорида кўриб ўтганимиздек, уни бир-биридан мустақил ва лекин Темурнинг ўзига итоат қиласидиган 7 кулга (жанговар корпузларга) бўлган. Ҳозирги Куйбишев областидаги Черемшан дар'ёсининг ирмоғи Кундуруча дар'ёсидаги Кундуруча ёки Кундузча деган жойда ўша вақтдаги машҳур жанг бўлган.

Бу жанг манба'ларда муфассал тасвиirlанган ва қўшиннинг жанговар тартиби масаласини мен юқорида айтиб ўтган эдим. Бу жангда ниҳоят кўп қон тўклиб, унинг айрим участкаларида гоҳ у томоннинг, гоҳ бу томоннинг қўли баланд келиб турган, лекин охири Тўхтамиш батамом тор-мор қилинган. Шарафиддин Али Яздийнинг образли қилиб айтишича, «(Тўхтамишнинг — А. Я.) олд томонида Итиль дар'ёси орқа томонида эса ҳалокатли қилич тураган эди»¹.

Темурнинг Кундуруча водисида Тўхтамишни енгиши натижасида жуда катта ўлжа қўлга тушган. Низомиддин Шомийнинг айтишича², пиёда аскарлар 10—20 тадан от, бир отли суворилар эса — 100 ва ҳатто ундан ҳам кўп от блан уйларига қайтганлар; чорванинг бошқа турлари, жумладан, қўй-эчклиарнинг сон-саноғи йўқ эди. Темур ва унинг аскарбошлиқларига теккан ҳисса эса айниқса кўп бўлган. Шахсан Темурнинг ўзи учун жўнатилган чўри қизлар ва қулбаччалар, Шарафиддин Али Яздийнинг сўзича, 5000 кишидан кўпроқ бўлган³. Темур қўшинни юртига қайтиб келаётганида ҳам йўлда талончиликдан тўхтамаган. Даشتда қўшин Тўхтамиш улусига мансуб бирқанча кўчманчиларга дуч келган ва уларни ҳам талаган. Қизиқ бир тафсилотни айтиб ўтамиз. Шарафиддин Али Яздийнинг сўзича: «Ўша бепоён саҳрода даштилар «кўтарма» (шатра)ларда яшаган. Даشت халқлари бир жойдан иккинчи бир жойга кўчгандарида бу кўтармаларни бузиб ташламайдилар, балки уларни турган ҳолича аравага ортиб жўнайдилар. Темур қўшинлари шу кўтармаларни ҳам батамом босиб олиб, даштиларни саҳрода ян-ялангоч қолдириб кетганлар»⁴.

Темур қайтаётиб, Ёниқ дар'ёсидан кечиб ўтган ва Савронга циққан, уердан Утрорга қараб йўл олган ва сўнг пойтахти Самарқандга жўнаган. Шарафиддин Али Яздийнинг айтишича, 1391 йилги юриш ҳаммаси бўлиб 11 ой давом этган.

Бу юриш блан боғланган қизиқ бир фактни айтиб ўтамиз. Темур лагерида ва Кундуруча (Кундузча) водисида бўлган жанг пайтида Жўжи Улусига мансуб учта муҳим одам бор эди. Уларнинг бири — Кунча ўғлон (шаҳзода), иккинчиси — Темур Кутлуғ ўғлон (шаҳзода) ва учинчиси — амир Идигу эди. Булар Тўхтамишга душман бўлиб, Темурдан мадад истаб, унинг паноҳига:

¹ В. Г. Тизенгаузен, кўрс. асар, II т., 171 бет.

² Низомиддин Шомий, Таңег нашри, 125 бет.

³ В. Г. Тизенгаузен, ўша асар, II т., 172 бет.

⁴ В. Г. Тизенгаузен, ўша асар, II т., 172—173 бетлар.

келган әдилар. Броқ Жүжи Улуси даштларида уларнинг бошқа ниятлари бўлган, Тўхтамиш енгилгандан кейин, бу шаҳзодалар ва амир Идигу қулай баҳона топиб, Даشتни Қипчоққа қайтиб кетганлар.

Фақат Кунча ўғлон ва'дасига вафо қилиб, Темур ҳузурига қайтган, лекин буерда узоқ турмаган. Тез орада у яна Темур Қутлуғ ҳузурига қочиб кетган.

3

Тўхтамишнинг 1391 йилги маглубияти қанчалик оғир бўлмасин, на Тўхтамишнинг ва на унинг давлатининг тақдирини бу мағлубият ҳали узил-кесил ҳал қилмаган эди. Тўхтамишнинг курашни давом қилдириш учун ҳали етарлича ресурслари бор эди. Бунинг учун ирова ва зўр ғайрат керак эди. Тўхтамишда ҳар иккаласи ҳам бор эди. Темур 1391 йилги жангдан кейин, Эронда ва Закавказъеда истилолар блан банд бўлган вақтда Тўхтамиш Озарбайжонда яна қилғилигини бошлаш учун куч тўплайбошлади ва Темур блан қат'ий тўқнашиш учун очиқдан-очиқ йўллар қидирди. Араб авторлари ал Макризий¹, ал Асадий² ва ал Айний³ларнинг ҳикоя қилишларича, 1394 ва 1395 йилларда Тўхтамиш Миср сultonи ал Малик аз Зоҳир Беркук блан қандай бўлмасин яқинлашиш йўлини қидирган ва уни ҳар икки томон учун ҳам бирхилда хавфли бўлган Темурга қарши кураща ёрдам беришга ундаган. Шу нарса характерлики, Олтин Үрда блан Мисрдаги мамлуклар давлати умумий душман пайдо бўлгандан кейингина бир-бирлари блан яқин алоқа боғлаганлар. Ҳалокуларнинг қудратли давлати ҳукм сурган даврда (1335 йилгача) Олтин Үрда хонлари мамлуклар Мисри блан бажонудил яқинлашганлар, ҳолбуки Мисрнинг бир ўзи ҳалоку хонларининг да'воларига қарши туралмас эди. 1335 йилдан кейинги (Ҳалокулар давлати шу 1335 йили йиқилган) ярим аср давомида дипломатик алоқалар жуда кам бўлган, чунки ҳар икки мамлакат учун ҳам бундай алоқанинг сиёсий жиҳатдан унчалик аҳамияти қолмаган. XIV асрнинг 80-нчи йилларидан бошлаб, я'ни Темур ҳар иккала мамлакат учун хавфли бўлиб қолгандан кейин эса вазият тамомила ўзгарган.

Шу йиллари Тўхтамиш Литва блан яқинлашиш йўлини қидирган. Тўхтамишнинг элчилари 1393 йилда Литва улуғ князи Витовт (Витольд) нинг укаси — поляк короли Ягелло қабулида

¹ В. Г. Тизенгаузен, кўрс. асар, I т., 442 бет.

² В. Г. Тизенгаузен, кўрс. асар, I т., 448 бет.

³ В. Г. Тизенгаузен, кўрс. асар, I т., 531 бет.

(Краковда) бўлганлар¹. Москванинг Литва блан иттифоқ тузишига йўл қўймаслик кераклигини Тўхтамиш яхши тушунарди. Москва блан Литва ўртасидаги чегара ерларига оид жанжалларда, шунингдек, устунлик масаласида Тўхтамиш очиқдан-очиқ Литва князини қўллаб-куватлаган. Тўхтамиш 1393 йилда Ягелло номига юборган ёрлиғида, агар Литва менинг суворен эканлигимни тан олса ва менга хирож тўлайдиган бўлса, Москва блан Литва ўртасидаги ер жанжалларида Литванинг олий ҳуқуқларини қувватлаб чиқаман, деган. Темур 1394 йилнинг кузида — Шекида (ҳозирги Совет Озарбайжонида) турган пайтида, Тўхтамишнинг қўшини Дарбандан ўтиб, Ширвоннинг шаҳар ва қишлоқларини талашибошлади, деган хабар келган. Темур Тўхтамиш блан тўқнашиш муқаррар эканлигини ва уни кечиктиришдан фойда йўқлигини билиб, юришга тайёрланиш тўғрисида ўз қўшинларига буйруқ берган. Темур қўшиннинг уруш анжомлари ва қурол-яроғларини бир кўздан кечириб, кейин аскарбошликларига катта совғалар (укулька) улашган ва ўз қароргоҳини уруш ҳолатига қўчирган. Шу муносабат блан маликаларнинг бир қисмини болалари блан бирга Султонияга жўнатган. Бошқаларга қараганда ҳурматлироқ иккита хотинини — Сарой Мулк Хоним блан Туман-огани Самарқандга юборган. 1395 йил февральда у Тўхтамишга қарши Дарбандга қараб юришга буйруқ берган. Шарафиддин Али Яздийнинг сўзича, турк урф-одатига кўра, сўл қанот² қўшиннинг олдида юрадиган бўлган. Темур йўлда кетатуриб, уруш ҳаракатлари вақтидаги қонун-қондаларга тўғри амал қилишин айтиб Тўхтамиш ҳузурига элчи юборган. Темур, дипломатик ёзишмалар ва гапларнинг нозик томонларини яхши биладиган ақлли ва тажрибали Шамсиддин Олмалиқни элчи қилиб жўнатган.

Темурнинг элчиси Тўхтамишнинг лагерига келиб, Темур хатини унга топширган ва Темур айтганларини унга бирма-бир баён қилиб берган. Тўхтамиш, Шарафиддин Али Яздийнинг сўзича, Темур блан ярашмоқчи бўлган, броқ ўз амирларининг та'сирি блан, правардида, фикри ўзгариб қолган ва Темурга топшириш учун қўпол иборалар блан ёзилган хатни элчи қўлига берган³. Шамсиддин Олмалиқ Темур ҳузурига етиб келган вақтда, у Самур дар'ёси водисида лагерь куриб ўрнашган эди. Элчи Тўхтамиш блан қилган музокараларининг натижасини щу ердаги қароргоҳда Темурга айтиб берган. Самур водиси Эльбрус тогига яқин жойда эди. Темур ўз қўшинларини жанговар тартибда саф тизган, Али Яздийнинг сўзича, қўшиннинг сўл қаноти Эль-

¹ В Spuler. Die Goldene Horde, Leipzig, 1943, 131—132 бетлар.

² В. Г. Тизенгаузен, ўша асар, II т., 174 б.

³ Низомиддин Шомийнинг айтишича, Тўхтамиш ўзининг жавоб хатида узр сўраб ярашнинг тайёр эканлигини билдирган (Низомиддин Шомий. Таугаш нашири. 158 б.).

брус тоги этагигача, ўңг қаноти эса Күлзум (Каспий) дengизигача бориб етган¹.

Аслини олганда Темур Тұхтамишнинг бундай қупол жавоб берғанлығыдан хурсанд бўлган, чунки бу хатни баҳона қилиб, уруш очиши мумкин эди. Темур қўшинни ма’лум жанговар тартиба мувофиқ сафга тизиб, я’ни рангларга (мурчил) бўлиб, йўлга тушган. Шу тариқа туманбегилар, мингбошилар ва юзбошлилар ўз отрядларига бошчилик қилиб, бирин-кетин йўлга равона бўлганлар. Темур қўшини Дарбанд довонидан ўтиб, кайтаклар ўлкасига кирган. Қайтак халқи азалдан шу ерда яшаб келган. Кайтаклар Тұхтамишнинг актив иттифоқчилари эди. Темурнинг кайтаклар юртини хонавайрон қилиб, уларнинг ўзини қириб ташлаши учун шунинг ўзи ҳам кифоя эди. Қайтаклар яшайдиган қишлоқларнинг кўпчилигига ўт қўйилиб, уларнинг кўпи қириб ташланди ва асир олини. Темур Доғистоннинг Дарбанддан 4 кунлик йўл наридаги Тарки (Тарху)² шаҳрига етиб келиб, шуерда лагерь қурган, бу вақтда Темурга, Тұхтамиш амир Қозончи бошчилигига кучли авангард юбориби, деган хабар келган. Темур шахсан ўзи катта бир отрядга бошчилик қилиб, душманга қарши отланиб чиққан ва уни ҳайдаб юборган.

Бир-бираига душман икки армиянинг Терек дар’ёси водисидаги ҳаракатини Шарафиддин Али Яздий бадиий равишда тасвиirlаб берган. 1395 йил апрель ойининг ўрталарида ҳар иккала армия дар’ё бўйида бир-бирларига рўбарў бўлиб турдилар. Асрлардан бери давом қилиб келаётган ҳарбий традицияга батамом мувофиқ равишда, Темур мустаҳкамланган лагерь учун жой танлаш ва шуерда катта қўшинни жойлаштиришни ўз тавачиларига буюрган. Лагерьнинг атрофида хандақлар қазилиб, қозиқлар қоқилган ва окоп қалқонлари (чопорлари) қўйилгак, бу хандақлар кетидан иккичи, ташқи хандақ қазилган. Лагерьнинг ичидаги жантчиларга шовқин-сурон қилиш ва ўёқдан-буёққа юриш ман’ этилган, шу блан бирга, душман яқинлашиб келаётганида Темур қўшини шуердалигидан бехабар бўлсин учун кечалари олов ёқиш тақиқланган.

Илк ўрта аср ҳарбий техникаси шароитида лагерь атрофида окоп қалқонлари блан гов тутиш жуда катта аҳамиятга эга бўлган. Шу нарса ҳарактерлики, буерда ҳақиқатан жуда эски традициялар намоён бўлган. Асрлари IX асрнинг дастлабжи манбалари қаторига кирган авторлар, Гардизий (XI а.) ва Шараф аз Замон Тоҳир ал Марвазий (XII а.) нинг айтишларича, хазар қўши-

¹ Эльбрус блан дengиз ўртасидаги масофа, Шарафиддин Али Яздийнинг айтишича, 5 фарсахга баравар бўлган. Лекин бу ақлга сифмайди. Низомиддин Шомий, төр этакларидан дар’ёгача, я’ни Самур дар’ёсигача 5 фарсах бўлган дейди. Бир фарсах — 6 км.

² Хазар-Самандарнинг қадимги пойтахти бир вақтлар шу ерда бўлган бўлса керак.

иниңг отлиқ жангчилари икки зира узунлигига 20 та қозиқ, йўғон арқон ва алоҳида қалқонларни ҳар доим ўзлари блан бирга олиб юрганлар. Кўшин душманга яқин жойда кечаси лагерь куреб жойлашадиган бўлса, жангчилар дарҳол қозиқлар қоқиб, уларга окоп қалқонлари (чопорлар)¹ни ғов қилиб қўйганлар. Тўхтамиш кечаси Темур лагерига ҳужум қилишга жур'ат этаолмаган, аммо эртасига, чоршанба куни, 1395 йилнинг 15 апрелида ўша замоннинг энг йирик жангларидан бири бошлиланган, бу жанг фақат Тўхтамишнинг тақдирини ҳал қилиб қўяқолмай, шу блан бирга, бутун Олтин Ўрда тақдирини, ҳарҳолда, унинг улуғ давлатчилик ма'носидаги аҳволини ҳал қилган.

Темур 1391йилдаги жанг вақтида қандай жанговар тартибда урушган бўлса, бу сафар ҳам худди шундай тартибга амал қилди. Уз қўшинини 7 кул (корпусга) бўлган. Бу жангда пиёда аскарлар катта роль ўйнаб, мудофаада ғоят мұхим аҳамиятга эга бўлган. Низомиддин Шомий ва Шарафиддин Али Яздий асарларида бу жанг жуда муфассал ҳикоя қилинади. Шарафиддин Али Яздий асосан Шомийнинг текстини такрорлаб, кўпгина ажойиб қўшимча тафсилотлар ҳам келтирган.

Бутун фронт бўйлаб ҳали жанг авжга кирмасдан, Тўхтамишнинг жуда катта кучлари қўшиннинг сўл қанотига ҳужум қилиб келмоқда, деб Темурга хабар қилинган. Темур ихтиёрида саралangan 27 қўшин резерв бўлиб турарди. Сўл қанот отрядлари мушкул аҳволга тушиб қолган пайтда, Темур уларга ёрдамга келган.

Душман чекинишга мажбур бўлган; Темур қўшинларининг бирнеча баҳодир йигитлари қочиб бораётган душман орқасидан қувиб, анча узоққа кетганлар. Бу аҳволдан хабардор бўлган душман ўзини тезда ўнглаб олиб, яна катта куч блан орқадан келаётганларга ташланган ва Темурнинг жангчиларини қисабошлаган. Бу бир группа баҳодирлар атрофида ҳар икки томоннинг янгидан-янти кучлари тўпланиб, ғоят шиддатли ва катта жанг бўлганлигини Шарафиддин жуда моҳирлик блан ҳикоя қиласди. Темур қўшинидан жанг бўлаётган етиб келган ҳарбир янги группа аскарлар дарҳол отларидан тушиб, арава ва қалқонлардан ғов — таянч пункtlари ясаганлар. Жангчилар бир оёқлари блан тиз чўкиб, душманлар устига камонлардан ўқ ёғдириб турганлар. Жанг жуда қизиб кетган бир пайтда, асосий кул (корпус)даги мирзо Муҳаммад Султоннинг яхши қуролланган қўшинлари Темур отрядларига ёрдамга етиб келган. Улар отда шиддат блан шундай қаттиқ атака қилганларки, душман саросимага тушиб, тумтарақай қочиб қолган. Бу ғалаба бошқа қисмларлаги аскарларни ҳам руҳлантириб юборган. Бу жанг бораётган пайтда

¹ Гардизий [В. В. Бартольд ҳисоботи, 96 бет (форсча текст)] — А. л.-М. а. р. вазий, В. Минорский нашри, 21 бет (эрраб. текст).

Тұхтамишнинг сүл қанотидаги канбул Темур құшинининг ўнг қанотидаги құшинга ҳужум қылған, уни анча әзіб қўйған, бу құшинга Темурнинг әңг яхши амирларидан бири амир Ҳожи Сай-Фиддин қўмондонлик қиларди. Тұхтамиш жангчилари Сайфиддин қўшинига орқа томондан ўтиб, қаттиқ зарба берган. Лекин Ҳожи Сайфиддиннинг шахсан ўзи қўмондонлик қилған бутун туман жангчилари отдан тушиб, ўзларини қаҳрамонларча мудофаа қилғандар. Душман уларнинг қаршилигини синдириш учун зўр бериб ҳаракат қиласа ҳам, лекин уддасидан чиқаолмаган ва Темур жангчилари камонлардан ўқ ёғдириб, тұхтамишчиларнинг ҳарқандай атакасини қайтариб турғандар. Ниҳоят, Жононшоҳ баҳодир тумани блан бирга жанг майдонига ўзини уриб отлиқ атака қилған. Унинг кетидан мирза Рустам блан Умар Шайх ўз туманлари блан келиб, жангга киришиб кетган. Тұхтамишчилар шиддатли ҳужумларга бардош бераолмай, тұмтарақай қочабошлагандар. Тұхтамишнинг бутун сүл қаноти синдирилиб, улоқтириб ташланған. Шу тариқа, уруш майдонида бир участкадан кейин иккинчиси Темур қўлига ўтабориб, натижада бу улуғ жанг Тұхтамишнинг қочиши блан тамом бўлған. Ибн Арабшоҳ бу жангни бирқадар бошқачароқ тасвирлайди. Унинг ҳикоя қилишича, Тұхтамишхон қўшинининг ўнг қанотидаги амирлардан бири бошқа бир амир блан жанжаллашиб қолиб, жанг майдонини ташлаб чиққан ва Оқтов номли қабиласини ўзи блан бирга олиб кетган. Бу қабила ғарбдаги ар Рум ерларига кетиб, Адрианополь яқинидаги қишлоқларда ўрнашган. Бу хиёнат Тұхтамишнинг кучини заифлаштириб, унинг қолған қўшини ораснда катта шов-шув ва саросимага сабаб бўлған¹. Буерда амир Оқтов кўзда тутилған бўлса керак, унинг хатти-ҳаракатини Шарафиддин Али Яздий бошқачароқ тасвирлайди. Тұхтамиш қўшинлари чекинганда ҳатто ма’лум бир тартиб сақтайолмаган ҳам, унинг айрим қисмлари бир-бирлари блан алоқа қилаолмаган, тумаплар бўлса, майда-чўйда бўлакларга бўлинниб кетиб, тартибсиз ҳолда қочабошлаган. Темур Тұхтамишхоннинг қароргоҳида ташлаб кетилған жуда катта бойлик ва хазинани қўлга туширган. Темур жангда алоҳида иш кўрсатган аскар бошлиқлари ва жангчиларга катта-катта совғалар бериб, қўшинини бирқадар бошқатдан қурған ва қўлидан яраланған Мироншоҳни (жанг вақиғида отдан йиқилиб қўли синган эди) юклар туширилған жойда катта отряд блан қолдириб, ўзи Тұхтамишни тутиб асир қилиб олиш ҳамда унинг қолған-қутган аскарларини йўқ қилиб ташлаш учун унинг орқасидан қувиб кетган. Темур сараланған қўшия блан кечакундуз’ демай йўл юрган.

Туратура ёнида Итиль (Волга) дар’ёсининг сүл қирғонига ўтган, аммо Тұхтамишни қўлга тушираолмаган. Шарафиддин

¹ В. Г. Тизенгаузен, ўша асар, I т., 465 бет.

Али Яэдийнинг айтишича, Темур Ўрусхоннинг ўғли Қайрикоқ ўғлонни ўзи блая бирга олиб юриб, уни Тўхтамишнинг ўрнига Жўжи Үлуси таҳтига хон қилиб ўтқазмоқчи бўлган¹. Темур Қайрикоқ ўғлонга ўзбеклардан кучли отряд бериб, уни олтии камар ва кимхоб тўн блан мукофотлаб, шунингдек, унга хонлик белгиси топшириб, қўшин тўплаш ва Олтин Ўрдада тартиб ўрнатиш учун уни Волганинг сўл қирғоғига жўнатган. Тўхтамишнинг бу рақибининг тақдири шундан кейин нима бўлганлиги ҳақида кам ма'лумот сақланиб қолган. Волганинг сўл қирғоғида у нима ишлар қилганлиги ҳам бизга нома'лум. Кейинги манба'ларда қисқа изоҳлар тариқасида сақланиб қолган ба'зибир ма'лумотларга кўра, у тез орада вафот қилган².

Қайрикоқ ўғлонни Волганинг сўл қирғоғига юборгандан кейин, Темур Олтин Ўрданинг Укек (Ўвек) деган шаҳарига борган ва бу шаҳарни ҳамда унинг атрофидаги жойларни талонторож қилган. Хуллас, Темур Тўхтамиши қидириб тополмаган. Олтии Ўрданинг баттол хони ўзига яқин турган бирнеча содик одамларини олиб, Булар (Булғор)га қочган. Юқ аравалари ёнида қолдирилган Мироншоҳ Темурдан ажралгиси келмай, қуйи Волганинг Юлуқлик-Узуқлик деган жойида отасига келиб қўшилган.

4

Тўхтамишнинг қочиши Темурни рапжитган, чунки территорияларнинг кенглиги ва унда ресурсларнинг кўплиги туфайли, Тўхтамишнинг орадан бирқанча вақт ўтгандан кейин қўшин тўплаб, яна кураш бошлашини Темур яхши билар эди. Ана шу сабабдан Темур Олтии Ўрданинг Днепр (Ўзи) томондаги ғарбий улусларига боришига қарор берган, чунки Тўхтамиш амирларидан ба'зিбирлари, жумладан, Терек дар'ёси бўйидаги жангда қатнашган Бек Ериқ ўғлон³ ва Оқтов шу ерларда яширган эдилар.

Бу юриш кўп вақт талаб қилиши, Темур эса Мовароуннаҳрини ва истило қилинган шаҳарларини ўз ҳолига ташлаб қўйишдан, шунингдек, Эрои областъларини назоратсиз қолдиришдан хавотирланганилиги сабабли, невараси Пир Муҳаммад бошчилигига Шерозга қўшин юборган. Самарқандга эса туманбеги Шамсиддин баҳодирни жўнатган. Ўзи (Днепр) дар'ёсига бориб етгач, Темур Бек Ериқ ўғлон, амир Оқтов ва Темур ўғлон қўл остидаги ерларни талаб, хонавайрон қилган. Амир Оқтов блая Темур ўғлон Днепрнинг нариги ёгидаги ўз душмайлари бўлган амир Хуррам-

¹ В. Г. Тизенгаузен, ўша асар, II т., 178 б. Шарафиддин Али Яэдий, *Bibliotheca Indica* нашри, I т., 755 ва ундан кейинги бетлар.

² XVII аср бошлирида ёзган Ҳайдар Розийнинг асарида шундай дейилган (қаранг: В. Г. Тизенгаузен, ўша асар, II т., 214 бет).

³ Борачарнинг ўғли.

дай ҳузурига қочиб боргандару, лекин уерда жон сақлашнинг иложи бўлмаган. Шундан кейин улар Рум чегарасига ўтиб, Исраяк¹ деган жойга бориб яширгандар ва унда бироз вақт турганлар. Темур Тан (Дон) дар'ёси томонга қайтиб, қўққисдан шимолдаги рус шаҳарлари ва волостълари устига отланган. Темурнинг шимолга, қадимги Русънинг маданий областъларига боришига нима жалб қилган эди².

Ўрта Осиё ва Эроннинг бошқа ҳукмдорлари сингари, Темур ҳам рус ишларини яхши билмас эди. Мусулмон халқлар яшайдиган Ўрта Осиё ва Олд Осиёнинг географияси ва тарихини яхши билган Темурнинг Русь юрти тўғрисида, рус князъликлари ва Москва тўғрисида ҳатто жуда элементар ма'lумоти ҳам йўқ эди. Русларнинг юрти тўғрисида бирқадар ҳақиқатга тўғри келадиган тарихий-географик тасаввурлар Олтин Үрдадан нарига, я'ни Ўрта Осиё Шарқига бориб етмаган эди. Ана шу сабабдан мусулмон мамлакатларининг ва ҳатто христианлар яшаган Закавказье-нинг тарихи ҳақида ғоят бой фактик материалга эга бўлган XV аср мусулмон (эрон ва араб) историографиясидан биз Русь тарихига доир қизиқ ва қимматли ҳечнарса топаолмаймиз. Ундан биз ҳатто тўғри географик номенклатуруни, шу жумладан, рус шаҳарларининг тўғри номларини ҳам топмаймиз. Низомиддин Шомийнинг сўзича, Темурнинг жангчилари талаган Қорасув деган рус шаҳри қанақа шаҳар эканлигини билмаймиз.

XV асрнинг рус историографиясида бошқа аҳволни кўрамиз. Рус йилномалари — София ва Никон йилномаларида Ўрта Осиё ва Олд Осиёда бўлиб ўтган воқиаларнинг аниқ ва тўғри тасвири-нигина эмас, балки буерлардаги кўпгина областълар тўғрисида аниқ географик ма'lумотларни ҳам топамиз. Олтин Үрдада XIV асрнинг 60—80 йилларидағи тўс-тўполон вақтлар тўғрисида рус йилномасида яхши ма'lумотлар сақланиб қолганлигини биз юқорида кўриб ўтган эдик. Мамай ва Тўхтамиш ким эканлиги тўғрисида рус йилномасида яхши ма'lумот борлигини ҳам кўрган эдик³.

Яна Темурнинг Русь юртига қўшин тортиб боргандилиги масаласига қайтайлик. Низомиддин Шомий³ ва Шарафиддин Али Яздий⁴ нинг хабар беришларича, Темур Машков (я'ни Москва) шаҳри обlastига босиб кирган ва буерда ҳамаёқни хонавайрон қилиб, жуда кўп ўлжа олиб кетган. Рус йилномасида Москва райоnlари тилга олинмаганлигидан, биз бу ма'lумотга ишонаолмай-

Исраяк — ўша вақтда усмон султонларига қарашли Румелия бўлса керак (В. Г. Тизенгаузен, ўша асар, II т., 294 бет).

² В. Г. Тизенгаузен, ўша асар, II т., 161 бет. — форсча текст: Таңег нашри, 121 бет.

³ Низомиддин Шомий, Таңег нашри, 161 бет. — В. Г. Тизенгаузен, ўша асар, II т., 121 бет.

⁴ В. Г. Тизенгаузен, ўша асар, II т., 180 бет.

миз. Шарқ манба'ларида Русь юртиниң географияси хато құрса-тилиб, Рязань ерини Москва князълигининг чегара волостылари блан چалкаштириб юборилган. Шунинг учун рус манба'ларидаги аниқроқ ма'lумотларға мурожаат қылайлик.

Никон йилномасида айтилишича, Темур жуда катта қүшин блан Рязань ерига бостириб кирған ва Елец шаҳрини босиб олиб, «Елец князини құлға туширган, одамларни асир қилиб олған, бошқаларини эса үлгүдек калтаклатган»¹. Бу воқиадан хабардор бұлған улуғ князь Василий Дмитриевич күпдан-күп полқлар түп-лаб, Коломна шаҳрига қараб йўлга чиққан ва Ока дар'ёси орқали үтадиган кечикни әгаллаган. Темур руслар блан түқнашишга жур'ат қымаган ва Рязань ерини талагандан кейин, жанубга қа-раб кетган. Темур Куликово майдонида Мамай блан бұлған жанг-ни эшишиб, юраги бетламаган ва шу сабабдан руслар блан жант қилишига ботинаолмаган бұлса керак. Темур катта үлжалар қўл-га киритиб Куйи Поволжье бўйидаги Бальчимкин шаҳрига бор-ган². Доннинг қуий оқими бўйлаб бориб, у йўлда Азоқ (Азов) шаҳрини босиб олмоқчи бўлған. Азов шаҳри деярли батамом та-ланган, шу блан бирга Шарафиддин Али Яздийнинг айтишича, Темурнинг буйруғига мувофиқ, мусулмонларни бошқа одамлардан (жамоалардан) ажратилиб олиб, қолғанлар «Жиход қиличи»дан ўтказилган, я'ни қириб ташланган³.

Темур Азовдан Кубанъга қараб жўнаган. Шарафиддин Али Яздийнинг айтишича, черкаслар Азов блан Кубанъ ўртасидаги яйловга ўт қўйиб юборғанлар. 7—8 кун давомида Темурнинг отла-ри хашак йўқлигидан қаттиқ машаққат тортган. Қаттиқ разаблан-ган Темур черкаслардан ўч олмоқчи бўлиб, уларнинг бутун улуси-ни хонавайрон қилдирған. Шарафиддин Али Яздий черкаслар деганда кимларни кўзда тутган? Бу умумий термин бўлса керак. Буерда черкаслардан ташқари яна бошқа тоғли халқлар ҳам бўл-ған. Темур мўлжаллаб қўйған қуий Поволжъедан бориш ўрнига, йўлини ўзгартириб, тўсатдан Догистон томонга қараб юрган; Догистонда баланд тоғ устига қурилған ва сра чиқиб бўлмайди-ған Қули ва Тоус деган қал'аларни қамал қилған. Темур фикрича, бу қал'аларнинг ҳукмдорлари унга қарши махфий фитна уюшти-рган. Бургут уяләридек қалтис жойлашған бу қал'аларни қўлға киритмоқ учун Темур лашкарбоши сифатида хўп зўр ақл ва фа-росат блан иш кўриши, унинг жангчилари эса ғоятда мардлик ва жасорат блан ҳаракат қилиши керак эди. Темурнинг жангчилари бир қоядан иккинчи қояга катта нарвонлар қўйиб, юқорига чиқар ва пастга тушар әдилар, улар катта талафотлар беріб, ниҳоят

¹ ПСРЛ, XI, Ніконовск, летоп., 159 бет.

² Бальчимкин ёки Бальжимин — Волганинг қуий оқимядаги ўшқ қир-ғоқда бўлиб, Олтин Үрда шаҳарларидан биридир.

³ В. Г. Тизенгаузен, ўша асар, II т., 180 бет.

Тоус қал'асини эгаллаганлар¹. Темур қал'аларни құлға жиритиб ва унинг эгаларини ўлдириб, Шимолий Кавказдаги Симсим районында қараб юрган, буерда ҳам бирқанча қал'аларни босиб олган.

Темурнинг 1395 йил қиши фаслида Хожи Тархон (Астрахань) блан Сарой Берка устига құшин тортиб борғанлыги алоқида қизықарлы қилип баён этилган. Темур ўз режаларини ҳечкимдан яширмаган. Тұхтамишни Терек дар'еси бўйидан қувлаб борған пайтида, я'ни 1395 йилнинг ёзида қилган дастлабки юриши вақтида Темур Сарой Берка блан Астраханыни емириб ташлашга улгурмаган эди, эндилликда Олтиң Үрданынг бойликлари тўплланган ва унинг қудратли таяничи бўлган бу иккита йирик марказни умрбод йўй қилмоқ учун у жуда катта құшин блан шу томонга қараб йўлга чиқкан.

Қаҳратон қиши фасли эди, Волга дар'есининг устини муз қопланган, шу сабабли Хожи Тархонни дар'е томондан құлға олиш мумкин эди. Шарафиддин Али Яздийнинг² айтишича, шаҳарнинг қуруқлик томондаги қисми қаттиқ мустаҳкамланган эди. Қўргоннинг қурғоқ томонлари ҳарқат-ҳарқатида баланд миноралари бўлган мустаҳкам деворлар блан үралган, деворларнинг ҳар иккала боши айланиб дар'ёга келиб тақалган эди. Дар'е томонда девор бўлмаган. Буерда қуролланган кемалар қўриқчилик қилган. Дар'е музлаши натижасида шаҳарга ўтиб кириш хавфи туғилғанлигидан, Хожи Тархон халқи дар'ёдаги қалин музларни кесиб, ундан девор ясайбошлаган. Муздан ясалган девор устига кечаси сув сепишган. «Муздан шу таҳлитда баланд девор ясаб, улар,— деб ёзади Шарафиддин Али Яздий,— муз деворни шаҳарнинг бошқа девори блан туташтирганлар ва дарвоза ясаганлар. Бу, ҳақиқатда, ажойиб бир қурилиш бўлиб чиқкан ва шу сабабдан уни буерда гапириб ўтилди»³.

Темур шаҳардаги аҳволдан яхши хабардор эди. Ёз вақтидаёқ у Умари Тобон номли амирини буерда қолдириб, унга шаҳарни идора қилишни топшириб кетган эди. Умари Тобон, қалантар (оқсоқол) Мұхаммадий душманлик нияти билан тайёргарлик кўрмоқда, деб Темурга олдиндан хабар берган. Темур ўз құшини блан Хожи Тархонга яқинлашиб келганды, шу қалантар Мұхаммадий унинг ҳузурига пешвоз чиққан. Шунда Темур уни ўзи блан бирга олиб кетмаган, балки уни Пирмуҳаммад, амир Жононшоҳ ва бошқаларга қўшиб Сарой Беркага жўнатган, шу блан бирга, бу амирларга Волга орқали құшин блан ўтаётганингизда қалантар Мұхаммадийни муз тагига чўқтириб юборинглар, деб топширган ва, дарҳақиқат, улар шундай қилғанлар.

Хожи Тархон мустаҳкамланган деворлари бўлишига қарамай,

¹ В. Г. Тизенгаузен, ўша асар, II т., Низомиддин Шомий, 122 бет. Шарафиддин Али Яздий, 181—182 бетлар.

² В. Г. Тизенгаузен, кўрс. асар. II т., 184—185 бетлар.

³ В. Г. Тизенгаузен, ўша асар, II т., 184 бет.

у қаршилик кўрсатмаган. Темур дастлаб шаҳар халқига тегмаслик баҳонаси блан унга хирож солған, лекин кейин уни ўз қўшиниға талаттирган. Шаҳардан кетиш олдида Темур бутун халқни шаҳардан чиқариб, шаҳарга ўт қўйинши буюрган. Астраханъни бартараф қилиб, Темур Сарой Беркага қараб юрган, у ҳам қаршилик кўрсатмаган. Хожи Тархон сингари, Сарой Беркани ҳам Темур ўз жангчилариға батамом талаттирган, Олтин Ўрданинг хароб қилинган пойтахтига ўт қўйилган, афтидан, шаҳарнинг кўпчилик қисми ёниб тамом бўлган бўлса керак. Шу нарса характерлики, Темур қўшин тортиб келгандан кейин, орадан тахминан 450 йил ўтгач, Терещенко Сарой Берка харобаларини Қазиган пайтда, ўша вақтдаги шаҳар кварталларида жуда катта ёнгин бўлганлигининг изларини топган¹. Темур қўшинининг талаб орттирган бойлиги ҳечвақт 1395/96 йил қиши фаслидагидек кўп бўлган эмас.

Шу йили қиши Волганинг этак томснларида ва унинг атрофидаги даштларда шу даражада қаттиқ бўлганки, кўпгина районларда чорванинг анча қисми ҳалок бўлган ва озиқ-овқат маҳсулотларининг нархи жуда ошиб кетган. Масалан, 1 ман тариқ 70 кебек динор турган, бир қўйни эса 250 кебек динорга сотгандар — бу ўша вақтга нисбатан ҳечбир мисли кўрилмаган даражада юқори нарх бўлган. Ма’лумки, олтин ҳисобида бир кебек динор — 50 тийин турган. Кўп жангчилар тавачилар расамади блан улашиб берган ўз ўлжаларини тамом сотиб егаилар, акс ҳолда улар ўз юртларига қайтаётган пайтларида йўлда очликтан ўлиб кетишлари мумкин эди.

Темурнинг 1395 йилда Тўхтамиш устидан қозонган ғалабасининг аҳамияти жуда катта эди. 15 йил давомида Олтин Ўрдага икки марта жуда катта зарба берилдики, бу зарбалар унинг тақдирини ҳал қилиб қўйди. 1380 йилда Куликово майдонида Димитрий Донской Мамайга шу қадар катта зарба берди, тўс-тўполнолар блан ичдан дармонсизланган Олтин Ўрда аввалги қудратини яна тиклаш учун энди қурби етмай қолди. Жўжи Улуси қўшинининг сўл қанотидан, Оқ Ўрдадан чиққан сергайрат Тўхтамиш Олтин Ўрдан яна тиклашга уриниб кўрди.

Олтин Ўрдага иккинчи зарбани Темур берди, Олтин Ўрда улуг давлатчилиги — Мовароуннаҳрга, унинг деҳқончилик қилинадиган воҳалари ва маданий шаҳарларига доимо хавф-хатар эканлигини Темур яхши тушушарди. Бу зарбадан кейин Олтин Ўрда иккинчи даражали бир давлат бўлиб қолган эди.

1935 йилда Темурнинг Тўхтамиш устидан қозонган ғалабаси, Астраханъ ва айниқса Олтин Ўрда пойтахти Сарой. Берканнинг хароб қилиниши ва ёндириб юборилиши фақат Ўрта Осиё ва ўша

¹ В. В. Григорьев. Четырехлетние археологические поиски в развалинах Сарая. ЖМВД. 1847, кн. 9.

вақтдаги жануби-шарқий Европа учунгина эмас, балки Русь учун ҳам жуда катта аҳамиятга эга бўлди. Рязань ерини талонторож қилиб вайрон этган Оқсоқ Темур, гарчи ёвуз қилмишлари блан рус халқи хотирасида ёмон ном қолдирган бўлса-да, аммо Тўхтамишни енгиш блан Рус ерига об'ектив суратда катта хизмат кўрсатган, лекин шундай бўлиб чиқишини унинг ўзи мутлақо пайқамаган.

Соловьев ўша вақтда бундай деб ёзган эди: «Темурланг Олтин Ўрдани тор-мор қилгандан кейин Москва князи учун у узоқ вақтгача хавф-хатарсиз бўлиб қолди; йилномачи, 12 йил мобайнида татар отрядлари рязанъилар чегарасига йиртқичларча уч марта бостириб келганлигини ва шу чегарада жанг бўлганлигини, аммо шунда ҳам, кўпинча, рязанъилар енгиб чиқсанлигини айтади».¹

¹ С. Соловьев. История России, кн. 1-я, т. I—V, 2-е изд, 1029 бет.



ТУРТИНЧИ БОБ

ЕДИГЕЙ ВА ОЛТИН ЎРДАНИНГ БҮЮК ДАВЛАТЧИЛИГИНИ ТИКЛАШ ЙЎЛИДАГИ ИККИНЧИ УРИНИШ

„Айёр ва маккор“...

„Ўрданинг барча амирларини енгиб, бутун подшоликни ёлгиз ўзи идора килди, ўз хохинча истаган кишисини подшо қилиб тайин этди“.

Никон Йианомаси.

Русларнинг 1380 йилда Куликово майдонида қозонган ғалабаси оламшумул-тариҳий аҳамиятга эга бўлди. Бу ғалаба Олтин Ўрдага жуда қаттиқ зарба бердики, шундан кейин у батамом тушкунликка қараб кетди. Тўхтамишнинг Олтин Ўрданинг илгариги қудратини яна қайта тиклаш йўлидаги уринишлари муваффақиятсиз бўлиб чиқди.

Воқиаларнинг боришини тариҳий жиҳатдан бир-бирига боғлаб, шуни э'тироф қилишимиз керакки, Темурнинг 1391 ва 1395 йилларда Тўхтамиш устидан ғалаба қозонишига фақат Моваронунаҳрнинг жуда катта ресурсларга ва Темурнинг ҳарбий-ташкилотчилик талантига эга бўлганлигигина эмас, балки биринчи галда русларнинг Куликово майдонида эришган бүюк ғалабаси сабаб бўлган. Темур Тўхтамиш блан курашган пайтида фақат катта ўлжалар қўлга жиритиш ҳақидагина ўйламаган (Темур талончилик урушлар олиб борганда кўпинча ана шундай катта ўлжалар қўлга туширишни мақсад қилиб қўйган).

Фактларни дикқат блан қараб чиқиб айтиш мумкинки, Темур Олтин Ўрдадаги энг бой ўлкаларнинг — Крим, Шимолий Кавказ ва Қуйи Поволжьенинг иқтисодий қудратини батамом путурдан кетказиши ўз олдига вазифа қилиб қўйган. Темурнинг Олтин Ўрдани тор-мор қилишини Ибн Арабшоҳ жуда образли

қилиб қўйидагича тасвирлайди: «У бутун мол-мулк ва ер-сувни қўлга киритиб, тақсимлаб берди ва олиб кетиладиганини олиб кетди, қўлга туширилган ҳамма бойликни бир ерга тўплаб ўлжани бўлашиб берди, шаҳарни талаш ва асиirlар олишга йўл қўйиб берди, одамларни ҳалокат ва зўравонлик гирдобига отди, уларнинг қабилаларини йўқ қилиб, товушини ўчириди, тартиб-қоидаларни ўзгартиб ва қўлга туширилган жам’и пул, қул ва мол-мулкни ўзи блан бирга олиб кетди. Темурнинг олдиндаги қўшини Азоққа бориб етганда ҳам, у (Темур) Сарой, Саройча, Хожи Тархон ва бошқа ўлкаларни хароб қилиш блан овора бўлди¹.

Броқ Ибн Арабшоҳ бу масалада тўла ма’лумот бермайди. XIV асрнинг охири ва XV асрнинг биринчи ярмида ўтган араб ва эрон тарихчиларида, Темур Қrim блан Кафани² талаган, деган ма’лумотлар бор. Кафани у 18 кун қамал қилиб турган. Азов қаттиқ шикаст еган. Шарафиддин Али Яздийнинг айтицича, Темур Азовни олгандан кейин, мусулмонларни бошқа аҳолидан ажратиб, уларни, қўйиб юборишни буюрган. Файри мусулмонларнинг ҳаммасини Жиход қиличидан ўtkазиб, уларнинг ўйларига ўт қўйиб юбориш ва талашни буюрган³.

Олтин Үрданинг ўша вақтдаги пойтахти Сарой Берканинг фоят даражада хароб қилинганилиги ҳаммага ма’лумдир. Шу форс авторининг сўзича Темур Саройга ўт қўйган⁴. Терешченко нинг бундан юз йил бурун ўтказган қазиш ишлари бунинг тўғри эканлигини тасдиқлади. Шимолий Кавказ обlastълари, айниқса Можор шаҳри, шунингдек, черкаслар ери ҳам қаттиқ вайрон қилинганди ва таланганди.

Поволжье даги Увек ва Астрахань (Хожи Тархон) шаҳарларининг бошига ҳам шундай оғир кунлар тушган. Шарқий Европанинг Олтин Үрда орқали Үрта Осиё ва Хитой блан олиб борган карvon савдосида жуда катта роль ўйнаган, ўрта аср Шарқининг энг яхши шаҳарларидан бири бўлган Хоразм пойтахти — Урганчнинг 1388 йилда варварларча батамом йўқ қилиб ташланганилигини юқоридаги фактларга қўшсак, масала янада ойдинлашади. Темур Қrim, Куйи Поволжье ва Хоразм орқали Европа

¹ В. Г. Тизенгаузен, ўша асар, I т., 466 бет (рус. таржима).

² Қrim, ёки Солхат,— ҳозирги Кўхна Қrim; Кафа ҳозирги Феодосия [қаранг: В. Г. Тизенгаузен, ўша асар, I т., 322 бет (араб. текст), 330 бет (рус. тарж.)—Ибн Дукман; 357 бет (араб. текст), 364 бет (рус. тарж.)—Ибн ал Форат; 428 бет (араб. текст), 442 бет (рус. тарж.)—ал Макризий; II т., 185 бет.—Шарафиддин Али Яздий, «Зафарнома» I т., 776—777 бетлар].

³ Шарафиддин Али Яздий, ўша асар, изд. Bibliotheca Indica, I т., 762—763 бетлар (қаранг: В. Г. Тизенгаузен, ўша асар, II т., 180 бет).

⁴ Шарафиддин Али Яздий, ўша асар, ўша жойда, 775 бет.—В. Г. Тизенгаузен, ўша асар, II т., 185 бет.

блан Хитой ўртасида олиб бориладиган карвон савдосини батамом деярли қўпориб ташлашга ҳаракат қилган. Тўхтамиш енгилгандан кейин бу кенг ва яқингинада бой бўлган ўлкадаги бозорлар ва ҳунармандчилик ишлабчиқариши жиддий суратда орқага кетабошлаган.

XV асрда жануби-шарқий Европага келиб кетган Иосафато Барбаро блан Амброзио Контарини деган венецияли икки кишининг бу тушкунлик тўғрисидаги жуда қимматли ва ишончли ма’лумотлари бизнинг давримизгача сақланиб қолган. И. Барбаро 1436 йилда ва ундан кейинги йилларда Азов блан Астраханъ ўртасидаги татар даштларида бўлган. Темур Астраханъни хароб қилмасдан олдин (1395 йилда хароб қилган деб тахмин қилинади) ипак ва доривор савдоси шу шаҳар орқали бўлган. Товарлар шуердан Азов (Тана)га олиб борилган, сўнгра эса катта қайиқларда Италияга жўнатилган. Барбаронинг айтишича, XV асрнинг 30—40-нчи йилларида бу савдо тўхталиб қолган, Европадан Узоқ Шарққа борадиган товарлар Сурия орқали жўнатиладиган бўлган¹. А. Контарини деган венецияли бошқа бир киши тахминан ўттиз йилдан кейин худди шу жойларга келиб кетган. У 1476 йилда Астраханъда бўлган. Контарини Иосафато Барбаро берган характеристикани тўлдиради: унинг кўрсатишича, аввалги вақтларда Астраханъда катта-катта иморатлар бўлиб, эндиликда уларнинг харобаларигина қолган; Контарини бўлган пайтларда халқ лойдан уй қуриб яшаган. Контарини шаҳар халқи айтганларини далил келтириб, Астраханънинг савдо ишларидаги бурунги ша'н-шуҳрати тўғрисида, Астраханъ бир вақтлар Азов блан катта савдо олиб борганлиги тўғрисида галиради².

Тўхтамиш 1395 йилда Терек дар’еси бўйида катта мағлубиятга учрагандан кейин, ўзига энг содиқ бўлган кишиларнинг кичик бир отряди блан даштга қочиб бекинган. Шарафиддин Али Яздийнинг айтишича, у Булар томонга қараб қочган³.

Булар деганда қайси географик ном кўзда тутилган? Ба’зан Булар Келар (Польша) сўзининг ўзгинаси, дейилади. Лекин «Булгор» сўзининг қўллэзмаларда бузилган шакли бўлса ҳам ажаб эмас. Бу ўринда контекст ҳал қилмоғи лозим. Бу жой «зулмат мамлакати»га яқин туради, деган гап ҳал қилучи аҳамиятга эга. Булар деганда, бизнингча, Булгор ёки Булгорлар мамлакати кўзда тутилганилиги шак-шубҳасизdir.

Афесуски, Тўхтамишнинг ўша 1396 йилда Жўжи Улусида ҳокимиятни яна қўлга олни учун қандай тадбирлар кўрганлиги

¹ Россия тўғрисида четэл ёзучиларининг кутубхонаси, I т., СПб, 1836; И. Барбаро, 94 бет (итальян. текст), 56 бет (рус. тарж.).

² А. Контарини, ўша аср, 169 бет (итальянча текст), 90—91 бетлар (рус. тарж.).

³ Шарафиддин Али Яздий, I т., 756 бет. Калькутта — В. Г. Тизенгаузен, ўша аср, II т., 178 бет.

тұғрисида манба'ларда әрекеттесінде ма'лумот сақланмаган. Броқ шу нарса аәнки, сергайрат Тұхтамиш өзінің сафар ҳам еңгилгандан кейин тиңч қолавермаган, Жұжы Улусида тақтни яна қайтариб олишга интилиб, яна янги күчлар тұплашға зўр бериб киришган. Тұхтамиштың тарафдорлари күп бўлган Қуий Поволжьени қайтариб олиш унча қийин бўлмаган, чунки Темур жануби-шарқий Европада ерлар қўлга киритишни ўз олдига вазифа қилиб қўймаган эди. Кримдаги бой порт шаҳарлари ва ундағы савдо масаласи — бошқа гап. XIV аср охири ва XV асрнинг биринчи ярмида Мисрда тузилган араб тарихий адабиётида Тұхтамиштың 1396 йилда Кримга қўлган юриши тұғрисида қизиқ бир ма'лумот бор. Ал Аскalonийнинг айтишича, 799 ҳижрий йилда (я'ни 1396 йил 5 октябрь болан 1397 йил 23 сентябрь ўртасида) Тұхтамиш болан генуяли франклар ўртасида катта жанг бўлган¹. Ибн ал Форат деган иккинчи бир араб автори Кримда бўлган воқиалар вақтини аниқлайди. Унинг айтишича, Тұхтамиш Кафа шаҳрининг «ҳокими» устига қўшин тортиб борган ва 1396 йил 17 марта уни қамал қўлган².

Уша вақтда Кафа генуялиларга қарашли бўлганлигини ҳар икки автор ҳам та'кидлайди; Темур Олтин Үрданы тортада мор қўлгандан кейин, мамлакат сиёсий жиҳатдан хароб бўлган ва ҳокимиятсиз қолган пайтда, афтидан, генуялилар Кримда ҳокимиятни ўз қўлларига ўтказиб олган бўлсалар керак.

Тұхтамиштың Кримга қўлган юриши тұғрисида рус йилномасида ҳам ма'лумот бор. Никон йилномасида айтилишича, «Уша йили (6906—1398) Катта Үрда подшоҳи Тұхтамиш деңгиз бўйидаги шаҳарларда уруш қўлган»³ Деңгиз бўйи шаҳарлари деганда, албатта, Кримнинг юқорида айтиб ўтилган шаҳарларни тушунмоқ керак. Броқ, рус йилномасида бошқа сана келтирилади: 1396 эмас, 1398 йил деб кўрсатилади. Бу — Тұхтамиштың Кримга қўлган янги юришининг вақтими, ёки юришининг чатоқ кўрсатилган вақтими? Афтидан, чатоқ кўрсатилган бўлса керак. Крим жанг қайси вақтда бўлганидан қат'ий назар, Тұхтамиштың Кримга қўлган юриши унинг Олтин Үрдада ўз ҳокимиятни яна тиклаш йўлида ҳаракат бошлаганлигини кўрсатади. Тұхтамиш ўша вақтда Кафани босиб олиб, уни бироз вақт ўз қўлида тутиб турган, деб ўйлаш мумкин.

Самарқанддаги Темур саройига юборилган ва унда 1404 йилда бўлган Кастилия (испан) элчиси ўзининг кундалмик дафтарида бундай деб ёзган: «Едигүй ана шу Кафа шаҳрига ҳужум

¹ В. Г. Тизенгаузен, ўша асар, I т., 451 бет (араб. текст), 454 бет (рус. тарж.). Ал Аскalonий.

² В. Г. Тизенгаузен, ўша асар, I т., 357 бет (араб. текст.), 364 бет (рус. тарж.); Ибн ал Форат.

³ ПСРЛ, 7, XI, Никоновск. летоп. 167 бет. Бундан кейин Никон йилномасидан далил келтирилади.

қылган, чунки Тұхтамишнинг ўғли шұ шақардан туриб у блан урушгаң әмамлакатта катта зиён етказған; шақар халқи Едигей блан сулҳ тузган, Тұхтамишнинг ўғли эса Темурбек ҳузурига қочиб кеттін!»¹

Тұхтамиш ўз ғалабасининг самараларидан фойдаланаолмады. Олтин Үрдада унға қарши Темур Қутлуғдек жиддий, омадлироқ рақиб пайдо бўлган.

Темур Қутлуғхон Темурхоннинг ўғли бўлган². Темур Қутлуғнинг Темур саройида шаҳзода (ўғлон) сифатида биринчи марта пайдо бўлган вақтини аниқлаш қийин. Темур Тұхтамишга қарши урушлар бошлаган пайтдан э’тиборан, Темурнинг мулозимлари орасида Темур Қутлуғ актив ҳаракат бошлайди. Низомиддин Шомий Темурнинг 1390 йилда Тұхтамишга қарши қылган юришини гапирганды биринчи марта Темур Қутлуғни тиљга олган. Темур Хўжанд дар’ёсидан (Сирдар’ёдан) ўтгандан кейин Темур Қутлуғ ўғлон, Кунча ўғлон ва Шайх Али баҳодир бошчилигига катта отрядни авангард қилиб жўнатгани³.

Шарафиддин Али Яздийга келганимизда, у, 790 ҳижрий йилда (=1388) Темур Хоразмга қўшин тортиб борган пайтда, я’ни иккى йил олдин, Темур Қутлуғнинг Темурда хизмат қилиб турганилигини биринчи марта тилга олган. Сўфиylарнинг Кўнғирот династиясидан чиққан Хоразмшоҳ Сулаймон Тұхтамишга ён босганилигидан ғазабланган Темур унинг адабини бериб қўйиш учун шу вақтда Хоразм устига қўшин тортиб борган эди. Аввалиги урушдагидек, бу сафар ҳам Темур Қутлуғ Кунча ўғлон блан биргаликда Хоразм юришида қатнашган.

Бундан кейин биз Темур Қутлуғ ўғлонни мангит қабиласидан чиққан Оқ Үрда амири Идике (Едигей) блан бирга иш кўрганини биламиз. Темур Қутлуғ ўғлон Едигей блан узоқ вақт бирга бўлган. Уша Шарафиддин Али Яздийнинг айтишича, Темур 1391 йил 19 январьда Тұхтамишхонга қарши юришга чиққан пайтида, ўйлни биладиган одам (йўлбошловчи) ларни амирларга тақсимлаб берган. Темурнинг ўзи бошчилик қылган қўшиннинг марказий қисмидә Темур Қутлуғ ўғлон, Кунча ўғлон ва Идике-ўзбек ана шуидай йўлбошловчилар (қилауз) қилиб тайинланган эди.⁴

Оқ Үрдадан чиққан бу уч амир 1391 йилги юришининг бошидан то охиригача Темурда хизмат қилиб, унинг турли топшириқ-

¹ Рюи Гонзалес де Клавихо. Дневник путешествия ко двору Тимура в Самарканд в 1403—1406 гг. Изд. и перев. И. И. Срезневского, СПб., 1881, 342 бет.

² В. Г. Тизенгаузен, ўша асар, II т., 63 бет. Нома’лум авторнинг, «Муиззал ансаб фи шажарат салотин мўгул» (мўгул султонларининг наслаб шажарасини мақтовори китоб) номли асаридан олинган парчалар.

³ Низомиддин Шомий, Тацег нашри, Praha, 112—113 бетлар.

⁴ В. Г. Тизенгаузен, ўша асар, II т., 159 бет. — Шарафиддин Али Яздий, I т., 499 бет.

ларини бажарғанлар. Кундузча ёнидаги жангда Темур ғалаба қозониб, Тўхтамиш қочиб кетгандан кейин бу уч амир бошқача фикрга тушиб қолганлар, я'ни Тўхтамиш эндиликда улар учун хавфли эмаслигига ва Жўжи Улусига қайтиб бориб, кўчманчи зодагонлар орасида ўзлари учун қулай сиёsat юргизаолишларига кўзлари етгандан сўнг, Темурдан ўз эл-юртларига қайтариши илтимос қилабошлаганлар. Улар Темурга, юртимизга қайтиб борганимиздан кейин (кўйл остилиздаги қабилаларни) йиғиб, уларнинг молу мулки ва чорваси блан бирликда сенинг ҳузурингга олиб келамиз деганлар. Аммо бу гаплар гап бўлиб қолаверган, уларнинг ҳақиқий ниятлари бошқача бўлган. Улар Темурдан ижозат олганларидан кейин, ўйлаган мақсадларини юзага чиқариш ва Жўжи Улуси тахтини Чингиз авлодларидан бўлган Темур Кутлуққа ўтказишга тайёрлик кўрабошлаганлар.

Темур Кутлуғ ҳам, Едигей ҳам Темур ҳузурига қайтиб келмаган, фақат Кунча ўғлон¹гина ўз сўзининг устидан чиқсан, лекин у ҳам, орадан бироз вақт ўтгач, Темурни ташлаб кетиб қолган (бу тўғрида қўйида айтамиз).

Юқоридаги амирларнинг Темурни алдаб кетиб қолганлиги ҳақидаги ма'lумот Ибн Арабшоҳда ҳам бор², броқ бунда фақат Едигей тилга олинади, агар бу ма'lумот ўша вақтда таркиб топган афсонанинг ёзмаси бўлмаса ҳам, адабий жиҳатдан ишланган ма'lумотдир. Темур 1395 йилда Тўхтамишга қарши отланган вақтда Темур Кутлуғ нима иш қилганлигини айтиш қийин. Шу нарса равшанки, Идике(Едигей)нинг қутқуси блан Темур Кутлуғ 1395 йилда Тўхтамишнинг тор-мор қилинишидан фойдаланган ва Олтин Ўрда хонлик ҳокимиятини босиб олиш ниятида зўр бериб ҳаракат қилган.

Шу нарса характерлики, 1395 йилдан кейин Олтин Ўрда ва унда бўлиб ўтган воқиалар тўғрисида рус йилномасида жуда муфассал ма'lумотлар бор. Бу йилномада ба'зибир масала-лар тўғрисида шу қадар тафсилий ма'lумотлар борки, шарқ авторларининг ҳеч биттасида ҳам бундай тўла ма'lумот учрамайди. Рус йилномасининг бунчалик хабардорлиги ба'zan кишини ҳайратда қолдиради. «Йскандар аноними»да айтилишича, Темур Кутлуғ подшолик тахтига ўтириласдан илгариёқ Тўхтамиш Литва князи Витовт ҳузурига қочиб кетган³.

Броқ Тўхтамишнинг Литвага қочиб бориши ва Темур Кутлуғнинг Олтин Ўрда тахтига ўтириши ҳақида йилномада анча аниқ ма'lумот берилган. 1396—1398 йилларда Олтин Ўрдадан

¹ Низомиддин Шомий, 125 бет. — В. Г. Тизенгаузен, ўша асар, II т., 118 бет. Яна: 171—172 бетларни қаранг (Шарафиддин Али Яздий ҳикояси).

² В. Г. Тизенгаузен, ўша асар, I т., 467—469 бетлар.

³ В. Г. Тизенгаузен, ўша асар, II т., 238 бет (форсча текст), 133 бет (рус. тарж.).

ажралиб чиқсан Кримни Тўхтамиш яна қайтариб олиш учун кураш олиб борганлигини юқорида кўриб ўтган эдик. Ўша 1398 йилда Тўхтамиш Рязань князига элчи юборган. Дастребки вақтларда Тўхтамиш ишлари жуда яхши борган: «Ўша йили (1398 й.—А. Я.) Қатта Ўрда подшоҳи Тўхтамиш зўр қувончда эди; у рақибларидан қутулиб бўлгач, ўз номини улуғлаб барча мамлакатларга элчилар юборди»¹.

Броқ Олтин Ўрдада ҳокимиятни қайта тиклаш ишлари айни авж олған бир пайтда «Темур Қутлуғ деган бир подшо Тўхтамишга қўққисдан» ҳужум қилди. «Жанг бошланиб кетди, ва жанг жуда қаттиқ бўлди. Темур Қутлуғ подшо Тўхтамишни енгib, уни ҳайдаб юборди ва ўзи эса Волга бўйидаги Қатта Ўрдага подшо бўлиб олди, подшо Тўхтамиш эса Литва мамлакатларига қочиб кетди»².

Тўхтамиш ўзининг каттакон оиласини олиб, Киевга Витовт ҳузурига келган. Витовт уни меҳрибонлик блан кутиб олган, чунки Витовт ўзининг улуғ давлатчилик сиёсатини амалга оширишда қочқинчидан фойдаланишини кўзда тутар эди. Темур Қутлуғ ўз душманининг Литва князи ҳузурида ҳурматли меҳмон бўлиб ўтиришига албатта хотиржамлик блан қарайолмасди. Литвада Темур Қутлуққа қарши фитна тайёрланадиганлигини Олтин Ўрданинг бу янги хони биларди, бинобарин, бу фитнанинг қандай йўл блан бўлса ҳам олдини олиш ва барбод қилиш керак эди. Ана шунинг учун келаси (1399) йили Темур Қутлуғ Литванинг улуғ князига элчилар юборган: «Қочқин подшо Тўхтамишни, менинг душманимни менга топшир, чунки мен унинг соғ-саломат сенинг паноҳингда истиқомат қилиб турганлигини кўриб, тоқат қилолмайман, уни менга тутиб бер... унинг қўлидаги нарсаларнинг ҳаммасини ўзиннга олиб қол»³.

Витовт бунга рад жавоби берган ва уруш очиш блан дўқ қилган. Дарҳақиқат, у Олтин Ўрдага қарши юриш қилиш учун қўшин тўплайбошлаган. Аслида бу Витовтнинг татарларга қарши учинчи юриши эди. Бу юришларнинг биринчиси 1397 йилда Дон дар'еси водисига ва иккинчиси 1398 йилда Днепр дар'есининг қуви томонига қилинган эди, татарлар етарли даражада жиддий қаршилик кўрсатмаганликлари сабабли ҳар иккала юриш ҳам муваффақиятли чиқсан эди. Ийномачи Витовтга оид фикрларини адабий жиҳатдан ишлаб, унинг режалари тўғрисида сўзлайди ва Литванинг бу мақтандоқ князи номидан қуидаги гапларни айтади: «Татарлар ерини босиб олиш учун борамиз, подшо Темур Қутлуғни енгib, унинг подшолигини босиб оламиз ҳамда унинг бойликлари ва ер-мулкини бўлишиб оламиз. Темур

¹ Никоновек летоп, 167 бет

² Шу жойда.

³ Шу жойда.

Күтлүғнинг Үрда подшолигига: Кафа, Азов, Крим, Азтаракан, Ейиқнинг нариги томонидаги Үрда, бутун дөңгиз бўйи ва Қозонга Тўхтамишини подшо қилиб ўтқазамиз. Буерларнинг ҳаммаси бизники бўлади, подшо ҳам бизники бўлади¹.

Бу сўзлардан шу нарса равшанки, Витовт Тўхтамишни фақат Олтин Үрдагагина эмас, балки Ёйиқ дар'ёсининг нариги ёғидаги Үрдага, я'ни Оқ Үрдага ҳам ҳоким қилиб қўйишни ўз олдига вазифа қилиб қўйган,— бошқача қилиб айтгаңда, Тўхтамишни ўз ноиби сифатида бутун Жўжи Улусининг хони қилиб кўтармоқчи бўлган. Витовт шу йўл блан Үрдани ўзига бўйсундиришни хаёл қилган. Броқ бу нарса ўша вақтдаги кучлар нисбати жиҳатидан олганда, Витовтнинг қўлидан келадиган иш эмас эди. Витовтнинг Тўхтамиш блан «дўстлиги» ва Темур Күтлүғ татарларига қарши кураш Москва блан иттифоқ бўлмай ва ҳатто у блан алоқа боғламай амалга оширилмоқчи бўлган. Витовтнинг Москва масаласида бошқача муддао ва сиёсати бўлган, я'ни у Москва князини кучсизлантириб, Русь ҳисобидан Литва ерларини кенгайтиришни мўлжаллаган. Витовт яхши қуролланган катта қўшин тўплаб, 1399 йилда татарларга қарши йўлга чиққан ва Ворскла дар'ёси бўйида лагерь қурган.

XIV асрнинг охири Литвада ва Русъда қўшинни ўтсоchar қурол блан та'минлашда ҳал қилучи давр бўлган бўлса керак. Никон йилномасида жуда ҳам ифодали қилиб айтилган қўйидаги сатрлар бор: «Уша вақтда Витовт Ворскла дар'ёсининг нариги томонида фидиракларига темир занжирлар ўралган юк араваларида тўп, замбараклар ва ўтсоchar милтиқлар блан қуролланган ҳолда пайт пойлаб туар эди².

Ийлиомачининг айтишича, Темур Күтлүғ Витовтнинг жуда катта қўшинини кўриб, қути учган ва жанг қилишга жур'ат этаолмай, ярашишни таклиф қилган. Шу вақтда Темур Қутлүғ ҳузурига манғит қабиласига мансуб Үрда князи Едигей келган (у амир Идике номи блан юқорида айтиб ўтилган эди). Едигей Темур Күтлүғнинг юрагига далда бериб, унинг ярашиш тўғрисидаги таклифларини бекор қилдиришга ва воқиаларни татарлар учун қулай томонга бирданига буриб юборишга муваффақ бўлган.

Едигей Үрда қўшинига бош бўлиб, Ворскла дар'ёси бўйида Литванинг ҳарбий кучлари ва Тўхтамиш отряди блан жанг бошлигар Ҳозурига манғит қабиласига мансуб Үрда князи Едигей келган. XV асрдаги поляк тарихчиси Длугошнинг сўзига қараганда, Тўхтамиш татарлардан бирнече минг кишини ўзи блан бирга олиб келган³. Витовт немис орденидан ҳам бутун бир дивизион

¹ Никоновск. летоп., 172 бет.

² Никоновск, летоп., 173 бет.

³ I. D l u g o s z. Dziejow Polskich, II т., 495 бет. Krakow, 1868.

аскарлар ёрдамга олган¹. Уруш Темур Қутлуғ ва Едигей ғалабаси блан тамомланган, Витовтнинг қўшини тор-мор этилиб, кўпдан-кўп юқ араваларини ғолибларнинг талон-торожига ташлаб тумтарақай қочгандар. Иилномачининг сўэича, «татарлар ғилдиракларига темир занжирлар ўралган, тўп-замбараклар ва ўтсочар милтиқлар блан қуролланган юқ араваларни, шунингдек, олтин ва кумуш идишлардан иборат жуда катта бойликларни босиб олдилар»². Витовт блан Тўхтамиш, шунингдек, немислар қочгандар. Татарлар уларни кувлаб бориб, Киев ва Литва ерларини хароб қилгандар. Улар Киевдан 3000 сўм миқдорида откуп олгандар, бу ўша вақт ҳисоби блан жуда катта суммани ташкил қилган. Ворскла дарёси водисидаги жанг Тўхтамишнинг тақдирини ҳал қалган. Шундан кейин Тўхтамиш Олтин Үрдада ҳокимиятни ўз кучлари блан қайта тиклайолиш даражасида ҳечқачон бош кўтариб чиқаолган эмас.

Жўжи Улуси тўғрисида қизиқ ва қимматли, лекин хронологияда ҳарвақт хато ма'lумотлар беручи «Искандар аномими» номли асарда (автори Муниниддин Натанзий) Тўхтамиш «800-ничи хижрий йилда (=1397 йил 24 сентябрьда — 1398 йил 12 сентябрьда) Тулинда³(Тюменъда) ўз ажали блан вафот этди» дейилади.

Бу ма'lумотда санадан бошқа ҳаммаси тўғри. Рус манба'ларида ҳам Тўхтамиш Тюменъда ўлган, дейилади. «Искандар аномими» ҳеч бўлмагандан, 7—8 йилга хато қилган, чуники, Шарафиддин Али Яздийнинг айтишича, Тўхтамиш 807 ҳ. йилнинг Ражаб ойида (=1405 йил январь), Темур вафот этмасдан бирнечча ҳафта бурун, ўзининг энг эски навкарларидан бири бўлган Қора хўжани Утрор шаҳрига Темур ҳузурига элчи қилиб юборган⁴. Шарафиддин бу элчининг юборилишидан кузатилган муддаони галирар экан, Тўхтамишнинг аввалги сафдошлар томонидан ташлаб кетилганлигини ва шундан кейин у чўлу биёбоналарда нима қилишини билмай тамомила сарсон-саргардон бўлиб юрганлигини айтади.

Бу элчининг юборилиши тасодифий бўлмай, балки Темур блан Тўхтамиш ўртасидаги муносабатлар ўзгарганлиги сабабли юборилганлиги ўша вақтда Самарқандга Темур саройига юборилган Қастилия элчиси Рюи Гонзалес де Клавихо айтганиларидан кўриниб туради. Клавихонинг айтишича, «Татарлар императори Тўхтамиш блан Темурбек ярашиб, ҳар иккаласи биргаликда Эдигуйни алдамоқчи бўлганлар». Қўйида яна Клавихо уларнинг муносабатларидағи бу ўзгаришни қайта тасдиқлайди:

¹ Spiegel. Die Goldene Horde, 1943, 138 бет.

² Никоновск. летоп., 174 бет.

³ В. Г. Тизенгаузен, ўша асар, II т., 237 бет (форсча текст), 133 бет (рус. тарж.).

⁴ Шарафиддин Али Яздий, II т., 647 ва ундан кейинги бетлар.

«Тұхтамиш ва унинг ўғиллари Темурбек блан алоқада бўлганлар ва дўст бўлиб яшаганлар»¹.

Броқ Тұхтамиш Ворскла дарёси бўйидаги жангда енгилгандан кейин Едигей унга ҳеч тинчлик бермай, ҳамма ерда уни тақиб қилиган. Ибн Арабшоҳнинг гапича, «иш шунгача бориб етганки, Едигей блан Тұхтамиш 15 марта жанг қилиб, (шу блан бирга) гоҳо Едигейнинг, гоҳо Тұхтамишининг қўли баланд қелган»². Ўнолтичи жангдан кейингина Идике узил-кесил ғалаба қилган, Тұхтамиш эса «ҳалок бўлган»³.

Уша вақтда Едигейнинг ҳарбий жиҳатдан қанчалик кучли бўлганлиги яна уша Қлавихонинг сўзларидан кўриниб турибди: «Уша Едигейнинг Үрдасида доимо икки юз мингдан ортиқроқ суворилар бўларди»⁴.

«Искандар аноними» нинг Тұхтамиш ўз ажали блан ўлган деган ма’лумотининг қанчалик тўғрилигини билиш қийин. Бундан қат’и назар Русь юрти ва Мовароуннаҳр халқлари бошига кўпдан-кўп ташвиш ва кулфатлар солган Тұхтамиш 1405 йилнинг январида Утрорга Темур ҳузурига ўз элчисини юборгандан кейин, тез орада, тарих саҳнасидан батамом тушиб қолган.

Едигей рус историографиясида Үрда ҳокимлари ичиде энг маккор ва йиртқичларидан бири деб айтилиб келинади. Бу фикр XIV аср охири ва XV аср бошларидаги рус-татар муносабатлари тарихига доир энг қимматли ва энг тўла манба’ ҳисобланган рус йилномасида бор. «Энг қимматли ва энг тўла» манба’ дейишлишининг сабаби шуки, шарқ (араб ва форс) манба’ларида рус-татар муносабатлари ҳақида деярли ҳечнима айтилмаган ва уларда Едигей фаолиятининг дастлабки ва сўнгги даврларига оид муҳим ма’лумотлар бор, қолган қисмида эса Олтин Үрдадаги вазият ва унинг (Олтин Үрданинг) Ўрта Осиё ҳамда Кавказ блан олиб борган муносабатлари тўғрисида гапирилади, холос. Шу нарса характерлики, шарқ манба’ларида Едигей нохуш сўзлар блан тилга олинган ва уни ва’дасига вафо қилмайдиган восиқаси йўқ одам, дейилади. Бу масалада Ибн Арабшоҳ бир даражада бошқача фикрда бўлган, у Темурни жуда ёмон қўрганлиги сабабли, Темур душманларини оқлашга ҳаракат қилган ва Едигейга ён босган. Агар Едигейни бошқача йўл блан идеаллаштиришга уринилмаса, тарих фанида унга асло бошқача (я’ни ижобий) баҳо бериб бўлмайди.

Гап шундаки, тарихда яшаган Едигей блан бир қаторда яна нўйой эпосининг қаҳрамони Едигей ҳам бор, лекин шуни айтиш

¹ Рюи Гонзалес д е Қлавихо, уша асар, 341—342 бетлар.

² В. Г. Тизенгаузен, уша асар, I т., 470 бет.

³ В. Г. Тизенгаузен, уша асар, I т., 471 бет. — Софиядаги иккинчия йилнома ма’лумотларига қараганда, Тұхтамишни 1406 йилда Сибирь ерида Шодибек ўлдирған (VI т., 133 бет).

⁴ Рюи Гонзалес д е Қлавихо, уша асар, 341 бет.

керакки, бу эпос құманды зодагонлар манбаатини ёқлад тузилған феодализм даври эпосидир. Едигейнинг шахси тұғрисидаги характеристиканы бек-феодаллар эпосидан тарихга, афсонадан тарихий воқы'ликка құчириш — катта хатога йўл қўйиш, тарихни бузиш демакдир, ба'зан фақат пантуркистларнинг манбаатларигагина хизмат қиласидан миллатчилик-шовинистлик историография шундай қилинади.

В. В. Бартольднинг «Отец Едигея»¹ («Едигейнинг отаси») деган мақоласида Едигей тұғрисида қизиқ фикрлар бор. В. В. Бартольд Едигей шахсини идеаллаштирумайды. В. В. Бартольд, афсонани бир четта қўйиб, тарихга амал қилиб текширадиган бўлсак, у ҳолда Едигейнинг характеристидаги асосий хусусият мунофилик (хиёнат)дан бошқа нарса бўлмайди, деб ёзган эди. «Үрусхоннин ташлаб кетиб,— деб ёзади В. В. Бартольд,— ва Тўхтамиш деб отаси блан алоқани узиб (Абулғози айтганидек, Едигей Тўхтамишнинг навкари бўлган-бўлмаганлиги Темур тарихидан ма'lум эмас), Едигей кейин Тўхтамишнинг ўзига хиёнат қилган ва 1391 йилда Темурга янгидан хизматга кирган»², кейинроқ бориб у Темурга яна хиёнат қилган.

Шарқ авторларидан Ибн Арабшоғина Едигейнинг ташқи қиёфаси қандай бўлганлигини тасвирлайди: «У (юзи) қорачадан келган, ўрта бўйли, ўлабир, жасур, кўринишда важоҳатли, ақлирасо, қўли очиқ, табассум қилиб турадиган, ҳар нарсага дарҳол ақли-фаросати етадиган идрокли бир одам эди»³.

Едигей Тўхтамиш блан деярли бир вақтда тарих саҳнасида пайдо бўлган. Шарафиддин Али Яздийнинг айтишича, Темур Бухоро атрофларида турган, Тўхтамиш эса 778 ҳ. йили (=1376—1377) Үрусхоннинг ўғли Тўқтакия томонидан мағлубиятга учратилгандан кейин қочиб кетган бир пайтда, Темурнинг қароргоҳида Едигей пайдо бўлган. Едигей Жўжи Улуси амирларида бири бўлиб, Үрусхоннинг та'қибидан буерга қочиб келган ва Үрусхон Тўхтамишга қарши катта қўшин тортиб йўлга чиқди, деб хабар қилган⁴.

Бу вақтда Едигей блан Тўхтамиш ўзаро дўстлик муносабатларида бўлганлар. Кейинчалик Едигей то 1391 йилгача Темурга хизмат қилиб, унинг Тўхтамишга қарши олиб борган курашида ёрдам берган. Тўхтамиш устидан ғалаба қозонилгандан кейин, биз юқорида кўриб ўтғанимиздек, Едигей Темур Қутлуғ ва Кунча ўғлонлар блан биргаликда, ҳокимият тепасига чиқиб олиш умидида Темурни алдаб-сулдаб, ундан жавоб олганлар ва сўнг

¹ Изв. Тавреч. общ. ист., археолог. и этногр., I т. (38), Симферополь, 1927, 18—23 бетлар.

² Уша ерда, 21 бет.

³ В. Г. Тизенгаузен, ўша асар, I т., 473 бет.

⁴ В. Г. Тизенгаузен, ўша асар, II т., 148 бет.—Форс. текст: Шарафиддин Али Яздий, I т., 277 бет.

ўз юртларига қараб кетгеннлар. Едигей ғоят даражада серғайрат одам бўлган. Едигей фурсатни қўлдан бермай, Олтин Үрданинг ҳақиқий ҳокими бўлиб олиш пайига тушган. Едигей чингизийлардан бўлмаганлиги сабабли хонлик тахтини да'во қилаолмаслигини билар эди ва шунинг учун ҳам Үрусхоннинг невараси Темур Қутлуғ ўғлонни номига хон қилиб қўймоқчи бўлган. Ибн Арабшоҳнинг гапича, «у (Едигей) султонлик номини ололмас эди, агар шундай деб аташ мумкин бўлганда эди, (барча) подшоликларни эгаллаган Темур ўзини (сўзсиз) султон деб атаган бўлар эди. Шундан кейин у (Идигу) ўз номидан султон тайинлаб, пойтахтга (алоҳида) хон қўйган»¹. Рогожск йилномачиси бу масалада яна аниқроқ гапиради. Едигейнинг Олтин Үрдадаги аҳволини у мана бундай деб та'рифлайди: «Үрданинг барча амирларини енгиб, бутун подшоликни ёлғиз ўзи идора қилди, истаган кишиларини ўз хоҳишича амир қилиб тайин этди»² Темур Қутлуғнинг 800 ҳижрий йили (=1397—1398) берган ёрлиғида Едигейнинг Жўжи Улусидаги мавқии аниқ айтилган: «Мен — Темур Қутлуғ буюраман: ўнг (ва) сўл қанотлардаги ўғлонларга, мингбоши, юзбоши ва ўнбоши бекларга туманбеги Едигей бошлиқ қилинсин»³. Шундай қилиб, ёрлиқда айтилишича, Едигей Жўжи Улусидаги бутун қўшиннинг бошлиғи қилиб қўйилган.

Яна, Темур Қутлуғнинг идора қилиш ишларига қайтайлик. Шуни эслатиш ўтиш керакки, Олтин Үрдадан сақланиб қолган озсонли ёрлиқлар орасида Темур Қутлуғнинг ўзи томонидан берилган жуда қимматли ёрлиқ бор. Биз бу ерда Темур Қутлуғнинг 800 ҳижрий йилда (=1397—1398), ўз ҳукмронлигининг дастлабки йилда берган тасдиқловчи тархонлик ёрлигини кўзда тутамиз. Олтин Үрда давлатида, юқорида айтиб ўтилган ўзаро низо'-жанжаллар даврида унинг анча вайрон бўлганлигига қарамай, аҳолидан турли солиқлар, ўлпонлар йиғадиган ва маҗбуриятларни адо эттирадиган давлат аппарати ўз ишини давом қилдираверган. Ёрлиқнинг мазмуни ва унинг тарихий аҳамияти устида тўхталиб ўтирмай (у биринчча марта текширилган), масаланинг фақат бир томонигагина э'tибор бериш керак. Бу ёрлиқ Судоқ атрофида яшаган Хожи Байрам деганинг ўғли — Муҳаммад номли бир ер эгаси номига берилган. Ёрлиқ тархоний тасдиқлайди, тархон эса шу одамнинг оиласида авлоддан-авлодга

¹ В. Г. Тизенгаузен, ўша асар, I т., 469—470 бетлар.

² ПСРЛ, XV, Рогожск йилномачиси, 179 бет. — Рогожск йилномачиси-нинг Едигей ҳақидаги гапларини адабий томондан ишлаб чиқсан Никон йилномасида ҳам Едигей худди шу тахлитда та'рифланади: «Үрданинг Едигей деган бу князи барча князъларга қарагандан кучлироғидир, у бутун подшоликда танҳо ўзи ҳукмронлик қилиб, истаган кишиларини ўз хоҳишича амирликка тайин этади» (Никоновск. летоп., 206 бет).

³ А. С. мойлович, Несколько поправок к ярлыку Тимур-Кутлуга. Изв. Акад. Наук, 1918, 1122 бет.

мерос бўлиб ўтган. Тархоннинг хусусияти шундаки, фақат ер эга-сигина давлат фойдасига солиқ, ўлпонлар тўлашдан ва мажбуриятлар ўташдан озод қилинган; деҳқонларга келганда, улар аввалгидек солиқ ва ўлпонлар тўлашни ва турли хил мажбуриятлар ўташни давом қилдираверган, лекин давлат фойдасига эмас, балки катта ер эгаси фойдасига солиқ тўлаган ва мажбуриятлар ўтаган.

Мўгулларнинг бошқа давлатларида бўлгани сингари, Олтин Ўрдада ҳам солиқ, ўлпон ва мажбуриятлар ҳаддан ташқари кўп бўлиб, деҳқонлар елкасида жуда оғир юн бўлган. Бундай солиқ, ўлпон ва мажбуриятлар сонини санаб чиқишининг ўзиёқ Олтин Ўрданинг социал тарихига оид кўп ҳодисаларни тушунтириб беради. Бунга «токзорлардан олинадиган мажбуриятлар», «омборхона божлари», «гарам пули», «ариқлардан олинадиган ясоқ», ҳайдалтан ердан олинадиган ўлпон («калон»), олди-соттидан олинадиган божлар, «герб божлари», «тош-тарози божлари», «йўл ҳақи», мажбурий суратда «от-улов» етказиб бериш, «манзил пули», мол учун «терт ва ем-хашак» пули, «фавқулодда солиқлар» ва ҳоказо ва ҳоказолар киради. Олтин Ўрда давлатидаги ўтроқ ва маданий аҳоли зиммасига нечоғлиқ оғир солиқ ва ўлпонлар солинганлиги тўгрисида сўзлаб ўтиришнинг ҳожати ҳам йўқ.

Олтин Ўрдага қарашли Крим, Булғор ва бошқа маданий районларда яшаган ўтроқ аҳолини, аслини айтганда, Олтин Ўрда ҳокимияти блан нима боғлаб турган? Ўтроқ аҳоли тил, дин жиҳатдан ёт бўлган ва ҳамиша зўрликка ва эксплуатацияга асосланган бу ҳокимиятни жуда ёмон кўриб келган. Олтин Ўрда куч-қувватли ва унинг кўчманчи аристократияси ичдан иттироқ бўлган пайтда, у турли қабилаларга мансуб аҳолини осонлик блан қўл остида тутиб турган; Олтин Ўрдада тўс-тўполон ва низо'-жанжаллар бошланиб кетиб, унинг қўшини енгилабошлигандан кейин, татар-мўгулларга ёт бўлган бошқа қабила ва ҳалқлар бу ҳокимиятнинг ҳарқандай муваффақиятсизлигидан кувонган ва ўз аҳволларини яхшилаб олиш умиди блан ундан ажраби чиқиб кетабошлаган.

Ҳокимият тепасига Темур Кутлуғ (амалда Едигей) келиши блан Олтин Ўрда яна қисқа бир вақтга мустаҳкамланган, лекин бу ёниб тамом бўлаётган оловнинг сўнгги марта яллигланишигина эди. Олтин Ўрда аввалги қудратининг лоақал соясини бирор-бир 15 йилга қайтармоқ учун ўз тарихида ишлатган зўрлик ва маккорликнинг барча усул ва методларини сафарбар қилмоги лозим эди. Едигей ўзининг шахсий хусусиятлари туфайли, бу жиҳатдан ҳам энг боп одам бўлиб чиқди.

Йилномачининг айтишича, «Едигей бутун Ўрдада буюк князъ бўлиб, у қудратли, мустаҳкам ва ботир киши бўлган»¹. Шу блан

¹ Никоновск. летоп., 173 бет.

бирга, у ўз муддаоларига эришиш йўлида ҳарқандай маккорлик ва ёвузликдан қайтмайдиган «муғомбир ва айёр»¹ киши эди.

Аммо XIV аср охири — XV аср бошларидаги воқиалар, юқорида айтиб ўтилганидек, сўнги яллиғланишгина эди, холос. Тарихнинг бетўхтов илгарилаб боришини на Едигей ва на номига хонлар тўхтатиб қолаолдилар. Русь ва Олтин Ўрда бошқа-бошқа йўл блан борарди. Рус князъликлари, феодал тарқоқликка қарамай, фақат қишлоқ хўжалиги соҳасидагина эмас, балки шаҳар ҳунармандлиги соҳасида ҳам ишлабчиқаручи кучларнинг зўр юксалиши палласида эди. Русъда шаҳарлар ривожланиши блан бирга шаҳар ҳунармандлиги маҳсулоти ҳам ортиб борди².

Буларнинг ҳаммаси мамлакат ичкарисида товар-пул муносабатларининг чуқурланиши ва мустаҳкамланишига ҳамда қўшнилар блан савдонинг ўсишига ёрдам берди. Экономикаси жиҳатидан Русь кучли эди, у ўзига керакли нарсаларнинг ҳаммасини ўзи ишлаб чиқарарди, бошқа халқларни таламай ва зўрлик қилимай туриб, ўзининг ресурслари ҳисобига яшарди.

Юқорида айтилганларни намойиш қилмоқ учун кўзга кўринарли икки фактни келтирамиз. Ҳарбий техника соҳасида Русь жуда юқори турар эди, ҳарҳолда, татарлардан юқори эди. Витовтнинг 1399 йилда Ворскла дар'ёси бўйида татарлар блан қилган жангига тилга олингандা, Литва қўшинининг қурол-яроғ блан та'минланиши юксак даражада бўлганлигини айтган эдик. Русънинг ҳам худди шундай ҳарбий техникаси бор эди. Яна бир мисол келтирайлик: Едигей «Тверьга улуғ князь Иван Михайлович Тверской ҳузурига шаҳзода Булат блан князь Ериклибердини юбориб, Иван Михайловичнинг тўл-замбарак, туфяқ, пишчаль ва ўзиотар милтиқлар олиб дарҳол Москвага қарши йўлга чиқишини буюорди»³. Бу воқиа 1409 йилда бўлган. Юксак ҳарбий техника — шаҳар ва шаҳар ҳунармандлигининг тараққиёт маҳсулидир.

Фактларнинг яна бир категорияси борки, улар бундан ҳам қизиқарли ва қимматлидир. XIV асрда ва XV аср бошларида Волга дар'ёсидаги кемаларга татарлар эмас, балки руслар хўжайнлик қиласи ва уларни бошқарар эди. Никон йилномасида айтилишича, 1407 йил 20 июльда «Тверьнинг улуғ князи Иван Михайлович Тверский Волга дар'ёсида кемага ўтириб Ўрдага, подшо Шодибек ҳузурига борган»⁴. XIV аср охири ва XV аср бошлари — Европа, шу жумладан Русь ҳам, маданий тараққиёт жиҳатидан Шарқдан ўзиб кетабошлаган давр эди, Олтин Ўрда эса ҳечқачон Шарқнинг илғор участкаси бўлмаган.

Темурнинг юришидан кейин Олтин Ўрда шаҳарлари, улардаги

¹ Никоновск. летоп., 206 бет.

² Б. А. Рибаковнинг «Ремесло древней Руси» (Изд. АН. СССР, 1948) деган қимматли китобига қаранг.

³ ПСРЛ, XI, 209 бет.

⁴ ПСРЛ, XI, 201 бет

хунармандлик ва савдо-сотиқ ишлари, юқорида кўриб ўтгани-миздек, батамом орқага қараб кетган. Ишлабчиқаручи кучлар издан чиққан эди, давлат ғазнаси фақат таловчилик ва зўрлик ҳисобигагина яшайоларди. Русдан фарқ қилиб, аҳоли блан Олтиин Үрда ҳокимияти ўртасида ҳечқанақа ички алоқа йўқ эди. Кўчманчи турк-мўғул зодагонлари орасидаги битмас-тугаймас низо'-жанжалларни галириб ўтириласа ҳам бўлади. Ана шундай бир вазиятда рус феодал князъликларининг ягона, марказлашган давлат бўлиб бирлашуви Олтин Үрдани йўқотишнинг қудратли қуроли ўлароқ Россиянинг тарихий тараққиётида катта бир зарурятга айланиб борди.

Темур Хитойга қўшин тортиб кетаётганида, йўлда юқорида айтилган Утрор шаҳарида 1405 йил 18 февральда, қишининг совук кечаларидан бирида вафот қилди. Ўрта Осиёда даҳшатли амирнинг ўлими Олд Осиё тарихида жуда катта аҳамиятга эга бўлди. Темур давлатида алғов-далғовлар бошланиб «Темур мероси» учун феодаллар кураши авжга минди ва бу кураш шунга олиб келдик, Ўрта Осиёда ҳечким Шарқий Европа ишларига аралашмайдиган бўлди. Темур вафот қилгандан кейин Мовароуннаҳрда Олтиин Үрдага яна зарба бераоладиган одам топилмади. Бунинг устига Мовароуннаҳрда «Темур мероси» учун кураш блан боғланган тўс-тўполонлар шунга олиб келдик, Едигей Хоразмни босиб олиб, уни бирнечча йил ўз қўлида тутиб турди, бу воқиа, Абдураззоқ Самарқандийнинг айтишича, 1406 йилда содир бўлган¹.

Темурнинг таҳт ворисларидан бири — йирик олим Улуғбек (1409 — 1449), ма'lумки, Оқ Үрдани ва унинг да'воларини ҳам бартараф қилаолмаган. Олтиин Үрда давлатини тугатиш вазифаси энди батамом Москва Руси гарданига тушган эди. XV асрда бу муҳим ишни Москва бажарди, броқ татарлардан батамом озод бўлиш йўлида ҳали аичагина тўсқинликлар бор эди, уларнинг бири — Руслага яна талончилик юришлари қилиш учун Олтиин Үрдани қайтадан тиклашига сўнгги марта уриниш бўлди (буни амир Едигей амалга ошириди). 1400 йилда, йилномада айтилишича, «Үрдада подио Темур Қутлуғ вафот этган, уидан кейин Волга бўйидаги Катта Үрданинг подшолик таҳтини Шодибек эгаллаган»².

Темур Қутлуғининг ҳукмронлик қилған йилларига оид ёзма манба'ларни (шарқ ва рус манба'ларини) нумизматика ма'lумотлари ҳам тасдиқлайди. У 800—802 ҳижрий йилда (=1397—1400) ал Жадид Үрдасида, Саройда, Билод Кримда, Сарой ал Жалида, Хожи Тархонда, я'ни Олтиин Үрданинг ҳамма терриориясида монеталар (танга-чақалар) зарб қилдирган.

¹ В. Г. Тизенгаузен, ўша асар, II т., 253 (форсча текст), 193 бет (русча таржима).

² Никоновск. летоп., 183 бет.

Юқорида айтиб ўтилган «Искандар аноними» (Муиниддин Натаизий) Темур Қутлуғнинг ўлими түғрисида ба'зигир қизиқ тафсилотларни келтиради: «Темур Қутлуғ шу қадар күп ичадиган бўлганки, кунлардан бирида у сурункасига ичкилик ичганидан кейин абадий уйқуга кетган»¹.

Жўжи Улусида тартибсизликлар бошланган, шундан кейин Едигей янги Чингизий қидирабошлаган. Қутлуғбекнинг ўғли Шодибек ана шундай одам бўлиб чиққан². Шодибек ўзидан аввал ўтган Темур Қутлуққа қараганда ҳам камроқ мустақил ҳукмдор бўлган. «Искандар аноними»да айтилишича, Шодибек бутун умрини айш-ишратда ва фароғатда ўтказган³. Олтин Үрдада амир Едигей батамом хўжайин бўлиб олган. У ҳамма ишларга аралашган, тартиб-қоидаларни ўзи ўрнатган ва «ўз эркида юрган одамлар танг ахволга тушиб қолган»⁴. Бу аҳвол Шодибекка ёқмаган, шунинг учун у мустабид ҳукмдордан халос бўлмоқчи бўлган. Броқ Едигей бундан хабардор бўлиб, қарши чоралар тайёрлайбошлаган. «Олтин Үрда»да «адоват» қизиб турган бир маҳалда, 1407 йилда Тверьнинг улуғ князи Волга дарёсида кемада етиб келган⁵. Бу қизиб кетган курашда Едигей енгиб чиққан. Омадсиз Шодибекхон эса Дарбандга қочиб, Дарбанд амири Шайх Иброҳим паноҳидан жой топган. Шу мусофирилик пайтида Шодибек вафот этган⁶. Едигей ўз элчиларини юбориб Шайх Иброҳимдан қочқинни беришини талаб қилган, броқ Дарбанд амири бу талабни рад этган⁷.

Нумизматика ма'lумотларига кўра, Шодибек 1400 йилдан 1408 йилгача ҳукмронлик қилган, бу эса ёзма ма'lумотлардаги, жумладан, рус йилномасидаги хабарларга тўғри келади. Хоразмда 807, 809 ва 810 ҳижрий йилларда пул зарб қилинганлиги Хоразмнинг бу вақтда Олтин Үрдага қарам бўлганлигини кўрсатади. Дарҳақиқат, Абдураззоқ Самарқандийнинг айтишича, Едигей 808 ҳиж. йилнинг Ражаб ойида (=23 XII 1405—21 I 1406) Хоразмни босиб олган.

Шодибекнинг Кавказда зарб қилдирган пуллари катта аҳамиятга эга. У пулни Боку ва Дарбандда зарб қилдирган. Дарбанд монеталари 811, 813 ва 815 ҳиж. йиллар санаси блан бизгача

¹ В. Г. Тизенгаузен, ўша асар, II т., 238 бет (форсча текст); 133 бет (рус. тарж.).

² В. Г. Тизенгаузен, ўша асар, II т., 63 бет (Муиззга қаранг).

³ В. Г. Тизенгаузен, ўша асар, II т., 253 бет (форсча текст), 133 бет (рус. тарж.).

⁴ В. Г. Тизенгаузен, ўша асар, II т., 253 бет (форсча текст), 133 бет (рус. тарж.).

⁵ Никоновск. летоп. 201—202 бетлар.

⁶ В. Г. Тизенгаузен, ўша асар, II т., 238 бет (форсча текст), 134 бет (рус. тарж.).

⁷ В. Г. Тизенгаузен, ўша асар, II т., 238 бет (форсча текст), 134 бет (рус. тарж.).

етиб келган. Пул зарб қылдириш факти шуни күрсатадики, Олтин Урдада бошқа одам хон бўлишига қарамай, Шодибек ўзини Олтин Урданинг қоиний ҳукмдори деб ҳисоблайберган.

Олтин Урдада Шодибек ўринини, Никон йилномасида айтилишича, Булат Султон эгаллаган¹. Унинг қайси уруғдан келиб чиққанлиги ҳақида йилномада ҳечнима дейилмайди. Шарафиддин Али Яздийнинг сўзича, Булат, аникрофи Пўлад, Шодибекнинг ўғли бўлган². Шарқ манба'ларида у Пўладхон номи блан машҳур. Едигей, Олтин Урданинг қудрати ва обрўсини кўтаришга ҳартарафлами уриниб, бунинг учун татар-мўғуллар томонидан қўлланган барча воситаларни ишга солган. Булат Султон (Пўладхон) рус князъларининг аввалиги вақтдагидек Урдага келиб туришларини, князълик қилишга хонлардан ёриқ олишларини, совға-саломлар олиб келишларини, ўзаро низо'жанжалларини олий судья ҳисобланган Олтин Урдада ҳал қилишларини ва бошқаларни талаб қилган. Масалан, Пўлат Султон (Пўладхон) ҳукмронлигининг биринчи йилида, я'ни 1407 йилда, Иван Михайлович Тверской блан Юрий Всеволодович Тверской ўртасида Тверьнинг улуғ князълиги масаласида жанжал чиқсан ва натижада хон масалани Иван Михайлович Тверской фойдасига ҳал қилган. 1408 йилда Булат Султон Литва устига қўшин тортиб борган. Урдада Москвага қарши юришга тайёргарлик кўрилмоқда, деган миш-миш гаплар тез орада Русъга келиб етган. 1409 йил нояброда «Урдадан Москвага бир татар келди ва у «Урданинг улуғ амири Едигей сенинг ерингни босиб олмоқчи» деб хабар қилди»³. Дарҳақиқат, бир ойдан кейин, 1409 йилда, Едигей бошлиқ катта татар қўшини рус ерига ҳужум қилган. Едигей блан биргаликда тўрт шаҳзода ва Урданинг энг кўзга кўринган амирлари ҳарбий бошлиқлар бўлиб келган. Никон йилномасининг Бу юришга багишланган саҳифалари жуда қизик ва қимматли. Бу ҳикоя катта адабий иш маҳсул бўлиб, бошдан-оёқ чуқур ватанпарварлик руҳида ёзилган. Броқ бу асарнинг адабий иш маҳсул бўлганлиги унинг ишончли манба' сифатидаги аҳамиятини пасайтиrmайди. Тахминан 1556 йилда тузилган Никон йилномасининг 1409 йилги воқиалар тўғрисидаги ҳикоясига, ўрганилаётган даврга яқин бўлган Рогожск йилномаси асос қилиб олинган. Бизнинг кўпроқ Никон йилномасидан парчалар келтиришимизга сабаб аввало шуки, Никон йилномасида воқиалар равон ва аниқ баён қилинган, шу блан бирга Рогожск йилномасида ҳикоя қилинган фактлардан ташқари, унда тўла ишонса бўладиган қўёшимча ма'lумотлар ҳам келтирилган.

Йилномачининг фақат рус юртида бўлаётган ишларнигина

¹ Никоновск. летоп., 202 бет.

² В. Г. Тизенгаузен, ўша асар, II т., 146 бет.

³ ПСРЛ, XI, 205 бет.

әмас, балки Олтин Йұда юргизған сиёсатнинг негизларини ҳам беш құлдай билганилығы ҳикоядан очық күріниб турилти. Йилномачи татарлар қаётига оид бирқанча тафсилоттарни яхши билған, йилномадаги ма'лумот блан Едигейнинг 1409 йилги юришида қатнашған татар шаҳзодалари ва амирлари рўйхатидаги туркча номларнинг айтилишидаги яқинлик сўзимизга яққол далиллар. Номларнинг айтилишига доир бирнечта мисол келтирамиз: князь Обрягим Тимирязев ўғли, князь Ериклибердей, Булад шаҳзода ва ҳ. к.

Едигейнинг Русъга қўшин тортиб келиши Русь учун жуда оғир синов бўлди. Татарлар ҳамаёққа ўт қўйиб, талон-торож қилиб, шафқатсизлик блан одамларин ўлдирғанлар. Шу блан бирга, татарларнинг муваффақият қозонишига Русънинг ҳарбий жиҳатдан заифлиги әмас, балки ягона ташкилий ироданинг бўлмаганлиги, князълар ўртасида феодал низо'-жанжалларкінг давом қилиши ва маккор татар князи Едигей берган сўзи ва ва'даларига русларнинг тамоман ишонишлари сабаб бўлган. Фожиали воқиаларга сабабчи бўлган ана шу фактлар устида йилномада муфассал гапирилади ва давлат ишларига доир фикрлар шу ма'нода ғоят юксак даражага кўтарилади.

Йилномада татарлар ҳийлакор ва маккор сиёсатчилар қилиб кўрсатилган. Ўша замонда, я'ни XV аср бошларида, ҳоким синфи ни ташкил қилган татарлар мусулмонлар бўлганлигидан, йилномачи уларни исмоилийлар деб атайди.

Уларнинг дипломатик усуллари ва урф-одатларини йилномачи мана бундай характерлайди: «Агар Исмоилийлар (я'ни мусулмонлар) камчилик бўлиб қолса, у ҳолда мунофиқлик ва ёвузларча маккорлик ишлатиб тотув ва дўстона муносабат ўрнатишга тиришадилар, тилёғламалик қилиб ва совға-саломлар бериб ўз айёрликларини яширадилар, чинакам иноқ бўлишга ва'далар бериб, заҳарли наизаларини билдирамасдан қайрайдилар. Князълар ўртасида алоҳида-алоҳида қўшин туздириб ва улар ичидаги зиддиятдан фойдаланиб, улар (мусулмонлар) иблис оталари таълим берган ёвуз бўрилардек, секин-аста бостириб кириб келаберадилар»¹.

Йилномада айтилишича, татарлар ташқи сиёсатининг юқорида айтиб ўтилган хусусиятлари Едигей сиёсатида энг ёрқин ифодасини топди. Русь князълуклари орасидаги муносабатлар қай аҳвол-далигини яхши билған ва нима қилиб бўлса ҳам уларни заифлаштиришга ҳаракат қилган Едигей, Москванинг улуғ князи Василий Димитриевични Литванинг буюк князи Витовт блан (бу вақтда Киев Витовт қўлида эди) уруштиришни ўз олдига биринчи вазифа қилиб қўйған: «Улуғ князъ Василий Димитриевичга ёлғон-

¹ ПСРЛ, XI, 205 бет; Рогожский летописец, 179 бет.

дакам ва маккорона муҳаббат қўйиб, уни иззат-хурмат қиласидилар ва совғалар бериб унинг пинжига кириб оладилар¹.

Едигей Василий Димитриевични Витовтга қайраган, уни уруш чиқаришга ундан ва татар қўшини юбориб ёрдам берман, деб ва’да қилган. Шу блан биргага, Москва князини урушга қайрашга кўзи етгандан кейин, Едигей Литванинг буюк князи ҳузурига ҳам маҳфий вакил жўнатган ва унга Қуидагиларни айтишини буюрган: «Сен менга дўст бўл, мен сенга дўст бўлай; поччантг князъ Василий Димитриевич Московскийнинг кимлигини билиб ол, чунки у бошқа мамлакатларга бостириб кириб, уларниг ерларини босиб олмоқчи ва у сенинг устингга ҳам қўшин тортиб боришига ва ерларингни босиб олишга ҳозирлик кўрмоқда; ундан эҳтиёт бўл... у менга ва подшога кумуш ҳамда тиллалар совфа қилиб юбориб, мени ёки подшони аскарлар блан келиб сенинг юрtingга бостириб боришига, ерларингни босиб олиб унга ўт қўйиб юборишига зўр бериб да’ват қилмоқда»².

Едигей мақсадига етган. Василий Димитриевич Литвага қўшини тортиб борган ва бунда у татарларнинг ёрдамга юборган отрядидан ҳам фойдаланган. Литва князи блан Москва князи ўртасида қаттиқ кураш бошланган. Натижада ҳар икки томондан ҳам жуда кўп қон тўкилиб, қанчадан-қанча одамлар ҳалок бўлган, шаҳар ва қишлоқлар хароб қилинган. Бу урушдан фақат татарлар манфаат кўрган.

Едигей бу блан қаноатланмай, бир зарб блан Москва улуғ князини йўқ қилишга қарор берган. У Василий Димитриевич хузурига иккинчи марта элчи юбориб, унга: «Василий, билгилки, Витовтнинг сенинг юрtingга нисбатан қилган барча ёвузликлари учун ундан ўч олмоқ ниятида подшо Бўлат Султон ўз улуғ Ўрдаси (лашкарлари блан) Витовтга қарши бормоқда, сен ҳам подшони иззат-хурмат қил»³.

Едигей бу сафар ҳам маккорлик блан ўйлаган ниятига етишига ва яқинлашиб келаётган хавфдан Москва князининг этиборини чалғитишга муваффақ бўлган. Йилномачи: «Улуғ князъ Василий Димитриевич аскарларини ҳатто тўплаб ҳам улгуроолмади»⁴ деб қайғу-alam блан хабар қиласди. Татар қўшинлари худди ўғрилар ва қароқчилардек қўққисдан ёпирилиб ҳужум қилганларида рус ери қанчалик даҳшатга тушганлигини йилномачи очиқ-равшан тасвирлайди. Улуғ князъ Василий Димитриевич Едигейнинг Русь устига қўшин тортиб келишини гарчи бир ой

¹ Никоновск. летоп., 206 бет.— Қаранг, яна: Рогожский летописец, 177—178 бетлар. 1922.— Солишириш шуни кўрсатдики, Никон йилномаси Рогожск йилномачисининг айтганларини деяғли ҳечбир ўзгаришсиз тақорорлаган.

² Уша ерда, 206 бет.

³ Уша ерда, 208 бет

⁴ Уша ерда.

олдин билган бўлса ҳам, лекин Едигей, татар қўшинлари Литвага қарши юборилган, деб Москва улуғ князини ишонтираолган.

Татарлар бутун-бутун районларни хароб қилгандаридан кейин, Москва атрофига яқинлашиб келиб, пойттахтни қамал қилишга тайёрланабошлаган. «Мағрут ва мақтанчоқ князь Едигейнинг ўзи Москвага яқин келмаган бўлса-да, лекин шуерда қишиламоқчи ва Москвани албатта олмоқчи эди. Едигей Тверьнинг улуғ князи Иван Михайлович Тверской ҳузурига шаҳзода Бўлат блан князь Ериклибердини юбориб, Иван Михайловичнинг тўп-замбарак, туфяк, пишчаль ва ўзиотар милтиқлар блан дарҳол Москвага қарши йўлга чиқишини буюрди». Тверь князи хоинлик қилишни истамай, Едигейнинг талабларини бажармасликка ҳаракат қилган. Броқ Едигей Москвани қамал қилишга мусассар бўлмаган. Едигей ҳузурига «бу вақтда Үрдадаги подшо Бўлат Султондан шошилинч элчилар келиб, унинг тезда Үрдага етиб боришини айтган», чунки Үрдада яна тўс-тўполон бошланиб, қандайдир чингизий бир шаҳзода Бўлат Султонни ўлдиримоқчи ва хон тахтини босиб олмоқчи бўлган¹. Едигейга Москва қамалини бекор қилиб, 3000 сўм пул (выкуп) олгандан кейин, қўшинлари блан Волга бўйига қайтиб кетншга тўғри келган.

Едигейнинг 1409 йилда Руслан юриши тўғрисида шарқ манба'ларида ҳечнима айтилмаган. Аммо, худди шу йили Олтин Үрдадан Ҳиротга, Шоҳруҳ ҳузурига әлчилар боргандилиги гапирилади. 1409 йил, ма'лумки, Урта Осиё тарихида муҳим йил ҳисобланади. Урта Осиёда «Темур мероси» учун кураш блан боғланган низо'-жанжаллар шу йили энди тамом бўлган эди. 1409 йилда темурий Шоҳруҳ ўз ўғли Улубек (Темурнинг неварааси) блан бирга Самарқандга ғолибона кириб келиб, Мовароунинаҳрни идора қилишни Улубекка топширган эди. Бу муҳим воқиа шарафига Самарқандда катта сайл-тамошо бўлган. Абдураззоқ Самарқандийнинг сўзича, Шоҳруҳ Ҳиротга қайтиб боргандада Пўладхон (Бўлат Султон) дан ва амир Идигу баҳодир (Едигей) дан унинг ҳузурига әлчилар келган. Шу нарса характерлики, Абдураззоқ Самарқандий Едигейни Пўладхон блан бир қаторга қўйиб, улар «Дашти Қипчоқ ва ўзбек мамлакатларида ҳокимият эгалари эдилар»² дейди. Шоҳруҳ Едигей әлчиларини шарқ дипломатиясининг бутун қонун-қондаларига мувофиқ қабул қилган. Ҳар икки томон бир-бировларига совға-саломлар қилган. Олтин Үрда әлчилари Шоҳруҳга шунқор ва бошқа ов қушлари топширганлар, бундай қушлар Эрон ва Урта Осиё саройларида жуда қадрланган. Шоҳруҳ ҳам әлчиларга «подшолик телпаклари ва камарлар» бойлатган. У Пўладхон блан амир Идигуга ҳам

¹ Никоновск. летоп., 209 бет.

² В. Г. Тизенгаузен, ўша асар, II т., 252 бет (форсча текст), 192 бет (рус. тарж.).

кatta совға-саломлар бериб юборган. Афтидан, Олтин Ўрда подшо Шоҳруҳни табриклиш ва Темур ҳамда Тўхтамиш замонларида узилиб қолган тинч алоқаларни қайтадан тиклаш мақсади блан элчилар юборган бўлса керак. Олтин Ўрда эришган вақтингча ютуқларга шарқда қандай баҳо берилганилиги лоақал шу фактдан кўриниб турибдики, Шоҳруҳ Бўлат Султон блан Едигейнинг элчиларидан Олтин Ўрдага боргандарида Чингиз авлодидан бўлган маликалардан бирини ўз ўғли мирза Муҳаммад Жўки баҳодирга хотинликка беришни айтишини сўраган¹. Едигей ўз мавқиидан ниҳоятда хурсанд бўлган ва, ўзини шоншавкатнинг энг юксак чўқисига чиқиб олдим, деб ҳисоблаган. Унинг сиёсатда калтабинлиги ҳам ана шунда бўлган. У Тўхтамиш қўйлостида бўлган ерларнигина эмас, балки XIV асрнинг 60-инчи йилларидаёт Олтин Ўрдадан ажраб чиқиб кетган Хоразмни ҳам қайтариб олдим, Русъни кучсиzlантиридим ва мусулмон Шарқининг энг йирик ҳукмдори — 1409 — 1410 йилларда Ҳиротда идора қилган Шоҳруҳнинг танишига муваффақ бўлдим деб ҳисоблаб, ўзининг ташқи ютуқларига тоят магурланиб кетган. Едигейнинг такаббурлиги Пўладхонга келадиган элчилар сонини ҳам кўлайтириди. Бундай элчилар 812 ҳижрий йилда (= 1409—1410) Миер сultonи ал Малик ан Носир Фараж (бу одам ал Малик аз Зоҳир Беркукнинг ўғли эди) томонидан юборилган эди². Олтин Ўрданинг ютуги жуда юзаки бир ютуқ эди, чунки Русь 1409 йилги фожиага қарамай, жуда тезлик блан мустаҳкамланиб борди, Ўрданинг ўзида эса, ундан ажраби чиқиб кетишга ҳаракат қилаётган кучлар ҳали тугатилмаган эди. Феодаллар орасидаги «жанжаллар» тўхтамаган эди. Едигейнинг асосий душмани Тўхтамиш вафот қилган бўлса ҳам, лекин унинг ўғиллари ҳаёт эди. Юқорида айтиб ўтилган «Муизз»³ га биноав, Тўхтамишнинг турли хотинлари ва ма'шуқаларидан түғилган 13 та ўғли бўлган; улар ичида энг обрўлиси, йилиномада Зеленъ Салтан Тўхтамишевич номи блан машҳур бўлган Жалолиддин эди.

Москванинг улуғ князи Василий Димитриевич Едигейнинг маккорлик блан рус ерига қилган ҳужумидан кейин руҳи тушмай, Едигейга зарба беришга тайёрланабошлади. Едигейнинг олган ма'lумотларига кўра, Москвада «Тўхтамишнинг болалари» бошпана топганлар, Василий Димитриевич Едигей ва Пўладхонга қарши Олтин Ўрда шаҳзодаларидан фойдаланишга зўр бериб ҳаракат қилган. Бунинг устига, Москванинг улуғ князи Олтин Ўрда вакилларига сра э'tибор бермай қўйди. Никон йилномасида айтилишича, Едигей Москванинг бундай совуқ муносабатда

¹ В. Г. Тизенгаузен, ўша асар, II т., 252 бет (форсча текст), 192 бет (рус. тарж.).

² В. Г. Тизенгаузен, ўша асар, I т., 397 бет (араб. текст), 407 бет (рус. тарж.).

³ В. Г. Тизенгаузен, ўша асар, I т., 62 бет.

бўлишига чидамаган ва Тўхтамишнинг ўғилларини қайтаришни сўраш блан бирга, Олтин Үрданинг элчилари ва савдогарларига Москванинг қилган сөвуқ муомаласидан шикоят қилиб зорланган. Ийномачи, Едигейнинг ўша 1409 йилда ёзган мактубларидан бирида қўйидаги сўзлар борлигини гапиради: «Үрдадан Сизнинг юртингизга подшо элчилари ва савдогарлар келиб турди, сиз эса уларни хўрлайсиз, хафа қиласиз ва қийнайсиз. Бундай қилиш яхши эмас.

Илгари вактда эса улус подшога қарап ва унга бўйсунар эди, подшога бож тўлаб турилар ва элчилар иззат-ҳурмат қилина; эди, савдогарлар бўлса хафа қилинmas ва қийналmas эди. Илгари қандай ҳурмат қилинганини сен оқсоқоллардан сўраб билиб олсанг бўлади!».

Ийномада Едигейнинг мактубидан олиб келтирилган бу сўзлардан Москванинг Үрдага очиқдан-очиқ қаршилик кўрсатишга ва ҳатто ҳужумга ўтганилиги етарли даражада сезилиб турибди. Мамлакат алангичча ичида қолган, хароб қилинган ва очлик ҳукм сурган энг оғир бир шароитда Москва князининг ниҳоят бундай қат'йлик блан иш бошлагани унинг учун катта шон-шараф эди. Чунки Москва князи илгарилари ҳаддан ташқари эҳтиёткорлик қилар, ба'зан эса ҳатто қат'ий бир ҳаракат қилмас эди; бу жиҳатдан унга та'налар қилиш ҳам мумкин эди.

Бу сафар воқиаларнинг бориши унинг учун қулай бўлиб чиқди. Үрдадаги «тўс-тўполон» кучайиб борди, Жалолиддин (Зелень-Салтан) бошлиқ Тўхтамишнинг ўғиллари ёрдам олиш учун Москвадан Литвага, Витовт ҳузурига бордилар. Абдураззоқ Самарқандийнинг сўзича, 1410 йилда Пўладхон (Бўлат Султон) вафот қилиб, Олтин Үрда таҳтига Темур Кутлуғхоннинг² ўғли Темурхон ўтирган. Темурхон, Абдураззоқнинг айтишича, Едигейга қарши бош кўттарған³. Жуда қисқа бўлса-да, лекин шу масала ҳақидаги маълумотлар йилномада ҳам бор: «Ўша қишида подшо Темур Үрдада подшолик таҳтига ўтиргандан кейин, Едигей князъ қочиб кетди»⁴. 810 йилдан 816 ҳижрий йилгача (=1407—1413) Пўладхон номи блан танга-чақа зарб қилинган. Броқ Пўладхон 1410 йилдан кейин ҳам бор эди, дейилса ҳато бўлар эди, чунки Олтин Үрданинг бундан кейинги ҳукмдори 813—814 ҳ. йилларида (=1410—1412) ўз танга-чақаларини зарб қилдирган. Темурхон қўзғолонидан кейин Едигей Пўладхон номи блан танга-чақа зарб қилдирган бўлса ҳам ажаб эмас. Пўладхон ўз танга-чақаларини Сарой ал Жадидда, Булғорда, Бул-

¹ Никоновск. летоп., 209—210 бетлар.

² В. Г. Тизенгаузен, ўша асар, II т., 253 бет (форсча текст), 193 бет (русча тарж.). «Искандар аноними»да Темурхон Темур Султон деб аталади (В. Г. Тизенгаузен, ўша асар, II т., 134 бет):

³ В. Г. Тизенгаузен, ўша асар, II т., 193 бет.

⁴ Никоновск. летоп., 215 бет.

ғор ал Жадидда, Ўрда Кафада, Азоқ ал Махруса, Хоразмда, Саройчада, Хожи Тархонда ва Ражонда зарб қилдирган.

Едигей блан Темурхон ўртасидаги душманлик муносабатлари бирдан пайдо бўлмаган бўлса керак. Олтин Ўрданинг бу хонини ҳам Едигей таҳтга ўтқазган. Бунинг устига, Едигей ўз қизини янги хонга бериб, у блан ҳатто қариндош бўлиб ҳам қолган. «Искандар аноними»¹да¹ воқиалар тўғрисида ана шундай дейилган. Броқ Темурхон кўчманчи зодагонларни ўз томонига қаратиб олиб, узурпатор амир Едигей блан кураш бошлаган.

Манба'ларнинг ҳар иккала группасида, XV асрдаги шарқ тарихчиларида ва рус йилномасида айтилганига қараганда, бу курашнинг дастлабки пайтларида Жалолиддин ўз укалари — шаҳзодалар блан биргаликда Жўжи Улусига хужум қилган. Бу ҳодиса 1411 йилда содир бўлган. «Уша йилнинг ёзида (1411 й.) Тўхтамишнинг ўғли Салтан (Зелень-Салтан — А. Я.) Ўрда улусини хужум блан олиб, уни талади»². Жалолиддиннинг муваффақият қозонишида Литва катта роль ўйнаган. 1395 йилда Тўхтамиш енгилгандан кейин Олтин Ўрда ўзининг улуғ давлатчилик мавқини йўқотган эди ва Едигейнинг эришган муваффақиятлари гарчи жуда катта бўлса ҳам, лекин у Ўрдани аввалги ҳолига қайтараолмаган эди. Аслини айтганда, аввало, Литва блан Москва ўртасида бирлик бўлмаганилиги туфайли, шундай муваффақиятларга эришилган эди. XV аср бошларида бу ҳар иккала давлат татарларга қарши курашда бирлашганиларида эди, Едигей бундай муваффақиятларга, албатта, эришаолмаган бўлар эди. Броқ Литва бирлашишни очиқдан-очиқ хоҳламади. Витовт тамоман бошқача йўл тутди. У татарлар масаласида мустақил сиёсат юргизмоқчи бўлди, у Ўрдада дўст ва ҳатто ўзига бўйсунадиган хонларга эга бўлмоқчи бўлди. Ана шу сабабли у даставвал Тўхтамишни, сўнгра эса унинг ўғилларини, биринчи навбатда Жалолиддинни қўллаб-қувватлади. Едигей даврида унинг рақиблари чиқиб, хонлик таҳтини босиб олганларидан кейин, қудратли амирни ўрнидан олиб ташлайдилар, шундан кейин Олтин Ўрда янги тўполонлар майдонига айланиб, унинг ишларига ташки кучларнинг аралашуви осон бўлади деб ўйлаб, Витовт ана шунга кўз тиккан эди. Олтин Ўрда энди қудратли давлат бўлмай қолганлигини Витовт яхши тушунар ва Ўрда Шарқий Европа сиёсатидаги етакчилик ролини йўқотаётганлигини биларди, шунинг учун Москвага қарши, демак, русларга ҳам қарши ўйлаб қўйган ниятларини амалга оширишда Олтин Ўрдадан қурол сифатида фойдаланишга қарор берди. Витовт ўз планларини амалга ошироқ учун татарлар давлати ящаб туриши керак эди.

Ана шу сабабдан Тўхтамишнинг ўғиллари Русъда қисқа бир

¹ В. Г. Тизенгаузен, ўша асар, II т., 238—239 бетлар (фореча текст), 134 бет (рус. тарж.).

² Никоновск. летоп., 215 бет.

вақт турғанларидан кейин уларни, аввало, Жалолиддинни яна Литвада күрамиз. Витовт уларни Трокига жойлаштирган. Витовттинг Олтин Үрдага иисбатан тутган сиёсатида илгари Тұхтамишиң қорол бўлиб келган эди, эндиликда Жалолиддин худди шундай роль ўйнади. Витовт 1411 йилда Жалолиддинни Олтин Үрда таҳтига хон қилиб ўтқазишга ниҳоят мувваффақ бўлди.

Бундай ишларнинг натижаси дарҳол ма'лум бўлган. Шпulerнинг юқорида айтиб ўтилган асарида литва-татар муносабатлари муфассал ишлаб чиқилган ва у, Витовттинг жанубдаги ерларида эришган мувваффақиятлари худди шу даврга тўғри келади, дейди. Шпulerнинг сўзича, Витовт ҳатто Қора денгиз бўйида қал'а ва бозор курдирабилган¹. Яна Едигей масаласига қайтайлик. 1410—1411 йиллар Едигейнинг ҳаётида бурилиш пайтлари бўлди. Унинг баҳт юлдузи сўнабошлаб, бундан сал олдинги қудратини ҳечқаочон тиклайолмади. Едигей Темурхонни енгиш учун куч тополмагач, Хоразмга қоғди ва уерда мавқим кучли ва мустаҳкамдай бўлади деб ўйлади. Хоразмга ўн кунлик йўл қолганда Едигей, Абдураззоқ Самарқандийнинг сўзича, Темурхон отряди томонидан тор-мор қилинган. Едигей ўзининг қолган-кутган озгиша тарафдорлари блан 814 ҳижрий йилининг бошларида (= 25 IV 1411—12 IV 1412) Хоразмга келган. Буерда ҳам Темурхоннинг қўшини уни ярим йилгача қамалда тутган. Шу вақтда Темурхоннинг ўйқлигидан фойдаланиб (Темурхон ҳам Едигей блан курашмоқ учун Хоразмга жўнаб кетган эди), Жалолиддиннинг Олтин Үрда ҳокимиятини босиб олганлиги тўғрисида хабар келган. Мураккаб вазият вужудга келган. Темурхон отрядлари блан Жалолиддин отрядлари, бир-бировига душман бўлган икки отряд Едигейга қарши эди. Темурхоннинг ҳарбий бошлиқларидан бири бўлган Фозон ўз ҳукмдорига хиёнат қилиб, «мураккаб вазияти» ҳал қилишга Ѣшшилди². Фозон суиқасд бўлишини хаёлига ҳам келтирмаган Темурхонни ўлдиришни навкарларидан бирига буюриб, шунидан кейин Жалолиддин (Зелень-Салтан) хизматига кирган. Шундай қилиб, бир рақиб ва бир душман камайган. Темурхон бор-йўғи икки йилгина (1410—1412) ҳукмронлик қиласа. Жалолиддин ўз ҳарбий бошлиғи Кажулай баҳодирга Едигейни ўлдиришни топширган. Едигейнинг жангчилари кам эди, шундай бўлса ҳам икки ўртада бўлган жангда Кажулай тор-мор қилинган. Абдураззоқ Самарқандий бу воқиани муфассал ҳикоя қиласади. Едигей ҳар вақтдагидек бу гал ҳам ҳийла ишлатган. Қўчманчиларда қадимдан қўлланиб келган усусларга мувофиқ, Едигей ўз отрядини икки группага бўлиб, пистирмага қўйган. Бир группани Кажулай қўшинига қарши жангга юбориб, иккинчи группани

¹ Сријег, ўша асар, 149 бет.

² В. Г. Тизенгаузен, ўша асар, II т., 253—254 бетлар (форсча текст), 193—194 бетлар (рус. тарж.).

пиистирма қилиб қўйган. Биринчи группада жанг қизиган вақтда уни ташлаб қочиши ва қочиб бораётгандан йўл-йўлакай «от ётири ва тўрвалари»ни ташлаб кетиш, шунингдек, душманда Едигейнинг қўшини батамом тор-мор қилинди деган таассурот қолдириш учун отнинг бошқа анжомларини ҳам улоқтириб кетиш буорилган. Биринчи группа ўз амирининг айтганини қилиб, қочгандан кейин, Қажулай Едигей батамом тор-мор қилинди, деб ўйлаб бемалол кетаберган; шу вақтда Едигей пиистирмадан чиқиб, ўз отряди блан Қажулайга худди бўрондек ёпирилган. Бу жангда Қажулай ҳалок бўлган. Едигей кўп миқдорда асир ва жуда катта ўлжалар олиб, ғалаба блан Хоразмга қайтиб келган. Едигей асиirlарнинг оёқ-қўлига кишан солиб, уларни сақлашни шаҳар халқига топширган (1391 йилда Урганч қайта тикланган эди). Соқчиларга, бирорта асир қочгундай бўлса, уни қўриқлаб турган одамнингтина эмас, балки шу маҳалладаги барча аҳолининг ҳам боши кесилади, деб буйруқ қилиган¹. Шаҳар халқининг қанчалик ваҳимага тушганлигини айтмаса ҳам бўлади. Бу воқиа 815 ҳижрий йилда (=1412—1413) бўлган.

Едигейнинг шон-шавкати авжга мингач пайтда Шоҳруҳ унинг элчиларини зўр э’тибор ва тантана блан қабул қилганлигини ва ҳатто у блан қариндош-уруг бўлишга ҳам тайёр бўлганлигини юқорида қўриб ўтган эдик. Едигейнинг шуҳрати пасайгандан кейин, Шоҳруҳ Хоразмни яна қайта темурийлар ерига қўшиб олиш учун Хоразмга ҳарбий отряд юборган. Броқ бу отряд биркенча муваффақиятсизликларга учраб қайтиб келган. Шоҳруҳ Хоразмни қайтариб қўшиб олишга катта э’тибор бериб, бу сафар Улуғбекнинг собиқ ҳомийси Шоҳ Малик бошчилигига иккитчи марта отряд жўнатган. Шоҳ Малик Хоразм учун курашда фаҳм-фаросат ва мулоҳаза блан иш кўрган. У Едигейнинг ва унинг ўғлиининг Хоразм ва Урганчни идора қилишдаги заиф томонлари (турли ўлонклар олиши ва зўрлик қилишидан) фойдаланиб, аҳолини ўз томонига оғдириб олган. Абдураззоқ Самарқандийнинг сўзича, «шаҳарнинг сайдлари, олимлари ва амалдорлари совга-саломлар блан (унга) пешвуз чиқиб, шаҳарни»² я’ни Хоразмнинг пойтакти Урганчни топширганлар.

Шундай қилиб, 816 ҳижрий йилда (=3 IV 1413—22 III 1414) Едигей Хоразмдан ҳайдаб чиқарилган. Едигей ўзига содиқ бўлган оз сояли одамлари ва навкарлари блан Хоразмни зўрлик қилиб қўлида тутиб келар эди.

Едигей Хоразмни қўлдан бой бермасдан бир йил олдин Олтин Үрдада яна хон алмашинган эди. 1412 йилда, йилномада айтилишича, «Ёвуз душманимиз подиоҳ Зелень-Салтан Тўхта-

¹ В. Г. Тизенгаузен, ўша асар, II т., 254 бет (форсча текст), 194 бет (рус. тарж.).

² В. Г. Тизенгаузен, ўша асар, II т., 255 бет (форсча текст), 195 бет (рус. тарж.).

мишевич урушда ўз укаси Карим Бердининг ўқидан ҳалок бўлган»¹.

Шарқ манба'ларида мен Жалолиддиннинг қандай вазиятда ўлганлигига оид ма'lумотлар учратмадим. Аммо нумизматика ма'lумотлари рус йилномасининг айтганларини тўлиқ тасдиқламоқда.

Карим Берди Олтин Үрдадаги қокимиюти ўз қўлида мустаҳкам тутиб қолаолмаган, чунки унинг Кепакхон номли биродари рақиб бўлиб чиқсан. Кепакхоннинг Олтин Үрдада идора қўлганилиги ҳақида шарқ манба'ларида жумладан Faффорий² асарида ма'lумот бор; Faффорий XVI асрда яшаган ва ўз асарларини форсча ёзган.

Шпulerнинг айтишича, поляк манба'ларида Кепакхон лотинча *Betsabu*³ деб аталган. Рақиблашучи ҳар иккала хон Едигейга душман бўлиб, уни жуда қийин аҳволга солиб қўйганлар. Афсуски, 1412 йилдан 1419 йилгача ўтган даврда, хусусан Едигейнинг ҳаётица ноаниқ бўлган жойлар кўп. У бу даврда Олтин Үрдада катта роль ўйнаган ва, афтидан, унинг бирор қисмини, ҳатто Кримни эгаллаб турган бўлса керак. XV асрда яшаган ва юқорида айтиб ўтилган машҳур поляк тарихчиси Ян Длугошнинг асарида, Едигей 1416 йилда Киевга ва унинг атрофига ҳужум қилиб, бу ерларга ўт қўйган ва талон-торож қилган деймлади⁴. Мутахассисларнинг фикрича, Длугош ма'lумотларидан эҳтиёт бўлиб фойдаланиш керак ва унинг гапига танқидий нуқтан назардан текширмай туриб, ишониш ярамайди. Броқ XV асрда араб тилида ёзган Миср тарихчиларида Едигейнинг хотини тўғрисида ўша 1416 йилга доир жуда қизиқ бир хабар бор. Ал Макризийнинг айтишича, 1416 йилда, Едигейнинг хотини Дамашққа келган, ўша ердан эри томонидан берилган 300 суворий паноҳида Маккага бориб ҳаж қилмоқчи бўлган бўлса керак⁵. Ал Аскalonий бунга қўшимча қилиб, Едигейнинг хотини Сурия карвони блан биргаликда кетиб ҳаж қилган, дейди⁶. 300 суворий паноҳида Маккага бориб ҳаж қилиш ҳуқуқига ҳукмдорнинг, ёки, ҳеч бўлмаса, зўр ҳокимнинг жуда нуфузли ма'шукаси, хотинигина эга бўлган. Ўша вақтда Едигей бирор областъининг ҳокими сифатида катта роль ўйнаганлиги шу далилнинг ўзидан кўришиб турибди. Фикримизча, бу область Крим бўлса керак, чунки Олтин Үрда-

¹ ПСРЛ, XI, 219 бет.

² В. Г. Тизенгаузен, ўша асар, II т., 271 бет (форсча текст), 212 бет (рус. тарж.).

³ S p i e g . ўша асар, 151 бет.

⁴ I. D l u g o s z , ўша асар, IV т., 182 бет.

⁵ В. Г. Тизенгаузен, ўша асар, I т., 428 бет (арабча текст), 442 бет (рус. тарж.).

⁶ В. Г. Тизенгаузен, ўша асар, I т., 451 бет (араб. текст), 549 бет (рус. тарж.).

нинг шарқий областъларидан душман территориялари орқали 300 суворий блан жўнаб кетиш хавфли бўлган.

Ян Длугошнинг асарида Едигей тўғрисида 1419 йил санаси блан яна бир ма’лумот бор. Поляк тарихисининг хабар беришича, шу йили Едигей катта совға-саломлар, шу жумладан, З тута ва устига қизил баҳмал гилам ташланган 27 саман совға қилиб, Витовт ҳузурига элчилар юборган. У элчилардан, сулҳ ва иттифоқ тузиш тўғрисидаги таклифини юборган¹.

Бу — Едигей тўғрисида Европа манба’ларида учраган сўнгти ма’лумотдир. Шарқ манба’ларига келганда, ўша 1419 йилда Едигейнинг вафот қиласиги гапирилади. Буерда биз икки ҳижояни кўзда тутамиз: бири — Ибн Арабшоҳники, иккинчиси—ал Айнийники. Ибн Арабшоҳ Едигейнинг ҳалок бўлган жойи тўғрисида бундай дейди: «Қипчоқ ерларининг подшолари ўртасида тўполон ва низо’-жанжаллар давом қилиб, нихоят яраланган Идику сувга чўкиб кетди, лекин ўлмай қолди. уни Саройча ёнидаги Сайхун дар’ёсидан чиқариб олиб, ўз ҳолига ташлаб кетдилар»².

XV асрда ўтган, Едигей блан замондош мисрли араб тарихчи-си ал Айний асарида ундан кўра муфассалроқ ма’лумотлар бор. Унинг сўзича, Едигей 1419 йилда Тўхтамишининг ўғилларидан бири Қодир Берди томонидан ўлдирилган. Карим Берди вафот қиласидан кейин Қодир Берди ҳамавақт Едигей блан курашиб келган. Афтидан, Арабшоҳ айтганидек, бу жанг Саройча ёнида бўлган бўлса керак. Қодир Бердининг отряди блан учрашиш Едигейни ҳалокатга олиб келган, Қодир Бердининг буйруғига кўра Едигей қийма-қийма қилиб чопиб ташланган³.

Зўр иродали, серғайрат, довюрак, кўпроқ ҳийла-найранг ва маккорлик блан иш кўрган, аммо замондошларидан сра юқорига кўтарилаолмаган, ўз даврининг сиёсий вазиятини тушунмаган ва тарихнинг об’ектив суратда илгарилаб боришига қарама-қарши ўлароқ чириган Олтин Үрдада сиёсий алдоқчилик ва қўрқитиши воситалари блан улуғ давлатчиликни яна қайта тиклашга ҳаракат қиласиган одамнинг ҳаёти ана шу тариқа тамом бўлган.

¹ I. Dugosz, ўша асар, 220 бет.

² В. Г. Тизенгаузен, ўша асар, I т., 473 бет.—Иби Арабшоҳ Саройчанинг қаердалигини айтганда нима учун янгишган экан? Ахир, бу жойларни билмаслиги сра мумкин эмаску. Ма’лумки, Саройча Ейик (Урал) дар’ёсининг қуий ҳисмидаги жойлашгат.

³ В. Г. Тизенгаузен, ўша асар, I т., 500 бет (арабча текст), 532, 553 бетлар (русча тарж.).



Б Е Ш И Н Ч И Б О Б

ОЛТИН ЎРДАНИНГ ПАРЧАЛАНИШИ

„Олтин Ўрданинг батамом хароб бўлиши тўғриқида; ўнинг дошенини тўғрисидан ҳамма Русь ерининг озод бўлганинги ва улуг-ворлиги ва ша'н-шавкати тўғрисида“.

Қозоқ йизномачиси.

Едитей ҳаётининг охирги йиллари унинг учун қайфу-ҳасратда ўтганлигини юқорида кўрган эдик. Олтин Ўрдадаги низо‘-жанжаллар шу даражада аралаш-қуралаш бўлиб кетган эдики, ҳатто бир-бири блан рақиблашучи хонларнинг қайси бири ҳақиқатда етакчи хон эканлигини аниқлаш қийин бўлиб қолган. Аслини олганда, Олтин Ўрда татарларнинг барча улуслари бўйсунучи ва марказий ҳокимиятга эга бўлган ягона бир давлат бўлмай қолган эди. Ма’лум бир ма’нода ўнни айтиш мумкинки, аввалги Олтин Ўрда энди йўқ эди, фақат Боту ёки Шайбоний хонадонларига мансуб хонлар — Олтин Ўрда ёки Оқ Ўрда хонлари бошчилигидаги татар-мўгуллар, татар улусларигина қолтан эди. Едигей Шарқий Европада улуг татар давлатчилигини фақат қайта тиклашга ҳаракат қилишгина эмас, балки уни ма’лум вақтга амалга ҳам оширган Олтин Ўрда ҳокимларининг сўнгтиси эди. Темурхон ва Жалолиддин блан кураш замонидан, я’ни 1411—1412 йиллардан з’тиборан Едигейнинг улуғ давлатчилик сиёсатини юргизиш имконияти ҳам йўқ бўлди. Татарлар қурдатли давлат бўлмай қолдилар, лекин шундай бўлса-да маданий қўшнилари — Русь, Литва ва Польшага ташвиш сола-оладиган даражада ҳали жучлари бор эди.

Тўс-тўполонлар ва сиёсий анархия, деярли тартибсизликлар ҳукм сурган бу йилларда Олтин Ўрда дехончилик блан тирикчилик қилинадиган ўтроқ районлардаги мавқини тобора кўпроқ йўқотаборди. Юқорида кўриб ўтганимиздек, Улуғбек давридаги Хоразм иккинчи марта Олтин Ўрда хонлари қўлидан чиқди ва бу гал Ўрда Хоразмдан батамом маҳрум бўлган эди. Хоразм қишлоғи хўжалиги фоят тарақкий қилган, жатта савдо шаҳарла-

рига ва, асосан, жуда катта маҳаллий ҳамда транзит савдосига эга бўлган ёнг бой ва энг маданий ўлка эди. Хоразм орқали карвон йўллари Ўрта Осиё, Эрон, Мўғулистон ва Хитойга борар эди. Хоразмнинг Темурийлар қўлига ўтиши бу савдога барҳам берган. Темурийлар давридан бурунги Хоразм савдоси хон хазинаси ва Олтин Ўрда савдогарлари бойлигининг асосий манба'ларидан бири бўлиб, Едигей, афтидан, бу савдони қайта тикламоқчи бўлган бўлса керак.

Венецияли сайёҳлардан Иосафато Барбаро (1436 й.) блан Амброзио Контарини (1476 й.)нинг аниқ қилиб кўрсатишларича (бу гаплар юқорида келтириб ўтилган эди), Темур 1395 йилда Волга бўйи шаҳарларини яксоң қилгандан кейин бу шаҳарлар бутунлай ўзини ўнглайолмаган. Доимий тўқнашувлар, жанглар давом қилиб турган ва ҳокимият ўзгариб турган бир вазиятда Олтин Ўрда қўл остидаги Поволжье қандай қилиб ҳам ўзини ўнглайолар эди? Бир хоннинг қўлидан иккинчи хон қўлига тез-тез ўтиб турган Крим ҳам худди шунга ўхшаш аҳволга тушиб қолган, лекин буерда аҳвол 'Поволжъедагига қараганда бироз яхшироқ бўлган.

Маданий ўлкаларда шаҳар ҳаётининг пасайиб кетиши ва деҳқончиликнинг орқага қараб кетиши муносабати блан шу йилларда Олтин Ўрда давлатининг кўчманчи қисми ҳам зўраймай иложи йўқ эди. Худди ана шундай бир вазиятда айрим майда татар улусларининг бошлиқлари бош кўтариб чиққанлар. Даштда аввало чингиз уруғидан чиққан шаҳзодалар бошлилигida марказдан қочучи кучлар ҳаракатга келган. Бундай ўзаро кураш давлатни идора қилиш процессининг ўзига, Булғор, қуйи Поволжье, Шимолий Қавказ ва Кримдаги қишлоқ ҳам шаҳарлардан келиб турдиган даромадларнинг «нормал» боришига қандай та'сир этганлигини билиш қийин эмас. Яқинтинада қудратли бўлган татар давлатининг парчаланиши бориш шароитида юз берган ўзгаришларни ҳам айтмасдан илож йўқ. Олтин Ўрда хонлари, XIII ва XIV асрларда ҳукмонлик қилган баҳтироқ ота-боболари томонидан яратилган традицияларга қаттиқ риоя қилганилар. Олтин Ўрданинг қудратли хонлари Тўхта, Ўзбек, Жонибекнинг саройларида қандай амалдорлар бўлган бўлса, рақиблашучи хонлар ҳам ўз саройларида худди шундай амалдорлар сақлаганилар. XIV аср охирига оид ва бизнинг кунларгача етиб келган ёрлиқлар ана шундан далолат беради. Олтин Ўрда қўл остидаги шаҳар ва деҳқон қишлоқларига қараганда, даштдан хон хазинасига кам даромад келиши ўз-ўзидан ма'lумдир.

Олтин Ўрданинг ҳарқайси қисмидаги ҳокимиётга, аввало, ҳокимнинг ўз қўл остидаги шаҳар ва қишлоқлардан ундирадиган даромадига қараб баҳо берилган. Татар ҳокимлари рус, Литва, полякларнинг чегара ерларига ҳужум қилишини ҳам даро-

мадлар моддасига киритганлар. Олтин Ўрдада хонларнинг қат'ий ҳокимияти ҳукм сурган вақтда аҳоли қандай мажбуриятлар ўташи ва қанча солиқ тўлашини озми-кўпми билар эди. Алғовдалгов ва феодал тартибсизликлар даврида эса қачон ва кимга нима тўланиши кераклигини ҳечким билмас эди. Деҳқончилик қилинадиган ўлкалар қўлдан-қўлга ўтиб туради. Ўзаро курашлар натижасида ишлабчиқаручи кучлар издан чиқаётган, аҳоли қашшоқлашиб бораётган, деҳқонлар блан ҳурмандларнинг меҳнат маҳсулоти камайиб кетаётган эди, бир ўринни иккинчиси эгаллаётган, қирпичноқ ҳокимлар талаби эса ўсиб бораётган эди. Бунинг устига экономика кризис кечирмоқда эди. Савдо транзитлик характеристерини йўқотган: энди илгаригидек Поволжье блан Хоразм орқали Хитойга карвоnlар қатнаб турмас эди. Ҳунармандчилик батамом орқага кетиб, фақат маҳаллий бозорлар блангина чеклашиб қолди. Умуман олганда, XIII асрнинг иккинчи ярмида ва XIV асрда Олтин Ўрда хонларнинг зўрлик блан амалга оширган тадбирлари (масалан, бўйсундирилган мамлакат ва шаҳарлардан ҳунармандлар, усталар, рассом-наққошлар ва бошқаларни асир қилиб олиб кетиш) натижасида сун'ий равишда юзага келтирилган ва суюб турилган ишлабчиқаручи кучлар узлуксиз давом қилган тўполонлар туфайли XV асрга келиб батамом издан чиқди. Ана шундай бир вазиятда норози аҳоли узоқ давом қиласидиган ва мустаҳкам ҳокимият бўлишини истарди, шу блан бирга ўз территориясида мустақил бир давлат ташкил қилиш блан юз берган аҳволдан қутулмоқчи бўларди.

Олтин Ўрданинг началаниб кетиши муносабати блан Шарқий Европадаги сиёсий воқиаларнинг боришини тушунмоқ учун қўйши давлатларнинг Олтин Ўрдага қандай муносабатда бўлганликларини жуда қисқача бўлса-да айтиб ўтиш керак. Ўрта Осиё, ма'lумки, XV асрнинг бошидан то охиригача Темурийлар кўлида бўлиб келган, шу блан бирга у жануби-шарқий Европа татарлари блан кам қизиқкан ва бутун э'tиборини Оқ Ўрда кўчманчилари, я'ни ўзбеклар блан алоқа қилиш масаласига жалб қилган. Улуғбекдан (1409—1449) бошлиб, Темурийларнинг асосий вазифаси ўтрок ҳалқлар яшайдиган областъларни кўчманчиларнинг ҳужумларидан қўриқлаш бўлган. Улуғбекнинг XV асрнинг 20-нчи йилларида Бароқхонга қарши юргизган ва муваффақиятсиз чиққан актив сиёсатини ҳисобга олмаганда, Темурийлар Оқ Ўрдага қарши ҳужумкорлик йўлини тутмаганлар, балки XV аср охирига қадар озми-кўпми муваффақият блан ўзларини мудофаа қилиб келганлар.

Олтин Ўрданинг ғарбий ва шимоли-ғарбий қўйшилари бошқасалла. Москва, Литва ва Польша энди XIV асрдагидек эмас эди. Москва иқтисодий ва маданий жиҳатдан ўсиб, шу блан бирга, Русьдаги феодал тарқоқликни анча тугатган эди. Үнинг иш-

лабчиқаручи кучларининг ўсганлигини биз бундан аввалги түртинчи бобда қўрсатиб ўтган эдик. Москва ишлабчиқаручи кучларининг ўсиши, шунингдек, ижтимоий ва иқтисодий жиҳатдан ривожланиши блан бирга, у, XV асрнинг биринчи ярмига келгандага татарларга иисбатан актив сиёсат юргизабошлади, татарларнинг сиёсий ҳаётидаги заиф томонларга диққат блан кўз ташлаб, бу заиф томонлардан ўз манфаати йўлида фойдаланиш имкониятини ахтарди.

Москва дипломатлари рақиблашиб юручи хонлардан бирин блан иттифоқ тузиб, бундай иттифоқ ёрдамида хавфлироқ душманни кучсизлантирабилардилар. Димитрий Донской ўлгаидан кейин унинг тахт ворисларининг барчаси — Василий I, Василий Кўр, Иван II,— бири яхшироқ, иккинчиси ёмонроқ бўлса ҳам, лекин татарларга қарамликдан батамом озод бўлиш йўлини тутдилар. Юқорида айтганимиздек, агар Литва кўпинча рус ерларини босиб олиш ниятида бўлмай ва, шу мақсадда татар хонлари блан иттифоқлар тузмай, Олтин Ўрда блан курашда Москвани қўллаб-қувватлаганда эди, татарлардан қутулиш масаласи Шарқий Европада анча илгари ҳал қилинган бўлур эди. Аммо бутун гап шундаки, Олтин Ўрда парчаланиб кетаётган даврда татарлар Витовтга қўл келиб қолган эди. Албатта, у Ўзбекхон давридаги қудратли Олтин Ўрданинг яна тикланишини истамас эди, броқ бир-бирови блан рақиблашиб юручи татар улусларининг бўлиши унга қўл келар эди, чунки улар орасидан Москва областьларини талон-торож қилиш мақсади блан уерларга бостириб киришни жуда яхши кўрадиган одамларни ҳарвақт топиш мумкин эди. Литва-татар муносабатларида бундай ҳатти-ҳаракат нечоғлик кучли бўлганлигини қуидидаги воқиалардан кўриб ишониш мумкин. Ўша вақтдаги Польшада ҳоким синфинг фикри ҳам аслида шундай эди.

Едигей вафот қиласдан олдин (1419 йилда) Олтин Ўрдада ҳокимиятни Тўхтамишнинг тўртинчи ўғли Жаббор Берди босиб олган. Абдураззоқ Самарқандийнинг сўзича, бу ѿқиа 1416 йилда бўлган¹.

Жаббор Берди гайрат блан кураш олиб бориб, 1417 йилги жангда ҳалок бўлган². Жаббор Бердининг фаолияти асосан Шарқий Европанинг жануби-гарбий районларида бўлганлиги манба'ларда кўрсатилади. Унинг қачон ўлганлигини биз аниқ билмаймиз; Шпulerнинг фараз қилишича, Жаббор Бердининг ўлими Едигейнинг вафот қилган йилига, я'ни ўша 1419 йилга тўгри келади³.

Едигей ўлгандан кейин биз Ўрдада рақиблашучи бирнечча

¹ В. Г. Тизенгаузен, ўша асар, II т., 155 бет (форсча текст), 195 бет (рус. таржима).

² В. Г. Тизенгаузен, ўша асар, ўша ерда.

³ В. Г. Тизенгаузен, ўша асар, II т., 454 бет.

хонни күрамиз. Улар орасидан аввало Улуғ Мұҳаммадни күрсатиб ўтиш керак. Улуғ Мұҳаммаднинг номи рус йилномаларида узок өңгіларгача, XV асрнинг 60-нчи йиллари охиригача учраб туради ва уни Қозон хөнлигига асос солған киши дейдилар. Улуғ Мұҳаммад ўз ҳукмронлигининг дәстлабқи пайтларидаң бошлабоқ Витовт блан яхши муносабатда бўлиб, отрядлари блан Витовтга бирнече марта ёрдам берган эди. Үнга биринчи рақиб бўлиб чиққанлардан бири Давлат Берди бўлиб, бу одамнинг номи ҳам XV асрнинг 20-нчи йилларидаги манба'ларда тез-тез учраб туради.

Ўзбек хони Бароқхон бошчилигига Фарбий Сибирь районларидан келган күчманчиларнинг пайдо бўлиши татар даштлари ёки, шарқий хроникёрлар ҳамон эскича атаганларидек, Дашиби Қипчоқ ҳаётида катта аҳамиятга эга бўлган. Абдураззоқ Самарқандийнинг ҳикоя қилишича, 1419 йил Раббиуллаввалининг охиринда (я'ни апрельнинг иккинчи ярмида) Улуғбекнинг Самарқандаги саройида ўзбеклар даштидан (Оқ Үрладан) қочиб келган Бароқ номли шаҳзода пайдо бўлган¹. Улуғбек шаҳзодани яхши қабул қилиб, Ўзбек Улусидаги ҳоқимиятни босиб олишда үнга керакли ҳамма ёрдами берган. Ўз замонида Тўхтамишга нисбатан Темур қандай сиёсат қўллаган бўлса, Улуғбек ҳам худди шундай сиёсат тутган, я'ни Бароқ ўғлонни ўз ноибига, ўз сиёсатининг қуоролига айлантироқчи бўлган. Кейинчалик Темур блан Тўхтамиш алоқаси қандай бўлган бўлса Улуғбекнинг бу берган ёрдами ҳам худди ўшандай натижаларга олиб келган. Бароқ ўғлон Бароқхон бўлиб олгандан кейин, Улуғбекнинг ёрдамини тезда эсдан чиқариб, мустақил сиёсат юргизабошлаган ва Сирдар'ё бўйида тўғридан-тўғри Мовароуннаҳр манфаатларига қарши қаратилган сиёсат юритган². XV асрнинг 20-нчи йилларидаги шарқ манба'ларida Олтин Үрдага оид бирмунча тўғри ма'lумотлар сақланиб қолган. Шоҳруҳ (1404—1447) блан Улуғ Мұҳаммад ўртасида бир-бириларига элчилар юбориш худди шуни күрсатади. Абдураззоқ Самарқандий, Улуғ Мұҳаммадни Мұҳаммадхон деб атайди. 1421 йилда Қорабоғдаги Шоҳруҳдан Улуғ Мұҳаммад ҳузурига Султон Қўшчи элчи бўлиб келган, Олтин Үрда хони уни жуда иззат блан кутиб олган. Ҳурмат блан қарши олинганини әлчининг ўзи Шоҳруҳга айтиб берган. Бунга жавобан келгуси йили, 1422 йили, Ҳиротга Шоҳруҳ ҳузурига Улуғ Мұҳаммаднинг Олим Шайх-ўғлон ва Пўлад номли элчилари келган. Элчилар бой совға-саломларни Шоҳруҳга топшириб ва тегишли илтифотларни³ бажо келтириб бўлгандан кейин, ўша

¹ В. Г. Тизенгаузен, ўша асар, II т., 255 бет (форсча текст), 196 бет (рус. тарж.).

² В. В. Бартольд. Улуғбек и его время, 75 ва ундан кейинги бетлар.

³ В. Г. Тизенгаузен, ўша асар, II т., 256 бет (форсча текст), 196 бет (рус. тарж.).

йили Олтин Үрда хонининг саройига қайтиб кетганлар. Улар-нинг нима түррисида сұхbat қылғанликларини билмаймиз. Улуғ Мұҳаммаднинг гарчи рақиблари бор бўлса ҳам, лекин унинг гарбда Витовт блан ва Шарқда Шоҳруҳ блан муносабат ўрна-тишининг ўзи бир вақт Олтин Үрдада унинг етакчи роль ўйна-ғанлигини кўрсатади. Броқ Улуғ Мұҳаммаднинг хотиржамлиги узоққа бормаган. 1423 йилда, яна ўша Абдураззоқ Самарқандийнинг айтишича, Шоҳруҳ ёз фаслини Бодгисда ўтказаётган пайтида, Бароқхон Улуғ Мұҳаммаднинг қўшинини тор-мор келтириб, унинг ерларини босиб олди ва ўзини хон деб э'лон қилди, деган хабар эшитган¹.

Шу нарса характерлики, Улуғ Мұҳаммад тор-мор қилинган-дан кейин Литвага қочиб бориб, Витовт паноҳида бўлган ва ундан ёрдам ахтарган. Улуғ Мұҳаммад, 1424 йилнинг охирида Витовт саройида пайдо бўлган. Улуғ Мұҳаммад Литвага қочиб бормасдан олдин даштдан шимолга, Рязань томонга қочиб ўтган². Татар хонларидан яна бошқаси, Тўхтамишнинг ўғли (Кепакхон) ҳам тор-мор этилган. Бу одам Олтин Үрда тахти учун бўлмаса ҳам, ҳарҳолда, ўз улусининг мустақиллиги йўлида ўн йилдан ортиқроқ курашиб, иш чиқараолмаган.

Бароқхон яна бир хонни — юқорида номи айтиб ўтилган Давлат Бердини ҳам тор-мор қилғандан кейин, Давлат Берди ўз ўрдаси блан Кримга кўчиб борган. Бу жой алмаштириш ке-йинчалик жуда катта аҳамиятга эга бўлган, чунки унинг қарин-доши бўлган Хожи Гирай 1449 йилда Крим хонлигига расмий равишда асос солган (буни биз куйида кўриб ўтамиз). Улуғ Мұҳаммад Витовт саройида узоқ вақт ўтиргандан кейин, янги-дан кучлар тўплаган ва, афтидан, буюк князънинг дўстона ёрдами блан даштни яна қайтариб олган бўлса керак. Ҳарҳолда, у Бароқхондан Саройни урушиб олишга муваффақ бўлган³. Шундай қилиб, Улуғ Мұҳаммад татарлар даштининг анчагина қисмида рақиблашиб юручи хонлар орасида яна бироз вақт энг обрўли хон бўлиб қолган. Бароқхонга келсак, унинг ҳокимияти 5 йилча давом этган. Абдураззоқ Самарқандийнинг сўзи-ча, Бароқхон Мўгулистондаги жангда Султон Маҳмуд ўғлон томонидан 832 ҳижрий йилда (=1428—1429) ўлдирилган⁴. Фа-форийнинг асарида келтирилган бошқа бир фикрга кўра, у бир йил бурун, 831 ҳижрий йилда (=1427—1428) ўлдирилган, шу

¹ В. Г. Тизенгаузен, ўша асар, II т., 256 бет (форсча текст), 196 бет (рус. тарж.).

² Sprüger, ўша асар, 157 бет.

³ В. Г. Тизенгаузен, кўрс. асар, I т., 502 бет (арабча текст), 534 бет (рус. тарж.).

⁴ В. Г. Тизенгаузен, ўша асар, II т., 258 бет (форсча текст), 198 бет (рус. тарж.)

блан бирга, жаңғда әмас, балки амирларнинг фитнаси натижасыда үлдирилган¹.

Шу нараса характерлики, бу йиллардаги воқыалар Мисргача ҳам бориб етган, Мисрда, эски традицияларга күра, Олтин Үрда ишлари блан қизиқиши давом қиласы әди. Ал Айнийнинг айтишича, 1427 йил баҳорида Кримни босиб олган Давлат Бердидан хат келган. Хат олиб келган киши, Даشتى Қипчоқда алғов-далғовлар давом этмоқда, унда уч ҳоким бир-бирлари блан ҳокимият талашмоқдалар, деб хабар қылган. «Улардан бири — Давлат Берди Кримни ва унга туташ үлкәни эгаллаган: Мұхаммадхон деган бошқа бири Саройни ва унга қарашли ерларни эгаллаган, Бароқ деган учинчиси Темурланг ерларига чегарадош бўлган ерларни ишғол қылган»². Улуғ Мұхаммад блан Бароқнинг кураши блан боғланган воқыаларни тушунмоқ учун Улуғ Мұхаммадхоннинг Туркия султони — Мурод II га 1428 йил 14 марта ёзган хати катта аҳамиятга эгадир. Бу хатда у, ўзидан аввал ўтган хонларнинг Туркия блан ўрнатган алоқалари Бароқ Даشتى Қипчоқни вақтинча босиб олга, кўтарган жанжаллари натижасыда узилиб қолганлигини хабар қылган. Эндиликда, Улуғ Мұхаммаднинг сўзича, унинг қўшини ғолиб чиқиб, «Бароқ блан Мансурни қувлаб юборган». Шундай қилиб, Бароқхоннинг Олтин Үрдадаги ҳокимияти 1428 йил 14 марта қулаганлиги хатдан ма’лумдир, броқ Бароқхоннинг ўлганлигини Улуғ Мұхаммад ҳали билмас әди, бўлмаса, у Мурод II га ёзган хатида бу тўғрида албатта хабар қылган бўлар әди³. Бароқ мағлубиятга учрагандан кейин тезда үлдирилган бўлса керак, юқорида номлари тилга олинган тарихчиларнинг хабарлари ҳам шуни кўрсатади.

Бу хабар бошқа тарихчиларнинг ма’лумотларига тамомила тўғри келади. Бароқхон ҳақидаги хабар ҳам тўғри, чунки Мисрга хат юборилмасдан сал олдин у Сирноқни ва Мовароуннаҳр блан чегарадош бўлган Сирдар’ё районини босиб олган әди. Давлат Бердининг Миср мамлук султонига ёзган хатининг ўзи Кримнинг шу вақтларда Миср блан алоқа қулаганлигини, генуялилар қўл остидаги Крим шаҳарларининг, айниқса Кафанинг Қора дengiz блан Ўрта дengiz бўйларидаги мамлакатлар блан катта савдо олиб борганлигини кўрсатади. 1428 йилда Даشتى Қипчоқда бошланган тоун, тўғрироғи ўлатнинг тарқалишига эҳтимол шу алоқалар сабаб бўлган бўлса керак. Ал Макризий ма’лумотича, бу ўлат 1430 йилгача давом қылган. Ўлат Кримга

¹ В. Г. Тизенгаузен, ўша асар, II т., 271 бет (форс. текст). 212 бет (рус. тарж.).

² В. Г. Тизенгаузен, ўша асар, I т., 502 бет (араб. текст), 534 бет (рус. тарж.).

³ Akdes Nîmet Қиграт, ўша асар, 8 бет.

ҳам ёйилиб, кейин Фарбий Европага ўтган ва ундан Мисргача етиб бориб, ҳамма жойда одамларни қирган¹.

Яна Улуғ Мұхаммадга (Мұхаммадхонга) қайтайлик. У Давлат Бердидан Қримни тортиб олиш ниятида, Витовтнинг ёрдами блан Қримга бостириб кирган. Улуғ Мұхаммадни Қримда Едігейнинг қариндошлари ва Шириң хонадонининг а'золари құллаб-қувватлаган бұлсалар керак. 1430 йилда Витовт ўлгандан кейин, Улуғ Мұхаммаднинг ахволи кескин суратда ёмонлашган. Литванинг ўзида марҳум князънинг қаттиққұллик блан ўрнатған бирлиги бузилиб, иккى группировка ўртасида низо'-жанжаллар бошланиб кетган. Кейстутнинг ўғли Зигмунд Витовтнинг тахт вориси Свидригайлого рақиб бўлиб чиқкан. Улуғ Мұхаммаднинг Свидригайло блан алоқани узишига нима сабаб бўлганлигини айтиш қийин, ҳархолда, Улуғ Мұхаммад 1433 йилда Свидригайлодан айнаб, Зигмунд группировкасиға қўшилганлиги фактдир². Литва князълари Ўрдада литвалиларнинг та'сирини ўтказадиган ва Москва блан курашда уларнинг қуроли бўлиб хизмат қила-диган татарлар блан иттифоқда бўлишга жуда ўрганиб қолган бўлсалар керак. Шунинг учун Свидригайло Даشت Қипчоқда раҳбарлик ролини да'во қилучи янги одамни қўллаб-қувватлай-бошлаган. Тўхтамишхоннинг ўғли Сайд Аҳмад худди ана шундай да'вогарлардан бири бўлиб чиқкан.

20-нчи йилларнинг иккинчи ярмidaeқ Улуғ Мұхаммад қўлга киригтан ютуқлар, айниқса Бароқхонни еңгандан кейин қўлга киригтан ютуқлар шу қадар катта бўлганки, у ўзи блан рақиблашиб юручи хонларни бугун-эрта ўзига бўйсундирадигандай бўлиб қолган. Броқ марказдан қочучи кучларни бартараф қилиш мумкин бўлмаган. Литва ҳам, инчунун Русь ҳам Олтин Үрданинг мустаҳкамланишини истамас эдилар. Шу нарса характерлики, Үрданинг ишларидан яхши хабардор бўлган Василий Кўр ўз душмани Улуғ Мұхаммадни кучсизлантириш учун тезда Сайд Аҳмадни тан олган. Марказий хон ҳокимиятини тиклаш ўрнига яна сиёсий тартибсизлик бошланиб кетган, бунда бирвақтда бирнечча рақиб — Улуғ Мұхаммад, Сайд Аҳмад ва янги да'вогар Кичик Мұхаммад (Темурхоннинг ўғли) бир-бираiga қарши ҳаракат бошлаган. Марказдан қочучи кучларнинг бу гирдобида Улуғ Мұхаммаднинг ахволи ой сайин ёмонлашаборган. Зигмунд Витовт сингари обрўли ва ишончли дўст бўлиб чиқмаган, бунинг устига, Литвадаги ишлар Зигмунднинг Свидригайло блан яқинлашишини талаб қилган, бу эса Улуғ Мұхаммадни яккалаб қўйган. Сайд Аҳмад айниқса Эски Қрим шаҳрини босиб олгандан кейин унинг ишлари олдинга қараб кетган. Хуллас,

¹ В. Г. Тизенгаузен, ўша асар, I т., 428 бет (араб. текст), 442 бет (рус. тарж.)

² Spuler, ўша асар, 161—162 бетлар.

рақибининг ютуқлари сиқуви остида Улуг Мұҳаммад (рус. йилномаларида Махмет, Улу-Махмет деб юргизилади) Дашиби Кипчоқни ташлаб, Волганинг юқори қисмига кетишга мажбур бўлган ва унда 1437 йилда Белев шаҳрини босиб олган. Броқ у шаҳарни қўлида тутиб қолаолмаган, чунки Василий Кўр тўплаган рус қўшинлари 1438 йилда Белев ёнида татарларни тор-мор қилган¹.

Буерда биз Олтин Үрданинг парчаланиб кетишидаги қизиқ моментлардан бирини кўрамиз. Рус историографиясида, Улуг Мұҳаммад 1437—1438 йилларда Қозонни босиб олган² ва Қозон хонлигини барпо қилган, деган традиция узоқ вақтгача ҳукм суріб келган.

В. В. Вельяминов-Зернов ўзининг «Исследование о Касимовских царях и царевичах» («Қосим подшоҳлари ва шаҳзодалари тўгрисидаги тадқиқот») деган катта, ҳозиргача етарли даражада қадрланмай ва фойдаланилмай келаётган асарида, Қозон хонлигини Улуг Мұҳаммад барпо этган, деб уқтиради ва Қозон подшолигига 1445 йилдагина асос солинган, дейди. Шу йили, бирнече йилномалардаги ма’лумотларга кўра, Қозонни Улуг Мұҳаммаднинг ўғли Махмутек босиб олган³. В. В. Вельяминов-Зерновнинг фикрига қўшиламиزمи ёки қўшилмаймизми, бундан қат’и назар, Улуг Мұҳаммаднинг Москва давлатига яқин жойда яшаганлиги ва шу йилларда Москвага катта зиёни етказганлиги фактдир. Масалан, 1439 йилда у Москва атрофига ўт қўйиб, Москва деворлари тагида ўн кунгача турган⁴. Орадан бирнече йил ўтгандан кейин биз уни Нижний Новгородда кўрамиз. 1445 йил баҳорида у ўзининг икки ўғлини — Юсуф блан Махмутекни Василий Кўрга қарши юборган (рус. йилномасида Юсуф Еқуб деб юритилади). 1445 йил 7 июльда Ефим монастири ёнида жанг бўлган; Василий Кўр фақат тор-мор қилинибгина қолмай, балки асир қилиб ҳам олинган. Лекин у асирликда узоқ турмаган: Улуг Мұҳаммад жуда катта ҳақ (викуп) олиб, уни ўша йилнинг 1 октябринда уйига жўнатиб юборган.

Ҳарҳолда, XV асрнинг биринчи ярмидаёқ биз Олтин Үрдадан иккита энг бой ва маданий ўлка — Крим блан Булғорнинг ажralиб чиқиб кетганини кўрамиз. Бу иккита ўлканинг ажralиб чиқиб кетиши марказдан қочучи феодал кучлар бошлаган найрангнинг тугалланишидир. Бу найранг ўғлон (шаҳзода)лар, хонлар, амирлар ҳамда бошқа нуфузли шахслардан иборат ярим кўчманчи ва кўчманчи феодалларни ўз гирдобига тортган эди.

¹ ПСРЛ, VIII, Воскресенская, 107; VI, Софийская вторая, 150—151 бет. — В. В. Вельяминов-Зернов. Исследование о Касимовских царях и царевичах, 7 бет.

² В. В. Вельяминов-Зернов, ўша асар, 5 бет.

³ В. В. Вельяминов-Зернов, ўша асар, 6—7 бетлар.

⁴ В. В. Вельяминов-Зернов, ўша асар, 7 бет.

Крим хонлиги ва Қозон хонлигининг ташкил топиши Олтин Үрданинг бутунлай деярли күчманды давлатга айланғанлигини билдирада эди. Эндилікда Олтин Үрда құл остида Күйбішевдан то Астраханьгача борадиган, лекин қаттың шикастланған Поволжье қолган эди. Аммо бу ҳам вақтінча қолган эди. Аслинн олғанда, Поволжье Олтин Үрданинг деңқончилик блан тирикчилик қиласында шаҳар базасында эга бўлган бирдан-бир жойи эди. Олтин Үрда гуллаган даврда, Булғор ерларидан ва Қримдан бошқа, қишлоқ хўжалиги ва шаҳар ҳаёти равнақ топған энг бой Хоразм ҳам унга қарар эди. Бу барча ўлкаларни Олтин Үрдадан ажратиб юборган феодал тўполонлари уни (Олтин Үрдани) фақат Русь, Литва ва Польшанинг тараққиети учунинна эмас, балки Олтин Үрдадан ажралиб кетган ва темурийлар ерлари составига кирган Хоразм, шунингдек, Крим ва Булғор (ёки Қозон) подшоликлари тараққиети учун ҳам очиқдан-очик бир ғовга айлантириди. Тарих фанида бу подшоликларни ёки хонликларни Олтин Үрданинг давоми ҳисоблаб, уларни татар хонликлари деб аташ расм бўлган.

Гарчи XV асрда татарларнинг асосий кўпчилиги кўчмандилардан иборат бўлса-да, лекин Крим масаласига келгандан шундай деб аташ бирмунча ҳақиқатга тўғри келади. Крим деңқончлари ва хусусан унинг шаҳар аҳолиси масаласига келсақ, буерда анчагина қурама группалар бўлган. Шаҳарларда арманлар, греклар, яҳудийлар кўп бўлган, европалиларнинг айниқса генуялилар блан венециялиларнинг ҳамда русларнинг ҳам колониялари бўлган. Деңқончилик блан шуғулланған халқнинг этник состави ҳали етарли даражада ўрганиб чиқилмагани учун аҳолининг кимлардан иборат бўлғанлигини аниқ кўрсатиб бераолмаймиз. Кримда кўчманди татарлар анчагина бўлган, албатта, бу кўчманди татарлар составига мўғуллардан ташқари қипчоқлар ҳам кирада эди, XV асрда уларнинг ба'зига группалари (асосан энг камбағал табақалар) ўтроқ деңқончиликка (биригич галда, полизчилик ва боғдорчиликка) кўчабошлигар бўлсалар керак. Булғор ёки Қозон подшолигида (хонлигига) аҳвол бошқача бўлган. Мамлакат қадимдан, жуда бўлмагандай X асрдан бошлиб, деңқончилик мамлакати бўлиб келган. Деңқонлар меҳнати иқтисодий ва маданий ҳаётнинг асоси бўлган Булғор ўлкаси илк Ўрта асрнинг бошидан то охиригача Қуйи Волтага ва кенг қипчоқ даштларига ғалла етказиб бериб турган. XIII—XIV асрлар давомида ва XV асрнинг биринчи ярмида Булғор халқига этник жиҳатдан ҳам, маданий жиҳатдан ҳам мўғулларнинг та'сирин кам бўлган. Бунинг ўрнига, Булғор ва унинг аҳолиси Қуйи Поволжье шаҳарларига ҳамда даштга фақат иқтисодий жиҳатдангина эмас, балки маданий жиҳатдан ҳам та'сир кўрсатиб келган. Татарларнинг иккى асрдан ортиқроқ ҳукмронлик даврида қипчоқ-мўғул элементларининг Булғор

ўлкасидаги аҳоли составига бирқадар кирғанлигини албатта инкор қилиб бўлмайди, броқ бу масалада антропологик ма’лумотлар жуда камдан-камдир. Демак, Қозон подшолигининг ташкил топишига татар хонлигининг вужудга келишидир, деб қараш ярамайди. Фақат династия ва қўшингина татарлардан ва бошқа келгиндилардан иборат бўлган. Халқнинг асосий кўпчилиги эса (гарчи унга қипчоқ-татар тили доимо та’сир кўрсатиб келган бўлса-да) тубжой булғор халқидан иборат бўлган. Шундай қилиб, Булғор ўлкасининг ички тарихи нуқтаи назардан одамнда, Қозон хонлигининг ташкил топишини 1437 ёки 1445 йилларда Улуғ Муҳаммад ёки унинг ўғли Махмутек бошчилигига келган татар улуси томонидан булғор халқининг тамомила тоби’ қилинишидир, деб қаралмоғи керак. Қозон хонлиги Москвага яқин эди, 1449 йилда Хожи Гирай барпо этган Крим хонлиги эса ундан узоқ эди. Табиий, Қозон хонлиги блан дўст бўлиш қийин эди. У Москва Русининг чегараларида турар ва у блан кураш олиб бориш керак эди; Крим — бошқа масала, ундан вактича иттифоқчи ва ҳатто асл рус манфаатлари учун курол сифатида фойдаланиш мумкин эди. Василий Кўр ва хусусан Иван III юритган сиёсаларида ана шу мулоҳазаларга амал қилганлар.

Олтин Үрданинг парчаланиши энг маданий обlastълар (ўлкалар)нинг ундан фақат ажралиб чиқиб кетиб, мустақил подшоликлар сифатида ташкил топишидагина ифодаланмай, балки Русь территориясида ҳамда Литва қўл остидаги рус ерларида маҳсус татар вассал князъликларининг пайдо бўлишида ҳам ифодаланди: биз буерда Москвага вассал бўлган Қосимов князълигини ва Курск обlastида жойлашиб, Литвага вассал бўлган ва қарийб 1438 йилда ташкил топган кичик Jagoldai князълигини назарда тутгамиш¹. Иккинчи князълик кўп яшамаган, биринчиси эса узоқ вақт (200 йилдан ортиқроқ) яшаб, таркиб топган территориясида ўзидан кейин анча-мунча из қолдирган. Бу князъликнинг тарихи ҳақида бирнече сўз айтмоқчимиз.

Қосимов князълиги Улуғ Муҳаммаднинг ўғли Махмутекнинг укаси — Қосим томонидан барпо этилган. Қосим ўзининг иккинчи биродари Ёқуб (асли номи Юсуф) блан биргаликда Махмутек та’қибларида қочиб, 1446 йилда ўз отрядлари блан Василий Кўр ҳузурига келганлар. Улар отрядлари блан бирга Москва улуғ князида олти йил хизмат қилганлар. Уларнинг хизмати Москвага керакли ва фойдали бўлиб чиқсан. Бу масалани нуҳта текширган В. В. Вельяминов-Зерновнинг фикрича, Василий Кўр Рязань обlastининг Ока дар’еси бўйидаги Городец, я’ни Мешчерский шаҳарчасини 1452 йилда Қосимга берган². Кейин-

¹ Spuler, ўша асар, 160—161 бетлар.

² В. В. Вельяминов-Зернов, ўша асар, 26 ва ундан кейинаги бетлар.

чалик бу шаҳар уни барпо этган ва Москвага вассал бўлган Қосим номи блан аталган. Василий Кўрни бундай қат’ий ва ма’лум даражада хавфли қадам ташлашга нима мажбур этган? Мешчерский шаҳарчаси атрофидаги жойларни қолоқ, кўпчилиги мажусий ва қисман ислом динини қабул қилган морда ва мешчера қабилалари эгаллаган эди. В. В. Вельяминов-Зерновнинг сўзича: «Бунда дангал бир мўлжал кўзда тутилган: Қозон хонининг укаси бўлмиш подшоваччани керакли пайтда ҳарвақт Қозонга қарши отлантириб, унинг қилмишлари учун жавобгарликдан соқит бўлиш мумкин эди; унинг ёрдамида эса, Қозон хонлигига бўлганидек, мамлакатда ўзаро уруш ва тартибсизликни авж олдириш қийин иш эмас эди: Қозон хонлигига татарларнинг бошқа барча ерларида бўлгани сингари, тахтга ўтириш ҳуқуқлари аниқ белгиланмаган ва бунда суянчиғи ва тарафдори бўлган ҳарбир шаҳзода олий ҳокимиётни да’во қилиб чиқаолар эди. Подшовачча қулай пайт топиб ҳатто Қозон тахтига чиқиб олиши ҳам мумкин эди ва шундан кейин руслар бошқа хонларга қараганда гапга қулоқ соладиган ва хавфсизроқ қўшнига эга бўлар эдилар»¹.

Қосимов князълитининг барпо қилиниши тўғрисида К. В. Базилевичнинг «Ярлык Ахмед-хана Ивану III» («Аҳмадхоннинг Иван III га берган ёрлиғи») деган мақоласида жуда қимматли фикрлар айтилган. К. В. Базилевичнинг сўзича: «Татарларнинг Мешчерский шаҳарчаоига тайин қилиниши Ока дар’есининг қуйи қисмидаги ерларни қўриқлашни кўзда тутарди, бу мустаҳкамланган пунктнинг қулай жойда бўлиши ишга жуда катта ёрдам берган. Татарлар Рязанъга ёки Коломна билан Калуга ўргасидаги Ока бўйларига ҳужум қилгудек бўлсалар, Қосимов татарлари Дон билан Волгага ўтиладиган йўлни кесиб қўйиши мумкин эди»².

Броқ Даشتி Қипчоққа, уерда бўлган воқиаларга қайтайлик. XV асрнинг 40-нчи йилларида даштда Сайд Аҳмад хўжайин бўлиб олган эди. Сайд Аҳмад ғарбдаги қўшиллари — Литва ва Польша блан ёмон муносабатда эди, Литва ва поляк-татар муносабатларини текширган Шпулернинг кўрсатишича, Сайд Аҳмад Литва блан Польша устига доимо босқинчилик ҳужумлари қилиб турган. Сайд Аҳмаднинг 1442 йилда Подоляя ва Львовга, 1444 йилда Литвага ва 1447 йилда яна Подоляяга қилган юришлари ана шундай юришлар эди³. 1449 йилда Литвага айниқса қаттиқ зарба етказилган, бу вақтда Сайд Аҳмад Кейстутнинг невараси, Литванинг ис’ёнчи шаҳзодаси Михалушканинг Киевни эгаллашига ёрдам берган⁴. Бу вақтда Литва Польша блан бирлаштирил-

¹ В. В. Вельяминов-Зернов, ўша асар, 27—28 бетлар.

² К. В. Базилевич. Ярлык Ахмед-хана Ивану III. Вест. Москв. Univ., 1948, № 1, 32 бет.

³ Срилэг, кўрс. асар, 166 бет.

⁴ Срилэг, кўрс. асар, 166—167 бетлар.

ган ва 1447 йилдан бошлаб Казимир IV қўл остида умумий бир подшоға бўйсунганди.

XV асрнинг 20-инчи йилларидан, Давлат Берди замонасидан бошлаб, Кримнинг мустақил бир давлат бўлиб олишга ҳаракат қилишига қарамай, бир-бирови блан рақиблашиб юрган хонларнинг йириги (Улуғ Мұхаммад ёки Сайд Аҳмад) ўз қўлидан Кримни чиқариб юбормасликка ҳаракат қилган. Броқ бу вақтда Кримнинг ўзига алоҳида яшаш тенденцияси жуда кучли эди. Катта савдо оборотларига эга бўлган дастлабки Олтин Ўрдадан энди фақат энг қолоқ кўчманчилар қисмигина қолтандан кейин Кримни Олтин Ўрда блан нима ҳам боғлайолар эди? Казимир IV Ўрдадаги Сайд Аҳмаддага Даشتி Қипчоқнинг ўзидан хонлик унвонига рақиб ахтармаса ҳам, ҳарҳолда, унга доимо хавф-хатар солиб туручи ғанимни зўр бериб қидирар эди. Бундай одам Кримдаги Хожи Гирай бўлиб чиқди, у ўзини ҳали расмий равишда Кримнинг мустақил хони деб э’лон қилмаган бўлса-да, лекин уерда амалда ҳукмрон эди. У Казимирнинг ёрдами блан 1449 йилда ўзини Крим хони деб ҳам э’лон қилди¹.

50-инчи йилларда биз Сайд Аҳмаднинг фақат Литвагагина эмас, балки Москвага ҳам ҳужумлар қилганини кўрамиз. Бу хоннинг 1451 йилда Москвага юриш қилгани ва шаҳарга энг яқин жойларни жуда ёмон хароб қилгани ма’лумдир. Сайд Аҳмад Литвага қилган ўз юришларидан бирида (1455 йилда) Киев князи Семён Олелькович билан жанг қилди. Бу жангда у тор-мор қилинди ва ҳатто асири ҳам туҳди. 1457 йилдагина у асирилдан қочиб кетишга муваффақ бўлган. 1459 йилда биз Сайд Аҳмаднинг Ока дар’ёси бўйидаги русларга қарши татар қўшинига бошчи бўлиб келганилигини кўрамиз, бу юриш, 1460 йилда Рязань устига қилинган юриш қандай муваффақиятсиз чиқсан бўлса, худди ўшандай оқибатсиз бўлиб чиқсан ва татарларга ҳечқандай фойда бермаган.

Шарқий Европадаги ҳалқаро муносабатлар вазияти талончилик юришларига ружу қилган Олтин Ўрда хонларининг ўйлаган пиятларига батамом тескари бўлиб чиқабошлади. Татарларга қарши иттифоқ тузиш ва биргаликда ҳаракат қилиш учун жуда қулай пайт келганилигини Василий Кўр блан Казимир IV яхши лайқардилар. Броқ амалда шундай бўлиб чиқмади, чунки Крим хони Хожи Гирай Казимир IV нинг Улуғ Новгородга бўлган да’воларини 1461 йилда қўллаб-қувватлашга ва’да берган эди, бу ҳол эса Казимир IV нинг Москва князи Василий Кўр блан орасини бузуб, жанжал чиқармай иложи йўқ эди². 1462 йилда Василий Кўр вафот қилиб, Москва тахтига Иван III ўтирди. Иван III Катта ёки Улуғ Ўрдага (XV асрда рус тарихчилари Даشتи Қипчоқдаги татар Ўрдасини кўпроқ шундай деб атар эдилар) нисба-

¹ Spuler, ўша асар, 168 бет.

² Spuler, ўша асар, 172 бет.

тан оқилюна ва жуда ғайрат блан сиёсат юргизди. Иван III нинг энг яқинидаги душманни Қозон хонлиги бўлиб, уни мумкин қадар тезроқ йўқотиш кераклигини ва лекин дашт эса аввалгича асосий душман бўлиб ҳолишини Иван III яхши тушунарди. Сайд Аҳмад Москвага охирги марта 1465 йилда катта юриш (хужум) қилиб келган. Аввалги юришлар сингари, бу юриш ҳам муваффақиятсиз чиққан, чунки русларнинг берган кучли зарбасига Ҳожи Гирай қўшинларининг Крим томондан қилган ҳужуми келиб қўшилган эди. Крим хонининг ҳужум қилиши аввалдан келишиб қўйилган-кўйилмаганини айтиш қийин. Афтидан, келишилматан бўлса кепрак. Об'ектив жиҳатдан олиб қаралғанды эса, Крим хони Москвага ёрдам қилган. 1465 йилда Русъга муваффақиятсиз юриш қилгандан кейин Сайд Аҳмад тарих саҳнасидан тушиб, ўрнини Улуғ Үрдада хонлик таҳтининг янги да'вогари, XV асрда Даشت Қипчоқда рақиблashiб юрган хонларнинг сергайратлиси, Кичик Муҳаммаднинг ўғли Аҳмадга бўшатиб берган. Броқ Аҳмадҳои қанчалик ғайратли ва шижоатли бўлмасин, унинг тутган сиёсати (буни билан қўйида қўриб ўтамиш) тамомила истиқболсиз бир сиёсат бўлиб чиқди, чунки Русь блан Улуг Үрдадаги кучлар писбати тўғридан-тўғри Москва фойдасига ҳал бўлди.

Москва феодал тарқоқликни муваффақият блан бартараф қиласа оладиган, ҳатто Олтин Үрда батамом орқага кетаётган даврда татарлардан ҳам кўра жиддийроқ душманни енгаолишга қодир қўшин тўплайоладиган бой ва қудратли давлатга айланабораётган эди. Москва бу вақтда оқилюна сиёсат юргизган, жумлаша, Крим хонининг Улуғ Үрдага бўлган душманлигидан фойдаланабилган. Гирайларнинг машҳур Қрим династиясига асос солган Ҳожи Гирай 1466 йилда вафот қилган. Даствабки икки йилда Қримдаги ҳокимият Ҳожи Гирайнинг ўғли Нур Давлат қўлига ўтган. Броқ унинг Менгли Гирай деган туғишган укаси шижоатли рақиб бўлиб чиқкан. Нур Давлат Қримда укасига қарши узоқ вақт кураш олиб бориб, кейин эса Литвага қочиб кетишга мажбур бўлган ва уердан Русъга кўчиб ўтган¹.

Нур Давлат Русъда узоқ вақт яшаб, Иван III га ҳалол хизмат қилган ва тахминан 1491 йилда вафот этган². Манба'ларнинг кўрсатишича, у руслар томонида туриб Аҳмадхонга қарши курашда бирнечча марта қатнашган, бунинг эвазига у 1486 йилда³ Қосимов, ёки, ўша вақтда айтганиларича, Городецкий князи қилиб тайинланган. Иван III нинг Қрим хони Менгли Гирай блан ёзнишган хатларида Нур Давлатнинг номи тез-тез тилга олинади, шу блан бирга, Москва ҳукмдори, Менгли Гирайга ма'қул келадиган иш

¹ В. В. Вельяминов-Зернов, ўша асар, 127 ва ундан кейинги бетлар.

² В. В. Вельяминов-Зернов, ўша асар, 144 бет.

³ В. В. Вельяминов-Зернов, ўша асар, 138 бет.

қылмоқчи эканлигини, шу сабабдан «ўз хазинасига зарап бўлса ҳам, унинг биродарлари Нур Давлат блан Ҳайдарни»¹ боқаётгалигини айтишни унутмаган. Броқ, Нур Давлатнинг таржимаси ҳолида ҳали аниқланиши лозим бўлган қоронғи жойлари бор.

Иван III нинг Менгли Гирай блан ёзишган дипломатик хатлари Москва учун оқилона ва фойдали бир қадам эди. Аҳмадхон блан Қазимир IV га қарши иттифоқ тузиш учун 1474 йилда Қримдаги Менгли Гирай ҳузурига бояр Микита Васильевич Беклемищев бошчилигига элчилар юборилиши бу жиҳатдан жуда қизиқ ва ибратлиидир².

Иван III Литва блан Польшага қарши Қрим хонлигини ўз томонига зўр бериб оғдиришга ҳаракат қиласади, Польша эса, Қримдаги мавқини тобора йўқотабормоқда эди. Менгли Гирай Қримдаги барча ишларни ўз қўлига мустаҳкам олиб олган шубҳасиз ақлли ва серғайрат бир хон эди. Генуя колониялари, айниқса генуялilarнинг Қримдаги савдо маркази бўлган Кафа Менгли Гирайнинг э’тиборини тортмай иложи йўқ эди. 1474 йилдан 1478 йилгача ўтган давр — Қрим хонлиги тарихида энг қоронғи ва мунозорали бир даврdir.

1469 йилги воқиаларнинг бўлганлиги аниқ, ҳужжатларда улар ҳақида ма’лумотлар бор³. Масалан, Менгли Гирайнинг 874 ҳижрий йилнинг 18 Раббиуссоний (=1469 йил 25 октябрида) турк султони Мұхаммад II га⁴ ёзган хатидан ма’лум бўлишиба, худди шу йили Туркия султонининг Ёқуб қўмондонлиги остидаги қўшини Кафага ҳужум қилиб, уни талаган.

Менгли Гирайнинг 1475 йил 15 февральда яна ўша Туркия султони амалдорларидан бирининг номига ёзган иккинчи бир хатида жуда қизиқ ма’лумотлар бўлса-да, лекин бу ма’лумотлар унча аниқ эмас. 1475 йилда кимдир Кафани босиб олиб, Менгли Гирайни зинданга солган. Кедук Аҳмад подшо бошчилигидаги турк қўшини 1475 йилнинг бошларида Менгли Гирайни зинданга озод қилиб, Кафанинг мустақиллигини йўқ қилган ва ўзига бўйсун-дирган⁵. Менгли Гирайни зинданга солган ким экан?

Усмон турклари шундай қилган деб айтишга ҳечқандай асос йўқ, чунки Менгли Гирай зинданга солингандан кейин улар Қримга аскар туширганлар ва Кафани босиб олганлар; Менгли

¹ В. В. Вельяминов-Зернов, ўша асар, 130 бет.

² Сб. Russ. историч. общ., 41 т., 1884, 1—9 бетлар.

³ В. В. Вельяминов-Зернов блан В. Смирнов тадқиқотларидан кейин, К. В. Базилевич Туркияниң Топқапа Сарай архивидаги ёзишмаларни кўриб чиқиб, бу ноа ниқ беш йилни аниқлаш масаласи блан бошқалардан кўра кўпроқ шуғулланган.

⁴ К. В. Базилевич, ўша асар, 36 ва ундан кейинги бетлар.

⁵ К. В. Базилевич, ўша асар, 37 бет. Переписка, хранящаяся во дворце Топкапы Сарай, издана в Стамбуле турецким ученым: Akdes Nîmet Kûrât. Topkapı Sarayı Müzesi Arşivindeki Altın Ordu, Kirim ve Türkistan Hanlarına alt Varlık ve Bitilikler. İstanbul, 1940.

Гирайни генуялилар зиндонга солғанлар, деб ўйлаш учун ҳам ҳечқандай далил йўқ, чунки бунга уларнинг кучи етмас эди. Кафада Менгли Гирай асосий душмани Аҳмадхон томонидан зиндонга ташланган, Аҳмадхон Крим блан бирга генуялиларнинг савдо марказини ҳам босиб олган, деб фараз қилиш мумкин. Менгли Гирай Кафадаги зиндондан озод қилингандан кейин, унинг тақдири нима бўлғанлиги аниқ эмас.

Шарқнинг ҳикоя тарзидаги манба'ларига суюнучи эски тарихий традицияга кўра, Менгли Гирай Туркия султони Муҳаммад II саройига олиб кетилган ва уердан 1478 йилда қайтиб келиб, яна Кримда хонлик қилган, лекин бу сафар у Туркияният вассали бўлган. Рус йилномасининг (Воскресенская йилномасининг) Кримда 1475—1476 йилларда юз берган воқиалар тўғрисидаги ма'lумоти, юқоридаги гапларга жуда тўғри келади. Йилномачининг айтишича, турклар 1475 йилда Крим блан Кафани босиб олиб, Менгли Гирайни хон қилиб қўйғанлар ва шундай қилиб мамлакатнинг хўжайини бўлиб олганлар. 1476 йилда яна ўша йилномачининг хабар беришича, Аҳмадхон Кримга ҳужум қилиб, уни ўзига бўйсундирган ва Менгли Гирайни ҳайдаб юборган¹. Менгли Гирай ўша вақтда Туркияга қочиб кетмаганмикин? Ма'lумки, Аҳмад бу вақтда Кримга ўз одами Жонибекни (русча Зенебек) ҳоким қилиб ўтқазган. Жонибек 1476—1478 йилларда Кримни Аҳмадхон номидан идора ҳам қилган, деб айтишга ҳамма асослар бор. Ҳарҳолда, рус манба'ларида бу тўғрида гапирилади². К. В. Базилевич ҳам 1477 йилда Кримга (Жонибек ҳузурига) борган рус элчилари тўғрисида гапириб, шу факти кўрсатиб ўтади.

Менгли Гирайнинг Кримдаги бу муваффақиятсизликлари муносабати блан Аҳмадхоннинг ҳам 1476 йилда Иван III ҳузурига элчилар юбориши керак бўлган. Москвага хоннинг Бочук номли элчиси келган, у блан бирга кўпдан-кўп моллар блан, кўп йилги ҳайдаб савдогарлар ҳам келган. Элчи Иван III нинг хон қароргоҳига шахсан ўзи боришини талаб қилган, бу эса аллақачон, эсдан чиқариб юборилган одатларнинг қолдиги эди ва бу нарса рус ҳукмдорининг иззат нафсига тегмай иложи йўқ эди. Иван III хон қароргоҳига боришдан қат'ян бош тортиб, ўзининг ўрнига Бестужевни элчи қилиб юборган. К. В. Базилевич 1476 йилги элчилик тўғрисида гапириб, қўйидаги фикрларни айтади: «Улуғ князъ «хирож» тўлашдан бош тортганлиги сабабли

¹ ПСРЛ, VIII, 181, 183 бетлар. — В. В. Вельяминов-Зернов, ўша асар, 112 бет. — Яна унинг асарининг 100—112 бетлари қаралсан. Бу асарда, 1474 йилдан 1478 йилгача бўлган чигал беш йил тўғрисида ҳикоя тарзидаги манба'ларнинг (рус, шарқ, поляк манба'ларининг) барча ма'lумотлари жертвирилган.

² В. В. Вельяминов-Зернов, ўша асар, 123 бет.

хон уни чақирган, деб айтишга ҳамма асослар бор»¹. Автор ўз фикрини жуда жиiddий далиллар блан исботлайди. Биз бу фикрини рад қилмоқчи эмасмиз. Албатта, бу жуда катта роль ўйнаган, броқ гап Иван III нинг «хирож» тўлашдан бош тортишида эмас, балки Иван III га тазиик қилиш учун энг қулай бир пайт келганлигига эди. Чунки Иван III нинг асосий иттифоқчиси Менгли Гирай 1476 йилда Кримни қўлдан бой бериб, мадад ва ҳимоя истаб Туркияга кетишга мажбур бўлган эди.

Менгли Гирай қандай қилиб ва қайси шароитда Туркияning Кримдаги вассал хони бўлиб Кримга қайтиб келганлигини билмаймиз. Фақат бир нарса равшан: Катта Үрда хонининг, я'ни Ахмадхоннинг одамларидан кўра, Гирайларни вассал қилиб тутиш усмон Туркияси учун фойдали эди.

Менгли Гирай 1478 йилда Туркияning вассали сифатида Кримдаги ҳокимият төпасига қайтиб келган бўлса керак². Уша замондаги одамлар бу фактнинг тарихий аҳамиятига тўғри баҳо бераолармидилар. Кейинги Үрта аср даврида усмон Туркиясининг Крим тарихида қандай аянч роль ўйнашини ким олдиндан жаромат қилас билар эди. Қисқаси, XV асрда Крим хонининг вассаллик аҳволи унинг Шарқий Европада юргизган сиёсатида кам та'сир кўрсатди. Крим хони Москва блан ноилож иттифоқ тузиб, Катта (Улуғ) Үрда хони Аҳмад блан Қазимир IV га қарши бориши лозим эди. Иван III жанубда бўлаётган воқиалардан яхши хабардор эди ва воқиаларнинг бундан кейинги боришини ҳисобга олиб, Кримда хонликни иккинчи марта ишғол қўлган Менгли Гирай блан³ ўз элчиси Иван Звенец орқали тегишли музокаралар олиб борди. Айни шу вақтда иккинчи томон ҳам иттифоқ тузиш тўғрисида музокаралар олиб борарди. Аҳмадхон блан Қазимир IV Москва Русига биргаликда ҳужум қилиш учун очиқдан-очиқ тайёрлик кўрмоқда эдилар.

К. В. Базилевич юқорида бирнечча марта тилга олинган мақоласида Шарқий Европада 1480 йил бошларидағи сиёсий вазияти тўғри тушунтиради. «Новгород мустақиллигининг 1478 йилда батамом йўқотилиши,— деб ёзди у— Россияга душман кучларнинг яна активлашувига сабаб бўлди»⁴. Москвага қарши жуда катта коалиция тўпланиб, бунга Қазимир IV, Аҳмадхон, Ливония ордени ва Болтиқ бўйидаги немис шаҳарлари кирган эди⁵. Ёш Рус давлати жуда катта хавф-хатарда қолганлигини гапириб ўтирамаса ҳам бўлади. Ливония ордени блан немис шаҳарлари гарчи русларнинг бир қисм кучини банд қилган бўлса-да, лекин руслар

¹ К. В. Базилевич, ўша асар, 34 бет.

² Spuler, ўша асар, 180 бет.

³ Сб. Русск. историч. общ., 41 том, 1884, 17—24 бетлар,— К. В. Базилевич, ўша асар, 42 бет.

⁴ К. В. Базилевич, ўша асар, 43 бет.

⁵ Ўша ерда.

уларга, айниқса Псковёни магистрига катта талафот етказдилар ва уларнинг ҳужумини қайтардилар. Литванинг ўзида Казимир IV нинг аҳволи оғирлашиб қолган, шунингдек Менгли Гирайнинг Литвага ҳужум қилиш хавфи бор эди. Менгли Гирай ўз отрядлари блан босқинчлик ҳужумлари қилиб, Подолияга ваҳима солмоқда эди. Бу мушқул аҳвол Казимир IV нинг қўлинни шу қадар боғлаб қўйганки, Аҳмадхон 1480 йилда (Москвага қарши ўзининг машҳур юришини бошлаган вақтда Казимир IV у блан биргаликда актив ҳаракат бошлаш имкониятига эга бўлмаган. Бу юриш рус йилномаларида, гарчи ички зиддиятлар блан бўлса ҳам, лекин муфассал суратда тасвирланган. Йилномаларда ўша йилдаги воқиалар турлича акс эттирилган, бунда асосан йилнома авторлари Иван III нинг шахси ва унинг ички сиёсатига ўзларининг муносабатларига қараб воқиаларни тасвирлагандар. Рус историографиясида ҳам Аҳмадхоннинг юриши муфассал ишлаб чиқилган. Бир-биридан деярли қирқ йил олдинма-кетин ёзилган икки асар, я'ни: а) А. Е. Пресняковнинг «Иван III Угра-да»¹ ва б) К. В. Базилевичнинг «Аҳмадхоннинг Иван III га берган ёрлиги»² деган асарлари кишини жуда қизиқтиради. Ока дар ёсикинг ирмоги бўлган Угранинг ҳар иккала бўйикда турган душманлар жанг қилишмагани ма'lум. Нима учун жанг бўлмаганилиги масаласини текширучилар бирнечча марта ўргага қўйганлар. Бизнингча, ҳозирги пайтда бу масала тамомила равшанлашган. Иван III Менгли Гирайнинг ҳаракатлари ва шимолдаги рус шаҳарларини пухта мудофаа қилиш тўғрисида ма'lумот олмоқчи бўлиб, қулайроқ бир фурсатни кутиб тураберган. Аҳмадхон Казимир IV дан ёрдам кутган.

Сўнгги тадқиқотчи К. В. Базилевичнинг хизмати шундаки, у бу масалани ёритмоқ учун Аҳмадхоннинг Иван III га берган ёрлигидан фойдаланган. Аҳмадхоннинг бу ёрлиги рус тилига таржима қилиниб, бизнинг замонимизга етиб келган, лекин К. В. Базилевичдан аввалги тадқиқотчилар бу ёрлиқнинг борлигини билмагандар. Автор бу ёрлиқнинг асл нусха эканлигини исбот қилиб, унинг янги манба' сифатида тарихий жиҳатдан аҳамияти борлигини кўрсатиб берди. Ма'lумки, 1480 йилнинг қиши фасли бошларида Аҳмадхон совуқлар та'sири блан (Казимир IV дан ёрдам олмагандан кейин) ҳарбий вазият Иван III фойдасига ҳал бўлаётганини очиқ пайқаган. Аҳмадхон бундан кейин буерда қолиш хавфли эканлигини билиб, аскарларини лагерьдан кўчириб олиб кетиш ва даштга қайтишга қарор берган. К. В. Базилевич, Аҳмадхоннинг ёрлиги 1480 йил октябрь ойининг охири ва ноябрьшинг бошларида Угра дар ёси бўйидан кетиш пайтида ёзилган, деб исботлайди ва бунда у ҳақлидир³. К. В. Базилевичнинг ўша

¹ Сборник в честь С. Ф. Платонова Петербург, 1911.

² Вест. Моск. унив., 1948, № 1.

³ К. В. Базилевич, ўша асар, 45 бет.

әрлиқдан келтирған сүзларини біз ҳам қуйда келтирамиз: «Агар мен ҳозир дар'е бўйидан кетган бўлсам, бунинг сабаби шундаки, менинг одамларимнинг усти-боши юпин ва отларнинг ёниги йўқ. Қишининг ўрталаридан бошлаб тўқсон кун ўтгац, мен яна сенинг устиннга қўшин тортиб келаман ва сенга менинг лойқатган сувими ни ичишга тўғри келади»¹.

Аҳмаднинг Иван III га юборган ёниги аччиқ тилда ва жуда пўписа қилиб ёзилган. У Иван III дан қуйидагиларни талаб қилади: «Сен менга қарашли ўлпонни (60000 олтинни) 40 кун ичиди юниб бер: 20 000 олтинни баҳорда, яна 60 000 олтинни кузда; кўкрагингга Ботунинг амалдорлик нишонини тақиб юр: бошиннга тепаси ботиқ қалпоқ кийиб юр, чунки сизлар дарбадар күшларсиз-ку, ахир. Агар менга қарашли ўлпонни 40 кун ичиди юниб бермасанг ва Ботунинг амалдорлик нишонини тақиб юрмасанг, каллангдан жудо бўласан ҳамда сенинг серсоч ва патак соқол ҳамма боярларинг менинг ҳузуримга судраб келтирилади; ё бўлмаса, қизил шабро этик кийган менинг амирларим яна сенинг юртингга от солиб, қамчи ўйнатиб борадилар»².

Аҳмаднинг Иван III блан музокара қилганилиги, Иван III нинг шахсан ўзи хон қароргоҳига келишини ва унга «хирож» олиб келишини Аҳмадхон қаттиқ талаб этганлиги йилномада сақланган. Уша йилномада кўрсатилишича, Иван III Аҳмадхоннинг иккала талабини ҳам бажаришдан бош тортган.

Қозон йилномачисида сақланиб қолган шу воқиага оид бошқа бир хабарда айтилишича, Аҳмадхон «эски одат бўйича, ўз оқсоқолларини босма (хон сурати тасвирланган тамға) блан Москва-нинг улуғ князи ҳузурига юбориб, ўтган йиллар учун хирож ва оброк тўлашни сўраган. Улуғ князъ подшонинг дўқидан андак бўлса ҳам қўрқмади ва босмани ерга улоқтириди ва ёёғи тагига олиб мажақлаб ташлади»³.

Контекстдан ма'лум бўлишича, Аҳмадхон 1476 йилда Иван III ҳузурига элчи юборган (бу ҳақда юқорида ҳам айтиб ўтилган эди). Бу галга, асосан унинг «хон сурати битилган тамға»⁴ ҳақидаги галга тарих фанида кўпдан бўён тамомила ишонилмай келинган. Мусулмонлар нуқтаи назарича, Аҳмаддек мусулмон хоннинг бундай қилишига ақл ишонмайди⁵. Броқ бу гап ўзининг символик ма'носини йўқотмаган, чунки 1476 ва 1480 йиллардаги

¹ К. В. Базилевич, ўша асар, 45 бет.

² К. В. Базилевич, ўша асар, 31 бет.

³ ПСРЛ. XIX, Казанский летописец, 6—7.

⁴ П. Мелиоранский. Что такое «басма» золотоордынских послов хана Ахмата. ЗВО, XVII, 0129 бет ва ундан кейинги бетлар.— К. А. Иностранцев. К вопросу о басме. ЗВО, XVIII т., 0172 бет ва бошқа бетлар.— А. А. Спичкин. Татарские байсы. Изв. Археограф. комисс., вып. 29, 1909.

⁵ Машхур турколог П. Мелиоранский (юқоридаги мақоласида) тамгада хон сурати битилганига жайрон колмаса ҳам бўлади, дейдай. Қаранг: П. Мелиоранский, ўша асар, 0131 ва ундан кейинги бетлар.

воқиалар муносабати блан татар истибдодининг тугалиши ва «Олтин Ўрданинг ҳувиллаб қолиши» ҳақида тушунча халқ онгида қолган. Уша Қозон йилномачиси бундай деб ёзади: «Бу эса варварларнинг Боту замонидан бошлаб Олтин Ўрда подшоси Аҳмад ҳукмронлик қилган давргача Рус ери устидан бўлган оғир ва кучли ҳокимияти эди».

Аҳмадхон 1481 йилда Донец дар'ёси бўйида Ойбек блан қилган жанг вақтида ўлдирилгандан кейин, Ўрда айрим қисмларга бўлинниб кетган ва бир-бирови блан курашаётган хонлар орасида кучли давлат барпо қилаоладигани қолмаган. Биргина нарса ҳамон сақланиб келарди: Русьни талаш ва ундан хирож йиғишдек яқин ўтмишнинг эски сарқити — дид ва одатлари қаттиқ ўринашиб қолган эди. Хонлар Русънинг ўзида ҳали йўқотилмаган феодаллашиб боручи кучлардан фойдаланиб, бунинг учун ба'зан вақтинча бирлашар эдилар. Саройдан ёки хонларнинг муваққат жойлашган қароргоҳларидан эски одат бўйича элчилар Москвага бора дилар, лекин улар қидирган нарсаларининг ҳатто озгина қисмини бўлса ҳам ололмай қайтиб келардилар. Бошқача бўлиши ҳам мумкин эмас эди. Русь ўзининг ша'н-шавкатини ғуур блан ҳимоя қиласиган кучли ва мустақил давлатга айланган эди. Уша Қозон йилномасининг 1380 йилги воқиалардан кейин бошланадиган 5-нчи бобини қуйидагича атаси тасодифий эмас. «Олтин Ўрданинг батамом хароб бўлиши тўгрисида; шунингдек, унинг подшоси тўгрисида ҳамда Русь ерининг озод бўлганлиги ва улугворлиги тўгрисида ва шонли Москва шаҳрининг ша'н-шавкати ва тўзаллиги тўгрисида»¹.

¹ ПСРЛ, XIX, 8 бет.



ТЕРМИНЛАР ЛУФАТИ

А

Айл — ўз хўжалигини якка олиб боручи кўчманичи онда.
Амир-ёргу — ясо (қаранг) бўйича иш кўручи бош судья.
Асл — лашкарнинг туб состави (контингенти).

Б

Байса — пайса сўзига қаранг.
Баковул — қўшинини озиқ-овқат ва бошқа керакли анжомлар билан та’минлаш, тушган ўлжа ва ҳоказоларни тўғри тақсимлаш ишиларини бошқаручи ҳарбий амалдор.
Бек — туркча узвон=(ноён, амир).
Битикчи — котиб, судда ёргучи (қаранг) хузуридаги котиб.
Бокка — хотин-қизларнинг бош кийими.
Босқоқ — мўгуллар қўл остидаги ўт-роқ ҳалқ яшайдиган ўлканнинг ноиби (ҳокими).
Булғоқ — тўс-тўполон.

В

Вақиф ҳужжатлари — мусулмонларга қарашли диний муассасалар (мачит, мадраса ва бошқалар)нинг бирор мол-мулкка ёки ундан келадиган даромадга вақтнинча ёхуд доимий хўжайин эканлигини тасдиқлайдиган ҳужжатлар.

Д

Дафтар — ўлка ва шаҳарлардан тушидиган солиқлар рўйхати.
Девон — марказий ва шунингдек вилоят идораси.
Девон-ёргу — суд-ёргу (қаранг) идораси.
Динор — кумуш танга (6 дирҳамга баравар). Олтин Ўрдада, шунингдек, XIV асрда Мовароунахрда бир динор 2 мисқол келарди.
Дирҳам — кумуш танга. Олтин Ўрдада, шунингдек, XIV асрда Мовароунахрда оғирлиги $\frac{1}{3}$ мисқол келарди.
Доруга — хазина фойдасига мажбурият ундиручи бошлиқ, ноиб.

Ё

Ёргу-нома — ясо (қаранг) асосида чиқарилган суд қарорини расмийлаштирадиган ёрлик.
Ёрлик — хон фармони, шунингдек, бошқа нареалар ёзилган, аниқ кўрсатилган қоғоз, ёрлик.
Ёргучи — ясо (қаранг) бўйича иш кўручи судья, суд а'зоси.

И

Изофа — катта талафотга учриягат-тақдирда ҳалқ орасидан тўплана диган лашкар.

К

Калон — экин экиладигин ерлардан олиниадиган ўлпон.

Калончи — ўллон (солиқ) йигучи.
 Канбул — қүшин жанговар сафга тизилгандага унинг ён (фланг) томонини қўриқловчи қисм.
 Кантарп — оғирлик ўлчови (қантар).
 Коризлар — сизот сувларни ер юзасига чиқаручи ерости ариклиари (каналлар).
 Качарчи — ҳарбий юришларда йўл бошловчи.
 Копчур — 1% ва ундан кўпроқ миқдорда подадан олинадиган солиқ.
 Куби — удел, бўлак, ноиблар идора қиласидиган ўлка, вилоят.
 Кул — қўшиннинг жанговар сафга тизилгандаги йирик ҳарбий қисм.
 Кулен (курен) — XIII—XV асрларда қўшиннинг окоп (хандак)лар блан ўраб олингани ҳароргоҳи.

М

Малик — ҳоким, подшо.
Мамлуклар — 1. Ўрта асрларда Яқин Шарқда подшоларнинг гвардияларини ташкил этган сотиб одинган қуллар 2. Миср ҳокимларининг машҳур династияси (1252—1517).
Манқила — ҳарбий юришга чиқсан қўшиннинг олдинда боручи қисми.
Мисқол — тахминан 4,5 граммга баравар бўлган эски оғирлик ўлчови.
Мурчил — ҳарбий юришга чиқсан қўшинда ҳарбий бошлиқларнинг рангларга қараб ўрнатган тартиби.
Мұхтасиб — шаҳар бозорини (нархнаво, тош-тарози, ҳунармандлик ишлабчиқарши нормалари ва бошқаларни) бошқаручи амалдор.
Мучилка — хон ёки амирнинг топшириқларини (булар кўпроқ ҳарбий соҳада бўларди) бажариш учун таважжийлар (қаранг) томонидан бериладиган ёзма мажбуриятлар.

Н

Ноён — мўгулча унвон = (амир, бек).

П

Пайса (байса) — бирор мамлакатга сафар қилучи кишилар кўлига

мўгул хонлари номидан йўлга кепрак бўладиган ҳамма нарсани олиш учун бериладиган пролуск ва мандатлар; булар олти, кумуш, чўяй, бронза ва ёғочдан ишланган таҳтаси щаклида бўларди.
Пакба-лама алифбеси — квадрат ҳат.

Р

Рад, радондоз — ўқсоchar қуролнинг бир тури.
Раёт — дехқон (фуқаро).

С

Сабончи — хўжайинга (помешчика) қарам бўлган дехқон.
Сон — муайян ўлқадан олинадиган лашкарнинг сони кўрсатилган рўйхат.
Суюргал — наслдан-наслга мерос бўлиб ўтадиган ер (лен).

Т

Таважжий (тавачи) — лашкар тўплаш ишларини бошқаручи, жанг пайдида отрядларнинг ҳол-аҳволи тўғрисида ҳарбий бошлиқни хабардор қилиб туручи, отрядларга фармонларни етказиб туручи ҳарбий амалдор.
Тамга — хон мухри; савдо-сотиқдан келадиган йигимлар.
Тархон ёрлиги — ҳусусий шахс фойдасини кўзлаб, барча ва қисман солиқ ҳамда мажбуриятлардан озод этиучи ёрлиқ.
Туман — ўн минг қўшин (амалда ҳардом кам бўлади).
Туман — бир туман (ўн минг) қўшин етказиб берадиган маъмурӣ единица (феодал ери).
Тура — ҳарбий лагерьни мудофаа қилинча ишлатиладиган, бир жойдан иккичин жойга кўчириб юриладиган қурол.
Тюфак — жуда ибтидой тўп-замбарак.

У

Укулька — жангчиларга бериладиган ином.
Улочин — отлиқ чопар (ҳат ташучи).
Улус — хон ёки хон хонадони азосига, шунингдек катта ноёнига (бек, амирга) қарашли удел аҳолиси.

Х

Хабаргири — құшиннинг истаган қисми томонидан юбориладиган разведка.

Ч

Чопор — тұқылған мудофаа қалқони.

Я

Ямчин — чолархона назоратчisi.
Ясо — (Чингизхон ясоси) — мүгулларда өзілмаган, кундالик ҳаётда құлланилған ұкуқ.

Ясоқчи — Ясо бүйича иш күручи судья.

Яфожи — солиқни ә'лон қилучи шахс.

Үртөқчи — арендатор.

Үглон — шаҳзода, валиаҳд.

Қ

Қалантар — оқсоқол.

Қизил тамга — хоннинг катта мухри.

Коровул — құшинларнинг авангарди олдіда боручи құриқчи отряд.


Құшун — құшин ташкил қилишдаги единница („юзлик“).




1-58 РАСМЛАР

XIII-XV АСРЛАРДА САРОЙ БЕРКАДАН ВА ОЛТИН УРДАНИНГ БОШҚА ЖОЙЛАРИДАН ТОПИЛГАН МОДДИЙ МАДАНИЯТ ЁДГОРЛИКЛАРИ



•
Асосан, татарлар бўйсундирган ҳалқарининг мастерлари қўли билан ясалган ёки бошқа мамлакатлардан олиб келинган.



1-расм. Құл тегірмөн тоши.
Саратов районидан топылған.
XIII—IV аср.



2-расм. Омоч тиши.
XIV—XV аср. Собиқ Самара
губернасидан топылған.
Эрмитаж.




3-расм. Бир тахта бронза. Құл арра. XIII—XIV аср (Фрагмент). Сарой Берка
Эрмитаж.




4-расм. Камонни чүзадиган сүяк ҳалқа, гувулловчи сүяк ўқ,
балиқ тутадиган 2 сүяк қармоқ, балиқ тутадиган темир қармоқ.
Сарой Берка.


Эрмитаж.




5-расм. Урчук, терини ишлайдиган сүяк асбоблар, даста фрагменти,
балиқ тутадиган қармоқлар. Булғор.
Эрмитаж.




6-расм. Гүлвата эрігендік сонол ва бронза идешілар.
Сарой Берка.
Эрмитаж.




7-расм. Кумуш ва олттын зеб-зийнат буюлдары
құйицда шылатыладынан төң қолындар.
Сарой Берка.
Эрмитаж.



8-расм. Исирга қуйиладыган қолци, кумүн жа олтын соққалар
ишилаңадыган бронза штами. Сарой Берка.
Эрмитаж.



9-расм. Мұхр узук, бронза перо, ферүза билан пардоzlайған
сопол сиёхдон. Сарой Берка.
Эрмитаж.




10-расм. Мұғулда ёғот әшар. XIII-XIV аср.
Эрмитаж.



11-расм. Кичик камон. XV аср
Эрмитаж.



12-расм. Олтин суви югуртинаған темир дубулға.
Шарқда ишланған. XIII--XIV аср.
Эрмитаж.



13-расм. Нақын жанғовар темир болта (тот тақасининг чопиб
кетаётған рәсми солиған). XIV аср.
Эрмитаж.




14-расм. Олтин нақын солиғиб, Үзбекхон номи ёзилған мүгүлча
(Олтин Ўрда) қылыш. XIV аср.
Эрмитаж.




15-расм. Ўша қиличининг детали (Ўзбекхон номи ёзилган). XIV аср.
Эрмитаж.



16-расм. XV асрда ширкада темир ҳалқачалардан
изилашган совут.
Эрмитаж.





17-расм. „Күяк“ — мүрүла химоя совуги, пүлэгт
пластинканыг ичидэн тангалар қолаб күйнгаган.
Эрмитаж.




18-расм. Хитой газламасыдан тикилған
эркакша камсыз (кафтан). XIV аср.
Эрмитаж.

20-расу. Бронза қадалтан ёй эгар. XV аср.
Эрдэлтэж.



19-расу. Монголын төмөр чадалт.
Хүчинчлийн музей.




21-расм. Қора шохдан ясалған түқа, бронза
гурзи (шестопор).
Эрмитаж.



22-расм. Абдуллахон
(1362—1366) зарб қылдырган
күмүш байсанинг ўнг томони.
Эрмитаж.




23-расм. Кумуш ёзуви чүян байса.
Эрмитаж.




24-расм, 1391 йилда Темур томошидав Қарсақ Пойда уйгурча ҳарфлар билан чигатой тилида ва араб тилинде ёднорлыктаң ёзув.
Умумий күрништىн.
Эрмитаж.




25-расм. 1391 йилда Төмүр томонидан Қарсақ Пойда уйгурча ҳарфлар билан чигатой тиилида ва араб тиилида ёздирилган ёзув.
Эрмитаж.



26-расм. Қайын дарахти пүстлогига ёзилган мүгүл-ча-уйғурча құләзма. Олтىн Үрда территориясида Поволжьенниг Подгориин өдеган қышлогига икни жойдан 1930 йилда топылған.
Эрмитаж.




27-расм. Сфингнинг бронзадан ясалган ҳайкали.
XIV аср. Сарой Берка.
Эрмитаж.




28-расм. Бронза қандил. XIV аср. Сарой Берка.
Эрмитаж.



29-расм. Эшикнинг бронзадан ясалган безак қопламаси. XIV аср.
Сарой Берка.
Эрмитаж.



30-расм. Бронзадан ясалган эник ҳалқаси.
XIV аср. Сарой Берка.
Эрмитаж.




31-расм. Икки бронза құнғироқ. XIV аср. Сарой Берка.
Эрмитаж.




32-расм. Арабча хат
ёзилған мәрмар шамдон.
XIV аср. Бүйі 23,0 см.
Эрмитаж.



33-расм. Хитойча хат ёзилган бронза ойна. XIV аср.
Сарой Берка. Диаметри 15.0 см.
Эрмитаж.



34-расм. Арабча хат ёзилган бронза ойна, XIII—XIV аср.
Сарой Берка.
Эрмитаж.




31-расм. Икки бронза құнғыроқ. XIV аср. Сарой Берка.
Эрмитаж.



32-расм. Арабча хат
әзилгән мәрмар шамдон.
XIV аср. Бүйік 23,0 см.
Эрмитаж.



33-расм. Хитойча хат ёзилган бронза ойна. XIV аср.
Сарой Берка. Диаметри 15.0 см.
Эрмитаж.



34-расм. Арабча хат ёзилган бронза ойна, XIII—XIV аср.
Сарой Берка.
Эрмитаж.



35-расм. Сирланган, нақшлы сопол лаган-товоқ. XIII—XIV аср.
Сарой Берка. Бўйи 9,2 см., диаметри 18,4 см.
Эрмитаж




37-расс. Сирлантан, наклади солой лаган. Лаган тагига (үргэ суга) үрэлж суралт шилланган. XIII—XIV аср. Сарой Берка. Диаметри 19,3 см.

Эрмитаж.




38-расс. Сирлантан, наклади солой лаган. Таган тагига (үргэ суга) үрэлж суралт шилланган. XIII—XIV аср. Сарой Берка. Диаметри 13,8 см.


Эрмитаж.




38-расм. Феруза рангдаги сир берилган сопөз кантарлар. XIII—XIV аср.
Сарой Берка.
Эрмитаж.




39-расм. Сирланган, нақшыл сопол күза. XIII—XIV аср. Сарой
Берка. Бүйі 23,0 см.
Эрмитаж.




45-расм. Сарлар нэгэн бөршигийн солон мүнтийн
XIII-XIV жцр. Сарой Берка. Бүйн 19,4 см.
Эрчимийн.




41-расм. Табиолд лар ишлэгдэг
накылийн суралсан солон кура. XIII-XIV аср.
Сарой Берка. Бүйн 13,6 см.
Эрчимийн.



42-расм. Табиблар иштагадиган нақшили, сирлантан сопол күра. XIII-XIV аср. Сарой Беркә. Эрмитаж.




43-расм. Хүгийнинг нақшили сопол хумчали. Сүн даври (X-XIII аср). Эрмитаж.




45-расм. Штамп техникасыда нақш солиб, арабча
хат өзіншілдік, сирлакмаган солоп кіза.
XIII—XIV аср. Сарой Берка. Бүйі 25,0 см.
Эрмитаж.




44-114. Сирлакмаган солоп ківаца. XIII—XIV
аср. Сарой Берка. Бүйі 16,0 см.
Етап.




46-расм. Сирламаган сопол кувача.
XIII—XIV аср. Сарой Берка.
Эрмитаж.




47-расм. Юкори кисмига афсонавий күш расми со-
лингтан япалоқ күза. XIII—XIV аср.
Бүйн 14,8 см.
Эрмитаж.




48-расм. Штамп ва ўймакорлик техникасида нақшдор қилиб ишланган, сирланимаган сопол шамдон фрагменти. XIII—XIV аср. Сарой Берка.
Бўйи 29,0. см.
Эрмитаж.




49-расм. Мозаика (терма косин) техникасида сиргаб ишланган кинни
Сарой Берка. 68,5x42 см.
Эрмитаж.



50-расм. Мозаика термаси техникасида сирлаб ишланған кошин. XIII—XIV аср. Сарой Берка.
Эрмитаж




51-расм. Сирлаб ишланиб, ҳошиясига хат ёзилган кошин. XIII—XIV аср. Сарой Берка. 24.7×24.7 см.
Эрмитаж.



52-расм. Дасталари аждаҳо сурагида қолиб писсанган оғлини иштә
XIV аср. Сарой Берка. Буйы 130 см. Диаметра 190 см

Эрмитаж.

СВОЙ БЕРДА
ИЗБЫХИШИИХ СРОКИ



53-расм. Сарой Берка шахрининг харобалари, план.

1 — асосий кўгарма ва ханлак; 2 — тупроқдан ясалган тепликлар; 3 — бинозарнинг харобалари; 4 — ўша вактдаги бинолар; 5 — кўл ва дарёлар; 6 — сунъий кўл ва сув омборлар; 7 — сунъ кувурлари; 8 — шахр мазоралари; 9 — чўгоначининг тахминли каламиги; 10 — христианларниң мозорлари; 11 — мусулмонларниң мозорлари; 12 — камалий рус чўгоначининг ўрти; 13 — сув замониги ўйлар. Сарой Берка харобаларининг йўнанишлариниң мозорлари.

МУНДАРИЖА

А. Якубовский. Сўзбоши 5

Биринчи қисм

XIII – XIV АСРЛАРДА ОЛТИН ЎРДАНИНГ ТАШКИЛ ТОПИШИ ВА ТАРАҚҚИЁТИ (А. Якубовский)

Биринчи боб. Мўгуллар келмасдан аввал XI – XIII асрларда	Дашти	
Кипчоқ (Половеклар дашти)		17
Иккинчи боб. XIII аср бошларида мўгуллар ва мўғул истилоси		32
Учинчи боб. Олтин Ўрда (Жўжи Улусайнинг ташкил топиши		50
Тўртминчи боб. Олтин Ўрданинг сиёсий тарихи		61
Бешинчи боб. XIII – XIV асрларда Олтин Ўрданинг социал-иқтисодий ҳаёти.		81
Олтинчи боб. Олтин Ўрданинг давлат тузилиши		103
Еттичи боб. Олтин Ўрдада шаҳар ҳаёти		118
Сакказинчи боб. Олтин Ўрдадаги маданий ҳаётнинг хусусиятлари		134

Иккинчи қисм

ОЛТИН ЎРДА ВА РУСЬ (Б. Греков)

Биринчи боб. Татарлар истилоси арафасида Русънинг аҳволи		151
Владимир-Сузdalъ князълиги		154
Улуг Новгород		158
Галич-Волинъ ери ва Киев		165
Иккинчи боб. Татарлар блан дастлабки тўқишиш. Калка бўйидаги жанг		170
Учинчи боб. Ботунинг юриши (1236 – 1238)		175
Тўртминчи боб. Ботунинг жанубий Русъга иккинчи марта юриш қилиниш (1239 – 1240)		181
Бешинчи боб. Русь ва Олтин Ўрда (хукмронликнинг ўрнатилиши)		185
Олтинчи боб. XIV асрда Олтин Ўрда блан Русь ўртасидаги сиёсий муносабатлар		198
Еттичинчи боб. Россия тарихида татарлар хукмронлигининг аҳамияти тўғрисидаги энг муҳим фикрлар		210

 Учинчи қисм

ОЛТИН ЎРДАНИНГ ҚУЛАШИ (А. Якубовский)

- Биринчи боб.* XIV асрнинг 60—70-нчи йилларида Олтин Ўрдадаги феодал тўс-тўполонлар
- Иккинчи боб.* XIV асрнинг 80—90-нчи йилларида Оқ Ўрданинг юксалиши ва Тўхтамишнинг Олтин Ўрда қудратини тиклашга уриниши
- Учинчи боб.* XIV асрнинг 80—90-нчи йилларида Темурнинг Тўхтамишга қарши кураши
- Тўртинчи боб.* Едигей ва Олтин Ўрда буюк давлатчилигини тиклаш йўлидаги иккинчи уриниш
- Бешинчи боб.* Олтин Ўрданинг парчаланиши

Иловалар

- Терминлар лугати
- 1—53 расмлар
- 1260 йилги Мўгулистон империяси (карта китобнинг охирида берилган)
- Қарийб 1310 йилти мўгул давлатлари (карта китобнинг охирида берилган).
-

223

252

287

319

346

На узбекском языке

Б. ГРЕКОВ, А. ЯКУБОВСКИЙ

ЗОЛОТАЯ ОРДА

И ЕЕ ПАДЕНИЕ

Учпедгиз УзССР — Ташкент — 1956

Таржимонлар:

В. К. Валиев, Р. Муҳаммаджонов.

Редакторлар: *Б. А'замов, В. Валиев, Х. Фаниев*
Техредактор: *С. Губайдуллин.*

Корректорлар: *У. Миралиев, Б. Тошхўжаев.*

Теришга берилди 28/IV-1956. Босишга руҳсат
эттилди 13/XI-1956. Қоғози $60 \times 92^{\prime\prime}_{16}$. Физик
босма л. $25,25+1,0$ вкл. Уч.-нашр. л. $26,4+0,8$
вкл. Тиражи 5000.

ЎзССР Давлат ўкув-педагогика нашриёти,
Тошкент, Ўзбекистон кучаси, 15, Шартнома
№ 55-53.

Баҳоси 18 с. 50 т. Карталар 1 с. 30 т.
Муқоваси 1 с.

ЎзССР Маданият министрилги Ўзгловиздати-
нинг 1-инчи босмахонаси. Тошкент, Ҳамза кў-
часи, 33. Заказ № 680

